

宋

元 脱 脱 等撰

中 華 書 局

卷二七一至卷二八五(傳)第二出

史卷二百七十

列傳第三十

馬令琮 石曦 張藏英 杜漢徽 陸萬友 張廷翰 輔超 解暉 吳虔裕 李韜 蔡審廷 王晉卿 周廣 郭廷謂 張勳

子延濬

從子延澤

趙延進

昭義、彰德、定武、天雄六節度,皆署令琮爲牙校,累授彰德牙內都指揮使、檢校尚書左僕 射,領勤州刺史。令踪少善騎射,嘗從其父平安州及與鎭州安重榮戰,皆有功,由是知名。 晉開運二年,全節卒,令踪起復,拜隰州刺史。 馬令琮,本名令威,避周祖名改之,大名人。父全節,五代史有傳。 漢祖開國,為西京巡檢使。 顯德二年,入爲虎捷左第 全節歷横海、定遠、 周祖受命,

列 傳 第三 + 馬 令 琮 杜 漢 徽 改陳州刺史。

征克州,爲京城四門外巡檢。

世宗嗣位,移隨州。

軍都指揮使。

六年, 兼領建州刺史。

許 懷 日 州 夜 郡 儲 爲 太 監 蓄 以 專 祖 乾德元年,卒,年三十九。 練,以令琮 卽 俟王 位 出 師 刺 充使, 懷州 太祖善之, 又充先鋒都 李筠叛,將親征,召三司 命授團 太祖 指 一練使。 揮使。 甚憐之,錄其子 執 澤、潞 政 言令踪 張美餉 平, 延恩爲殿 爲昭義 兵食, 方 供 億 美言 兵馬 大軍 直 河內 鈐 ٠, 轄。 不 密 可 移 瑜 邇 上黨, 年被疾, 他 郡, 故 詔

杜 漢徽,京兆長安人。 父阿孫,爲太原威勝 軍使。 漢徽有膂力,善騎射, 年十 仕後

唐 武 皇爲廳直隊長。 天成中,累遷護聖軍使。

從 征 鎭州安重榮,改護聖指揮使,贈阿孫爲左贊善大夫。 晉天福六年,與慕容鄴等討安州李金全,生禽指 開運二年,以所部戍深州, 破

揮使孫厚,以功遷

興順指揮使。

八年

於樂壽,殺獲甚衆。

漢 初,從高行周討杜重威於鄴,屢爲流矢所中, 身被重創, 猶力戰, 觀者壯之。 又率所

部 戍鎭州,破 契丹於靈壽,獲車 馬甚衆。

南 獲器甲車帳,遷本軍左第四 周 世宗 征劉崇,漢徽 有戰 功, 軍都虞候 補 龍 捷左第五軍都虞侯,移所部屯安平縣,破契丹於縣

京。家人勸其求醫藥,漢徽笑曰:「我在戎行四十年,大小百餘戰,不死幸矣,安用藥爲?」未 隆三年,出爲天長軍使,移雄武軍使, 宋初, 補本軍都校,領茂州刺史,改領潮州。 知屯田事。是多,被病,即以符印授通判宋鸞,請告歸 從平李筠,又從平李重進,錄功居多。 建

福 中,冀州刺史張建武召補牙校,其後刺史李沖署爲本州牢城軍校。 張 廷翰,冀州信都人。父愼圖,仕周爲兵部郎中。廷翰少慷慨,有智略,善騎射。 契丹入中原,署其黨 晉天

赴闕 周祖 漢 初,就拜刺史,廷翰盡捕殺行通者戮於市。 見其貌魁 (偉,謂樞密使王峻曰:「冀州近邊,雖更擇人,亦無踰廷翰者。」即日遣 爲政寬厚簡易,民甚愛之。 周廣順初,召

還。

在郡八年,契丹將高牟翰數擾邊,皆爲廷翰擊走。

何行

通爲刺史,契丹主道殂,州人共殺行通,推延翰知州事。

顯 德中,歷棣、海、沂三州團 廷翰家富 於財,歲遣人齎金帛北入市善馬, 練使,屢率兵敗淮人,移萊州 ,常得數百 ·匹,貢獻外悉遺貴近,甚獲美譽。

宋初,又歷冀、亳二州。 乾德二年,卒,年,四十七。

列傳

第

三十

張廷翰

吳虔裕

九二八五

九二八六

右 職 吳 虔裕, 及移鎮太原,以虔裕從。 許州許田人。父徽,左屯衞將軍。 開國 **「雅爲引** 進使,轉內客省使。 虔裕少爲郡吏,漢祖 時鎭州節度劉在明卒, 鎭許, 愛其精謹 署以

虔裕率兵巡護。 周 加 討三叛,以虔裕爲 隱帝即位,召爲宣徽北院使。 河中行營都監,率護聖諸軍五千以往。 李守貞出兵五千餘,

設

梯 橋 17,分五 路於長連城 西 北 以禦周 旭。 周祖令虔裕率大軍橫擊之,蒲人敗走,奪其梯

傷大半。師還,賜襲衣、玉帶。

白 此 帝,帝怒, 請 耶? 會 樞 密使楊那 使至而虔裕在坐,即 出虔裕 爲鄭州防禦使。 上言求解 職,隱帝遣 颺言 乾祐 日:「機要重地,非 人諭別日:「樞 末, 誅大臣, 可 急 機之任, 詔 久處,俾後來者迭 入朝, 非卿 命將兵守澶州 不 可, 居 卿 何聽間 口 也 及 使 留 離 字 還 而 陂 以 爲

右 衞、左金吾衞二大將軍 廣 順 初 遣 還,賜以襲衣、 兼 街 .仗使。 玉帶、 鞍 勒 馬。 從 周祖討慕容彦超, 破之。 改汝州防禦使,

戰

敗,遂降

周

祖

- 興國六年, 遷右千牛衞上將軍, 仍判左街仗事。 虔裕掌金吾三十餘年,

端拱

歷

卒,年八十八,贈太尉。

斷不學王彥超七十致仕。」人傳笑之。 虔裕性簡率,言多輕肆。 右金吾上將軍王彥超告老, 虔裕語人曰:「我縱僵仆殿階下」 每朝會及從遊宴,太宗憐其壽高,常慰撫之。 子延彬

至儀鸞副使,延彬子仁美至內殿崇班。

蔡審廷,磁州武安人。曾祖凝, 邢州別駕。 祖綰, 武安遠城三冶使。 父顋,洛州長史。

審廷少能騎射,晉初,應募補護聖散都頭。

前都點檢,從世宗征淮南,審廷隸麾下,預戰紫金山,改副指揮使。 周 **?顯德初,擢爲殿前散員,轉鐵騎副兵馬使。** 從世宗戰高平有功,遷軍使。 太祖爲殿

及車駕還京,幸其官署問之,賜賚甚厚。 宋初,授殿前散都頭指揮使。從征李筠,攻澤州先登,爲飛石傷足,帝賜以良藥、美酒。 尋轉內殿直都虞候,俄改件飯都指揮使。 建隆中,

領富州刺史兼內外馬步軍副都軍頭。

整,太祖過鎭陽,見於行在所,賜名馬、寶劍,命爲鎭州兵馬都鈴轄。 乾德初,授冀州刺史。征太原時,爲北面步軍都指揮使,屯兵易州。 開寶八年,卒,年六十 審廷訓練士卒甚

列傳

第三

+

祭審廷

周窗

張

勳

九

周廣字大均,其先應州神武川人。 父密, 事晉歷鄜、延、晉三鎭節度使。 周廣順 初,

太師致仕。 周 祖 命將討慕容彥超於兗州,以廣爲行營都監。 廣幼從其父爲牙校。 漢初,授供奉官。 賊平,錄 未幾,擢左千牛衞將 功遷右武衞將軍。 軍。 俄 改右神

因 武 領常州刺史兼內外馬步軍都軍頭。 將軍,充鎭淮軍兵馬都監。 從世宗 征准 淮南平 南。 -, 改眉州 旣 得江 北數州,即命廣勞來安集,民甚德之。 刺 史。

原,爲攻城樓櫓戰 宋初, 授隰州 權都部署,師 刺史。 乾德三年, 還,加內外馬步軍副 遷潘州團 練 使, 都 令訓練 軍 頭。 六年, 雄武諸營。 改右 屯衛大將 開寶二年,從征太 軍, 領 都

如故。

太平

興國二年,卒。

淮南,以勳爲申州緣淮巡檢。 張勳, 河南 洛陽 晉開運 因採光州機事聞于朝廷,即命勵率兵同討平之,遂監光州軍 中, 事 留守景延廣爲 典客,延廣 表爲 供 奉 周 世宗將征

官。

充內外巡檢。 後攻黃州,敗吳人於麻城,復破柏業山砦,目中流矢。 遷內園副使。 及征瀛、

莫,以爲霸州兵馬都監。

郴州及桂陽監,以勳爲刺史兼監使。 兵馬都監,遷氈毯使。 還京,命權知許州。 子廷敏爲殿直。 初,征<u>李</u>筠,勳從石守信董前軍,拔大會砦,及敗筠衆於太行,破澤州,皆預有功。 未幾,李重進叛,又詔與石守信、李處耘先率兵進討。 討朗陵,充前軍兵馬都監。 五年,代歸,至揚州卒,年六十八。 |荆湖平,以功就拜||衡州刺史。 太祖甚憐之,錄其 拔揚州,以勳爲 乾德初,克

泣相謂曰:「『張且斬』至矣,吾輩何以安乎! 勵性殘忍好殺,每攻破城邑,但揚言曰「且斬」,頗有橫罹鋒刃者。 將赴衡州,州民皆涕

戴交充使。 武衞、左神武二將軍。 石曦,幷州太原人,晉祖弟韓王暉之子。 建隆三年,再使高麗,遷左驍衞大將軍,護秦州屯兵。 恭帝卽位, 初爲左衞將軍。 天福中,以曦爲右神武將軍。 會高麗王昭加恩,命曦副左驍衛大將軍 西人犯邊,曦率所領擊破 歷漢至周,爲右

列

之,斬渠帥十三人。

俄 知 俘馘數千人。 雄州 太祖 ,代,爲潭州鈴轄。 征晉,曦領兵二千人自澤、潞除道 太平興國中,歷右神武、右羽林大將軍,連知孟 開寶八年,領兵敗南唐軍二千餘于袁州, 至太原,壅汾水灌其城,又益兵千人, 、襄二州,遷領 平梅山、板倉諸 誠 部攻遼州 州 刺 史。 蠻

將軍。 禽廷山 雍 熙四年, 被病請告,詔特給全奉。 以獻。 改知霸州 錄其功,加領 兼部署。 本州 四年,卒,年七十四,赗赙加等。 會陳廷山謀以 專 回練使, 同 知 鎭 平戎軍叛入北邊, 州 淳化二年, 移原州,遷右龍 曦察知之,與侯延濟定 武

僅 以身 張 趸。 藏 英,涿州范陽 後 逢 居道於 人,自言唐相嘉貞 豳 州 市, 引 佩 力 刺之, 人之後。 不死, 唐 末, 爲 舉族為賊孫居道 更所 執。 節 帥 趙 所害。 德鈞 壯之, 藏 英 年十七, 釋而

問,以補牙職。

經三日,

以祭。

卽

詣官首服,官爲

上請而

釋

之。

燕、

薊

間

目

爲「報

讎

張

孝

子。

出 擊之,仆 藏 英後聞 於 地、齧其 居道 避地 耳 噉之, 關南,乃求爲關南都巡 遂 禽 歸 設 父母 位,)檢使。 陳 酒 至 肴 則 , 縛 微 服攜 居道 於前 鐵 穏, 號 匿 泣 居道 鞭 之, 含側 臠 行,何 其 其

契丹用爲盧臺軍使兼權鹽制置使,領坊州刺史。 周廣 [順三年,率內外親屬幷所部兵千

周祖 餘 位,授德州 亡命者以隸軍,願爲主將,得便宜討擊。 人,及養鹽戶長幼七千餘口,牛馬萬計, 頗疑之,令館於封禪寺,俄賜襲衣、銀帶、錢十萬、絹 刺史。未幾,召歸,對便殿,詢 以備邊之策。 世宗悉從之。 舟數百艘, 航海歸周。 藏英請於深州李晏口 以爲緣邊招收都指揮使,賜名 白 匹、銀器、鞍勒馬。 至滄州, 置砦,及 刺 數月,世宗 史李暉以聞。 公誘境 「馬、金 上 卽

藏英途築城李晏口,累月,募得勁兵數千人。

降墾書褒美。 晡,殺傷甚衆。 改濮州 以精騎二千 會遣鳳翔節度王彥超巡邊,爲契丹所圍,藏英率新募兵馳往擊之,轉戰十餘 刺 史,仍領邊任。 值暮收兵, 陣於縣之北,藏英率麾下擊之,自辰及申,士皆殊死戰,內斌遂解去。 契丹遁去。 契丹將高牟翰以精騎數 後因領兵巡樂壽, 千擾邊,藏英逆擊於胡盧河 契丹幽州 聽將姚內斌 偵 北, 里,契丹 知藏英 自 日 兵 解 至

初, 遷瀛州 征 瓦 橋 團練使,并護關南 關, 爲 先鋒都指揮使, 軍 建隆三年,卒於治所,年六十九。 敗契丹騎數 百於關 北。 下固安縣,又改關 孫鑑,自 有 南排陣使。 傳。

陸萬 列 第 蔚州 Ξ + 靈 丘 陸 萬 友 少隸太原爲裨校。 解 暉 漢祖 起義, 擢爲護聖指揮使。 隱帝即位,出

爲天雄軍馬軍都指揮使。

捷左第三軍都指揮 周 祖之起兵 也,萬友預謀。 使。 轉控鶴 右廂都校、領虔州 及踐作,擢為散員都指揮使,領獎州刺史。 團 陳使, 改虎捷右廂、領閬州防禦使。 世宗嗣位,遷龍

帝嗣位,出爲安州防禦使。

州,在郡二年,政務苟簡。 原,克汾、石二州,以萬友爲石州都巡檢使,俄兼知石州,移巡警鳳翔、秦、 師, 任,所至無善政。太宗以其勳舊,恩遇不替,聘其次女爲許王夫人。 命萬友守之。 |宋初,歷||近、蘄二州防禦使。 萬友始業圬鏝,既貴達,不忘本,以銀爲圬鏝器數十事示子孫。 江南平,爲和州防禦使。 雍熙二年,改右監門衞大將軍, 乾德四年, |太宗嗣位, 以爲晉、 |絳等州 改汝州。 開寶中,討南唐,造舟于乐石磯 充河陰兵馬都監。 都巡 性猛暴, 隴。 一檢使。 代 逾 年卒, ,歸,詔 以武 帝 年七 (勇自 以 征 知

力,以父死戎事,得隸兵籍。 解暉 ,洺州臨洺人。父珪, 戍鴈門,與契丹接戰,斬首七級,獲酋長一人。 應募爲州兵,後唐天成中,西 征至劍門,沒於陣。 以功遷奉國 暉 少 有 勇

壯 一百餘 晉 天福中,安重榮反鎭州,因舉兵向闕[1]。 人夜擣賊壘,殺獲甚衆。暉頻中流矢,而督戰自若,顏色不撓,以功遷本軍列校 至宗城(三),晉師逆戰,大破之。 暉募軍

餘,夜入契丹帳擊之,殺獲甚衆, 周 廣順初, 劉崇與契丹侵晉州, 遷本軍第五指揮使。 暉從都部署、樞密使王峻等往接之。 從世宗征淮南,率所部下黃州 暉率敢死士三十 禽刺

宋 初, 步軍都軍頭, 從征澤州, 力戰,目中流矢。 師還,策勳爲內外馬步軍副都 軍

史高弼,遷虎捷第一軍都虞候

建隆 四年,充湖廣道行營前軍戰權 都指揮 使。 潭州 平,降璽書獎論。 偽統軍黃從志據岳州

俘斬數千, 溺死者衆。 改控鶴右第二軍都指揮

使,領高州刺史。

乾德六年,詔領所部軍屯上黨,從李繼勳略太原。 開寶九年,破太原軍於境上,斬首千

餘級,獲馬三十匹。改均州刺史。

所, 食使石彥贇、三率所部先下隆州 賜予有加。 太平興國二年,詔於潞州北 復令與彥贇督戰士隸城西行營,分攻太原。 亂柳石 殺丼州三百餘 圍中築城,名威勝軍 (国); 禽招 ; 討使李詢等六人, ,以暉爲軍使。 劉繼元降,太宗以太原宮女三 從 以獻于 與倘 在

列傳第三十 解暉 李韜

人賜暉,俄以功遷本州團練使,知霸州

九二九四

雍 熙初,充雲、應、寰、朔、忻、代等州都巡檢使。三年,代歸本郡。 淳化二年,被病,上

章告老,改右千牛衞上將軍致仕。 詔未至 而卒,年八十。

編體。 。 **暉鷙猛木強,每受詔征伐,常身先之。** 時稱聽將。 子守顒至內殿崇班、閤門祗候。 人所憚者,暉視之若甚易, 由是頻立戰功,金創

擬韜,韜刺之,洞胸而墜。 城中人悉被黃紙甲,爲火光所照,色俱白,此殊易辨,奈軍士無鬥志何?」 | 韜憤怒曰:「豈有 發,知賊驟至,惶怖失據。 驍將王三鐵降,城遂平,韜由此知名。 食君祿而不爲國致死耶! 兵傅其城。 河朔人。有勇力膽氣,善用矟,爲禁軍隊長。 文珂夜詣周祖議犒軍,留韜城下。 ··」即援稍而進,軍中死士十餘輩隨韜犯賊鋒。 又連殺數十人,蒲軍遂潰,因擊大破之,守貞自是閉壘不敢出。俄 客省使閻晉卿率左右數十人,遇韜於月城側,謂韜曰:「事急矣, 累遷軍校,出爲趙州刺史,移慈州,乾德六年,卒。 時營棚未備,李守貞乘虛來襲,營中忽見火 周祖征三叛, 韜從白文珂攻河中, 蒲有猛將躍馬持戈

監,督戰有功,詔權控鶴都虞侯。克關南,授軍器庫使。 及卽位,補東頭供奉官。 王晉卿,河朔人。少勇敢,爲鄕里所推。 從戰高平,征准甸,每遣宣傳密旨,甚親信之。 周世宗在澶淵,晉卿以武藝求見,得隸帳下。 顯德四年,爲龍捷右第一軍都指揮 洎北征, 為先鋒都

使,領彭州刺史。恭帝即位,出爲濱州刺史。

疾求頤養,改左監門衞將軍,奉朝請。貢重錦十匹、銀千兩以謝,詔不納,以其黷貨愧之也。 捕剪滅,靡有遺漏,自是雖劇賊無敢窺其境。 未幾,詔戍北邊,疆場淸肅。 乾德中,爲興州刺史。 四年,移漢州。時蜀初平,寇盜充斥,晉卿嚴武備,設方略, 開寶四年,復授莫州刺史。 然以賄聞,太祖惜其才而不問。秩滿歸闕,以 在郡謹斥候,善撫循,士卒皆

樂爲之用,邊民安堵。六年八月,卒,年六十七。

券及其壘,廷謂拒之。城中負販之輩率不逞,廷謂慮其亡逸,籍置大寺,遺兵守之,給日食, 射。 補殿前承旨,改濠州中軍使,李景每令偵中朝機事入奏。全義卒,擢莊宅使、濠州監軍。 周世宗攻淮右,南人屢敗,城中甚恐,廷謂與州將黃仁謙爲固禦之計。周師遣諜以鐵 郭廷謂字信臣,徐州彭城人。父全義,仕南唐爲濠州觀察使。廷謂幼好學,工書,善騎

九二九五

列傳

第三十

王晉

卿

郭廷

俾 製防城具,隨其所習,以故周師卒不得覘城中虛 實。

城,直 勝 大 衂 故利 死 周 抵 師爲浮梁渦口, 壽春。 於陸; 者不可 。」仁謙初沮其議,不得已從之,卽輕櫂銜枚抵其橋,麾兵斷笮,悉焚之。 計,焚其資糧 我以舟師銳,故便於水。 命張從恩、焦繼勳守之,廷謂語仁謙曰:「此濠、壽之患 丽 還。 以功授武殿使。 今夏久雨,淮流汎溢,願假舟兵二千,斷其橋 也。 。彼以 周 屠 騎 師 其

周 務 勍 師 滁州 大潰,行德單騎脫 也。」廷謂 周 師 刺 退保定遠,又募壯士爲負販狀,入定遠,偵軍多寡及守將之名。 史、上淮 日:「是可 巡 走。 檢應援兵馬都監 圖 也。」又籍鄉兵萬餘洎 時有以玉 一帛子 女餉|廷謂者,悉拒之,唯取良馬二百匹以獻。 卒五千, 日夕訓 練,依 山銜枚設伏以破之, 還日:「武行德、 以

功

請 蹂 城 援, 走, 躪 死 及 且言 廷謂 者甚 紫金 周兵 止之。 衆。 山 之戰, 旣而 臨, 俄 加本 南唐諸將 援兵不 乞卑辭請 州 重 至, 練使 多歸降者 和,以 周 師急擊,廷謂 · 繕 戈 固 鄰 , 甲, 獨 好。 廷謂以全軍還守濠州, 治溝 夜出 集 壘,常若敵 諸 敢死士千餘襲 軍壘門之外,南望 至。 是 周營, 追不 秋, 大 · 能 及。 焚頭 周 慟 師 而 復至, 車 路 時豪守欲棄 洞 主 周 表于景 周 師

都 廷讚爲和州刺史。 至 山 [陽,見 世宗,特 命攻天長軍,降其將馬贇。 加 宴勞, 賜金 帶、 襲 衣、 良馬、器 又爲樓櫓戰權左右廂都監,俄歸譙郡 皿,拜亳州 防禦使。 以其弟 本州馬步

僕 將,鷹鷂戶 夫所訟, 宋初,從征上黨,再知亳州。 日獻雉冤,田獵戶歲入皮革; 召廷謂爲靜江軍節度觀察留後以代之。 乾德二年,代還,改絳州防禦使。 又有鄉將、都將、鎮將輩互擾閭里,廷謂悉除之。開 州承舊政,有莊宅戶、 兩川平,馮瓚知梓州 車脚戶, 皆隸州

寶五年,卒,年五十四 廷謂性恭謹,事母以孝聞,未嘗不束帶立侍。 子延濬。 廷謂兄廷諭,仕南唐爲太子洗

馬致仕,宋初至秘書監。

廷諭子延澤。

卒,太祖錄延濬爲供奉官,屢使西北,宣諭機事。 延濬字利川。 幼謙和。 初, 廷謂爲靜江軍節度使, 延濬爲桂州牙內都指揮使。 廷謂

命延濬與內藏庫副使劉蒙正掌之。又領八作司,及督治汴河 太平興國初,以內庭宣索及殿前賜賚,移文庫務,未有專領之者。乃置合同憑由印 至

兵葺之。 雍熙三年,改崇儀使。 端拱二年,詔建河北方田,命延濬等五人共往規畫,會罷其務而止。 詔與翟守素、田仁朗、王繼恩往河北,分路按行諸州城壘,

城,與郭載議募亡卒退保劍門,賊敷千來躡其後,擊破之。 淳化四年,李順亂,改西京作坊使,充成都十州都巡檢使。 王繼恩率兵至,以延濬爲先鋒壕 時成都將陷,延濬單騎

列傳

练三

郭廷

謂

趙延

進

九二九七

砦使,即領兵倍道先進。 **賊出探騎數十,延濬悉禽之,盡得賊機事。** 延濬易旗變號,賊不知

覺, 斬關掩入, 斬千餘級。

以應軍須。 繼恩又請延濬知漢州,州經兵燹,廨舍、橋梁、城砦悉毁。 錄功,改洛苑使。 又命率兵屯遂州,劍門鈴轄、轉運使劉錫言其勞,詔書嘉獎。 延濬募軍民葺之,又率州帑

<u>真宗初,改</u>內園使。 代還,會河朔用兵,延濬馳往邊城,按視砦壘。

有倫,爲供奉官、閤門祗侯。

|州城南, 有小園以自娛, 其詠牡丹千餘首。 旨,命爲史館檢討。 年,太宗聞延澤洎右贊善大夫董元亨皆好學,博通典籍,詔宰相召問經史大義,皆條對稱 景德初,卒。元亨亦至虞部員外郎,嘗纘玄門碑誌三十卷。 延澤字德潤,南唐試秘書省正字。 歷國子周易博士、國子博士。咸平中,求休退,授虞部員外鄓致仕。居濠 乾德中,四遷著作佐郎,轉殿中丞、知建州。 聚圖籍萬餘卷,手自刊校。范杲、韓丕皆與之 淳化二

趙延進,澶州頓丘人。父暉,周太子太師。 暉爲偏將時,趙在禮據鄴。 延進頗親學,嘗

與軍 中少年入民家,競取財賄,延進獨持書數十編以歸,同輩哂之。

當軍 職, 改領榮州刺史。 鋒。 漢末,暉領鳳翔節度,未赴鎮,王景崇據城反,命暉爲都招討使擊之。 景崇平,延進奉捷奏以入,授鳳翔牙內指揮使,領貴州刺史。 睢陽有盜數百,各立酋帥,爲民患。 延進以父命,領牙兵千餘悉禽戮 暉徙宋州,亦從爲牙 延進年十八, 屢

之,詔書褒美。

以禁軍大校。」延進自陳好讀書,不願也。 時延進有從兄爲虎捷都虞候、帳前橫衝指揮使,世宗指延進語之曰:「爾弟拳勇有謀,將授 丁外艱,表求持服。 既終喪,周世宗征淮南,延進獻萬縑以助軍,仍請對,世宗召見之。 翌日,授右千牛衞將軍、濠州兵馬鈴轄。 從征瓦

橋關,爲隨駕金吾街仗使。

浙、 蜀平, 專領 潭泉國信使。 宋初,遷右羽林軍將軍、濠州都監。 都事 漢江 開寶二年, 水歲壞隄,害民田,常興工修護, 授右龍武將軍, 會伐圖,以襄州當川路津要,命爲鈴轄,同知州務。 知靈州,以母老願留,得權判右金吾街仗使, 延進累石爲岸,遂絕其患。 入為兩

盛知河中府、梓相青三州。

延進八日成,太宗親試之,大悅。 太平 興國中,大軍平井州,討幽薊,皆爲攻城八作壕砦使。 又令主城北諸洞子。 及班師, 嘗韶督造職具八百,期以半 命與孟玄喆、藥可瓊留

九三〇〇

屯定州

於辱 改爲二陣,前後相副。 滿城 [K], 遼騎坌至: 延進乘高望之, 東西亙野, 不見其際。 衞大將軍、知鎭州。及代,吏民數千守闕借留,詔許留一年。 我師星布,其勢懸絕,彼若持我,將何以濟一不如合而擊之,可以決勝。違令而獲利,不猶愈 士衆疑懼,略無鬥志。 國 遼人擾邊,命延進與崔翰、李繼隆將兵八萬禦之,賜陣圖, 乎?」翰等曰:「萬一不捷,則若之何;」延進曰:「儻有喪敗,則延進獨當其責。」於是 士衆皆喜,三戰大破之,獲人馬、牛羊、鎧甲數十萬。 延進謂翰等曰:「主上委吾等以邊事,蓋期於克敵爾。今敵衆若此,而 翰等方按圖布陣,陣去各百步, 分爲八陣, 俾以從事 以功遷右監門 師次

右 右 (金吾街: 屯衞 俄 大將軍,徙知相州。遷右驍衞大將軍,改知鄧州。淳化初,飛蝗不入境,詔褒之。還,判 改右領軍衞大將軍,出爲高陽關、平戎軍都監兼緣邊巡檢,改鈴轄。知揚州,召入,授 仗事。 至道二年,拜右金吾衞大將軍。咸平二年,卒,年七十三,贈左武衞上將軍。

興國中,頗任以腹心。 進麥狀秀整,涉獵經史,好作詩什,士流以此多之。 子昂,太平興國二年登進士第,至戶部郎中、直昭文館。 <u>延進妻即淑德皇后之妹,故在顯</u>

中,趙思綰據永興叛,周祖護諸將討之,督兵攻城。 輔超, 忻州秀容人,家世業農。 超少勇悍有力,晉開運中,應募隸澶州軍籍。 超率聽勇十七人升雲梯,斫北門樓, 漢乾祐 樓

壞而入,士卒繼進,城遂陷,以功補小校。

宋初,從平上黨,再遷內直都知。 顯德中,從太祖 征淮南,常執銳前驅,定滌、泗,破淮陰,下揚州,以功轉日騎副兵馬使。 太宗卽位,以超爲馬軍都軍頭。

會親征

太原,冒矢石

都軍 攀堞先登,身被十三創,帝嘉其勇,賜錦袍、銀帶、帛五 加 厚 賜。 頭。 俄出補曹州馬步軍都指揮使,領峯州刺史,改欒州。 大舉襲范陽,分兵三路,超隸偏將米信,爲田重 一十段。 進先鋒,取飛狐 詰朝,再 召歸,轉都 乘城,中流矢者八,復 (、 蔚州 軍頭。 ,遷馬步軍 副

京師,從之。 年,復加都軍頭、領澄州 淳化 三年,出爲德州 景德元年,卒,年七十七。 刺 刺史,坐誣 史。 眞宗 即位,加領獎州團練使,眞拜萊州團練使, 奏使者毆殺驛吏,責授右監門衞將軍 、領誠州 以年老願留 刺 史。 五

四方。 論 故一時諸 曰:太祖有天下,凡五代之臣,無不以恩信結之,旣以安其反側,亦藉其威 將吳虔裕、蔡審廷之徒,數從征討,咸有勞績焉。 若馬令琮守河內,儲兵食 力,以鎭撫

列

傳

第

Ξ +

輔 超

校 勘

記

之爲親復讎,亦皆一節之美。 以迎王師; 解暉擊湖南,冒鋒鏑以禽敵將:此忠蓋驍果,尤可稱者。 惟張勳嗜殺,晉卿冒貨,雖立威著勤,所不取也。 漢徽之疾危辭藥,藏英

校勘記

- 因舉兵向闕 安重樂傳 稱其「揚旌 闕 原作「關」。 向闕, 聲言入觀」,注文引宋史解暉傳, 按此是指天福六年安重榮自河北進攻鄰都事,舊五代史卷九八 此句「關」字作「闕」。 通鑑卷二八二
- (三) 宗城 原作「宋城」,據同上二書同卷同篇改。

『事作「南向鄴都,聲言入朝」,也可見作「闕」爲是,據改。

記此

- \subseteq 也。 石彦贇 長編卷二〇作「折彥贇」,注說:「解暉傅作石彥贇。 按折彥贇十一月庚辰復見,暉傅誤
- 常稱北漢軍爲「抖軍」、「抖人」,卷二五四李繼勳傅即有其例。 殺幷州三百餘 長編卷二〇記此事作「殺三百餘衆」,太平治蹟統類卷二作「殺三百人」。按本書 疑此處有脫誤。
- (五) 合同憑由印 「印」原作「應」,據長編卷二〇改。

長編卷二〇改。

公 滿城 原作「蒲城」。 按上文趙延進原屯定州,爲禦遼而進駐此地,不應是遠在陝西的蒲城。 據

宋史卷二百七十二

列傳第三十一

楊 業 子延昭等 王貴附 荆罕儒 從孫嗣 曹光實 從子克明 張

司超

以聽勇聞。 嘗謂其徒曰:「我他日爲將用兵,亦猶用鷹犬逐雉冤爾。」弱冠事<u>劉崇,爲</u>保衞指揮使, 楊業,幷州太原人。父信,爲漢鱗州刺史。業幼倜儻任俠,善騎射,好畋獵,所獲倍於 累遷至建雄軍節度使,屢立戰功,所向克捷,國人號爲「無敵」。

麾下數千騎自 邊事,復遷代州兼三交駐泊兵馬都部署四,帝密封橐裝, 既降,帝遣中使召見漢,大喜,以爲右領軍衞大將軍。 太宗征太原,素聞其名,嘗購求之。 西陘 而出行,由小陘至鴈門北口,南嚮背擊之,契丹大敗。 旣而孤壘甚危,業勸其主繼元降,以保生聚。 師還,授鄭州刺史(1)。 賜予甚厚。 會契丹入鴈門,業領 以功遷雲州 帝以業老於

列

使, 其短,帝覽之皆不問,封其奏以付業。 判鄭州 自是契丹望見業旌旗,即引去。 主將戍邊者多忌之,有潛上謗書斥言

閤門使、

蔚州刺史王侁, 雍 熙三年,大兵北征,以忠武軍節度使潘美爲雲、應路行營都部署,命業副之。 軍器庫使、順州團練使劉文裕護其軍。 諸軍連拔雲、應、寰、 以西上 朔四

州,師次桑乾河,會曹彬之師不利,諸路班師,美等歸代州

朝廷止 州之衆先出。 而 號 但 谷口,以騎士援於中路,則三州之衆,保萬全矣。」、侁沮其議曰:「領數萬精兵而畏懦如此。 漢寧、南北皮室及五押惕隱領衆十餘萬,復陷寰州。 》無敵,今見敵逗撓不戰,得非有他志乎?」

漢曰:「

漢非避死,蓋時有未利,徒令殺傷士卒 趨 功不立。今君賣業以不死,當爲諸公先。」 鴈門北川中,鼓行而往。」文裕亦贊成之。|業日:「不可,此必敗之勢也。」佛日:「君侯素 未幾,詔遷四州之民於內地,令美等以所部之兵護之。時,契丹國母蕭氏,與其大臣耶律 令取數州之民,但領兵出大石路, 我師次應州, 契丹必來拒,即令朔州民出城,直入石碣谷。 先遣人密告雲、朔州守將,俟大軍離代州日,令雲 |業謂|美等日:「今|遼兵益盛,不可與戰。 遣強弩千人列於

縱敵不擊,蓋伺其便,將立尺寸功以報國恩。今諸君責業以避敵,業當先死於敵。」因指 將行,泣謂美曰:「此行必不利。業,太原降將,分當死。 上不殺,寵以連帥,授之兵柄。

陳家谷口曰:「諸君於此張步兵強弩,爲左右翼以援,俟業轉戰至此,卽以步兵夾擊救之,不

然,無遺類矣。」

「上遇我厚,期討賊捍邊以報,而反爲姦臣所迫,致王師敗績,何面目求活耶!」乃不食,三 盡,業猶手刃數十百人。馬重傷不能進,遂爲契丹所擒,其子延玉亦沒焉。 業因太息曰: 力戰,自午至暮,果至谷口。望見無人,卽拊膺大慟,再率帳下士力戰,身被數十創,士卒殆 其 日 切, 美即與侁領麾下兵陣於谷口。自寅至巳,侁使人登托邏臺望之,以爲契丹敗走,欲爭 即領兵離谷口。美不能制,乃緣灰河(四)西南行二十里。俄聞業敗,即麾兵却走。

忠; 獨以 之茂族。 倫,不有追崇,曷彰義烈!故雲州觀察使楊業誠堅金石,氣激風雲。挺隴上之雄才,本川 孤 帝聞之痛惜甚,俄下詔曰:「執干戈而衞社稷,聞鼓鼙而思將帥。盡力死敵, 魂 軍,陷於沙漠;勁果猋厲,有死不回。求之古人,何以加此!是用特舉徽典,以旌遺 面 監 有靈,知我深意。 自委戎乘,式資戰功。 軍 王侁除名,隸金州 可贈太尉、大同軍節度,賜其家布帛千匹,粟千石。 大將軍潘美 。方提貔虎之師,以效邊陲之用;而羣帥敗約,援兵不前。 劉文裕除名,隸登州。 **九節邁**

業不知書 ,忠烈武 勇,有智謀。 練習攻戰,與士卒同甘苦。 代北苦寒,人多服氈罽,業

列

卒樂 走還報天子。」 但 挾 爲 纊 露露 之用 坐治軍事 朔州之敗,麾下尚 衆皆感泣不肯去。 ,,傍不設火,侍者殆僵仆,而業怡然無寒色。 百餘人,業謂 淄州刺史王貴殺數十人, 曰:「汝等各有 矢盡遂死 父母 爲政 妻子,與我俱死 簡易,御 餘亦 下 無 有恩,故 無 益. 也, 生還 山

延貴、延彬並爲殿直 業旣沒,朝廷錄其子供奉官延朗爲崇儀副使,次子殿直延浦、 延訓並爲供奉官, 者。

聞者皆流涕

臂,鬥益急。 定遠軍,徙保州緣邊都巡檢使,就加如京使。 必以從。 |延昭本名||延朗,後改焉。幼沉默寡言,爲兒時,多戲爲軍陣,||業嘗曰:「此兒類我。」每 以崇儀副使出知景州。 太平興國中,補供奉官。 時江、淮凶歉,命爲江、淮南都巡檢使。 業攻應、溯,延昭爲其軍先鋒,戰朔州城下,流矢貫 改崇儀使,知 征

頓中山 堅滑 戰至,衆心危懼,延昭悉集城中丁壯登陴,賦器甲護守。會大寒,汲水灌城上,旦悉爲冰, 不可上。 咸平二年多,契丹擾邊,延昭時在逐城。城小無備,契丹攻之甚急,長圍數日。 延昭與楊嗣、石普屢請益兵以戰,潛不許。 契丹遂潰去,獲其鎧仗甚衆。 以功拜莫州刺史。 及潛抵罪,召延昭赴行在,屢得對, 時眞宗駐大名,傅潛握重兵 契丹每 訪

以 邊要。 帝甚悅,指示諸王曰:「延昭父業爲前朝名將,延昭治兵護塞,有父風,深可嘉也。」

厚賜遣還

以勇聞,將收其後效。」即宥之。六年夏,契丹復侵望都,繼宣逗遛不進,坐削秩,復用延昭 爲都巡檢使。時講防秋之策,詔嗣及延昭條上利害,又徙寧邊軍部署。 兵援之,未成列,爲契丹所襲,軍士多喪失。命李繼宣、汪汀代還,將治其罪。帝曰:「嗣輩素 外,以忠勇自效。 敗,獲其將,函首以獻。 是多,契丹南侵,延昭伏銳兵於洋山西,自北掩擊,且戰且退。及西山,伏發,契丹衆大 朝中忌嫉者衆,殷力爲保庇,以及於此。」五年,契丹侵保州,延昭與嗣提 進本州團練使,與保州楊嗣並命。 帝謂宰相曰:「嗣及延昭,並出

凝、 可襲而取。」奏入不報,乃率兵抵遼境,破古城,俘馘甚衆。 人馬俱乏,雖衆易敗,凡有剽掠,率在馬上。 願飭諸軍,扼其要路,衆可殲焉,即幽、易數州 屯 馬村西以護屯田。斷黑盧口、萬年橋敵騎奔衝之路,仍會諸路兵掎角追襲,令魏能、張 田 景德元年,詔益延昭兵滿萬人,如契丹騎入寇,則屯靜安軍〔5〕之東。令莫州部署石普 一敏奇兵牽制之。時王超爲都部署,聽不隸屬。 延昭上言:「契丹頓澶淵,去北境千里,

敍守禦之勞, 及 請 和 ,眞宗選邊州守臣,御筆錄以示宰相,命延昭知保州兼緣邊都巡檢使。 進本州防禦使,俄徙高陽關副都部署。 在屯所九年, 延昭不達更事, 軍中牒 二年,追

年,卒,年五十七

訴,常遣小校周 正治之,頗爲正所罔,因緣爲姦。 帝知之,斥正還營而戒延昭焉。 大中祥符

| 憩。 甘苦,遇敵必身先,行 及卒,帝嗟悼之,遣中使護櫬以歸,河朔之人多望柩而泣。 延昭智勇善戰,所得奉賜悉犒軍,未嘗問家事。 陣克捷,推功於下,故人樂爲用。在邊防二十餘年,契丹憚之,目爲楊六 出入騎從如小校,號令嚴明,與士卒同 錄其三子官,其常從、 門客

亦試藝甄敍之。子文廣

宿 部分已定。遲明,敵騎大至,知不可犯而去,遺書曰:「當白國主,以數萬精騎逐汝。」文廣遣 從狄青南征,知德順軍,爲廣西鈴轄,知宜、邕二州,累遷左藏庫使、帶御器械。治平中,議 未可圖 將襲之,斬獲甚衆。 防禦使。 文廣字仲容。 也 英宗曰:「文廣、名將後、且有功。」乃耀成州團練使、龍神衞四廂都指揮使, 秦鳳副都總管韓琦使築篳篥城,文廣聲言城噴珠,率衆急趣篳篥, 詔書褒諭,賜襲衣、帶、馬。 以班行討賊張海有功,授殿直。 或問其故,文廣曰:「先人有奪人之氣。此必爭之地,彼若知而據之,則 知涇州、鎭戎軍,爲定州路副都總管, 范仲淹宣撫陝西, 與語奇之,置麾下。 比暮至其所, 遷步軍都虞 遷興州

候。

遼人爭代州地界,文廣獻陣圖井取幽燕策,未報而卒,贈同州觀察使。

領勝州 楊業,爲遼兵所圍,親射殺數十人,矢盡,張空弮又擊殺數人,遂遇害。年七十三。 王 一貴者, 刺史。 **丼州太原人。** 太平 興國 三年, 廣順初,補衞士。 出為淄州 刺史。 宋初,累遷至散員都指揮使、馬步軍都 受 紹從潘美北征, 攻沁州,頗立 一戰功。 擢 其子 軍頭, 及從

文晟供奉官,文昱殿直

田使。 蔡守禦都指揮使兼舒、蘄二州招安巡檢使。 四年,泰州初下,眞拜刺 原城,焚其東門。 相率詣范陽,委質燕王趙延壽,得掌親兵。 命爲招收都指揮使。 漢初,改山南東道行軍司馬。 顯德初,世宗戰高平,戮不用命者,因求聽勇士。通事舍人李延傑以罕儒聞,即召赴行 荆 罕儒, 明年三月,世宗幸泰州,以罕儒爲團練使,賜金帶、銀器、鞍勒馬。 冀州信都人。父基,王屋令。 擢爲控鶴、弩手、大劍直都指揮使。 從平淮南,領光州刺史,改泰州,爲下 會征太原,命罕儒率步卒三千先入敵境。罕儒令人負束獨徑趨太 周廣順初,爲率府率,奉朝請,貧不能振。 開運末,延壽從契丹主德光入汴,署罕儒密州刺 罕儒少無賴,與趙鳳、張輦爲羣盜。 史兼海陵、鹽城兩監屯 六年春,軍吏耆艾 晉天福中,

列傳第

诣闕請留,恭帝詔褒之。

及聞 賊鋒。 不效命者, 分兵以禦貴超。罕儒錦袍衷甲據胡牀享士,方割羊臂臑以啖,聞彥進小却,即上馬麾兵徑犯 次京土原, 境,人多閉 十九 其 建 人。 隆 死,求殺罕儒者戮之。 初, 黜慈州團練使王繼勳爲率府率,閻彥進爲殿直,斬其部下龍捷指揮使石 壁不出, 劉鈞遣大將郝貴超領萬餘衆襲罕儒,黎明及之。 升鄭州 虜獲甚衆。 防 禦, 以罕儒 太祖痛惜不已,擢其子守勳爲西京武德副使。 是年冬, 爲使, 復領 改晉州 千餘騎抵汾州 兵馬 鈴轄 劉鈞素畏罕儒之勇,常欲生致, 城下,焚其草市, 罕儒恃勇輕敵, 罕儒遣都監、氈 案兵 毯副 嘗 因索京土原之 쬭 (以退。 使閻彦 騎深入晉 進德等 進 夕

籍 進名,幸而 出不 罕 儒 問 輕 其數。 識 財好施。 其子。」 有供 厚 在康州,有煑海之利,歲入鉅萬,詔聽十收其八,用猶不足。 奉官張 加 禮 一待,遺錢五 奉珪使泰州,自言後唐張承業之子。 十萬,米千斛 罕儒曰:「我生平聞張特 家財入有

盡以 以 將 與之。 歸 罕 京 儒 師, 雖 不 然好勇善戰,不顧勝負。 且言緣 知書, 好 江 榷 禮 務以 接 儒 絲易茗 士。 進 有 常欲削平太原 土 厚利 趙 保 雅登 罕儒 科 覆落, V. 志未果而及於敗, 召 主 客游海陵。 二藏奴 八一个籍 藏 罕儒 中 人皆惜之。 絲 問其所欲, 得 应 千 罕儒兄 餘兩 保雍

間 橋。 矢集于面。 請 殺業所部兵千計,射中業從騎, 行,手斬五十餘級,賊焚砦筲遁。 嗣, 乾德初,應募爲控鶴卒,從李繼勳討河東。繼勳擇悍勇百人,間道截洛陽砦。 賊數千夜來薄砦,繼勳選勇敢五百人接戰, 獲旗鼓鎧甲甚衆, 進薄汾河, 賊將楊業扼橋路, 而嗣爲冠。 業退保城。 及旦,戰數合,多所斬 進焚南門, 嗣與衆轉戰, 奪羊馬城, 嗣 賊退踰 出

馘。

袍、銀帶。 西 補 「洞子。 御龍 從太祖征太原,賊來拒 直。 車駕巡師,嗣登城,手刃數賊,足貫雙箭,中手礙,折二齒。太宗見之,亟召賜錦 從征幽州,隸殿前崔翰,斬三十級,補龍猛副指揮使。 太平興國初,三遷至天武軍校。太宗再征太原,嗣自陳願率一隊先登,命主城 焚洞子。 遣殿前楊信領百人援之,嗣預焉,率先陷陣。

之,殺獲甚衆。 外,三鼓 城 壘者, 出郛外, 敵進圍之, 亟出兵接戰, 十數合, 斬騎卒七百餘。 五年, 突敵圍,壁于莫州城下,又領百人斧敵望櫓,斬五十級。 契丹侵雄州,據龍灣堤。 六年, 從崔彥進捍契丹于靜戎北, 嗣隸袁繼忠,繼忠令率千兵力戰奪路。 砦于唐興口。 敵爲橋界河,將遁,嗣邀 **彥進遣嗣率所部度河,與** 嗣軍夜相失,在古城莊 內侍有至州閱

列

傳

契丹戰,敗之,追奔二十餘里。

依山 還, 詔賜錦袍、銀帶 掩。 鎧甲、弓矢數千計。 「爲營, 繼忠命嗣援之,凡數戰,始與雄武合隊, 八年, 李繼遷寇邊,嗣從袁繼忠、田欽祚戍三叉口,爲前鋒,斬賊千餘,追之,獲牛羊、 賊亦砦其下。 進至萬井口、狐路谷, 募勁卒五十往襲之, 一餘賊復來請戰。 因列陣格鬥, 嗣爲其帥。 抵賊所,刺殺百餘人,焚其砦而 初以 復奪人馬七百餘。)雄武千人爲後殿,爲賊所 欽祚夜還,

卒千人,克倉頭、小治(云)二砦。 悉斷弦折筈來降,追至河槽,復擊退。 擊,遼騎引去。 「汝且頓兵於此,爲我聲援,我當奪此嶺。」遂力戰,追奔五十餘里,抵倉頭而還。 偏,麾兵薄山崖,以短兵接戰。 雍熙三年,從田 進至飛狐城北,遼將大鵬翼率衆復至。 重進、譚延美(も)率師入遼境,疾戰飛狐口,遼師不利。 遼兵敗,投崖而下,手斬百餘級。 黄明與戰,克直谷砦,命嗣屯焉 餘衆屯土嶺,裨將黃明與戰不勝,將退,嗣謂之曰: 重進 陣壓東偏,數戰不勝,命嗣出西 散卒千餘在野,嗣 重進 又領招收 引全師合 呵止之,

鎧胄。 寡,難以解圍。」重進頗憂之。 數日,遼人復致師,重進與戰,奔突往來,大軍頗擾。 賊乘夜復圍直谷、石門二砦,重進遣嗣以精兵五百濟之,嗣曰:「敵二萬餘,今援師甚 嗣曰:「譚師屯小治,綰兵二千,願間道以往,邀其策應。」中 重進召嗣合戰,悉走之,奪礮具、

三二百人張白旗於道側。 夜,匹馬詣延美,延美曰:「敵勢若此,何可解也?」嗣曰:「請移全軍就平川,植旗立隊,別擇 彼見旗幟綿亙遠甚,謂大軍繼至,嗣自以所部五百疾驅往門,必

克其砦。」延美許焉。 一日凡五七戰,遼兵遂引去,咸如嗣所料。

還重進砦,與遼人轉戰。時軍校五人,其四悉鬥死,至大嶺,嗣與戰,敗走之。師還,太宗引 嗣遣降卒輦州廩濟之。遼授兵大至,副都指揮使江謙妄言惑衆,嗣即斬之。悉收兵斂輜重 見便殿,重進言其有勞,補本軍都虞候。 反拒大軍所出之路,遂與鬥,殺傷甚衆,屢縋入城,取守將之歸服者。 重進之壘,糧運頗乏, 蔚州之降也,重進先命嗣率勇士數十人縋入,見守將,得其實狀。 翌日,將受降,而敵

與繼隆會,又陣於東偏,大敗之。 與伏兵合,分爲三隊,背水爲陣。 隆遣步卒二千,伏定州古城,爲敵所攻,命嗣援之。至唐河橋,嗣扼橋路出戰,解敵圍數 又從李繼隆禦敵於北平砦,將赴滿城至,道遇敵,疾戰,俘獲甚衆。又戰于鸞女嗣,繼 敵將于越率騎百餘隊臨烽臺求戰,嗣整兵與戰,數合,得 繼隆以聞,詔嘉獎之,遷本軍都指揮使,領澄州

來援,夜二鼓,敵再至,嗣曰:「彼不利夜戰,我當破其砦,以趣大軍。」即與贊、翰合勢,戒所 111 廷召徙高陽,命嗣以兵二千爲殿。 至道二年,加御前忠佐馬步軍頭,屯定州。遼人入侵,隸范廷召,提偏師捍遼兵於嘉 過平敵城,遼衆十餘萬來,嗣屢出戰。 及桑贊、秦翰

列傳第三十

荆罕

儒

曹

光實

部望敵炬 火多處幷力衝之,詰旦,至瀛州。咸平三年,加領本州團練使,出爲郞山路都巡檢

使,破敵砦於蒲陰,俘獲甚衆。

興劉 趙州 鳳翔、永興部署。 漢凝、 部署。 四年, 命嗣領萬 田思明率兵至冀州 踰年,徙滄州。 車駕幸亳州,留爲舊城內同都巡檢使。 人斷西山 是多,遼人入侵,命率所部自齊州抵淄、青警備。 路。 防邊。 會敵遽至, 大兵不及進而止。 俄赴澶州行在所。 會遼人請和, 大中祥符七年,改號州防禦使、那 五年,眞拜察州團練使、 復遣還任。 景德初, 歷鄆州、

寧環慶副部署,卒。 嗣起行間,以勞居方面, 經百五· 十餘戰,歿。 兄子信、貴,並爲左侍禁,

貴至內殿崇班

氣, 輕財好施,不事細行,意豁如也。 曹光實,雅州百丈人。父疇,爲蜀靜南 **嚋卒,光實嗣職,遷永平軍節度管內捕盜遊奕使。** 軍使,控扼邛崍,以捍蠻夷。 光實 少武勇, 有膽

易不敢近,賊殺其族三百餘口。 實 《殺其徒黨,率衆數千,中夜奄至,環其居,鼓譟並進。 乾德中, 太祖命王全斌等平蜀。 又發冢墓, 壞其棺槨。 俄而盜賊羣起,夷人張忠樂者,嘗羣行攻劫,且 光實負其母,揮戈突圍以出 光實詣全斌具以事白, 誓雪寃憤 賊衆辟 感光

時圖中諸郡未下,乃圖雅州地形要害,兼陳用兵攻取之策,請官軍先下之。 **率兵先導,果克其城,獲忠樂而甘心焉。** 全斌乃署光實爲義軍都指揮使。 殘寇猶據沈黎, 全斌出其志,令

光實以所部盡平之。遂以光實知黎、雅二州兼都巡檢使,安集勞來,蠻族懷之。

息,以光實爲嶺南諸州都巡檢使。 傑俊也。」詔升殿勞問久之,以爲黎州刺史。開寶三年,改唐州刺史。及平校、廣, 六年秋,全斌遣入貢京師,遂言境內安义,乞罷義軍歸農。|太祖喜,謂左右曰:「此圖中 既至,捕逐羣盜,海隅以寧。 太平興國二年,就遷本州團 **羣盗未**

練使。 大軍北征,與潘美分道出鴈門。光實爲前鋒,遇敵迎擊,敗之,斬首數千級,優詔嘉獎。 ·資糧事重,亦足宣力也。」<a>河東平,命爲汾、遼、石、沁等州都巡檢使。五年,改汝州團練使。 車駕征河東,以光實知威勝軍事,令調軍食。 光實入告,願提一旅奮銳先登,帝曰:

遇害,卒,年五十五。帝聞之驚悼, **賵賻加等**, 以其子大理評事<u>克讓爲右贊善大夫, 克恭爲</u> 期某日降於|葭蘆川。光實信之,且欲專其功,不與人謀。及期,繼遷先設伏兵,令十數人近城 僅免,使人給光實曰:「我數奔北,勢窘不能自存矣,公許我降乎?」因致情款陳甥舅之禮, 落,爲邊患,光實乘間掩襲至地斤澤,俘斬甚衆,破其族帳,獲繼遷母妻及牛羊萬計。 迎致光實,光實從數百騎往赴之。繼遷前導北行,將至其地,舉手麾鞭而伏兵應之,光實遂 李繼捧之入朝也,以光實爲銀、夏、綏、麟、府、豐、宥州都巡檢使。繼捧弟繼遷逃入蕃

殿直 淳化二年,又錄克己爲奉職,後至內殿承制; 克廣至閤門祗侯。 從子克明。

法, 在後,聞光實死,懼軍亂,祕不發喪。陽令人西來傳光實命還軍銀州,而潛與僕張貴入敵 善騎射,從父光實奇之。補爲衙內都虞候。 克明字堯卿。 既生,會敵攻百丈縣,父光遠遇害,姆抱克明匿章蒲中得免。 光實擊敵于葭蘆川,戰歿。 克明時護鯔 旣長,喜兵 重

中,獲光實尸以還,葬京師,繇是顯名。

七砦以 雅州,克明募衆數萬 馬監押。 名,欲脅以官。 初,蜀人留京師者禁不得還鄉里,克明以母老間道歸。 邀賊。 以餘寇未息,權邛州駐泊巡檢 復收雅州,斬六十餘人,賊將何承禄等走雲南。 克明攜母遁山谷,夜止 人以迎王師,遂復名山、火井、夾江江の等九縣。分兵嘉、眉、邛三州,立 |神祠中,夢有人叱之起,旣覺而去,賊果至。 及賊 李順反, 聞克明將家子, 且有 蜀平,擢西頭供奉官、黎州兵

|| 挺 擊以 矛, 身 明 年, 走, 中 ·左踝。 峽路 賊 追急,乃倚大石引弓三發,斃三人,由是獲免。 潰卒鄧紹等復 後 又設伏山下,以數十 起攻 雅州, 騎與賊接戰,克明僞北,而所部失期,伏不發。 克明又平之。 還軍邛州,遇賊王珂,戰于延貢 入朝,改內殿崇班,爲温、台等

七州都巡檢使。

恩信,是歲承天節,相 景德中,蠻寇邕州,改供備庫副使、知邕州。 率來集。 克明慰拊 ,出衣服遺之,感泣 左、右江蠻洞三十六,克明召其酋長,諭以 而去。 獨如洪峒恃險不至,克

明渝 兩 江 .防遏使黄衆盈引兵攻之,斬其首領陸木前,梟于市

黨,前後獲千餘人。知江寧府張詠以其事聞,賜錢四十萬,領平州刺史,知辰州 舉捉賊。 平,利用專其功。 百, 如 郛 郭。 將趣象州。 宜州 澄海軍校陳進反。 克明使人捕賊,輒出私錢資之,以故人人盡力。 又多張旗幟,浮巨栰,陳兵其上,爲守禦備。 會巡撫使曹利用約克明會兵,行次貴州,遇賊大敗之,斬首四百餘級。 代還,眞宗問南方事,對稱旨,賜一子官,遷供備庫使,江、淮、兩浙都大提 時鬱江暴漲,州城摧圮,克明率丁夫伐木爲連舫,維之水上,狀 募溪峒兵三千,而黃衆盈亦濟兵千五 視賊中趫勇者,釋縛,使還捕其 賊

獻 犬。」克明曰:「當試以人。」乃取藥箭刺酋股而飲以藥,卽死,羣蠻慚懼而去。 藥 一器,曰「谿峒藥」,藥箭中人,以是解之可不死。克明曰:「何以驗之?」曰:「請試以鷄 |撫水蠻叛,徙宜、融、桂、昭、柳、象、邕、)欽、康、| 白十州都巡檢使兼安撫使。 旣至,蠻酋

絕, 而克明亦憚深 林木深阻,蠻多伏弩以待。 是年多,安撫都監正文慶、馬玉出天河砦東,克明與中人楊守珍出環州樟嶺西,磴道危 入, 屢移文止玉。 玉所向力戰,屢敗蠻軍 玉至如門團,爲蠻所扼,不得進。 是時朝 廷意 克明遷 在招附,數韶 延顧望,月餘,乃 諭 克明,

列

傳

第

三 十

曹光

實

張暉

至撫水州,與知州蒙承貴等約盟而還。

遷 會交阯李公蘊寇邕州,以文思使復知邕州。 茅爲屋,歲多火,克明選北軍敎以陶瓦,又激江水入城,以防火災。 西 上閤門使,歷知登、舒、邵三州,復徙鼎州,卒。 未 幾,知桂州 兼管勾溪峒公事,始置溪峒司。 既至,遣人入交阯論以利害, 又奏閱廣南兩路土軍爲忠敢軍。 代還,知滁州, 公蘊拜表謝罪。 徙鼎州。 州人覆

因領 爲緣漢都巡檢使,領唐州,屯兵至野州,卽代業。 德 奪 契 丹 州 張 軍 暉,幽州大城人。 甲船於河陰。 漢祖 入汴,暉迎於滎陽,授懷州 行德領河陽,以暉爲弩手 後唐淸泰初,隸控鶴軍,累遷奉國、弩手都頭。 刺史。 還京,改郢州 ,指揮使,復令引兵趣懷州 乾祐 初,郢州 刺 刺 史。 史慕容業治多不法,以暉 晉開 運末,與武行 契丹將遁去,

而 闕舉留,俄改冀州。 就 周 廣順 從世宗征准甸,充壕砦都指揮使。 初,劉崇寇晉、絳,召暉爲步軍左廂排陣使。 會韶築李晏口、束鹿、 安平、博野、 既拔楚、泗,即授泗州。 百 八橋、 師還, 武強等城,命暉護其役,踰 改沂州 未幾, 刺 改耀州, 史。 三年,吏民詣 俄為西南

面

橋道使。

乾德二年,大軍西下,乃以暉充西川 蜀,遷鳳州 重困。 隆二年,太原未下,詔入觀問計,暉對曰:「澤、潞經李筠之飯,瘡 宋 不若戢兵育民,俟富庶而後爲謀。」乃賜襲衣、 初,從征澤、潞,爲行營壕砦使,先登陷陣。 團練使兼緣邊巡檢壕砦橋道使。 行營先鋒都指揮使。 暉盡得山川 事平,遷華州團練使,在郡頗有治狀。 金帶、鞍勒馬,令還州。 險易,因密疏陳之,太祖覽之大悅。 督兵開大散關路,躬撫上卒,且役 痍未復, 軍族 興, 朝廷方議 恐人力 伐 建

天禧五年, 暉妻年百五歲, 家貧, 詣闕自陳。 詔賜東帛,錄其孫永德爲三班借職。

且戰,人忘其勞。十二月,

至青泥嶺,卒。

將渡 盜充斥 河, 司 超, 遣超先領勁騎,由晉、絳趨 以超爲宋、 大名元城人。 宿、亳三州遊奕巡檢使。 初 事邢帥安叔千。 河陽。 及入汴,以超爲鄆州必敵指揮使。 漢祖在太原, 超往依之, 隸帳下 改宿州西固鎭守禦都指揮使, 移屯潁州下 爲小校。 時京東諸州 漢祖

使。 大敗淮人三千餘衆於盛唐縣,獲櫂船四十餘艘,禽其監軍高弼、果毅指揮使許萬以獻 周 世宗命宰相李穀討淮南,以超爲步軍 先鋒副都指揮使, 又爲廬、濤、光、黄等州巡檢

鎭。

屢 與 淮

人戰,有功。

列

傳

時黄州 城 北 未 顯 下, 德 匹 卽 年多,與王審琦攻舒州, 命超 遙 領刺 史兼樓櫓戰權右廂都校。 敗吳軍三千, 先禽刺 師還, 史施仁望獻於行 改光州刺史, 敗吳軍千餘於麻 在 卽 以 超爲

以 前 |宋 軍 初 , 命 步軍都指揮使,及平,遣歸治 副宋偓領舟師巡撫江徼,月餘特韶升舒州爲防禦,以超充使。 所。 建隆三年春,遷蔡州 防禦使。 太祖討李重 舒州

專

|練使。

河東 以超久在淮右、習知江山險易、徙蘇州防禦使,行至淮西卒,年七十一。 文睿爲三班奉職 乾德 及 太祖 六年,改絳州防禦使,徙晉州兵馬鈴轄。 親征,爲行營前軍步軍都指揮使,改鄭州 是秋,又副趙贊爲邠州行營都 防禦 使。 開寶 七年,朝 天禧元年,錄其孫 延將 部署,進攻 計 江左,

素得 忘 咸 軀 當

當

提

城

之

客

,

臨

成

力

戰

,

歿

于

敵

境

。 土心, 徇 論 節 曰:昔許子卒於師,葬之加等。 誠 部卒不忍離去,從之以歿,則忠義之風槪可見矣。 可 嘉 也。 業本太原驍將,感太宗寵遇,思有以報。 雖罕儒恃勇不戒,光實甘賊遷之言,失在 療秋書之,所以褒臣節而儆官守也。 嗣與延昭並克紹勳伐。 常勝之家,千慮 業、罕儒、 一失。 一輕敵,

久居邊閩, 總戎訓士,威名方略,聞于敵人,於嗣爲優。 超頻戰以淸准海,其忠誠勇果,率有可尙者焉。 **暉於危時則有陷陣之功,平日則獻**

校勘記

- 以爲右領軍衞大將軍師還授鄭州刺史 「左」、「防禦使」。 佘嘉錫論學雜著下冊楊家將故事考信錄說:「防禦使雖氣刺史,而其官位僅次 「右」、「刺史」, 長編卷二〇及東都事略 卷三四都 作
- 復遷代州兼三交駐泊兵馬都部署 于觀察使,非尋常刺史可比,業除鄭州防禦史,宋史乃以爲刺史,誤也。」 按本書卷二五八潘美傳, 此時潘美爲三夜都部署;長編卷
- 署。 二〇,太平興國 疑此處「都」字行。 四年八月命潘美爲河東三交口都部署, 十 一 月命業知代州兼三交駐泊兵馬部
- 自西陘 而 出 「西脛」原作「西京」,按本書卷八六地理志雁門有西脛砦,長編卷二一作「西脛」,

據

- (量) 灰河 據改。 原作「交河」,長編卷二七作「灰河」,宋會要職官六四之六和兵八之七、太平治蹟統類卷
- 金 列 契丹每督戰 傳 第三十 張編卷四五作「戎母親督戰」,「每」當爲「母」字之誤。 校 勘 記 契丹母即上文楊業傳所說

宋

契丹 國 日蘭氏。 據遼史卷七一后妃傳,蕭氏習知軍政,曾「親御戎車,指麾三軍」。

 $\tilde{\mathcal{C}}$ 静安軍 緣邊都巡檢,代字繼宣。」當以「靜戎軍」爲是。 長編卷五六作「静戎軍」,幷有注說:「楊延朗去年六月癸酉以莫防爲保州、威虜靜戎軍 據寰宇記卷六八,靜戎軍本易州宥戎鎮, 太平興

國六年升爲軍,地正 與威虜軍連接。

(よ) 譂 卷 延美 四 說:「以蘄州防禦使譚延美爲亳州 原作「譚廷美」,本書卷二七五、隆平集卷一七譚延美傳,作「延」不作「廷」,太宗寶錄 防禦使。」也作「延」。 據改。 下文同。

2 小治 長編卷二七、太平治蹟統類卷三都作「小冶」。

へたし 滿 河北 元年十一月李繼隆敗契丹於唐河,追擊逾曹河事, 城 ,李繼隆乃出戰破之。 原作「蒲城」。 承上文,此役當在確熙三年以後,按長編卷二九、續通鑑卷一 荆嗣從李當在此役。 又「蒲城」屬陝西路,非此役所赴, 續通鑑並云是月甲午遼兵拔滿城, 四,都載端拱 當爲 庚子至唐 「滿城」

8 夾江 原作「夾門」,據歷平集卷一八、東都事略卷三四曹克明傳改。 本書卷八九地理志,

之誤,今改。

有夾江縣。

宋史卷二百七十三

列傳第三十二

李進卿 子延渥 楊美 何繼筠 子承矩 李漢超 子守恩

牛思進附 李謙溥 子允正 姚內斌 董遵誨 賀惟忠

馬仁瑀

郭進

卿 初,從世宗戰高平,改鐵騎指揮使,歷散員左射都校,改鐵騎及內殿直都虞候 力戰有功,擢爲興順軍校。 李進卿,幷州晉陽人。少以驍勇隸護聖軍。 周祖開國, 命領所部兵戍靈壽,久之,遷龍捷指揮使。 晉天福中,杜重威帥師敗安重榮於宗城,進 顯德

爲歸州路行營步軍 揮使,改漢州團練使。二年,轉虎捷左廂都指揮使,領澄州團練使。 宋初,領貴州刺史,三遷鐵騎左廂都指揮使,領乾州團練使。 都指揮使, 拔巫山砦,下變、萬二州。 圖平,錄功拜侍衞親軍步軍都虞 乾德初,遷控鶴左廂 是歲冬,伐蜀,以進 都指 卿

軍節度。 刺 候,領保順軍節度。 史韓光愿分爲河南、北巡檢。 卒,年五十九,贈侍中。 開寶二年,太祖親征河東,留進卿爲在京都巡檢, 及還,改親軍馬軍都虞候。 子延渥、延信。 延信至內殿崇班 六年,遷步 軍都指揮使,領靜江 潁州刺史常暉、 淄州

延渥以蔭補供奉官, 尋爲閤門祗候, 三遷至西京左藏庫使。 咸平初,歷知平戎寧邊順

安軍、保州、威虜軍鈴轄、又知冀州。六年、徙瀛州。

數百 馬監押王誨,殿直、貝冀同巡檢史普爲內殿崇班 陸元凱爲國子博士,賜緋 擊,發矢如雨 檢史普所部乘城,發礧 日,其勢盆張,唯擊鼓伐木之聲相聞,驅奚人負板秉燭乘墉 萬,驛書以 景德初, 契丹大舉擾邊,經胡盧河,踰關南, 聞 延渥分兵拒守益堅,契丹遁去,死者三萬餘, 賜延渥錦袍、金帶, 石巨木擊之,皆櫽櫽而墜,殺傷 推官李翔爲太子中允; 將士緡錢, , 充職如故 + 遷延渥本州 錄事參軍察亨爲右贊善大夫; 户, 甚 衆。 抵城下。 而 傷者倍之, 翌日 上。 團 回練使。 ,契丹主與其 延渥 晝夜鼓躁,四 率州兵強壯, 獲鎧甲、兵矢、竿牌 以通判、太子 面 母親鼓 夾 侍禁、兵 攻。 又 集巡 必衆急 中 允 旬

眞宗頗稱其勞。 初 了,成棚 垂板護城纔數寸許,契丹射之,矢集其上凡二百餘。 又聞城守之際,陸元凱流矢中面,史普勇敢不避敵,復遷元凱屯田員外郎, 及請葺城, 詔 取 板 視

普尚 食副使。 普尋卒,又錄其子昭度爲右侍禁, 昭儉爲 奉 職

朝, 仕。 以疾, 天禧初,卒。 連賜告, 延 渥 徒 子宗禹,爲內殿崇班 知那州 換右領 ,歷天 軍衞 大將 雄 軍、 軍,領演州 貝 州 副 都 部署, 團 練 使。 知 冀、 明年,從其請,以左武衞大將軍致 |貝 博 三州。 大中 一祥符 八年,入

禁軍 任 漢乾祐 楊美, 大校,從世宗征 幷州文水人。 中,周祖征三叛,美杖策詣軍門求見,周祖召與語,壯之,留帳下。 |淮南,以功擢鐵騎都指揮使,領白州 本名光美, 遊太宗舊名改焉。 刺 **)美狀貌雄偉,武力絕人,以豪俠自** 史。 廣順初,累遷

授虎 靇 爲 都 政 軍 興 頭,領 一份簡易,民皆德之。 捷 遷 太祖與美有舊,卽位,以爲內殿直都知。 國 左 馬步軍都頭。 右 二年 恩州團練使。 廂都指揮使,領河 冬,出爲保靜 會討蜀,以美爲歸州路戰權左右 乾德二年,召還,北海民數百詣闕乞留,詔諭之不去,答爲首者始 開寶二年,改領端州防禦使。 軍 節度。 西軍 一節度。 三年夏,以疾求解官歸京師,尋醫藥,詔遣內侍 會遣党進、潘美征 建隆三年,升青州北海縣為軍,以美為軍使, 厢都指揮使。 六年,加都 太原,命美爲行營馬 軍 頭,領宣州 蜀平,遷內外馬步軍 觀察使。 軍都虞候。 興道士 俄 副

列

盡賙

馬志視之。 給親戚故舊。 未幾,卒,年四十八,贈侍中,命中使護葬。 死之日,家無餘財,人多歎息之。 **美爲人任氣好施,凡得予賜及奉祿**

幼時 與羣兒戲,必分行伍爲戰陣之象。 何 繼筠字化龍 河南人。 父福進, 晉初,補殿直。 歷事後唐至周,累官忠武、成德、天平三節度。 周祖討三叛,表繼筠從行。賊平,改 繼筠

供

奉官

命繼筠 率兵 復,爲濮州 州 刺 、拒之,至武強,獲老稚千餘人,模翰 史。 廣順 以所部 契丹將高模翰率二千騎擾深、冀,以葦栰度胡盧河。 初,福進鎭眞定,署衙內都校,嘗領偏師出土門,與抖人戰,斬首數千級,以功領欽 刺史,領兵戍靜安軍。 兵出百 井道、破丼人數千衆。 契丹內侵,繼筠逆擊敗之,改棣州 遁去。 恭帝 俄隨 卽位,以爲西北 福 進入朝,爲內殿直都 繼筠與虎捷都指揮使劉誠 面 行營都 刺 史。 監 世宗 知。 福 征 進卒,起 瓦 橋 海

州 人遇,擊走之, 防 梁使。 建 隆 三年, 開 寶元年 奪汾河橋, 升棣 州 秋, 爲 團 命昭義節度李繼勳等征太原, 敗其衆於城下,獲馬五百匹, 練, 以繼筠 充使。 三年, 命爲關南兵馬都監。 擒其將張環、石贇以獻。二年春,太 以繼筠爲先鋒部 署。 乾德四年, 至 渦河 與排 加

韻關 遣逆問之,乃繼筠子承睿來獻捷。 器甲甚衆。 祖親征晉陽, 契丹來援。 拒 契丹,謂之曰:「翌日亭午,俟卿來奏捷也。」至期,帝御北臺以俟。 初,丼人恃契丹爲聲援, 繼筠時屯兵陽曲縣,驛召至行在所,授以方略,命將精騎數千赴石 生擒刺史二人,獲生口百餘,斬首千餘級, 及捷奏,太祖命以所獲首級、鎧甲示城下,抖人喪氣。 見一 騎自北來,亟 馬 七百餘 匹,

繼筠以功拜建武軍節度,判棣州。

者,慮其數奇耳。 未幾,卒,年五十 生平所佩劍及介胄同葬。 三年,來朝,詔賜鞍馬、戎仗,令戍邊。 ____ 今纔領節制,果至淪沒,良可惜也。」贈侍中,賻絹五百匹,中使護喪,令以 帝親臨之,爲之流涕,從容謂侍臣曰:「繼筠捍邊有功,股不早授方鎭 四年秋,來朝,疽發背,車駕幸其第,錫賚甚厚。

繼 [筠深沉有智略,前後備邊二十年,與士卒同甘苦,得其死力。 善揣邊情,邊人畏伏,

多畫像祠之。子承矩。

開廐 寇賊嘯聚,承矩與喬維岳、王文寶討平之,以功就遷閉廐使。 副使。 承矩字正則。 太平興國三年,潭、泉陳洪進納土,韶承矩乘傳監泉州兵。會仙游、莆田、百丈 幼爲棣州衙內指揮使,從繼筠討劉崇,擒其將胡澄以獻。 疏爲政之害民者數十事上之, 開寶四年,授

列傳

第三十二

何

繼筠

以爲橫役,奏罷其 悉 被 一容納 會改使名, 事。 徙 即爲崇儀使。 知潭州,凡六年,囹圄 五年, 知河南府。 屢空, 詔嘉獎之。 時調丁男百 入爲六宅使。 十輩轉送上 端拱 供綱,承矩 泛一年,

頟

潘

孙

刺

史,命護

河陽屯兵

廣戍。 謀。 亦望選兵戍之,簡其精銳,去其冗繆。 年,將見彼弱我強,彼勞我逸,此禦邊之要策也。 俟期歲間,關南諸泊悉 注于海,東西三百餘里, 日:「臣幼侍先臣關南征 若兵精將賢,則四境可以高枕 收地利以實邊、設險固以防塞,春夏課農, 知滄州,以其不習 壅闐,卽播爲稻田。 行, 南北五七十里, 資其陂澤, 更事, 熟知 北 命承矩知節度副使, 而 邊道路、川源 無憂。」太宗嘉納之。 夫兵不患寡,患驕慢而 其緣邊州軍 之勢。 其順安軍以 秋多習武,休息民力,以助國經。 築隄貯水爲 臨塘水者,止留城守軍士,不煩發兵 若於順安砦西 實專郡治。 不精;)西,抵 屯田 西山 時契丹撓邊, 將不患怯,患偏見而無 , 開易 可以 百 里許,無 河 遏 蒲 敵騎 口 承矩 , 水田 之奔軼。 導 如 水東 上 此 疏

乃以 百里,悉爲稻 承矩為制置河北緣邊屯田使,俾董其役。 屬 霖 雨爲災,典者多議其非便。 田 ,而有莞蒲蜃蛤之饒,民賴其利 承矩引援漢、魏至唐屯田 事具食貨志。 由是自順安以東瀕海,廣袤數 位故事, 以折衆論, 務在必行。

淳化四年,撰爲西上閤門使、知滄州, 踰年徙雄州。 御書印紙錄其功最,仍賜以弓劍。

前 承矩推誠御衆,同其甘苦。 知 邊民有告機事者,屏左右與之款接,無所猜忌,故契丹動息皆能

千餘人,皆進擢賚賜。 條殺獲以論州民,或揭於市,契丹愧忿,故有是役。太宗意其輕率致寇,復命與滄州安守忠 酣 兩換其任。 戰久之,斬馘甚衆,擒其會所謂鐵林相公者,契丹遁去。是年春,府州嘗敗契丹衆,承矩 至道元年,契丹精騎數千夜襲城下,伐鼓縱火,以逼樓堞。承矩整兵出拒,遲明,列陣 魏廷式使河北,得雄州功狀,抗表上言。又遣內侍劉勍覈實,及麾下士有功者

究,輕重之際,務在得中。」承矩貽書契丹,諭以懷來之旨,然未得其要。 國生事,信好不通。今者聖考上仙,禮當訃告。汝任居邊要,洞曉詩書,凡有事機,必能詳 契丹自太祖在位之日,先帝繼統之初,和好往來,禮幣不絕。其後尅復汾、晉,疆臣貪地,爲 <u>真宗嗣位,復遣知雄州,賜承矩詔曰:「朕嗣守鴻業,惟懷永圖,思與華夷,共臻富壽。而</u>

之備,大爲要害。 砦二十六,鋪百二十五,廷臣十一人,戍卒三千餘,部舟百艘,往來巡警,以屛姦詐, 馬。 咸平二年,契丹南侵,屢遣內侍以密詔問禦遏之計,密封以獻。嘗詔聽邊民越拒馬河塞 承矩上言曰:「緣邊戰權司自淘河至泥姑海口,屈曲九百餘里,此天險也。 今聽公私貿市,則人馬交度,深非便宜,且砦、鋪皆爲虛設矣。」疏奏,即停 則緩急 太宗置

列

傳第

 \equiv

+ =

何繼

筠

前詔,屢被手札褒飭。

三年,召還,拜引進使。 州民百餘詣闕貢馬,乞借留承矩,詔書嘉獎,復遣之。承矩上

冒日

縱有 丘· 以水泉而作固,建設陂塘,綿亙滄海,縱有敵騎,安能折衝。昨者契丹犯邊,高陽一路, 櫛 東負海,西抵順安,士庶安居,卽屯田之利也。今順安西至西山,地雖數軍,路纔百里, 三陣:日月風雲,天陣也;山陵水泉,地陣也;兵車士卒,人陣也。今用地陣而設險, 風沐雨,不以爲勞,露宿草行,不以爲苦。復恃騎戰之利,故頻年犯塞。 契丹輕而不整,貪而無親,勝不相讓,敗不相救。以馳騁爲容儀,以弋獵爲耕釣。 陵岡阜,亦多川瀆泉源,因而廣之,制爲塘埭,自可息邊患矣。 臣聞兵有

之以 戰者必勝,否則 修仁立德,布政行惠,廣安輯之道。 天地孰得,法令孰行,兵衆孰強,士卒孰練,賞罰孰明,此料敵制勝之道 貔虎之師,莫遏犬羊之衆。 奉心 今緣邊守將多非其才,不悅詩書,不習禮樂,不守疆界,制御無方,動誤國家,雖提 ,使悅其心,借之以威權,使嚴其令**。** 必敗。 夫惟無慮而易敵者必擒於人也。 臣按兵法,凡用兵之道,校之以計而索其情,謂將孰有能, 訓士卒,闢田疇,勸農耕,畜芻粟,以備凶年。完長 然後深溝高壘,秣馬厲兵,爲戰守之備。 伏望愼擇疆吏, 也。 出牧邊民,厚 知 此 而用

戟,修勁弩,謹烽燧,繕保戍,以防外患。來則禦之,去則備之,如此則邊城按堵矣。

徒,古稱良策,請試行之。 國之形也。故陳湯統西域而郅支滅,常惠用烏孫而邊部寧。且聚膽勇、樂戰、輕足之 城。况小大異形,強弱異勢,險易異備。卑身以事強,小國之形也。以蠻夷伐蠻夷,中 卒,能踰高赴遠輕足善鬥者聚爲一卒,此三者兵之練銳,內出可以決圍,外入可以屠 以服鄰敵,故強國之君,必料其民有膽勇者聚爲一卒,樂進戰劾力以顯忠勇者聚爲一以服鄰敵,故強國之君,必料其民有膽勇者聚爲一卒,樂進戰劾力以顯忠勇者聚爲一 臣又聞古之明王,安集吏民,順俗而敎,簡募良材,以備不虞。齊桓、晉文皆募兵

品度人才,止求少壯有武藝者萬人。俟契丹有警,令智勇將統而用之,必顯成功,乃中 國之長算也。 且邊鄙之人,多負壯勇,識外邦之情僞,知山川之形勝。望於邊郡置營召募,不須

之邊任,使施方略,責以成功。苟空陳浮議,上惑聖聰,秪如靈州,足爲證驗,况茲契丹 邊氓未有所濟。乞延訪大臣,議其可否,或文武中有抗執獨議,是必別有良謀。 今緣邊權場,因其犯塞,尋卽停罷。去歲以臣上言,於雄州置場賣茶,雖貲貨並行,而 又如權場之設,蓋先朝從權立制,以惠契丹,縱其渝信犯盟,亦不之廢,似全大體。

列傳

又非夏州之比也。

入其境,以分其勢。 伺。 詔 兼領制置屯田 會契丹有殺斥候卒者,復罷之。 儿 年 -十月, 建議選銳兵於乾寧軍,挽刀魚船自界河直趣平州境,以牽西面之勢。 使。 承矩以無騎兵,第遣數千卒出混泥城,襲之而還。 始建権場,或者謂承矩意在繼好,然契丹無厭,未足誠信,徒使 時契丹數窺邊城,大浚渠,頗撓其役。 詔承矩握兵深 公行窺 五年,

者便宜裁處。 丹始遣使奉幣。 按巡本部,卒與契丹和,益加歎賞。韓杞之至也,命郊勞之。明年春,復知雄州。 善地處之。」多,出知澶州。 景德元年,入朝,進領英州團練使。眞宗謂宰相曰:「承矩讀書好名,以才能自許,宜擇 承矩以朝廷待邊人之禮悠久可行者,悉疏以聞。手詔嘉納,仍聽事有未盡 承矩自守邊以來,嘗欲朝廷懷柔遠人,爲息兵之計。 及是,車駕 是歲,契

岩 邊民 今朝旨未便者,奏禀進止。 時 知 誘其復業。承矩曰:「契丹聞之,必謂誘其部屬也。」乃易詔文爲水旱流民之意。王欽 三年,眞拜雄州團練使。時邊兵稍息,農政未修。 樞密,援漢蟲達、周仲居改詔,請罪承矩。帝曰:「承矩任邊有功,當優假之。」第詔自 又置緣邊安撫使,命承矩爲之,且詔

冥數,乃以老疾求僻郡。 承矩頗有識鑒,典長沙日,李沆、王旦爲佐,承矩厚待之,以爲有公輔器。 詔自擇其代,承矩以李允則爲請。乃授承矩齊州團練使,遣之任, 善推步,自知

郡 裁七日,卒,年六十一。 特贈相州觀察使,賻錢五十萬,絹五百匹,中使護葬。

皆相 以其子 率詣雄州發哀飯僧。 龜齡 爲侍禁; 昌齡、九齡爲殿直; 遐齡爲齋郎。 昌齡娶齊王女太和縣主, 至內殿崇班。 緣邊洎涿、易州民,聞承矩卒, 昌齡子象中, 爲閤門祗

候。

會周 世宗鎮 李漢超,雲州雲中人。 (澶淵,漢超遂委質焉。 始事鄴帥范延光, 即位,補殿前指揮使,三遷殿前都虞侯。 不爲所知。 又事 鄭帥高行周, 亦不見親信。

者,太祖召而 進,尋遷齊州防禦使兼關南兵馬都監。 宋初,改散指 問之曰:「汝女可適何人?」曰:「農家也。」又問:「漢超未至關南,契丹如何? 揮都指揮使,領綿州 刺史,累遷控鶴左廂都校,領恩州 漢超 在關南, 人有訟漢超強取其女爲妾及貸而 團練使。 從平李重 不償

丼所貸, 股姑貰汝,勿復爲也。 農婦乎?使漢超不守關南,尚能保汝家之所有乎?」責而遣之。 曰:「歲苦侵暴。」曰:「今復爾耶?」曰:「否。」太祖曰:「漢超,朕之貴臣也,爲其妾不猶愈於 年,政平訟理,吏民愛之,詣闕 求立碑頭德。 不足於用,何不以告朕耶?」漢超感泣,誓以死報。 太祖詔率更令徐鉉撰文賜之。 密使諭漢超 曰:「亟還其女 在郡

交惡。 判齊州,仍爲關南巡檢。 漢超善撫士卒,與之同甘苦,死之日,軍中皆流涕。 <u>霸州監軍馬仁瑀嘗兄事漢超,多自肆,擅發麾下卒入遼境,剽奪人口、羊馬,由是二將</u> 太祖慮其生變, 遣中使賜漢超、仁瑀金帛,令和解之。 二年八月,卒於屯所。 太宗甚悼惜, 子守恩。 贈太尉、忠武軍節度,中使護 太平興國初, 遷應州觀察使,

之、隴州衙內指揮使望之、弟寄班守忠皆沒。 累官至隴州刺史、知靈州。 營都監,守恩從父軍中。 祐之、順之、用之、潤之、慶之、成之、藏之。 金帶、器幣、緡錢,太祖謂左右曰:「此稚子能若是,他日將帥才也。」漢超卒,擢爲驍猛 騎戰敗之。 守恩,少驍果善戰,有父風。 斬首三千級,獲戰馬、器甲甚衆,擒首領二十七人。 會契丹遣兵援河東,至定州西嘉山,將入土門,守恩領牙兵數千 與轉運使陳緯部芻糧過瀚海,爲賊所邀,守恩及子廣文助教象 初補齊州牙職。 眞宗聞之震悼,特贈守恩洪州觀察使。 開寶二年,太祖親征太原,漢超爲北 隨漢超見于行在,賜戎服、 軍校, 面行

郭進,深州博野人。 少貧賤,爲鉅鹿富家傭保。 有膂力,倜儻任氣,結豪俠,嗜酒蒲博。

其家少年患之,欲圖殺進,婦竺氏陰知其謀,以告進,遂走晉陽依漢祖。 晉開運末,契丹擾邊。 漢祖建號太原。 契丹主道殂, 漢祖 將入汴, 進請以奇兵間道先 漢祖壯其材, 留帳

趨洺州,因定河北諸郡。 累遷乾、坊二州刺史。 少帝即位,改磁州。

進率鎭兵平之,部內淸肅,民吏千餘人詣闕請立屛盜碑,許之。 周 廣順初,移淄州。 二年,吏民詣觀察使舉留。 是秋,遷登州刺史。 顯德初, 會羣盜攻劫居民, 移衞州。 |衞、趙、

黨類。 邢、洛間多亡命者,以汲郡依山帶河,易爲出沒,伺間椎剽,吏捕之輒遁去,故累歲不能絕其 練使,有善政,郡民復詣闕請立碑頌德,詔左拾遺鄭起撰文賜之。進嘗於城四面植柳,壕中 進備知其情狀,因設計發擿之,數月間剪滅無餘,郡民又請立碑記其事。 改洛州 專

種荷芰蒲蘭,後盆繁茂。郡民見之有垂涕者,曰:「此郭公所種也。」

進爲 數千人。開寶二年,太祖親征河東,以進爲行營前軍馬軍都指揮使。 河東道、忻代等州行營馬步軍都監,招徠山後諸州民三萬七千餘口。 建隆初,太祖親征澤、潞,遷本州防禦使,充西山巡檢。 嘗與曹彬、王全斌入太原境,獲 九年,命將征河東,以 太平興國初,領

雲州 觀察使,判邢州,仍棄 西山巡檢,賜京城道德坊第一區

破之, 又攻破 年,車駕將征太原,先命進分兵控石嶺關,爲都部署,以防北邊。 西龍門砦, 俘馘來獻, 自是丼人喪氣。 時田欽祚護石嶺軍, 契丹果犯關,進大 恣爲姦利諸不法

事,進 經死,年五十八,欽祚以暴卒聞。 雖力不 能 禁,亦屢形於言。 進武人,性剛烈,戰功高,欽祚以他事侵之, 太宗悼惜久之, 贈安國軍節度,中使護葬。 i] 後頗聞其事, 不能甘,自

因罷

欽

作內職,出爲房州團練使。

罪,能 權道 求死 乞 太祖 遷其職,太祖 任 爾 遣戍卒, 進 掩殺抖寇,即薦 。」遣使送與進,令殺之。 有 人, 嘗有軍校自西山詣闕誣進者, 太祖詰知其情狀, 謂左右曰: 「彼有過畏罰, 故誣進 材幹,輕財好施,然性喜殺,士卒小違令,必置於死,居家御婢僕亦然。 必諭之曰:「汝輩謹奉法。我猶貸汝,郭進殺汝矣。」其御下嚴毅若此。 從之。 汝於朝; 如敗, 會丼人入寇,進謂 可自投河東。」其人踴躍聽命,果致克捷。 誣者曰:「汝敢論我,信有膽氣。 進在 進即以聞, 然能以 今捨汝 西山,

帝 終日 初 一「進控」 初,又賜宅一 開寶 中,太祖 扼 西 山 區 令有 + 餘 年,使我無北 司造宅賜進,悉用筩瓦。 顧憂。 我視進豈減兒女耶?亟往督役,無妄言。」太 有司言,舊制非親王公主之第不可 用。

平

興

國

墙立,力士二人撮其乳曳之,嶷不動,軍中咸異之。 牛 思進者,祁州 無極 人。 少從軍, 以膂· 力聞 嘗取強弓絓於耳,以 太平興國四年,知平定軍,從征河東,石 手 引之令滿。 又

嶺關部署郭進卒, 命思進代之。 師還, 以功改本州團練使。 授右千牛衞上將軍致

仕,卒

天福初,爲開封府推官,使契丹還,上言:「屈節外國,非久長策。」時晉祖方父事契丹, 李謙溥字德明,幷州盂人。性慷慨,重然諾。 父薨,後唐淸泰中, 晉祖鎭井門,署爲參

不悅其言,出爲汝州魯山令,卒官。

初, 世宗征劉崇,遼州刺史張乙堅壁不下,遣謙溥單騎說之,乙以城降,以功改閑廐使。 留爲晉州兵馬都監。 、遷東頭。 謙溥少通左氏春秋。從晉祖入汴,補殿直,奉使契丹。少帝卽位,改西頭供奉官,漢 周祖討三叛及守鄴都,謙溥往來宣密命,周祖愛之。廣順初,遷供備庫副使。 以偏師入河東境,頻致克捷,世宗詔褒美之。

備,凡八日 守。 會隰州 且 車駕出 後旬 刺史孫義卒,時世宗親征淮南,謙溥謂節帥楊廷璋曰:「大寧,咽喉要地,不可闕 征,若俟報,則孤城陷矣。」廷璋即署謙溥權隰州 餘, 大發衝車攻城。 時盛暑,謙溥單衣持扇,從二小吏登城,徐 謙溥募敢死士,得百餘人,短兵堅甲, 事。 至郡,亟命浚城隍,嚴兵 銜 步按視 枚 夜縋 出城。 戰具。

列傳

會 四 廷璋兵至, 年 也。 明年五月,攻破孝義縣,以功領衢 合勢夾攻,掩其不及。 | 扑人大擾, 州刺史、監軍 悉衆遁 去。 如故 追 北 數 世宗北征 + 里, 斬首 一, 召 千 赴行 餘 級, 時

帝

卽

位

爲

澶州巡檢使,詔城莫州,數旬

而

就。

改

丹州

刺

史。

將 郊。 出 出 不 白 陰 地 答, 太祖 壁 翮 以以 謙 命四 匹 次谷口 謙 溥 「年,移慈州,兼晉、、隰緣邊都巡檢,行石州事,以興同砦 獨 溥 路進兵,略地太原。 令所部擐甲。俄追騎果至,延進等倉皇走谷中,獨議溥麾兵拒之,抖人引退。 爲先鋒, 謙 溥語諸將曰:「王師深入敵境,今旣退軍,彼必乘我,諸君當備之。」諸 會霍邑。 謙溥因畫攻取之策,繼深等共沮之,延進不能用。 鄭州刺 史孫延進、絳州 刺史沈繼深、通 爲治所。 事舍人王睿等 冬,將有 事 軍還, 于 南

衆未 送闕下, 謙溥詰其事, 進伏請死。 上,以 謙 軍 未 ·幾,移隰州 溥 副 退 部 開 在 少擊衆。 州 署 寶 謙 党進 十年 元 溥 年 刺 : 塵所 ٠, 遣 命李 井 敵 史。 謙溥 人患之,爲蠟 人不敢犯 部赴之。 繼勳等征太原, 伐木 西山 境。 太祖 有 以給 丸 遽至 書以 招收將 謙溥曰:「我以舉宗四十口保汝矣。」卽上言進爲丼人所 軍 以讓溥爲汾州路都監 一觀戰, ·用,未 間 進 劉 一, 伴遺 進者, 至,聞 怪其赴援者 書道 勇力 鼓聲,乃井 中, 絕 非精 人,謙溥 晉 帥 太祖征晉陽,爲東砦都監。 甲, 人逼 趙贊 撫之厚,藉其 問 一西砦。 得 之, 之以 乃謙溥 大將趙贊禦之,丼 聞 死 太祖 也, 力, 帝 往 令 湛喜。 來境 槭 前 進

惡,此乃反間也。 奏至,帝悟,遽令釋之,賜以禁軍都校戎帳、服具,進感激,願擊敵自 效。

領太醫就視之。至京師,疾篤,累上章辭祿,不許。 爭相迎勞於道左。 六年,領兵入太原,連拔七砦。 開寶三年,召謙溥爲濟州團練使。 後邊將失律,復爲晉、隰緣邊巡檢使,邊民聞之喜, 八年,以疾求歸,肩興抵洛,太祖遣中使 明年春,卒,年六十二。太祖甚痛惜之,賻

贈有加,葬事官給。

閤門祗侯。 夫人,以謙昇爲如京副使。 中,使左右掖之,不令拜,命坐飮食,話及舊故,賜賚優厚。雍熙中,太宗爲許王納謙昇女爲 謙溥與宣祖同里閈,弟

謙昇與太祖爲布衣交。其母閻嘗厚待太祖,及卽位,數迎入宮 謙溥子允則、允正,允則至寧州防禦使。從子允恭爲內殿崇班、

居第質于宋偓,太宗詰之曰:「爾父守邊二十餘年,止有此第耳,何以質之?」允正具以奏, 雅熙中,與張平同掌三班,俄爲閤門祗侯。四年,遷閤門通事舍人。時女弟適許王,以 允正字修己,以蔭補供奉官。太平興國中,掌左藏庫,屢得升殿奏事,太宗頗記憶其舊

淳化中, 命討我、瀘州叛蠻。 遷西上閤門副使。 太宗慮京城獄囚淹繫,命允正提總之。

列傳

卽遣內侍輦錢贖還,搢紳咸賦詩頌美。

吏奔 使、丼州駐泊 歲 嘗 邊 満 要 請 命 較 詔 其 五 御 有妨 (殿最 年, 史臺 爲 推 鈐 給 轄 衞 輷, 詔 開 州 况 從 封 俄代 修 無 府 其 河 **欺隱**,不煩 請 司 張 部 錄 署。 永 踰 司、左右 德 年, 會建清 知 推 開 州 封 軍 事 校。」卒罷之。 ,徙代 府 巡、四排岸司 遠 軍 上言:「京師 積 州 石 砦, 允 印紙作 命詣 IE 浩穰,禁繫尤衆, · 又提點· 瀚海部 闪簿, 左 分其役。 右 署禁繫 藏, 御 屢 史府 月日 燙, 乘 傳 考 , 拜 北 較 條 酉 面 之際, 其 Ŀ 罪 閣 經 門 度 胥

以兵 轄。 騎 土 一數百 會大名,復還幷代 咸平 契丹擾邊, 初, 、皆素 使 車 練 西 習, 蜀 駕 詢 駐大名 命允正 訪 民 事 引以入, 允 , 燙, 正 興高 進秩 賜緡錢 瓊 東 率 上 太原 閣 遣 門使了 軍 屯邢州, 出 上門 歷 知鎭、莫二 與石保吉逐遼人, 路來會, 州 召 見 又為: 便 殿。 遼人 井代 所 、遁去 馬 部 步 有 廣 軍

俄

鈐

銳

爲 馧 都 鄜 兩 監,即日 路 延 五 之職 部 年,合涇原儀渭、邪寧環慶兩路爲一 上道 ",復任 兼 知 延州 井代鈴轄。 又命與錢若水同詣洪德、懷安沿 ,改客省使,知定州兼鎮定 每錢若水按巡邊壘, 界,命王 都鈴轄 邊諸砦經度邊事 卽 漢 詔權涖州 忠爲都部署, , 驛召允 進 加 四 領 一方館使, 誠州 IE 一爲鈴 刺 史。 代馬知節 轄 兼 七月, 撫

會張 崇貴卒, 趙德明頗踰軼, 中、中、 一样符 三年, 累表求還。 亟 韶徙 允正為鄜延部署, 至京 師,將祀汾陰,以疾難 內侍密詔存諭。 於 (扈從, 命爲河陽 禮成, 部署以 領河州 便 團練

是秋,徙知永興軍,卒,年五十一。

斌爲慶州刺史銀青、白兩池権鹽制置使。 之。 征, 大蟲」,言其武猛也。 兵次瓦橋關, 內斌率衆五百人以城降。 內斌本名犯宣祖諱下一字,遂改今名。 姚 內斌, 平州盧龍人。 仕契丹,爲關西巡檢、 在郡十數年,西夏畏伏,不敢犯塞,號內斌爲「姚 世宗以爲汝州刺史,吏民詣闕舉留, 從平李筠,改號州刺史。 瓦橋關使。 周顯德六年,太祖從世宗北 西夏數犯西鄙,以內 恭帝詔 褒

開寶四 等又以內斌兒女六人間道來歸,太祖並召見,賜以衣服、緡錢、鞍馬,令中使護送還內斌。 歸 葬洛陽,常賻外,賜其子田三十頃。 初,內斌降,其妻子皆在契丹。 年,召赴闕,上待之甚厚,遣歸治所。 乾德四年,子承贊密自幽州來歸。 承贊爲供奉官、閤門祗侯,死于陣,承鑒至殿中丞。 七年春,暴得疾,卒,年六十四。 五年,幽州民田光嗣 遣中使護喪,

列

征 及 ,大將高 延 董 被 繜 執 海 犪 德,瓊誨之舅也,表瓊誨從行 涿州 舉族 范陽人。 南奔。 漢祖得之,擢拜隨 父宗本 善騎射, 師次高平, 州 隸契丹 刺 史, 帥 署 與晉 趙 遵 延壽 海 [人遇 隨州 麾下 牙校 將接戰,晉兵未成列,懷 嘗以 周 事 顯德 說 延 初, 壽 不 世宗 能 用。 北

以 南 獻, ,攻合肥,下之。 克秦、 討秦、鳳,大將韓通 鳳二州。 六年,從韓通 師還,錄其前後功,補 又表遵誨自隨 平雄、霸二州 東 西 與賊 班 押班,又遷聽武指揮使。四年,從世宗征 、戰于唐倉,先登 。陷陣, 擒蜀招討使王 准

德

命

遵

海

先出奇兵擊之,晉人潰,大軍

繼進,遂敗之。

散。 太祖 將 不 及 也 見 城 錄 問 龍 化之 因令人路邊民,竊迎其母 用 及 」太祖皆不 太祖 卽 汝。」 遵 海 夢 微 位 雲 益 平 時,客遊至漢東,依宗本,而 如 遵 惶 濫 ? 誨 對 日 愧待罪, 再 又夢登高 拜感 便殿召 他 再 日 泣 論 太 拜 見, 臺,遇 旭 胍 兵 叉 遵 戦 萬 召 問 送興遵誨 蒇 而 誨 事 黑蛇約 遵海 諭 伏 遵 之日 俄 地 誨 二 母 請 遵誨憑藉父勢,太祖 加 長 理 部 死, 安在 多 白 遵誨遣外弟劉綜貢馬以謝 下 屈 尺餘,俄化 帝 有 方 ",拂 令左右: 赦 軍 遵誨 過賞 卒 衣 擊 而 扶起, 登 龍 起。 奏日 功 飛騰東 聞 每 豈 日日 鼓, 太祖 避之。 因 念舊 諭 訴 北 乃辭宗本 氏 之曰:「卿 其不 惡耶 去, 在 遵海嘗謂太祖 姒 太祖 雷 法 州 + 電 汝 去,自 解 經 尙 隨之, 餘 口 其所 記 患 /// 事 是 難 往 復 是何 曰:「每 、紫雲 太祖 服眞珠 睽 日 憂 .紫雲 隔。 吾 漸 祥

|龍衣,命齎賜之。|綜曰:「邍誨人臣,豈敢當此。」|太祖曰:「吾方委以方面,不此嫌也。」

斬甚衆,獲羊馬數萬,夷落以定。 太祖嘉其功,就拜羅州刺史,使如故。 威德,刲羊釃酒,宴犒甚至,衆皆悅服。後數月,復來擾邊,違誨率兵深入其境,擊走之,俘 遷爲散員都虞候。乾德六年,以西夏近邊,授通遠軍使。瓊誨旣至,召諸族酋長,諭以朝廷 會李筠叛澤、潞,令遵誨從慕容延釗討之,遷馬軍都軍頭,因留之鎭守。 太宗卽位,兼領 三年,召歸,再

州路巡檢。

賻 始 歸所略,拜伏請罪, 撫 終不替,許以便宜制軍事。 加等,錄其子嗣宗、嗣榮爲殿直 一面,夏人悅服。 遵誨不知書,豁達無崖岸,多方略,能挽強命中,武藝皆絕人。在通遠軍凡十四年,安 遵誨卽慰撫令去。 嘗有剽略靈武進奉使鞍馬、兵器者, 遵誨部署帳下欲討之, 夏人懼, 盡 太平興國六年,卒,年五十六。 自是各謹封略,秋毫不敢犯。 帝軫悼久之,遣中使護葬,賵 歷太祖、太宗朝,委遇

周祖悅之,卽留置所部。 賀惟 忠,忻州定襄人。少勇敢,善騎射。 洎開國,得隸世宗帳下,奏補供奉官,不辭,輒入朝。 周祖將兵討三叛,惟忠謁於道左,自陳其有武 世宗怒

仁瑀

之,及嗣位,終不遷擢。

子昭度爲供奉官。

州刺史兼易、定、祁等州都巡檢使。嘗中流矢,六年, 初授儀鸞副使, 令知易州, 捍邊有功, 尋遷正使。 金瘡發而卒。 開寶二年,太祖駐常山,以惟忠爲本 太祖聞之嗟悼,即以其

兵,所向必克,威名震北邊,故十餘年間契丹不敢南牧。 遠軍,有罪當棄市,減死流商州 惟忠性剛果,知書,洞曉兵法,有方略。 在易州繕完亭障,撫士卒,得其死力,每乘塞用 昭度至西京作坊使。 淳化中,知通

行陣之狀,自稱將軍,日 字。 馬仁瑀,大名夏津人。十餘歲時,其父令就學,輒逃歸。 博士笞之,仁瑀夜中獨往焚學堂,博士僅以身免。 與之約,鞭其後期者,羣兒皆畏伏。又市果均給之,益相親附。 常集里中羣兒數十人,與之戲,爲 又遣於鄉校習孝經,旬餘不識 及

順 初,補內殿直。 漢乾祐中,周祖鎭鄴,仁瑀年十六,願隸帳下,周祖素聞其勇,旣見甚喜,留置左右。 世宗嗣位,命衞士習射苑中,仁瑀弓力最勁,而所發多中,賜錦袍、銀帶。

長,善射,挽弓二百斤。

我輩 會太原劉崇入寇,世宗親征至高平,周師不利,諸將多引退。 」乃控弦躍馬,挺身出陣射賊,斃者數十人,士氣益振,大軍乘之,崇遂敗績。 仁瑀謂衆曰:「主辱臣死,安用

散指 身被數十創,賜以良藥,遷內殿直都虞候。 樓上望卒厲聲嫚駡,世宗怒甚,命左右射之,遠莫能及。 揮使。 世宗至上黨,諸將坐失律誅者七十餘人。擢仁瑀爲弓箭控鶴直指揮使,及還京,又遷 從征 淮南,至楚州,攻水砦。 砦中建飛樓高百尺餘,世宗觀之,相去殆二百步, 又從平三關。 仁瑀引滿,應弦而顕。 恭帝嗣位, 韶從太祖 北 及淮南平, 伐。

指 年,改領 掉使, 領扶州 初以佐命功授散員都指揮使,領貴州刺史,俄遷鐵騎 岳州 防禦使,俄又移領漢州。 團練使。 從平澤、 潞,以功領常州防禦使,改龍捷左廂都指揮使。 右廂都指揮使,又爲虎捷左廂都 建隆二

正切責· 獨 先是,薛居正 瑀 初, 之。 詞 詔 氣 仁瑪等領 爲 不相下, 知貢舉,仁瑪私囑所與者,榜出,無 御史中丞劉温 (荆湖諸郡,不數歲,復其地。 嘗攘臂欲毆之。 | 叟所劾,帝優容之。 會帝將講武郊外, 其人。 王繼勳以后族驕 至是,將征圖,又詔領川、峽諸郡,遂平之。 聞喜安日,仁瑀酒酣,攜所囑者詣居 遂欲相圖, 恣,凌蔑將帥,人皆引避。 各勒所部兵私市白梃。

太祖 征 一晉陽,命仁瑀率師巡邊,至上谷、漁陽。 契丹素聞仁瑀名,不敢出,因縱兵大掠,

太祖

密知

之,

詔罷講武,出仁瑀爲密州

防禦使。

盡

一獲其黨,魯郊遂寧。

奇偉, 俘 生口 弼 牛羊 號曰「長脚龍」。 數萬 計 駕 監軍討捕數不 還 , 瑀 歸治 所。 利, 詔仁瑀 明 年, 羣盜起兗州, 賊首 掩 璃 率帳下十餘卒入泰山 周 丽 毛襲 甚 勇悍,材貌 擒那

過 私 五 征 誤 瑀 親 + 太 率禁兵 原,命仁瑀與成州刺史慕容超、飛龍使白重貴、八作使李繼昇分兵攻 而 爾,願以過失殺傷論。 開 亂國法哉?」遂論如律,給民家布帛爲棺斂具。 寶四年,遷瀛州 贈 河 (擊契丹於盧龍北,契丹兵奔潰。 西 軍節度,葬事官給 防禦使。 仁瑀曰:「我為長 兄子嘗 因醉誤殺平民, (吏,而 師還,遷溯州觀察使,判瀛州事 兄子 太平 殺 繋獄 人,此怙 興國初, 當 死。 勢爾 移 民家自 ,非過失也。 知 遼州 城 言 非 及 七年,卒,年 有 征 四 宿憾, 范陽, 年, 豈敢 車

以

命

但

太祖常 |州, 鎭 昭義,以禦太原。趙贊 何 論 繼筠 注 意 宋初, 3 於謀 領 棣州 帥, 交、廣、劍南、 命李漢超 了,以拒 屯延州 北 敵 屯 太原各稱大號,荆湖、江表止通 , 姚內斌守慶州 闍 又以 南台,馬仁瑀守瀛州, 郭 進控 西山, 董 遵 誨 武守琪戍晉州,李謙溥守隰州,李繼 屯環州,王彦昇守原州 韓令坤鎭常山三, 貢奉, 契丹相抗,西夏未 ,馮繼業鎭 賀惟忠守易

遣之。 征稅,許其召募亡命以爲爪牙。 武,以備西夏。 十年間無西北之憂。以至命將出師,平西蜀,拓湖湘,下嶺麦,克江南,所向遂志,蓋能推赤 由是邊臣富貲,能養死士,使爲間諜,洞知敵情;及其入侵,設伏掩擊,多致克捷,二 其族在京師者, 撫之甚厚。 。凡軍中事皆得便宜,每來朝必召對命坐,厚爲飮食,錫賚以 郡中筦権之利,悉以與之。 态其貿易,**免其所過**

武功,於斯爲盛焉。 守恩、允正皆紹先業,以勳名著。 若李進卿、楊美亦專師西征,而美居北海,以樂易結民心,誠得爲政之本。 承矩議屯田,贊和好,其謀甚遠。 守恩以果敢死事。 延渥、承矩、

心以馭羣下之所致也。

校勘記

- 命李漢超屯關南 「關南」原作「關西」,據上文李漢超傳改。
- 韓令坤鎮常山 度 了成德軍即常山郡,故傳論說:「平荆、湘則南服底定,鎮常山則北邊載寧。」據改。 「常山」原作「常州」。 按本書卷二五一韓令坤傳, 令坤於建隆二年爲成德軍節
- (三) 何繼筠 「筠」原作「勳」,據本卷何繼筠傳改。

宋史卷二百七十

列傳第三十三

梁迥 王贊 張保續 史珪 田欽祚 趙 玭 盧懷忠 侯贇 王文寶 王繼勳 翟守素 丁德裕 王侁 張延通

劉審瓊

引律令辨析中理,問之,知其嘗事學問,卽署右職。及卽位,補東頭供奉官,累遷右驍衞將 還,復爲三司副使。 是銜之。及征關南,言於世宗,以贊爲客省使,領河北諸州計度使。 軍、三司副使。 時張美爲使,世宗問:「京城衞兵歲廩幾何?」美不能對,贊代奏甚析,美因 有司不敢繩以法。 王贊,澶州觀城人。少爲小吏,累遷本州馬步軍都虞侯。 贊所至,發擿姦伏,無所畏忌,振舉綱領,號爲稱職,由是邊臣切齒。 周世宗鎭澶淵,每旬決囚,贊 五代以來, 姑息藩鎮,

師

列 傳 第

三 十

Ξ

王

攢

張

保 續

下,溺死,親屬隨沒者三人。 建隆 初 始平李重進, 太祖素知贊材幹,可委以完葺,即令知揚州。 上甚嗟悼,謂左右曰:「溺吾樞密使矣!」蓋將大用也。 既行,舟覆於閻橋 賻其家

三百匹,米麥各二百斛。

中,調補臨濟尉,選充四方館通事舍人。後唐天成初,領瓜州官告國信副使。 張保續字嗣光,京兆萬年人。父洪,唐左武衞上將軍,保續以蔭補太廟齋郎。 郊祀,改右贊 梁貞明

本官充西上閤門副使。 李守貞、符彥卿等率兵禦之。 晉天福中,歷太府、光祿二少卿,職同正,領通事舍人。 明年,使荆南,復命轉東上閤門副使。 。命保續馳騎往來軍中諭機事。 開運二年,契丹入寇, 旣而 契丹犯闕,被驅北徙, 大破敵於陽城,使還,以 杜重 留范 一威、

州 進 納款,遣保續先往慰撫,及劉仁贍率將卒出降,以功遷判四方館事,就遷客省使。 副使、知閤門事。 漢乾祐初,出爲隴州防禦使。 世宗卽位,授西上閤門使。 周祖革命,召爲東上閤門副使,從平慕容彥超。 明年,進秩東上閤門使。 從上征淮南,會壽 從平瓦 累遷引

陽,歲餘逃歸。

橋關,奉使吳越。

內,後歸京師。 善宜贊辭,令聽者傾聳。 宋初,遷衞尉卿,判四方館、客省、閤門事。 建隆三年,卒,年六十四。 累使藩國不 辱命,歷事六朝,未嘗有過。 保續性介直,好儉素,在閤門前後四十年, 從征李筠,以足疾留河

趙 班, 澶州人。 家富於財。

州, 郡,因署班秦、成、階等州觀察判官。 刺 史白重進以其年少,欲試以事,因以滯獄授之。玭爲平決,悉能中理。 連辟爲從事。 會契丹構難,秦帥何重建獻地於蜀,孟知祥署高彥儔秦州節度,成爲支 晉天福中,以納聚助邊用,補集賢小史,調濮州司戶參軍。 重進移刺號、成二

俯伏聽命。 卒皆驍銳者,然殺戮遁逃之外,幾無孑遺。我輩安忍坐受其禍?去危就安,當在今日。」衆皆 三州刺史。 召官屬諭之曰:「今中朝兵甲無敵於天下,自用師西征,戰無不勝。 周顯德初,命王景帥兵討秦鳳。 班途以城歸朝。 世宗欲命以藩鎮,宰相范質不可,乃授郢州刺史,歷汝、密、澤 [彦儔出兵救援,未至,聞軍敗,因潰歸。 圖中所造,將皆武勇者,) 班閉門不納,

列傳

六年, 詣闕, 納所授告命, 詔勒歸私第。 又請退居鄭州, 不許。 知, 百官逐普,且論其事。 馬前揚言其短。 狂 於殿庭。 |躁婞直,多忤上旨,太祖頗優容之。嘗廉得宰相|趙普私市|秦、隴大木事,潛以奏白,然懼|普 因稱足疾求解職。 隆中,入爲宗正卿。 普爲營救,得寬其罰,黜爲汝州牙校。太平興國三年,卒,年五十八。 上聞之,召玭及普於便殿,面質其事。 王溥等奏班誣罔大臣,普事得解。 五年春,罷使,守本官。 乾德初,出爲泰州刺史。二年,改左監門衞大將軍、判三司。 。自是累獻密疏,皆留中不出,常疑普中傷。 班大言詆

普販木規利,上怒,促令集 上詰責班,命武士撾之,令御史鞫 玭不勝忿,踰年, 同普入朝,

德初, 圍其城,懷忠夜踰城出見,陳攻取便宜。 監 懷忠, 沂州 軍,以所部破海州,功居多。 瀛州河間人。少有膂力,善騎射。 河中平,奏補供奉官。從征慕容彥超於兗州。 世宗議北征,先遣懷忠按視出師道路。三關平, 漢乾祐初,寓居河中,值李守貞之叛,周祖

情去就, 宋 初,遷內酒坊副使。 山川向背,我欲盡知之。」懷忠使還奏曰:「繼沖甲兵雖整,而控弦不過三萬;年穀 會朗州軍亂,太祖將出師致討,遣懷忠使荆南,因謂曰:「江陵人

遷

如京

副使。

策也 雖登,而民苦於暴斂。 矣。」太祖 」。」卽以懷忠爲前 召宰相范質等謂 南邇長沙, 日:「江陵四分五裂之國,今出師湖南,假道荆渚,因而下之,萬全 東距金陵,西迫巴蜀,北 奉朝廷。 觀其形勢,蓋日不暇給

軍步軍

一都監

荆湖平,以功遷內酒坊使。

年四十九。 勞,遷客省使。 乾德二年, 大中祥符四年,錄其子熈爲校書郎。 又明年,使江南還,中途遇疾,肩輿歸京師。 改判四方館事, 知江陵府。 四年,王師伐蜀。 太祖遣醫丸艾以賜之,未幾卒, 江陵當峽、江會衝,以供億之

爲漢兵所敗,被創而遁。 刺史,充晉、磁、隰等州緣邊巡檢,歷憲、麟、石、磁四州刺 走還 河中。 王 繼勳,陝州平陸人。隸河中府爲牙校。李守貞之叛,令繼勳據潼關,爲郭從義所破, 俄白文珂、劉詞領兵至城下,守貞又遣繼勳與其愛將聶知遇夜出攻河西砦,復 繼勳度守貞必敗,遂踰城出降,周祖 史。 奏補供奉官。 廣順初,領汾州

狀。 權 知道州,未幾,授本州刺史。 及王 宋初,遷磁州 師南伐,以爲 團練使, 坐境上用兵失律、 賀州道 行 州境與廣南接, 營馬步軍都監。 荆罕儒陷陣, 責授右監門衛率。 劉鋹 繼勳有武勇, 屢引兵入寇, 在軍陣, 繼勳因上言嶺表 常用鐵鞭、鐵槊、鐵 初平荆襄,命 可圖之

列 傳

第

=

+

=

王

N. S

勳

丁

德

裕

檛,軍中目爲「王三鐵」。

丁德裕,洺州臨洺人。 父審琦,彰武軍節度。 周廣順初,以蔭補供奉官。

宋初,歷通事舍人、西上閤門副使。 建隆三年,遷東上閤門使。 從慕容延釗平荆湖,以

功授引進使。又與潘美、尹崇珂克郴州,遷客省使。

|裕在||蜀日屢以事請求,多拒之,皆有狀。 通坐棄市。又奏轉運使、禮部郎中李鉉嘗醉酒言涉指斥,上怒,驛召鉉下御史案之。 通 同率師討之,擒賊帥康祚,磔於市。 乾德五年,遷內客省使。時成都初平,羣寇大起,用爲西川都巡檢使,與閤門副使張 歲餘,盡平其黨。 御史以聞。 太祖悟,止坐越酒失,責授左贊善大 頗與延通不協,歸朝,告其陰事 | 鉉言徳 延, 延

移領常、潤等州經略巡檢使。 常州平,命權知州事。又改昇州東南路行營都監,敗潤州軍五千餘於城下。及拔 未幾,德裕亦出知路州。 錢俶奏其事,貶房州刺史,卒。 德裕以傾險爲衆所惡,恃勢剛狠,不恤士卒,黷貨無厭,越人 會征江南,遣德裕爲常州行營兵馬都監,領吳越兵, 助主帥進 潤州

張 延通,路州路城人。父彦成,周右金吾衞上將軍。延通性穎悟,有才幹,蔭補供奉官。

問, 爲黨。 則召 輩日享安樂。」蓋言不自安也。 |原, 德裕 同 內客省使 延通抗對不 有使自行在至,備言太祖當盛暑躬冒 延 **衡之**,又與張 |宋 太祖 通顧 初,歷通事舍人,遷東上閤門副使。 怒, 問,而待德裕稍薄。 丁德裕、 遜,遂斬之。 即收延通、張嶼及王班 嶼不協,延通亦爲和解之, 引進副使|王班、內臣張嶼領兵屯圖部。 嶼、班并內臣王仁吉並杖脊,嶼配流沙門島,班許州, 德裕不答。 德裕頗疑懼,遂奏延通嘗對衆言涉指斥,且多不法事 下御史臺鞫之, · 矢石, 勞頓萬狀。 會張嶼先歸闕,太祖賜予甚厚。延通、德裕繼至, 開寶中,爲西 德裕疑延通與嶼爲黨, 延通等引 川兵馬都監。 延通 德裕 伏。 日:「主上勤勞若此, 頗專恣, 益不悅。 太祖始欲捨之, 太祖以蜀寇未平,命 延通 會太祖 面質其短, 仁吉 丁,指 及引 西窰 征太 而吾 嶼

梁迥 列 一,博州 傳 第 = 聊城人。 + = 張 少爲吏部 延 通 粱 小史。 迥 周世宗在藩邸日,得給事左右。 九三五五 及嗣位,補殿直,

務,時開寶二年也。

九三五

改供奉官,四遷至左藏庫使。

州 刺史聶章爲沁州兵馬部署,以迥監其軍 太祖將討西蜀,以迥監秦州戍兵。 蜀平,改監霸州兵,轉宮苑使。 0 無何,丼人入寇, 迥與閻彦進同率兵擊敗之, 從征太原還,會命蜀

功遷東上閤門使。 開寶五年,命爲廣南道兵馬都監,兼諸州 巡檢。

多笑之。暨王師伐金陵,命迥與潘美、劉遇率步兵先赴荆南。 旣而奉以貲貨,殆直數萬緡,迴卽大喜過望,登舟縱酒,繼日宴樂。及歸,戀戀不發,人 八年,奉使江南。 迥素貪冒,外務矯飾,初若嚴毅不可犯,雖饋食亦不受,江南人頗憚 且以迴護行營步兵及左廂戰

太宗卽位,判四方館事,領禁軍戍澤州。 太平興國三年,錢俶來朝,命往淮、泗迎勞。

江南平,以功領順州團練使。

夏,汴水大決,詔迴發畿內丁男三千護塞汴口。

權,與吳人戰采石,殺獲甚衆。

喆、崔翰率兵屯定州,以功遷引進使。 年,李繼遷寇邊,以迥領兵護銀、夏州。 四年,征太原,以迥爲行營前軍馬步軍都監,督軍攻城,中流矢四。 五年,受詔與潘美城并州於三交,及築緣邊堡障。 八年,召歸,授唐州防禦使,令赴職 車駕還,命與孟玄

三年夏,卒於銀州官舍,年五十九。 熙二年,繼遷誘殺都巡檢使曹光實,乘勢數寇邊。 復召迥爲銀、夏都巡檢使,赴邊捍

迥爲閤門使,白太祖曰:「陛下宴犒將帥,安用此輩預坐?」自是罷之。 蘇易簡白於太宗,始復預焉。 迎性粗率, 、尤不喜文士,故事,節帥出鎭及來朝,便殿宴勞,翰林學士皆預坐。開寶中, 大中祥符八年,錄迥子廷翰爲奉職。 至淳化中,翰林學士

旭 大劍都指揮使。 領禁衞,以珪給事左右。 史珪,河南洛陽人。父暉,晉嚴衞指揮使。 開寶六年,加都軍頭,領毅州 及受禪,用爲御馬直隊長,四遷馬步軍副都軍頭兼控鶴、弓弩、 刺史。 | 佳少以武勇隸軍籍,周顯德中,遷小校。 太

案鞫得實,並以枉法論。 陷人於刑,深非理道。將禁其二價,宜示以明文,自今應市易官物,有妄增價直欺罔官錢者, 漸肆 「古人以獄市爲寄者,蓋知小民唯利是從,不可盡法而繩之也。 太祖 威福。民有市官物不當價者, 连告其欺罔, 當置法, 列肆無不側目。上聞之, 因下詔曰: 初臨御,欲周知外事,令珪博訪。 其犯在詔前者,一切不問。」自是珪不復敢言 |珪廉得數事白於上, 驗之皆實, 况先甲之令,未嘗申明。苟 由是信之,後乃

夢昇以法繩之。 時德州 刺史郭貴知邢州,國子監丞梁夢昇知德州,貴族人親吏之在德州者,頗爲姦利, 貴素與珪善,遣人以其事告珪,圖去夢昇。 **珪悉記於紙,將伺便言之。**

列傳

第三十

=

史

珪

宋史卷二百七十四

以進, 日, 上因言:「爾來中外所任,皆得其人。」建遽曰:「今之文臣,亦未必皆善。」乃探懷中所記 眞淸強吏也。」因以所記紙付中書曰:「卽以夢昇爲贊善大夫。」 旣又曰:「與左贊善。」 哇 曰:「私, 如 知德州梁夢昇欺蔑刺史郭貴,幾至於死。」上曰:「此必刺史所爲不法。

價以糶,所全活甚衆,吏民詣闕請植碑頌德者數百人。 九年,坐漏洩禁中語,出爲光州刺史。 會歲饑,淮、蔡民流入州境,珪不待聞,即開倉減 太平興國初,以爲揚、楚等九州都巡

檢使。

以譖

不行,居常怏怏。

旬而 武行軍司馬八丁。 六年,遷隰州刺史,知保州、靜戎軍。 上緣邊便宜十五 几 年,征太原,命珪與彰信軍節度劉遇攻城北面。 數月,召爲右衞將軍、領平州刺史。 督浚惠民河,自尉氏達京九十里,數 從征幽州,坐所部逗撓失律,責授定 事,皆從之。

好以甘言小惠取譽於人,故所至不忍其去云。 雍 熙中,從曹彬征幽州,爲押陣部署,以所部下涿州。 師還,卒,年六十一。建多智數,

田 欽 祚, 潁州 汝陰人。父令方, 漢號州團 一練使。 帳 下伶人靖邊庭妻有美色,令方私之,

邊庭 不勝忿 會陝西三叛連衡, 뎲 輔間 人情 大擾。 邊庭率其徒數人夜縋入州廨, 害令方,

因掠郡! 周 世宗 民投趙思綰, 征 淮南,爲前軍都監 至潼關,與守關使者戰,遂敗散 從征 一關南還, 會塞澶淵決河,命欽祚領禁兵護役,因令督 朝廷錄欽祚爲殿直,改供奉官。

治澶 州 城 准 人寇高密,刺史王萬威求濟師,命欽祚領州兵援之,旣至,圍解

孟 昶 -, 從 降, 宋 羅彥 奉捷書馳奏,遷西上閤門副使。 遷閣門通事舍人。 嚷 拒之,獨以所部三千人破寇,擒副將一人,俘獲甚衆, 乾德二年冬,討蜀 圈土寇亂,又遣欽祚率師討平之。 ,爲北路先鋒都監,令乘傳往 以功遷西上 四年春,丼人寇 來宣達機事 一閤門使。

二年,又 與何繼筠破賊兵于石嶺關,領質州 刺史,判四方館使。

李雄等五 赴 奏合旨 祚 馬 江 陵, 中流 三年,契丹寇 就命 江南 矢踣, ,擒裨將 所得 爲 昇州 騎 土 王 中山 寶貨直 西南路行營 人。 超授欽祚以馬, ,以欽祚爲定州 三千萬 進 圍 金陵 馬 ,悉以賜欽祚。 軍 。 爲 兼 路兵馬都 軍 左 南 復 雇 囬 振 戦權 攻城 會 敵 部 都 部 署。 興師 解 監 署 去 與戰遂城, 首命 領兵 旣 朝 平,以 廷將議討江表,遣欽祚覘之,還 人敗吳軍 欽 祚 ,自旦及晡,殺傷甚衆。 功 與曹彬、李漢瓊率 萬 加領 餘 汾 于溧水, 州 防 響使 斬 其主 ·騎軍 先 帥 欽

太平 興國 初, 遷 引進使, 為晉州都 i 鈴轄。 太原驍將楊業率衆寇洪 〉洞縣, 欽祚擊敗之,斬

列

傳

第

 \equiv

+

Ξ

田

欽

祚

侯

魙

石嶺

關以

扞

契丹

首千餘級, 獲馬數 白 太宗賜欽祚白金五千兩,令市宅。 四年,從征太原,護前鋒騎兵,屯

遂自縊死。 欽 祚 性剛戾負氣,多所忤犯,與主帥郭進不協。 初,賊兵奄至,進出戰,欽祚但閉壁自守,旣去,又不追。 進戰功高, 屢爲欽祚所陵, 心不能甘, 所受月奉芻粟,多販鬻

幽州, 練使。 房州 規利 為部 惠 命欽祚與宣徽南院使郭守文爲排陣使。 一練使,逾年,又改柳州。 在郡二年,入覲, 下所訴,責授睦州 欽祚見上, 涕泣不已。 團練使。 嶺外多瘴氣, 車駕北巡,以爲幽州 因 選疾,累表 乞生 還闕下。 時欽祚已被病,受詔不勝喜, 以爲銀、夏、綏、宥都巡檢使, 西路行營壕砦都監。 上憐之,遷郢州 一夕,卒。 俄召還。 六年秋,改 會 征 團

欽 祚 性陰狡, 尤不喜儒士, 好狎侮同列,人多惡之。 子承誨,仕至供奉官、閤門祗侯;

承說至崇儀副使。

侯贇, 幷州太原人。 父義, 漢遼州刺史。 質以蔭補殿前承旨。 周顯德中,再遷至供奉

官,使江南,復命領三門、集津發運事。

宋初,爲諸衞將軍。 先是,朝廷歲仰關中穀麥以給用,贇掌其事歷三十年, 國用無闕。

右衞將軍 累遷至右武衞將軍。 太平興國 開寶中,歷知建安軍、楊徐二州,皆有善政。 二年,錢俶初納土,詔贇馳往兩浙諸州閱視軍儲芻茭, 太宗卽位,移知福州,改 累遷右衞大將

上念久次,求可代者而難其人。淳化二年,卒于官,年七十四,贈本衞上將軍。 七年,知靈州,按視蕃落,宴犒以時,得邊士心,部內大治,遷左衞。 在朔方凡十餘年,

洪進獻潭、泉地,以文寶監泉州兵。羣盜大起,文寶與轉運使楊克讓、知州喬惟岳共討平 王文寶,開封陽武人,以任子補殿直。太平興國初,累遷至軍器庫使。 嘗使契丹。會陳

之。以功領媽州刺史,加內弓箭庫使。

繼隆、作坊副使李仁祐、劉承珪分往護作。旣而地高水下,不能通,卒堙廢焉。雍熙四年,改 發唐、鄧、汝、潁、許、蔡、陳、鄭丁夫數萬赴其役,又發諸州兵萬人助之。命文寶與六宅使李 東上閤門使,歷知涇、延二州。會遼人寇通遠軍,命文寶率師致討,還遷判四方館事

二年,京西轉運使程能議開新河,自襄、漢至京師,引白河水注焉,以通湘、潭之漕。

文寶歷內職三十年,雅好言外事,太祖、太宗頗信任之,中外咸畏其口,出爲高陽關兵

傳第

三 十 三

王文寶

翟守素

馬鈴轄。淳化二年,卒于官。

四方館事。以兩川餘寇未殄,慮致騷動,再令守素入蜀經略諸郡,分兵以防遏之。 領承天軍使。 翟守素, 濟州任城人。父溥,晉左司禦率府率。 乾德中,爲引進副使,從王全斌伐蜀,以往來馳告軍事爲職。 守素以父任爲殿直,歷漢、周,遷供奉 蜀平,擢判

人悅服。 開寶中, 從征太原,命海州刺史孫方進圍汾州,守素監其軍,轉引進使。 會麟、府內屬戎人爭地不決,因致擾亂,命守素馳往撫喻。 守素辨其曲直,戎

越 日 其境,蹈藉禾稼,守素多所虜獲。 ,復遣爲岐帥符彥卿官告使。 國王錢俶來朝,命守素護諸司供帳,迎勞郊外。 開寶三年,命爲劍南十州都巡檢使,東上 守素辭以錫賚優厚,不敢更當奉使之詔,上不許。 太宗卽位,遷客省使,領憲州刺史。 一閤門使郭崇信副之。賜守素錢五百萬,入謝 |丼壘未下, 詔與洺州防禦使郭進率兵深 九年,吳

梅 將接戰,守素一夕令削木爲弩。 山 洞 太平 蠻恃險叛命,詔遣守素率諸州屯兵往擊之。值霖雨 興國三年夏,河決滎陽,詔守素發鄭之丁夫千五百人,與卒千人領護塞之。 及旦, 賊奄至, 交射之, 贼遂敗。 彌 旬, 弓弩解弛,不堪用, 乘勝逐北,盡平其巢穴。 明日, 是秋,

先是,數郡大吏、富人多與賊帥包漢陽交通,旣而得其書訊數百封,守素並焚之,反側以定。

州。 歲滿、爲西京巡檢使。秦王廷美以事勒歸私第,以守素權知河南府兼留守司事,屬洛 俄而錢俶獻浙右之地,詔守素爲兩浙諸州兵馬都監,安撫諸郡,人心甚悅,即以知杭

陽歲旱艱食,多盜,上憂之,守素旣至,漸以寧息。未幾,遷商州團練使。

仁朗、 馬鈴轄、知大名府,改知潞州。會建方田,命爲代北方田都部署、丼州兵馬鈴轄,從屯夏州, 、王繼恩、郭延濬分路案行,發諸州鎭兵增築,護其役。賜白金三十兩,留充天雄軍兵 雅熙二年,改知延州。自劉廷讓敗于君子館,河朔諸州城壘多圮。 四年,韶守素與田

幾,又徙石州,以老病上疏求歸本郡,從之。三年,卒,年七十一。 淳化中,夏帥趙保忠上言,其弟繼遷誘戎人爲寇,且求援師。 韶守素率兵復屯夏州,未 改知鳳翔府。

答,以微警之。 罪狀明白,仍徧詢僚案,愈同而後決;屬吏有過不面折,必因公宴援往事之相類者言其獲 守素逮事四朝,縣歷內職五十餘年。 新進後生多至節帥,而守素久次不遷,殊無隕穫意,時論以此多之。 性謹愼,寬仁容衆,所至有治績。 凡斷大辟獄,雖

列

諸孤 王 侁 字祕 以代 權 為東 ,開封浚儀人。 頭 供奉官。 父朴,周樞密使, 開寶 点中, 征 江南,命侁率師戍桐城。 **侁以父任太僕寺丞。** 王師渡江, 與樊若水 |朴 |卒, 世宗幸其第,

同 知 池州, 領兵敗江南軍四千餘于宣州 金陵平, 加閣門祗

數往 往代之。 言 主 來 帥所留牙兵,率與邊人交結,頗桀點難制,歲久當慮,請悉代之。 太平 西 邊, 戍者聞代,多不願還。 興國初, 多奏便宜,上多聽用,遷通 預討 梅 山 洞蠻。 **|** 佐察其中族拒者斬之以徇, 契丹使來貢,詔 事舍人。 **恍送于境上**。 衆皆悚息, 還,使靈州、通遠軍。及旋, 太宗因遣侁調 遂將以還。 內郡卒 歲中

領 閣 門 折遇也级入李繼遷,洗帥師討擒之,以功領蔚州 副使。 几 年 從征太原,以侁護陽曲、場地、 晉陽平,留爲嵐、憲巡檢。 九年, 石嶺關諸 代還, 刺史。 屯, 遷 西 賜廐馬介胄。 上閤門使,賜錢 王師北征,命爲丼州駐泊都監,又 五月, 百 萬 卽城下轉東 河 西 三族首

爲雲、應等州兵馬都監。

團 侁性剛愎,以語激楊業,業因力戰陷於陣, 低坐除名, 練 副使。 淳化 五年召還,道病,至京師卒。 配隸金州,事載楊業傳。

弟僎,供奉官、閤門祗侯,坐征交阯軍敗誅;備、 偃 並 進士及第,偃至太常博

朴弟格,宋初爲右補闕、直史館,至都官員外郎、廣南轉運使。 格子侗,太平興國進士,

劉審瓊,涿州范陽人。 家素貧。 漢乾祐中,湘陰公鎭彭門,審瓊始隸帳下。 周祖 受命, 從

遁去,依永興軍節度劉詞,頗委任之。 詞卒,屬太祖節鎭,給事左右;及受禪,補殿直。

平澤、潞、改供奉官。

開寶中,累遷至軍器庫使。 會樞密使李崇矩門人鄭伸擊登聞鼓,誣告崇矩受太原席義 審瓊具言其

誣枉,得解,遂出知鎭州。 上怒,召審瓊詰問,

水爲防,民甚勞之。審瓊至,悉罷之,以爲民便。 七年,太宗征河東,駐蹕月餘,儲彿無闕,遷領檀州刺史,知潭州。 徙知河陽。 淳化三年,受代歸,陳衰老乞 州素多火,日調民積

正受郡符。 上閔其舊人,授坊州刺史。 至道三年,卒于官。

審瓊嘗給事外諸侯,雅善酒令博鞠,年八十餘,筋力不衰,髭髮黳黑。孫爽,進士及第,

後爲祠部員外郎、祕閣校理。

也。 哲之所戒。班以剛險蒙悔吝,珪以發擿肆威福,其不逞者數!守素不事躁競,審瓊克享期 懷忠識荆渚之將危;繼勳知番禺之可取;侯贇久治邊郡;文寶數護屯兵:斯各一時之效 德裕、梁迥、欽祚、王侁皆練習戎旅,頗著勳勞,然率疆戾而乏温克,以速於戾,斯乃明 易曰「視履考祥,其旋元吉」,此之謂也。 論曰:王贊奮迹小校,有奉公之節,繩姦列郡,不畏強禦;保續單車出使,不辱君命;

校勘記

(1) 定武行軍司馬 「定武」,長編卷二〇記此事作「武定」。

宋史卷二百七十五

列傳第三十四

薛超 劉 福 丁罕 安守忠 趙蹈附 孔守正 郭密 傅思讓 譚 延美 李斌附 元達 田仁朗 常 思德 劉謙

春,世宗奇之,因留麾下。 劉福 徐州下邳人。 少倜儻, 每出戰,則令福率衞士爲先鋒,與破紫金山砦。 魁岸有膂力。 周顯德中, 世宗征淮南, |福徒步謁見于||壽 准南平,錄功授

懷德指揮使。

殺師雄妻孥,師雄領叛卒,益聚村民十餘萬衆,攻城益急。 刺史成彥饒以同、華兵百餘人守其城,全斌遣米光緒將七百騎及福所部以屯護之。 王全斌部送降卒歸京師,至綿州,降卒盜庫兵,劫蜀舊將全師雄以叛,焚廬舍,剽財貨以去。 宋初,遷橫海指揮使,率所部隸步帥劉光毅,由峽路征蜀。 會龍捷指揮使田紹斌率精鋭百 比至成都,孟昶已降。大將 光緒盡

九三六七

列傳

第三

+

74

劉

福

安守

忠

計,以 騎,由 汾, 贈太傅。 宴犒,寇雖大至,而恃以無恐矣。 兵馬部署。 遷馬步都軍頭、武州團練使。 東 功授虎捷都虞候。 Ш 西 雄州地控邊塞,常屯重兵。 北行,福領所部由山南行,出賊不意夾擊之。 繼隸曹彬麾下,平江南,還,授指揮使,領蔚州刺史。從太宗克井、 淳化初,遷凉州觀察使、判雄州事。 端拱初,出爲洺州防禦使。 福至部, 按行城壘,調鎭兵以給繕完,出私錢以資 賊衆大潰,斬首及溺江死者以萬 二年,改雄州防禦使兼本州 二年, 卒, 年六十四。

室,爲自安計乎? 嘗勸起大第,福怒曰:「我受祿厚, 腷 雖 不學,而御下有方略,爲政簡易,人甚德之,領雄州五年,郡境寧謐。 」卒不許。 既死,上聞其言,賜其子白金五千兩,使市第宅。 足以僦舍以庇。 汝曹 既無尺寸 功以報朝廷, 福旣貴,諸子 豈可營度居

下,命守忠馳往宣論。 領 山南東道,以守忠爲牙內指揮使, 安守忠字信臣,并州晉陽人。 時藩臣驕蹇, 父審琦,爲周平盧軍節度,封陳王。 領繡州 遇朝使多簡傲, 刺史。 周顯德四 守忠抗以正禮,無所辱命。 年 春, 改鞍轡庫 晉天福 使。 八年,審琦出 未幾,改衞 會准 南 初

|州刺史。

忠副 悉 忠 平,太祖知遠俗苦苛虐,南鄭爲走集之地,故特命守忠知興元府以撫綏之。 在蜀 斬以徇。 時寇難甫平,使車旁午,公帑不足,守忠出私錢以給用。 潁州 與會兵入賊境,燔砦四十餘,獲牛羊數千。 ,能律己以正,汝行見之,當效其爲人也。」開寶初,改濮州刺史。會河決澶州,命守 團練使曹翰護役,河決遂塞。五年,知遼州。 入爲左衞將軍。 九年,命將征太原,守忠受詔與孫晏宣由遼州入,旣而與路羅砦監押馬繼恩遇, 建隆四年,湖南初平,命爲永州刺史。乾德中,護河陰屯兵。 議將深入,會上崩,乃班師。 民有陰召抖寇謀內應者,事泄,守忠 每遣使,太祖必戒之日:「安守 四年,改漢州 刺

祭留後 奏稱旨 乃相 方與僚佐宴飲,有軍校謀變,擐甲及闈,閉者倉卒入白。 使。 酒 無 狂 捷, 爾 初, ,擒之可 賜錢五 守忠賞夢 興國 徙宋州 錄 功就拜濮州團練使。端拱中,知滄州,改瀛州,兼高陽關駐泊部署,遷瀛州防禦 初,移知靈州,在官凡七年。 百萬。 也。」人服其量焉。明年,加 ,兼制置 ,一「濮」字方丈餘,及領是郡幾二十年,於是始寤。 五 營田 年,又知滄州。 使。 威德 至道 **兼著,吏民不忍其去。** 耀州觀察使,兼判雄州。未幾,召還,條陳邊事,數 雅熙二年,改知易州,徙夏州。 初,移雄州。 守忠言笑自若,徐顧坐客曰:「此輩 三年,復知滄州,拜感德軍節度觀 威平三年, 入覲, 淳化二年,徙知雄州 每西戎犯邊,戰 遣還未行,

暴卒,年六十九,

贈太尉。

錄其子

繼昌爲供備庫副使,壻王世及爲光祿寺丞。

故時 謙 論多與之。 從征 守忠謹慤淡薄,爲治簡靜。 太原, 多與謀略, 人罕知之者。 初,審琦以愛妾故,爲隸人所戕。 太祖居藩日,素相厚善, 所至藩郡, 守忠終身不畜妓妾,而喜佞佛,蓋有所懲 樂施子,豐宴犒, 及受禪後, 每優任之, 且喜與士大夫遊從, 守忠處之益

孔 守正,開封浚儀人。 幼事後唐明宗子許王從益。 漢初,爲東西班承旨,事魏王承訓。

周世宗征淮南,以材勇選爲東班承旨。

首萬 太祖 級,獲其將王 征太原, 宋 初,補內殿直,兼領驍雄、吐渾指揮。 守正 一破得。 隸 何繼筠麾下。 時宋師之陷敵者數百人,守正以騎軍馳之,盡奪以還 會契丹遣兵來援晉陽, 從劉廷翰平蜀,還,遷驍雄副指揮使。 守正接戰於石嶺關,大敗之,斬 開 寶

橋, 呼 岐 溝 先登,繼與內侍察守恩等率騎兵力戰,晉軍遂潰。 守正遂入城,撫諭其軍民,以城守屬綦廷朗,而已赴行在。 翻 平興國 時城未 中, 下, 累遷 守正 日騎 夜超 東 西班指 垣,度鹿 揮使。 角,臨機橋,以大軍將至, 太宗親征晉陽, 從征范陽,至金臺驛, 守正分主城 時契丹兵在涿州東, 說關使劉 西 禹 詔 洞屋,領步 使降。 與劉 守正 藴 禹 卒大 解 先 興 懸

翰合兵追之, 傳潛率御前東西班分兩陣馳擊之,逐北二十餘里,降其羽林兵數百人。 至桑乾河。契丹自是不敢近塞。 以勞再遷日騎都指揮使,領濡州刺史。 繼與高懷德、

前, 殿前都虞候,領容州觀察使。 首三十餘,獲馬五十匹,上聞而壯之。 省。」遂釋不問。 幾,太宗以其練習戎旅,特置龍衞、神衞四廂都指揮使以授之。改領 忿爭失儀,侍臣請以屬吏,上弗許。 端 拱初, 遷龍 俄命爲定州行營副部署,受詔詣保州軍開道, 衞都指揮使,領長州團練使,出鎭眞定。是年秋,出爲潁州防禦使。 日,侍宴北苑,上入玄武門,守正大醉,與王榮論邊功于駕 翌日,俱詣殿廷請罪, 遇敵于曹河,與戰數合,梟 上曰:「朕亦大醉,漫不復 振州防禦使。 明年,拜

衆,改代、夏二州部署。 移幷代、夏綏、麟府三鎭。 專決焉。 淳化初,擢高陽關副都部署。軍中小將有詈其校長者,守正械送闕下,取裁於上,未嘗 明年,護浚惠民河,塞澶州決河,就命知州軍。改慎州觀察使,還,領代州部署,連 與李繼遷戰大橫岡,援范廷召出塞,破賊于白池,至行莊,焚掠甚

妨政,改安化軍留後。 久安, 願徙東北以自效。」會夏人入寇, 改定州行營副都部署。 |真宗即位,復徙代州。 景德初,復以不任職,代。時議防秋北鄙, **咸平初,授昌化軍節度觀察留後。** 四年,移彰德軍留後,以風疾 守正上言:「四任鴈門,邊亭 守正猶屢表請行。

列傳

第

三十

四

孔守

IE

譚延美

之,不許。無何,卒,年六十六,贈泰寧軍節度使、

世宗鎭澶淵,募置帳下。 捕,法皆抵死,延美以與盜素不相識,獲免。 克三關。時太祖領禁兵,留督牙隊 譚延美,大名朝城人。 即位,補殿前散都頭。從征淮南,以勞遷控鶴軍副指揮使。 軀幹壯偉。少不逞,遇**羣**盗聚謀將行剽劫,延美即趨就之。 自後往來澶、魏間,爲盜于鄉里,鄉里患之。 又從 周

擢鐵騎副指揮使,領睦州刺史,四遷至內殿直都知 都指揮使。 建隆元年,補控鶴指揮使,稍遷都虞候、馬步副都軍頭。 時汪端寇攻朗州甚急, 招討慕容延釗遣延美率兵赴之,大敗賊衆,擒端以還。 征湖南,與解暉分領行營戰權

敗之, 徙 遇敵,延美曰:「彼恃衆易我,宜出其不意先攻之。」卽麾騎軍直進,敵兵將潰,大軍繼至,遂 知威虜軍 端拱元年,徙知寧遠軍。一旦,契丹兵抵城下,延美開門以示之,不敢入。園城數日,開 太平 斬首五百,獲其將大鵬翼以獻,以功擢本州防禦使。 興國初,爲蘄州刺史,連徙廬、壽、濠、光州軍巡檢使,劇賊之爲害者悉就捕。六年, 雅熙三年,舉兵北伐,命延美爲幽州西面行營都監,與田 逾年,改亳州,出爲鎭州 重進出飛狐北。 鈴轄。 俄

領軍衞 代州 門如故,民出取獨糧者無異平日,契丹卒疑之,遂引去。 上將軍致仕。 是時任邊郡者,皆令兼領內地一州,處其家屬。 六年, 卒, 年八十三, 贈建武軍節度。 二年,進邕州觀察使,判亳州,兼知 徙知路、陝、涇州。 子繼倫至崇儀副使,雍虞部員 咸平四年,以左

外郎。

豈樂爲是哉?可善自爲計,吾亦從此逝矣!」已而郡遣追捕,至則達援弓引滿待之,追者不 之,乃止。時郡以戶籍調役,達當送徒闕下,行數舍,乃悉縱之,曰:「吾觀汝曹,亦丈夫也, 李將軍射石虎飲羽,今樹爲我斷,豈神助歟?」嘗從少年數十百人欲起爲盜,里中父老交戒 敢近。由是亡命山林間,為鄉里患。 耜,慨歎而去之。 事任俠,縱酒。 元達,初名守旻, 洺州雞澤人。身長八尺餘, 負膂力, 善射。家業農, 不任作苦, 委**耒** 嘗醉,見道旁槐樹,拔劍斬之,樹立斷。 達私喜日:「吾聞

團 而連中。 『練使。 |太宗居||一郎時,|達求見,得隸帳下。 | 管侍||太宗習射園亭,命之射,|達射四發不中的,已 上喜,爲更其名曰達。及卽位,補御龍直隊長。雍熙初,累遷嬀州刺史,繼領本州 時州郡部送亡命者至關,左右諷殺之,達奏曰:「此類竄匿者衆,豈能盡殺之哉?

列

第三十

几

元

思德

不如赦之,以開其自新之路,且以成好生之德。」上悅,因悉原之。 虞候,領幽州刺史。 歷北面行營都部署,由常山鎭入爲京城巡檢。淳化四年,卒,年四十二, 端拱 三年, 擢 侍 衞 步軍都

贈昭化軍節度 達雖奮自草野,歷職戎署,至交士夫,能折節盡禮,人以是稱之。

是川 蘇榮據 彬 頟 乃分兵爲二:抵廣安、梁山者,思德領之; 叛蜀,命往 大軍抵合州境上,賊衆二萬來拒。 征 峽賴以 幽州,因署牙校。 常思德,開封人。 果州, l廳、峽招捕,師次達州新寧縣,調近州土兵掩殺賊徒三千餘人于梁山。 安靜,無復寇患,以功眞授汝州 思德 因其遁而追捕之, 周顯德初,以材勇應募,隸天武軍,累遷神衞都虞候。 尋鎭威虜軍。 斬首八百。 端拱初,以弓箭直都虞候領溪州刺史。 思德與尹元、裴莊等合擊之,合州遂平。 趣渠州者,元、莊領之。 刺史。 果州既定,餘賊保渠州,及走廣安、梁山。 合力進討,盡殲其黨。 賊帥田 淳化中, 雍熙初,從曹 時雷有終 奉正、 自

行,則與主帥同死生可也; 初, 曹彬 北 征 朩 利, 至涿州,左右皆潰散,獨 若視利害以爲去就,將何面目以見君父乎?」太宗嘗聞其言,至 思德以所部護至易州。 語人曰:「旣備戎

是,陛辭,深加慰勞,且諭之曰:「爲臣以忠實爲本,汝少壯時,旣以聽勇自効,且能盡心于主

將,事股之日雖久,而忠實如一。今雖老,亦當盡心乃職,庶無負乎股之委寄也。」

都監,換左神武大將軍。 未幾, 移慶州路副都部署, 二年,卒,年六十五。 屯邪州。 咸平初,與李繼隆同部獨糧赴靈州。 以疾改陳留

頟 虎捷指揮,預平嶺夷,下金陵。 都巡檢使。 尹繼倫, 開封浚儀人。父勳, 太宗卽位,改供奉官。 郢州防禦使。 **嘗內舉繼倫以爲可用,** 從征太原,還,遷洛苑使,充北面緣 太祖以補殿直,權

徑趨 趣,不虞我之至,力戰而勝,足以自樹。 驅 千乘。 我而北,不捷亦且洩怒於我,將無遺類矣。爲今日計,但當卷甲銜枚以躡之。 大軍,過繼倫軍,不顧而去。 端拱中,威虜軍糧餽不繼,契丹潛議入寇。上聞,遣李繼隆發鎭、定兵萬餘,護送輜重 契丹將于越諜知之,率精銳數萬騎,將邀于路。繼倫適領兵巡徼,路與寇直,于越 繼倫謂其麾下曰:「寇蔑視我爾。 縱死猶不失爲忠義,豈可泯然而死,爲胡地 彼南出而捷,還則乘勝 彼銳氣前 鬼乎!

衆皆憤激從命。

繼倫令軍中秣馬,俟夜,

人持短兵,

潛躡其後,

行數十里,

至唐河、

徐河

列 傳

第

三

+ 四

尹

繼 偷

薛

超

間二。 創 將皮室一人。 平居相戒,則曰:當避 甚,乘善馬先遁。 天未明,敵去大軍四五里(三),會食訖將戰,繼隆方陣于前以待,繼倫從後急擊,殺其 皮室者,契丹相也。皮室旣擒,衆遂驚潰。 寇兵隨之大潰,相蹂踐死者無數,餘黨悉引去。 「黑面大王」,以繼倫面黑故也。 以功領長州刺史,仍兼巡檢 于越方食,失箸,爲短兵中其臂, 契丹自是不敢窺邊,其

怒,急召繼倫至京師,授靈、慶兵馬副都部署,欲以夾輔繼隆也。 每 李繼隆奉詔討夏州,以繼倫爲河西兵馬都監。 聞繼倫名,則倉皇不知所措。於是遷繼倫尙食使,領長州團練使,以勵邊將。 淳化初,著作佐郎孫崇諫自契丹逃歸,太宗詢以邊事,極言徐河之戰契丹爲之奪氣,故 至道二年,分遣將帥爲五道,以討李繼遷。 未幾,以深州團練使領本州駐泊兵馬部署。 時大將李繼隆由靈環路往,逗撓不進,上 時繼倫已被病,強起受詔。 淳化 五年,

上素聞其嗜酒,以上尊酒賜而遣之。 加等,遺中使護其喪而歸葬焉。 即日乘驛赴行營,至慶州卒,年五十。 上聞之嗟悼,赙

赗

候, 遷十將。 薛 超,遼州平城人。少有勇力。乾德初,應募爲虎捷卒。 太平興國初,四遷至天武指揮使。 從征太原,領遊騎千人備禦鎭、定境上,以 從崔彥進伐蜀平,錄功補虞

張 餘出挑戰,超躍馬直前,連射數人斃,敵勢遂却。 軍勢。 及車駕還,契丹頻寇鎭、定,侵掠無已。 大軍乘之奮擊, 超從大將劉廷翰率兵至徐河 斬首萬餘級。 ,賊將領騎 以功加步軍

都軍頭、遷神衞軍都校、領敍州刺史。

艾正 級,其將趙彥辛以城降。 元年,卒,年五十七。 一以城降。 雍熙三年,從潘美北征,至鴈門、西陘,路與契丹遇,又戰敗之。 還,加馬步軍都軍頭。 超連被創, 流血濡甲樓,部分軍士自若,乘勝抵應州 淳化初,屯鎭州,遷天武指揮使,領澄州團練使。 追至寰州 ,其節 ,斬首 度副 五百餘 至道 使

首 壘, 候。 年,眞拜密州觀察使、知 俘 罕以私錢募築,民咸德之。 獲以數萬計。 累遷天武指揮使,領獎州 罕者,潁州人。 至道 應募補衞士,累遷指揮使。 中,率兵從大將李繼隆出青岡 威虜軍,徙貝州 團練使。 五年,以容州觀察使領靈環路行營都部署,與李繼遷戰,斬 淳化三年,出爲澤州團練使、知壩州 咸平二年,卒。 從劉廷翰戰除河,以奪橋功遷本軍都虞 峽,賊聞 子守德,能世其家。 先遁, 追 十日日 程, 會河 不見而返。 溢壞城

趙蹈者, 列 僔 第 貝州 = + 凊 낃 河人。 薛 超 由衞士累遷龍衞指揮使。 郭 密 亦以徐河戰功,加鎭州團 九三七七 練使, 至兵

馬部署。 至道 二年,卒于官,年七十。 贈歸義軍節度使。

署。 瀛州 度。 遷, 移 訓 馬 郭密, |貝州 仁瑀薦, 練士卒,號令嚴肅,夏人畏服,邊境賴以寧謐。 **貝州經城人。** 駐泊兵馬部署。 隸晉王帳下,給事左右。 軀幹雄偉,膂力絕人。 會夏人寇邊,以密有武略,擢領安州觀察使, 太宗卽位,補指揮使,復姓郭氏。 幼孤,隨母適同郡王乙,因冒姓王氏。 至道二年,卒,年五十八。贈保順 充靈州兵馬 至淳化間, 凡八 軍節 都部 以 知

州 卒,年七十四。 衞士直長,累遷至平州 移 傅思讓者,冀州信都 龐州 上命殿中丞林特 贈保順軍節度。 刺 人。 史。 少無賴,有勇力,善騎射。太宗居晉邸,補親事都校。 同判州 奉詔破契丹兵于唐興 事 , 以夾輔之,以思讓所爲多不法故也。 口 0 端拱 中, 四遷 為容州 觀 繁使、 至道 卽位,補 知莫

李斌者, 青州人。 太宗在晉邸, 聞其狀貌魁偉,召置左右。 即位,補御龍直副指揮使。

判 州 三年,遷營州 沼州 團練使。 興國中,以天武指揮使領鄭州刺史。 ,徙滄州。 勤於政理, 刺史。 及代,吏民不忍其去,鄰境亦上其善狀,詔書褒美之。咸平三年,卒,年六 四年,領溪州團練使,連爲貝、冀二州駐泊都監。淳化中,繼領萊州、洛 人服其淸慎,轉運使陳緯以狀聞於朝。至道初,拜桂州觀察使,仍 七年,坐嘗受秦王廷美饋遺,貶曹州都校。 雅||熙

從討 李重進,攻城有功,還,與右神武統軍陳承昭浚五丈河,以通漕運 田仁朗,大名元城人。父武仕晉,昭義軍節度使。仁朗以父任西頭供奉官。太祖卽位,

毫無犯,陛下固知之。今主藏禁中,豈復爲姦利以自汙? 中官所讒,太祖怒,立召詰之,至殿門,命去冠帶。 旭 征太原,與陳承昭壅汾水灌城。城將陷,會班師。俄遷內染院使,數日改左藏庫使。 乾德中,討蜀,命仁朗爲鳳州路壕砦都監。伐木除道,大軍以濟,錄功遷染院副使。 仁朗神色不撓,從容曰:「臣嘗從破蜀,秋 」太祖怒釋,止停其職

兵 將接,前鋒稍却,仁朗斬指揮使二人,軍中震恐,爭乞効命,遂大破之。 開 寶六年,起爲権易使。 七年,以西北邊內侵,選知慶州。 仁朗至,率麾下往擊之,短 其
長相
奉請和,

列

傳第

三 十

四

田仁期

仁朗烹牛置酒與之約誓,邊境乃寧,璽書褒美。

城。 朗爲兵馬鈴轄,閉廐使武再興、軍器庫副使賈湜並爲巡檢。 征太原,命仁朗與閤門祗候劉緒按行太原城四面壕砦,閱視攻城梯衝、器械。 封,命仁朗自京抵泰山,督役治道。 從幸大名,又命爲滄州鈴轄,俄遷東上閤門使、 太平興國初,秦州羌爲寇,命仁朗屯兵淸水。 會李飛雄事敗,召爲西上閤門使。 、知秦州。 俄命仁朗與再興役民築榆次新 九年,判四方館事。 太原平, 會議東 四 留仁

謂諸 綏州 三族砦。 聚羌、戎數萬,盡銳以攻孤壘,撫寧小而固,兵少而精,未可以旬狹破。當留信宿,俟其困, 以 亟遣軍器庫使劉文裕自三交乘疾置代|仁郞。 大兵臨之,分強弩三百,邀其歸路,必成擒矣。」仁朗部署已定,欲示閑暇,日縱其樗博,不 ,奏請益兵,留月餘俟報。 將曰:「敵 李繼遷爲亂,命仁朗率兵巡銀、夏。 命仁朗與閤門使王侁、副使董愿、宮苑使李繼隆,馳傳發邊兵數千擊之。仁朗次 人逐水草散保嚴險,常烏合爲寇,勝則進,敗則走,無以窮其巢穴。今繼遷嘯 會三族砦將折遇乜殺監軍使者,與繼遷合。太宗聞之大怒, 歲餘召還。 繼遷乘急攻撫寧砦,仁朗不知爲文裕所代,喜 未幾,繼遷攻麟州,誘殺曹光實,遂圍

上 一知之, 遣使召仁朗赴闕,下御史按問仁朗請益兵及陷三族狀。 仁朗對曰:「所召銀、 恤

事

制,大爲邊患。」御史以其狀聞,上大怒,切責憲府官吏曰:「仁朗不恤軍政,得爲過乎?」大 果。」因言:「繼遷得部落情,願降優詔懷來之,或以厚利啗諸酋長密圖之;不爾,恐他 輸芻粟未備,三族砦與綏相去道遠,非元詔所救。昨臣已定擒繼遷策,會詔代臣,其謀不 一級、夏兵,其州皆留防城,不遣。所部有千餘人,皆曹光實舊卒,器甲不完,故請益兵。 理遂當仁期乏軍興及征人違期二十日以上,坐死,上特貸之,下詔責授商州團練副使,馳驛 况轉 日難

116 副 拜 使事。 用兵,大藩多用節將,朝議以通判權位不倫,選諸司 右神武軍大將軍。 是役也,仁朗計已決,爲王侁等所搆,逗撓不進軍,故及於貶。後數月,上知其無罪,召 俄召赴闕,未聞命而卒,年六 部修河北東路諸州城池,數月而 十,時端拱二年也。 使有 就。 吏幹者佐之,以仁朗知定州節度 留知雄州,加領澄州刺 史。 時河

發潰。

仁朗爲稱首,故死之日人多惜之。 仁朗性沉厚, 有謀略。 頗涉書傳,所至有善政。 雅好音律,尤臻其妙。 時內職中咸以

劉謙 ",博州 堂邑人。 曾祖直,以純厚聞于鄉黨,里有盜其衣者,置不問。 州將廉知, 俾

計 將義之,賜以金帛,不受而去。 橋以潰賊, 悉 故竊其衣 梟其首,攜詣西京留守向拱,補汜水鎭將,俄爲散都頭。 師征廣南,爲前鋒,還,改同州都校,卒。 因誘獲數十人,出獨粟給官 亦不訴理 一,即 召詰前盜 父仁罕, 輕俠 衣者,俾還之。 軍 了,補 八自任。 內黃 直給云:「衣乃自以遺少年,非竊也。」州 領將 五代末,寇盜充斥, 嘗 因 宋初,遷許州龍衛副指 事至酒家, 仁罕率衆斷 遇羣寇 暴集,以 澶州 揮使。 浮

幸大名,至北 使,給諸 道 調 袍笏、鞾帶、器幣。 鄕 使,領本州團 初 膳以給之。 里 真宗 謙 惡 少所辱,謙不勝怒,毆殺之。亡命京師,遂應募從軍,補衞士,稍遷內殿直都知。 少感概,不拘小節。 司使奉料。咸平初,遷御前忠佐馬步軍都軍頭,領勤州刺史,加殿前右班都虞侯。上 升儲邸,增補宮衞,太宗御便坐,親選諸校,授謙西頭供奉官、東宮親衞都知 苑,屬 一練使。 疾瘳,毁所服鞍勒以遺中使,上聞,賜白金二百兩。 謙有疾,遣歸將護,謙懇請從行。 眞宗即位,擢授洛苑使。 四年,遷捧日、天武 初詣嶺表省父,仁罕餈以金帛,令北歸行商。 四廂都指揮使,領本州防禦使,權殿前都虞候 謙起行伍,不樂禁職,求換秩,改殿前左班指 既俾其二子隨侍,仍挾尚醫以從,御廚 駕還,改捧日左廂都指揮 還堂邑舊墅,嘗爲 賜 揰

察,執見于便殿。謙卽前奏:「翰職在巡邏及閱教諸軍,不時在營,本營事宜責之軍頭。」上爲 時 高翰 為天武 左廂 都校,有卒負債殺人,瘞尸翰營中, 累日,發土得之。上怒翰

| 璨 副 副 都指揮使、振 馬軍,而 景德 初, 升謙領禁衞焉。 加侍 武 軍節度。 衞馬軍都虞候,改領

齊州防禦使,俄權步軍都指揮使。 先是,謙久權殿前 河北屯兵,常以八月給多衣。 都虞侯,俄擢曹璨正授,謙頗形慨嘆。 謙上言邊城早寒,請給以六月。 明年冬,制授殿前 至是,

後以爲例。

無何,以足疾求典郡,上召見敦勉之。

年六 山 門,設施有法,著籍者乃得上焉。 吏。」及謙帥殿前,仁德果隸役廐 十,贈侍中。 大中祥符初,從東封,上升泰山,詔都總山下馬步諸軍,與西京左藏庫副使趙守倫閱視 初, 謙將應募,與同軍王仁德訊於日者。 禮成,進授都指揮使,移領保靜軍節度。 中。 日者指謙謂仁德曰:「爾當爲此 明年八月,卒,

子懷懿,後為東染院副使; 懷詮,內殿崇班,閤門祗候。

哉 ? 而 不爲燕安之謀,可謂 及見 論 曰:宋初諸將,率奮自草野,出身戎行,雖盜賊無賴,亦廁其間,與屠狗販 於用,皆能 卓卓自樹,由 國 爾忘家者矣。 御之得其道 守忠練達邊事,禔身謙愼,弭卒校之變於談笑之頃 也。 劉福 御下有方略, 所至著績, 繒者何以異 受祿 雖厚,

列

傳

第

Ξ

+

M

劉

虢

校

勘

記

計之不善哉?特爲讒邪所搆爾。自餘諸子,皆積戰功以取通侯。若延美之開門示敵,思德 非善於行權者不能也。仁朗沈毅有謀,累從征討,綏州之役,不惟無功,而反坐逗撓,豈其

之翼衞主帥,繼倫之襲擊契丹,薛超之裹創赴戰,元達之請赦亡命,郭密之訓撫士卒,斯皆 忠義仁勇,有足稱者。罕、滔、思讓,若斌、若謙,雖乏奇功,而亦克共乃職,能寡過者也。

守

正素練戎族,累任邊要,而矜勞肆忿,視於勞謙之君子,能無愧乎。

校勘記

至唐河徐河間

「唐河」原作「唐州」。

按唐州在河南,於地理上不合。據本書卷二五七李繼隆

傳、長編卷三〇、編年綱目卷四改。

敵去大軍四五里 「敵」原作「越」,據長編卷三〇改。又「四五里」長編作「四十五里」,疑長編誤。

宋史卷二百七十六

列傳第三十五

樊知古 保 勳 郭載附 滕中正 子昭遠 臧丙 尹憲 劉蟠 徐休復 孔承恭 張觀 安忠 宋璫 陳從信 袁廓 張平

初,有薦其詳練法律,兼大理正,遷工部員外郎。 習刑名之學, 頗工詩。因獻詩, 宰相桑維翰奇之, 奏擢爲太常丞。歷漢爲祕書丞。 好騎射。 劉保勳字脩業,河南人。父處讓,仕後唐,入晉拜樞密使,出爲彰德軍節度。 後唐清泰中,裁十許歲,攝路州左司馬,隨父署彭德軍衙內都校。父卒,補供奉官。 歷掌軍宋楚三州鹽、麴、商稅。 周廣順 保勳少

轉 運使欲以狀聞,保勳曰:「貪官物爲己功,可乎?」乃止。 宋初,拜戶部。遭母喪,起復,出掌蘄口権茶。 第三 劉 保 徙雲安監鹽制置使,歲滿,出羨餘百萬, 開寶初,遷司封員外郎、監左藏

列 傳

+

五

勳

錢百 庫。 以 事 保勳代之。 萬。 叉 與侯陟同勾當軍前諸事 三年,徙兩浙東北路。 知宋州 太原平,命知其州。 太平興國初, 0 太宗征晉陽, 會陝西北路轉運使雷德驤調發沁州軍糧後期,詔劾德驤, 遷祠部郎中,通判晉州。 逾年,召入判大理寺,出知昇州。是多,召歸,點檢三司開 改戶部郞中, 為隨軍轉運使兼勾當北面轉運 二年,選爲江南西路轉運使,賜

中丞兼勾當差遣院。 死。 疾,故誣告之。 按驗 八年,拜右 激獄 成, 保勳坐奪奉三月,俄以辛仲甫代之。 諫議大夫,俄知開封府。 元吉妻撾登聞鼓訴冤, 是秋,罷權中丞。 事下御史臺。 寡婦劉詣府訴夫王前妻子元吉置堇食中,毒己將 未幾,復判大理寺。 其實劉有姦狀, 元吉知之, 劉 雍熙二年,權 慚 悸成 御

拆

會鹽鐵使闕,又命權領其事。

遷兵部郞中兼判三司勾院。

隨沒。 力不勝, 軍,常從其父。 三年春,命曹彬等征 以 人馬相: 其孫互川 擠壓,遂俱死。 會王 爲嗣,授祕書正字。 師不利,濟拒馬 一幽州,保勳以本官知幽州行府事。 時年六十二。 河,更相 端拱 蹂躪, 初,特召贈工 上命恤其後。 多死。 心部侍 保勳馬陷淖中, 保 子利涉以開封府兵曹督芻粟隨 郞 .勳三子:二子先保勳死,季子 利涉 自後 掀出之,

接 同 .僚未嘗失意,居家積貲未嘗至千錢。」及死,聞者皆痛惜之。 保 動性 純蓮,少寐,未嘗忤物, 精於 文吏事 , 不憚繁劇。 嘗語: 人曰:「吾受君命未嘗辭避, 至道三年,又錄其次孫世

弱 洛三,又奏署河南府判官、檢校戶部員 表奪情,仍署舊職, 冠,舉進士不第。 滕中正字普光,青州北海人。 加朝散大夫。 周顯德中,滑帥向拱奏辟爲掌書記。 曾祖瑤,高郵令。 洪鎭襄陽,以中正爲襄、均、房、復觀察判官。及留守西 八外郎。 祖煦,即墨令。父保裔,興平令。 |拱移鎭||彭門,會中正丁外艱,復 中正

西京留臺,俄通判河南府留守司事。太祖雩祀西洛,以祗事之勤,轉倉部員外郞。 乾德五年, 度支員外郞侯陟表中正有材幹, 入爲殿中侍御史。 兩川平,選知興元府,判

舊知 監察御史張白知察州,假貸官錢二百貫羅粟麥以射利,坐棄市。 史知雜事。六年,命與中書舍人郭贄〔三〕、戶部郎中雷德驤同知京朝官考課。 雜。 太宗卽位,遷考功員外郎,授四川東路轉運使。太平興國五年,召爲膳部郎中兼侍御 未幾,又擢拜右諫議大夫,權御史中丞。 中正降爲本曹員外郎,依 中正嘗薦舉

中正曰:「今君 雍 熙元年春,大宴,上歡甚,以虛盞示羣臣。 ·臣相遇,有失者勿彈劾也。」因是伶官盛言宴會之樂。上曰:「殷樂在時平民 宰相言飲酒過度,恐有失儀之責。上顧謂

列傳

第三十

Ħ.

滕中正

安。」是冬乾明節,羣臣上壽酒,旣三行,上目中正曰:「三爵之飲,實惟常禮, 殷欲與羣臣更

舉一巵,可乎?」中正曰:「陛下聖恩甚厚,臣敢不奉詔。」殿上皆稱萬歲。

二年,以年老辭,出知河南府。未幾,被病罷,分司西京。 淳化初,判留司御史臺,命其

二年,卒,年八十四。

子玄錫權河南司錄以便養。

舉進士,玄錫至刑部郞中,玄晏後名世寧,至工部郞中。 中正 性峻刻,連鞫大獄,時議以爲深文。權中丞日,振舉綱憲,人以稱職許之。二子並

劉蟠字士龍,濱州渤海人。漢乾祐二年舉進士,解褐益都主簿。

事。 百萬斛以給京師,頗爲稱職。 丞劉德言同知准南諸州轉運事。 初,蘇曉掌京城市征,頗幹集,及卒,選蟠代之。多,命爲太宗生辰使。開寶七年,與殿中 宋初,歷安遠軍及河陽節度推官、保義軍掌書記。 秩滿,部內僧道乞留,詔許再任, 太平興國初,就遷倉部員外郎,改轉運使,歲漕江東米四 乾德五年,召拜監察御史, 賜金紫, 改駕部員外郞。 典染院

年,丁內艱,時以諸州綱運留滯,起復,知京城陸路發運司 會河決韓村,大發丁夫塞之,命蟠調給其餉,未幾河塞。 朝廷方議封禪,以燔爲東封水

轉運使,入判本部事。籍田畢,遷左諫議大夫。淳化初,兼同考京朝官差遣。二年,暴中風 陸計度轉運使,會詔罷其禮。俄遷工部郎中,充河北水路轉運使。 改刑部郎中,就充水陸

眩,上遣太醫視之,賜以金丹。卒,年七十三。賜錢十萬給其喪事

視之, 賜錢二十萬。嘗受詔巡茶淮南,部民私販者衆。蟠乘羸馬,偽稱商人,抵民家求市茶,民家 **蟠性清介寡合,能攻苦食淡,專事苛刻,好設奇詐,以售知人主。典染作日,太祖多臨** 蟠偵車駕至, 輒衣短後衣, 芒屬持梃以督役, 頭蓬不治, 遽出迎謁。
太祖以爲勤事,

不疑,出與之,即擒置于法。

踏 頸 鐵副使。 (`,頗嘉賞之,出以示輔臣,且言)鍇幼孤,能自立,召試,命直史館。 累遷至戶部郞中、鹽 子鍇,初以父蔭爲大理評事,咸平二年,擢進士第。嘗獻幸太學頌。 真宗中夜觀書,得

皆登 傳。 進士第。 **戡孫逈,萊州刺** 孔承恭字光祖,京兆萬年人。唐昭宗東遷,舉族隨之,遂占籍河南。 承恭, 莊之子也。 史。 逈子昌庶, 虞部郞中。 以門蔭授秘書省正字,歷温、安豐二縣主簿。 昌庶子莊,仕晉爲右 1諫議 大夫。 五世祖戡,唐書有 時王審琦節 由戡至莊,

列

傳第三

十五

孔

承恭

制壽春 詞、託意 水進 以承恭名家子, 太祖怒其引喻非宜,免所居官,放歸田 奏攝節度推官。 府罷, 調補鄭州錄事參軍, 里。 入爲大理寺丞。 獻宮

柴成 郎中 卿 議 素高,職任尤重。郎吏遷授,斯爲舊章。 三年回,下詔曰:「九寺三監,國之羽儀,制度聲名,往往而在。 獄 袁廓爲鴻臚少卿, - 索湘為 務爲光祿 朕將振之,自我而始。 平允, 擢庫部員外郎, 判大理少卿事。 太宗即位,以赦復授舊官。 將 作少監。 少卿,魏庠爲衞尉少卿,張洎爲太僕少卿,呂端爲大理少卿,臧丙爲司農少 工部郎中張雅爲 時襲祚、愼從吉、宋雄先爲少卿,皆改授東宮官。 其以兵部郎中孔承恭爲太常少卿,魏羽爲秘書少監, 戶部 時初権酒,以承恭監西京酒麴,歲增課六千萬 《太府少卿。」又以屯田郎中雷有終爲少府少監,虞部 比聞搢紳之流,頗以臺閣自許,目爲散地, 遷屯田、兵部二郎中,同考校京朝官課第。 各有副貳, 率其司存, 遷大 甚 理正 無謂 品秩 郎中 端

願 ト 居 焉。 叉 詔 承恭與左散騎常侍除鉉刊正道 上召見,哀其羸瘠,出 而卒,年六 .御 藥賜之,授將作監致仕。 書, 俄以疾求解官, 且言早遊嵩、少間,樂其風土, 以其子呀同學究出身,爲受封

得失; 承 及舉令文「賤避貴,少避長, 恭 办 · 疎縱, 及長 能 折節 自 勵 輕避重, 嘗 上疏請令州縣長東詢訪耆老, 去避來」,請詔京邑丼諸州於要害處設木牌刻 求知民間疾苦、

縣尉,俾就

減養。

未果行

人,又請於征戰地修寺及普度僧尼,人多言其迂闊云。 違者論如律。上皆爲行之。尤奉佛,多蔬食,所得奉祿,太半以飯僧。 嘗勸上不殺

|城主 魚。 簿,擢著作佐郎、 一簿。 復出知秦州,有善政,就拜監察御史,充陝西轉運使,以韋亶代知秦州,璫去州未百日 宋璫字寶臣,華州渭南人。父鸞,監察御史。璫,乾德中進士及第,拔萃登科,解褐青 雅熙初,轉比部員外郞。在任凡六年,召歸,面賜金紫,授度支判官。 好寫書,秩滿,載數千卷以歸。吳廷祚鎭永興,辟掌書奏。廷祚卒,復調下邽 知綿州。 太宗卽位,改右贊善大夫,爲峽路轉運副使。代還,召對,賜緋 俄遷屯田郎中、

諫議大夫。 知益州,屬歲饑多盜,璫始至,以方略擒捕招輯,盜皆首伏屏息,下詔嘉獎。 時兩川轉運使副皆坐事免,以璫爲西川轉運使,加左諫議大夫,改知陝州 端拱 初,就拜右

非臣子之義也。」既而太白犯南斗,曰:「斗爲吳分,民方饑,天象如此,長吏得無咎乎! 淳化中,三吳歲饑、疾病,民多死,擇長吏養治之,命璫知蘇州。 身病而辭焉, 四

璫體豐碩,素病足,至

列 傳

第三十五

宋 璫

袁 鄭

年,卒,年六十 上聞之嗟悼,錄其子明遠爲蒲城主簿,俾護其喪歸葬焉

|化三年進士,後爲都官員外郎。 璫 性淸簡, 歷官三十年,未嘗問家事,唯聚書以貽子孫。 次子柔遠,亦舉進士及第。 垂遠,閣門祗 且曰:「使不忘本也。」明遠,淳

分領推事,掌権貨務。 籍,得民丁 袁廓 太宗即位,遷殿中丞,出知楚州。 ,劍州梓潼人。在蜀舉進士及第。入宋,補雙流縣主簿。 萬餘,州將薦其勤職。 鄭性夸誕,敢大言,好詆訐,太祖以奇士待之。 就遷上蔡令,又以課最,擢太子右贊善大夫。 歸掌京師市征,歲中增課數萬緡,上嘉之,賜緋 又爲西平縣主簿,勾稽漏 令於御 史府

仍詔 冰。 錢 拜監察御史。 百 萬。 鄭大發民鑿取,以竹輿舁出城,散積之。使者至,謂其有略,致水不入城,乃以狀聞 每公宴別席而坐,以寵異之。復命知鄆州,會河決溢入城,浸居人廬舍,至冬月結爲 會錢俶盡籍土字以獻,命鄭按籍浙中,諸州軍倉庫之物悉輸京師,得以便宜從事 至春凍解,州地下,流澌溢入爲民患。 魚,賚

俄 轉殿中侍御史,召爲戶部判官,命與陳恕、李惟淸專計度獨糧事,改戶部員外郎。 會秦王廷美遷置房州,以崇儀副使閻彥進知州事,廓通判州事,並賜白金三百 兩。 又為度 鄭

支判官。籍田,轉本曹郎中,判戶部勾院。

乎 罪,廓嘗與利用書札往還稔昵。普謂之曰:「職司常事,此不足云,與利用交結款密,於理可 部領擁積,爲郡吏所訴,詔御史辨問,廓謁見宰相趙普自 」廓驚慚泣下,不能對。數日,出知温州。 |廓強項好爭,數與判使等較曲直於上前,聲氣俱厲, 就遷鴻臚少卿。 理。 上每優容之。 屬鄭州團練使侯莫陳利用得 然勾稽精密, 由是

書未至,以憤死。上聞,甚追悼之。復驗仁甫所訴,多無實狀,免韶官,貶仁甫商州長史, 贈廓右諫議大夫。錄其子丘賀爲奉禮郎,始十歲。上猶念廓不已,又詔削仁甫名籍,配隸 丞牛韶往按驗,韶至,並攝繫獄置對。上疑廓被誣,驛召赴闕。 同郡袁仁甫掌州之關征,素以宗盟之分,頗相親善,一旦不協,互有論奏。上遣光祿寺 **廓性剛褊,被詰治峻急,詔**

商州

石江上數月,乘小舟載絲繩,維南岸,疾棹抵北岸,以度江之廣狹。開寶三年,詣闕上書,言 父潛,事李景,任漢陽、石埭二縣令,因家池州。 樊知古,字仲師,其先京兆長安人。曾祖偁,濮州司戶參軍。祖知論,事吳爲金壇令。 知古嘗舉進士不第,遂謀北歸。 迺漁釣采

列傳第三十五

樊知古

言老母 江 南 叫 親屬)取狀 數十口在江南、恐爲李煜所害,願迎至治所。 ,以求進用。 太祖令送 學士院試,賜本科及第,解褐舒州軍 即韶煜令遣之。 事推官。 煜方聞 嘗啓於上, 命, 卽厚

給齎裝護送至境上。

事。 品石 差尺寸,從知古之請也。 匠營之。議者以謂江濤險壯,恐不能就,乃於石牌口公武造之,移置采石,三日橋成,不 全振往湖南造黃黑龍船,以大艦載巨竹絙,自荆南而下, 先是,州民保險爲寇,知古擊之,連拔三砦,擒其魁以獻,餘皆潰散。 七 年,召拜太子右贊善大夫。會王師征江表,知古爲鄉導,下池州。 遣八作使郝守濬(哥)等率丁 八年,以知古領州 方議 南征, 命高

常 當 符聽其所往, 日 銅錢之一, 額 改授江南 金陵平,擢拜侍御史,令乘傳按行江南諸州,詢訪利民,復命知江南東路轉運事。 豫章 洪氏嘗掌昇州権酤,逋鐵錢數百萬。 轉運使,賜錢一百萬。 物價翔踴,民不便, 商人苦之。 知古請蠲其稅,仍差增所市之直,以便於民。 知古亦奏罷之。 先是,江南諸州官市茶十分之八,復征 至是, 先是,李煜用兵,權宜調斂,知古悉奏爲 知古挾微時嘗辱於洪氏,責償銅錢 江南舊用鐵錢, 其餘分,然後給 數

太宗卽位,授庫部員外郎,召歸,換金紫,賜錢百萬,命爲京西北路轉運使。 太平 興 興 國

以

快意

部鄓 丞倪若水亮直,臣竊慕之。」上笑曰:「可改名『知古』。」知古頓首奉詔。 五 六年,加虞部郎中,就改知邠州,移鳳翔府,入爲鹽鐵判官,出領荆湖轉運使。 + 萬 中。 會 知古本名若水(も),字叔清,因召見,上問之曰:「卿名出何書。 河朔用兵,分諸郡爲兩路,以給漕輓。 遷知古爲東路轉運使,遷駕部郎中,賜錢 倪若水實名「若冰」, 」對曰:「唐尙書右 雍熙初,遷比

知古學淺,妄引以對,人皆笑之。

詔 則有修築河隄之役。 轉運使之名自 丽 有 預 備 端 司量以官物給之。 拱 萬里長城豈在於此?自古匈奴、黃河,互爲中國之患。 不虞,古之善敎, 初,遷右諫議大夫、河北 知古始。二年,詔加河北 近者邊烽稍警,則黃河安流無害, 深溝高 量,亦王公設險之義也。 東西路都轉運使云,賜白金千兩。兩路各置轉運副使,都 西路招置營田使。奏請修城木五百餘萬、牛革三百萬。 此蓋 所請過當,不亦重困吾民乎? 天意 朕自卽位以來,或疆場無事, 更迭垂戒, 常令惕厲。 然

北軍 股, 儲 豈 可 度 可以 更興 支使李惟清 均濟足,俟農隙令民 此役?」 上言河北軍儲無備, 惟清固以爲請, 【轉餉。」|拯復命,|太宗曰:「不細籌之,則民果受弊矣。」未幾, 上遣左正言 請發河南十七軍州轉粟以赴。 馮拯 乘傳與知古計之。 太宗曰:「農事方 知古卽言:「河

列

入朝奏事

稱旨,拜給

事中。

俄爲戶部使。

解。 素 與陳 上問 知 恕親善,恕時參知政 …「從何得知?」曰:「陳恕告臣。」上怒恕泄禁中語, 有 才力, 累任 轉運使, 事, 甚得時譽。 太宗言及計司 及在戶部, 事有 乖違者, 頻以 恕具以告。 職 且嫉知古輕倪,故兩罷之。 事 不治 後因 詔 書 [奏事] 切 知古遂自 名益 减。 出

富 饒 知 羅紈錦綺等物 古自以嘗任三司 甲天下,言事者競商権功利。 使,一旦掌漕運劍外,鬱鬱不得志,常稱足疾,未嘗按行 又土狹民稠,耕種不足給,繇是兼丼者益 那縣 蜀

糴

賤

販

貴以

規利

知

古

知梓州

,未至,改

西川轉運使。

守之。 從式 所 旋 徒 益 衆, 步 在 病 以 及 蠭 淳化 創 遂攻陷 往 身死。 諸 起,至萬 死 河、田 中, 攻 僚吏,逐都巡 成 青城 亦 青城 都 賊勢益張 餘 被 燒 殺。 人。 縣,掠彭山,殺其令齊元 縣民王小波聚徒爲亂, 西郭 衆塗推 檢使郭 攻蜀 ,衆至數萬 門,不 州 允能。 小波 ,殺監軍 利,引引 人,陷 妻弟李順爲 允能 去 王亮及官吏十餘 率 永 謂其衆曰:「吾疾貧富不均,今爲汝輩均之。」附者 陷 振。 ·麾下 康 漢州 軍、雙流、新 帥。 巡檢使張玘與鬥于江源縣,射小波,中其額 與戰新 彭州 杒, 津 人; 小波黨與裁百人,州縣失於備禦,故 旋陷 津、 江 陷 口 温 成 ,爲賊所殺, 邛州,害知 江 郫縣 州桑 縱 同 火大掠, 巡 一檢、殿 保紳、通 直 判王 毛 嚴

知梓州、右諫議大夫張雍代知古爲轉運使

雍

未至,知古與知府郭載及屬官走

東 ji 韶復令掌兩川漕運。 知古具伏擅離所部,制置無狀,上特宥之, 以本官出知均州。

視事 ,旬日,憂悸卒,年五十二。 上猶嗟憫,賜其子漢公同學究出身。

知 古明俊有吏幹,辭辨捷給,及任西川,不能弭盜而逃,雖獲宥,終以慚死云。

成 以積勞加崇儀副使。 詔禁之。 奉官、閤門祗候。 都府 郭載字咸熙,開封浚儀人。父暉,右監門衞將軍、義州刺史。 端拱二年,擢引進副使、知天雄軍,入同勾當三班,出知秦州、銀沿邊都巡檢使。 雍熙初,提舉西川兵馬捕盜事, 召還,上言:「川峽富人俗多贅壻,死則與其子均分其財, 太宗賜鞍馬、器械、 載蔭爲右班 遷西上閤門使,改知 銀錢以遣之。 殿直,累遷供 故貧者多。」 四年, 先

宗頗 惡,亦無欠數。 曰:「此乃|郭載力奏,朕累與卿等議,皆云有實,今支畢,頗有羨餘,軍士復無詞訴。 支畢,復有羨數。 疑,使覆驗之,及報,與載奏同。獻可等皆坐削官,仍令塡償。 載 在天雄軍,屢奏市糴朝臣段獻可、 臣與侃親舊,是以未敢白。」太宗曰:「此公事爾,何用畏避? 三司判勾馮拯以聞,太宗召度支使魏羽詰之。 馮侃等所市麤惡,軍人皆曰「此物安可充食」。」太 羽曰:「獻可等所市不至 及載受代,獻可等所市皆 」因韶宰相 郭載,跃

列

傳

第

三十

五

樊知古

向 以 (純誠待 之, 何 爲 矯誣及 此 然已委 西川,俟還 日別當詰責。」於是獻可等悉 復官

拒守,乃與<u>樊知古率僚屬斬關出,以餘衆由梓州趨劍門,隨招安使王繼恩統兵討順,平之,</u> 免。」載怒曰:「吾受詔領方面,阽危之際,豈敢遷延邪?」卽日入成都。 載 行至梓州 時李順已構 亂, 有日者潛告載日:「益州必陷,公往當受禍, 順兵攻城益急,不能 少留數 日 盯

全濟 載 前 故其死也,成都人多歎惜之。 在圖,頗能爲民除害,故圖民悅之。 再至成都,即值兵亂,及隨繼恩平賊,亦有所

復入成都。

月餘,憂患成病,卒,年四十。

數十百 官課民養井爲鹽,丙職 臧 丙字夢壽,大名人。 |丙至, 召井戶面 兼總其事。 付以錢,旣而 弱冠好學。 先是,官給錢市薪,更多侵牟,至歲課不充,坐城繫者常 太平興國初,舉進士,解褐大理評事,通 市薪積 山、歲鹽致有羨數 判大寧監

知石 太宗平晉陽,以丙爲右贊善大夫、知遼州。 覽奏驚駭, 州 與監 即遣使鞫之,召丙問狀。 軍 亦 協 夕 剚 、腹而 死 丙日:「汝士居牧守之任, 丙 事 素 可 剛果, 疑。 丙 有吏幹。 上疏言, 不聞有私罪, 會同年生馮汝士以秘 汝士 死 非 自 殺 而言 乞 按 自

右拾 若使冤死不明,不加宿直者以罪,今後書生不能治邊郡矣。」上嘉其直,改著作郎,俄遷 道、直史館。 加工部員外郎,充河東轉運使,俄兼本路營田使。 代歸,授戶部郞中、同

知審官院。

餘,疾。 門助敎。 朝廷方以九寺〔4〕亞列爲重,改司農少卿。 上聞之,遣中使及尙醫馳往視之,踰月卒,年五十三。上軫悼之,以其子待用爲四 淳化二年,拜右諫議大夫,出知江陵府。

列進士及第,至太常丞。 之,黃明潤大,因望而拜。 旣寤,私喜曰:「吉祥也。」以壽星出丙入丁,乃改名焉,至是無驗。 内舊名愚,字仲回。 旣孤,常夢其父召丙偶立於庭,向空指曰:「老人星見矣。」丙仰視

兩浙東北 材,代歸,授太子右贊善大夫,改著作郎、直史館,賜緋魚,遷左拾遺。 徐休復字廣初,濮州鄄城人。太平興國初,舉進士,解褐大理評事、通判。 路轉運 副使,移知明州。 七年秋,被召赴闞,明年,授庫部員外郎、知制誥。 六年,加右補闕,充 轉運使薦其 九年,

列

傳

宋

九四〇〇

出 知 廣 州 加 水部郎中; 雅熙二年,就遷比部郎中,充樞密直學士,賜金紫,依舊知州

事。

韋 務昇作隱語,偵朝 休 復 與轉運使王延範不協,乃奏延範私養術士,厚待過客,撫部下吏有恩,發書與故 廷事,反狀已具。 詔遣 內侍閻承翰與休復同按劾之,遂抵 於法

復先上言,以父母藁葬青社,願得領州事,因營丘壠。 事。至潞州數月,瘍生於腦。 休復無他能,掌誥命甚不稱職,履行不見稱於搢紳云。 端 拱 初,加 左諫議大夫,召爲戶部使。 旣而疾甚,若見王延範,休復但號呼稱死罪,後數日卒,年五 淳化元年,罷使,遷給事中,連知靑、潞二州 至青州踰年, 但聚財殖貨, 終不言 葬 休

第。 史及 元 府 掾,復舉進士不第,調鷄澤主簿。 不遭武德卒詣外州偵事,頗稱旨,召拜監察御史,充桂陽監使。 張 觀字仲賓,常州毗陵人。在江南登進士第。 再求試,特授忠武掌書記,就改觀察判官。 歸宋,爲彭原主簿。 獻所業文, 太平興 國 賜進 上請 图初,移 士及 復 刺 興

三司言劍外賦稅輕,詔觀乘傳按行諸州, 因令稍增之。 觀上疏言: 「遠民不宜輕動

撓,因而撫之,猶慮其失所,况增賦以擾之乎?設使積粟流衍,用輸京師,愈煩漕輓之力,固 也。 或以分兵就食,亦非安存之策,徒斂怨於民,未見國家之利。」太宗深以爲然,因留

其後復上疏曰

陽未序,倉廩猶虚;淳朴未還,奢風尙熾;縣道未治,逋逃尙多;刑法未措,禁令猶 書之,列于緗素,垂爲軌範,不可不愼也。若夫方今之急者,遠人未服,邊鄙不寧; 脞,咸以上聞,豈徒褻黷至尊,實亦輕紊國體。况帝王之道,言則左史書之,動則右史 餘、體貌大臣,以之揚權,使沃心造膝,極意論思,則治體化源,何所不至。 下天慈優容,多與近臣論政,德音往復,頗亦煩勞。至於有司職官,承意將順,簿書叢 墜典未復,封祀猶闕:凡此數者,皆朝廷之急務也。誠願陛下聽斷之暇,宴息之 臣 .憑藉光寵,備位風憲,每遇百官起居日,分立于庭,司察不如儀者舉之。 因見陛

殿講論文義,商権時政,或日旰忘倦,或宵分始罷,書諸信史,垂爲不朽。况陛下左右 前後,皆端士偉人,伏望釋循常之務,養浩然之氣,深詔近臣,闡揚玄風,上爲祖宗播 之休,下爲子孫建不拔之業。 臣又嘗讀唐史,見貞觀初始置崇文館,命學士、耆儒更直互進,聽朝之際,則入內 與夫較量金穀,剖析毫釐,以有限之光陰,役無涯之細 無

列

務者,安可同年而語哉!

上覽而稱之,召賜緋魚,以爲度支判官。

合旨。 職。 辨說牴牾,失禮容,惟淸不能甘,因奏解其任。 惟尙朴素,天下幸甚。 絁絹,皆經澣濯爾,卿言甚善。」觀頓首謝。 又諫罷治佛寺,不報。 歲餘,遷左司,改鹽鐵判官。 改知黃州,遷揚州,皆有善政。 然於服御器用,臣願亦從純儉。」上曰:「朕庶事簡約,至於所服,多用 。俄出爲諸路茶鹽制置副使,上疏言,更茶鹽之制,於理非便,不 管因奏事白上曰:「陛下務敦淳化, 殿字采飾, 皆徹去之, 觀數在省署及長春殿次中,諮事於其使李惟清, 觀抗章論列, 上亦察其無失,故未幾復授舊

實,被劾。 不欲深責。」乃令出知道州,移廣南西路轉運使。 言他事,觀自以任諫官,乃上書指陳拾遺補闕之職, 曰:「朕俾警三司僚屬各率其職,非令諫官不言時務,觀乃妄有援引,以諷刺朕,姑爲容忍, 會三司改舊貫,均州縣之籍以分其職,召爲三司河東道判官。 獄未具, 卒於桂州, 年五十三。 觀廣覽漢史, 雅好論事, 辭理切直, 有古人之風 坐奏交州黎桓爲亂兵所殺、丁濬復位事不 言事固當然, 不奉韶。 有詔計司官屬不得越局 上怒, 謂宰相

焉。

觀。 廢鄉黨之好者異矣。 盡於善。 中正粗振風紀而峻深寡恕,袁廓剛狷夸誕以徼寵任,承恭平恕知止而好佞佛,固皆未 論 曰:保勳從其子以死事,宋璫忘其身以恤民,臧丙信友誼以明枉,其所履歷, 知古首獻征南之謀,遂階試用,而其攬轡舊都,猶尋宿怨,與昔人所謂不以私 郭載肆爲矯誣,而懷恚以死;休復虧愼終之孝,而樂致人於禍,庸何 皆有足 怨惡

議焉。

若觀之獻納忠讜,證達體要,則又可嘉者也。

事 而使倉儲垂盡,乃請屯兵括民船以運,是可卒致乎?今設汝安用,苟有所闕,當罪汝以謝 屯諸軍盡率民船,以資江、淮漕運。 無大小悉委焉。累官右知客押衙。 」三司使楚昭輔懼,詣太宗求寬釋,使得盡力。 陳從信字思齊,亳州永城人。恭謹強力(10),心計精敏。 太祖大怒,責之曰:「國無九年之蓄曰不足,爾不素計 開寶三年秋,三司言:倉儲月給止及明年二月,請分 太宗在晉邸,令典財用,王宮

縣勘給,是以凝滯。 太宗旣許,召從信問之,對曰:「從信嘗遊楚、泗,知糧運之患。良以舟人之食,日歷郡 若自發舟計日往復倂支,可以責其程限。 又煙、泗運米于舟,至京復輸

列傳

第三

十 五

陳從信

貴,民將餓殍。若聽民自便,即四方奔湊,米多而價自賤矣。」太宗明日具奏,太祖可之,其 市米騰貴,官價斗錢七十,賈者失利,無敢致於京師,雖居商厚儲亦匿而不糶,是以米益 之,則多中京師薪炭殆絕矣。不若募舟之堅者漕糧,其損敗者任載薪炭, 入倉,宜宿備運卒,令卽時出納, 一歲三運,若去淹留之虛日,則歲可增一運焉。今三司欲籍民舟,若不許,則無以責辦,許 如此, 每運可減數十日。 憷、泗至京千里,舊八十日一運, 則公私 俱濟。今

浚儀 門祗候, 大內副部署。 不朝參,即入班中,宣徽使潘美、王仁贍並坐奪奉一季,從信與閤門使商鳳責授閑廐使、問 寶積坊,加右衞大將軍。 九年,卒,年七十三,贈太尉。 太宗卽位,遷東上閤門使,充樞密都承旨。會八作副使綦廷珪,因疾假滿不落籍,愈 餘抵罪有差。太平興國三年,改左衞將軍,復爲樞密都承旨。太宗征抖汾,以爲 七年,坐秦王廷美事,以本官罷。明年,分使三部,以從信爲度支使,賜第于 日

事果集焉

陳利用者,所爲多不法,始因從信推薦,人以是少之。 從信好方術,有李八百者,自言八百歲,從信事之甚謹,冀傳其術,竟無所得。 又侯莫

宗 太宗鞫之,無狀,秦王益不喜,遂遣去。 尹京兆,置其邸。 張 平, 青州臨朐人。 及秦王廷美領貴州,復署爲親吏。 弱冠寓單州,依刺史羅金山。 太宗憐其非罪,以屬徐帥高繼沖, 後數年,有譖严匿府中錢物,秦王白 金山移滁州,署平馬步都虞候。太 繼沖署爲鎭將。

平歎曰:「吾命雖蹇,後未必不爲福也。」

時聯 陽平都木務兼造船場。舊官造舟旣成,以河流湍悍,備其漂失,凡一舟調三戶守之,歲役 廷命內侍督數州兵討之,不克。|平以好辭遣人說之,遂來歸。 戶數千。 九年,計省官錢八十萬緡。 巨筏,自渭達河,歷低柱以集于京。 太宗卽位,召補 平遂穿池引水,繫舟其中,不復調民。 右班殿直,監市木凑、隴,平悉更新制,建都務,計水陸之費,以春秋二 期歲之間,良材山積。 有寇陽拔華者,往來關輔間,爲患積年。 改崇儀副使,仍領其務。 太宗嘉其功, 遷供奉官、監

四年,代王明爲鹽鐵使。 志成疾而卒,年六十三。廢朝,贈右千牛衞上將軍,官給葬具。 雅熙初,召還,同知三班事,遷如京使。 平掌陽平署積年,是秋,聞陝西轉運使李安發其舊爲陽平姦利,憂 三年,改西上閤門使。 纔三月, 又改客省使。

有侮 平者數輩,後悉被罪配京窯務。平子從式適董其役,見之,以語平。平召至第,爲設酒 平 好史傳 微時遇異書,盡日耽玩,或解衣易之。及貴,聚書數千卷。 在彭門日,郡吏

九四〇五

昇

饌勞之,日:「公等不幸, 偶罹斯患,愼勿以前爲念。」給以緡錢,且戒從武善視之。 未幾,遇

赦得原,時人稱其寬厚。

環州 告,與賊戰,進爲先鋒郭志言所刺,遂入城,斬首六十級。 景德四年,宜州軍校陳進叛,命副曹利用爲廣南東、西路安撫使,將兵討之。 卒,年四十九。 轉 運 使堯叟上其狀,累遷內殿崇班、閤門祗侯。在任凡八年,代還,爲如京副使。 從式事太宗藩邸,累官文思使。 嘗與宋沆率兵襲西夏,小蚵,部署張凝表其專,責授內殿崇班。 次子從吉,以蔭補殿直,轉供奉官,知宜州,屢破溪蠻。 以平賊功, 改莊宅副使。未還, 俄知澧州,復舊秩。 次象州大鳥 咸平中,知

攻泉, 累遷軍器庫副使。 一繼昇, 繼昇潛率精騎二百夜擊破之,擒其魁,被送闕下,餘黨悉平。 <u>冀州阜城人。性純質謹愿。事太宗於藩邸,太宗信任之。</u> 陳洪進來獻潭、泉之地,以繼昇爲泉州兵馬都監。 召還, 遷軍器庫使, 領 會游洋洞 卽位,補供奉官, 民萬 「餘叛,

順州刺

史,知諸道陸路發運事。

俄 遷右 雍 1神武 熙四年,以諸道水陸發運倂爲一司,命繼昇與刑部員外郎董儼同掌其事,號爲稱職。 軍將軍。 端拱初,改領本州團練使,三月,卒,年六十四。 太宗頗嗟悼,贈洋州

觀察使,葬事官給。子昭遠。

以卜之。」昭遠 興 暴 里 漲 中 十餘丈,昭遠升大樹,經宿得免。 昭遠,形質魁偉,色黑,繼昇名之「鐵山」。 惡少遊處,一 擲,六齒皆赤。 日,衆祀里神,昭遠適至,有以博投授之,謂曰:「汝他日儻有節鉞,試 管涉河,冰陷,二公傍共援出之,昭遠神色自若。 有膂力,善騎射。 少時,入山捕鷹鶻,値澗 擲 喜 水

從征太原,先登,爲流矢所中,血漬甲縷,戰益急。 南遊京師,事太宗於晉邸,特被親遇,常呼其小字。 會劉繼元降, 及卽位,補殿前指揮使,稍遷都知 命守城門,籍兵仗。 又從征

范陽,多所擒獲,超散員指揮使。

陽關 遷東 西班都虞候(三),轉殿前班都指揮使,領寰州刺史。 ,募兵以備契丹。 治王之遷房陵也,禁衞諸校楊均、王榮等以依附被譴,獨 又爲冀州駐泊都監,俄授澤州團練使、洺州都部署。 改馬 少軍 昭遠無所預,太宗以爲 都軍 頭, 命乘傳鎭、定、高 太宗屢稱其能, 忠。 再

可備急使。

懲

西鄙,絕靈武糧道,命昭遠爲靈州路都部署,護二十五州獨粟,竟達靈武,繼遷不敢犯。 比 「諷,其賜昭遠,尤加賞遇。二年,領沙州觀察使,再爲并代副都部署。 此地即鐵山故營,又與昭遠幼名合,聞者異之。 端 拱 初, 召爲殿前都虞侯,領勤州防禦使。 命有司治綾錦院爲公署,掘地得鐵若 太宗嘗草書紈扇,作古詩賜諸將, 至道· 中,李繼遷擾 山形, 意 多

平二年,移知河陽,數月卒,年五十六。時車駕在大名,爲廢朝,贈太尉,諡惠和,中使護葬。 眞宗卽位,徙定州行營都部署。 未幾,拜保靜軍節度使,充天雄軍都部署,知府事。 咸

作坊使。 兒奉錢過二萬,不能勝矣。」果皆如其言。 昭遠頗知書,性吝嗇,所至無善政。母弟昭懿亦事晉邸,至捧日都虞侯。 初,祖母郭氏嘗對昭遠母指昭遠曰:「此兒有貴相,他日必至公侯。」指昭懿曰:「此 弟昭遜,西京

正,內殿承制。 遠子懷普,九歲事太宗左右,至西京左藏庫使、平州刺史。 懷英,內殿崇班 懷一,供備庫副使。

改供奉官。 尹 并州晉陽人。 太平 興國四年,護府州屯兵,與鄜州三族會攻嵐州,破敵千餘衆,擒僞知嵐州事 開寶中,事太宗於藩邸。 太宗即位,擢爲殿直,充延州保安軍使,

馬 延忠,拔緣河諸砦。 以功轉西京作坊副使。 入朔州界,破寧武軍,殺其軍使,獲人馬、器

甲甚衆。

族,諸族遂擾。代還,爲洪州巡檢。未幾,命護莫州屯兵。 奏請於所部抽移諸帳,別置騎兵,號曰平砦,以備其用,詔從之。 詔書褒美。 改護夏州兵,轉供備庫使。 雍熙初, 詔就知夏州, 攻破李繼遷之衆于地斤澤, 殺戮三汉、醜奴莊、岌伽羅膩葉十四族,及誘其渠帥。 繼遷遁走,俘獲四百餘帳。 俄殺蘆關及南山野狸數

馬鈴轄。 日卒,年六十三。 皆 「兼鈴轄。 三年,詔知瀛州兼兵馬鈐轄,領富州刺史,遷東上閤門使。 五. 年,知定州,與兵馬部署王榮不協。 淳化初,與王文寶並命爲四方館使,連護鎭、定州屯兵。改知貝州,移高陽關兵 榮素粗暴,因忿毆憲仆地,憲快快致疾,數 端拱二年,知滄州,移邢州,

監軍不許挈家至任所,妻擅至亳,賓具白上。 制,太祖以署府中右職 王賓,許州許田人。 太平 小心謹愿。 興國初,補東頭供奉官、亳州 年十餘,事宣祖左右,及長,善騎射。 太宗召其妻,俾衞士捽之,杖百,以妻忠靖卒, 、監軍 賓妻妬悍, 太宗領兗海節 賓不能 制,時

列傳

一夕死。遷賓儀鸞副使,領內酒坊。

從 征 太原,又從征范陽,與彰信節度劉遇攻城東面 五年,車駕北巡, 副王仁赡爲 大內

都部署。

州 刺史,與儒州刺史許昌裔同掌其事。 七 年, 改洛苑使。 軍 食不給, 凡四年,儲積增羨,號爲稱職,俄改右神武 詔別置水陸發運兩司,以賓有心 計會,在 將 軍 領演

咸具。 運 事 ,俄領本州團練使。 黎陽當舟車交會,禁兵常屯萬餘,以度支使張遜薦, 加本軍大將軍,歲別給錢二百萬,俄兼河北水陸路轉運使。 以賓請黎陽建通利軍,命就知軍 事。 命實護黎陽軍,兼領黃、御 賓規起公署、郵館,供帳之器 兩 河發

大將 都 軍、判左金吾兼六軍諸衞儀仗 貝 州兵屯無壁壘,分寓 至道元年,卒,年七十三,賻贈 [) 野肆,賓選隊地築舍千二百餘以處之。 司 加等。 事。 淳化四年,出知揚州兼淮南發運使,徙爲通許鎮 優韶褒美,召爲 右羽林

聞。 在 黎陽 詔 濱 名寺爲淳化,賜新印經 日 事 ,按見 宣祖、太祖、太宗殆六十年, 一古寺基,即以奉錢修之,掘地丈餘,得數石 一藏、錢三百萬以助之。 最爲勤舊,故恩寵尤異,前後賜賚數千萬,俱奉釋氏。 佛及石碣,有賓姓名,賓異其事以

府率。 奉官,掌弓箭庫。 忠, 忠形 河南洛陽人。 質魁岸,不知書,纔通姓名而已。 遷內弓箭庫副使、西京作坊使,掌翰林司、內衣庫,提點醫官院,掌屯兵于 祖叔千二百,仕晉累任方鎭,以太子太師致仕。 事太宗藩邸,殆二十年。 太宗卽位,授東 父延韜, 左清道率 頭 供

雄州

獎飭 之西 鎭 定 面 路 會 端拱 大陣之左 曹彬敗于拒馬河,忠分砦兵布列緣邊,以備游騎,又鑿河葺城壁。 二年,徙 元 年,移護高陽關 厢,就擢 知壽州 東 ,踰月移貝州,有劇賊十二人久爲民患,忠捕之,悉獲。 上閤門使。 屯兵。 契丹侵鎮、定,又與崔翰拒之。 與大將李繼隆、田 重進、崔翰 傅潛陣于 追契丹兵祁州 俄徙威虜軍,又 瀛州 忠當 北,詔 城 隸 書

歸, 將 知 朝 軍 至泗州卒,年六十四。 廷 列 淳化 在 表著之位 朝 四 年, 外,不得迎 判 因因 左金吾街仗。 從其請, ·左右,願復舊職。」上笑曰:「環列之官, 天禧元年,錄其孫惟慶爲殿直。 俄復東 王賓出 上閤門使, 知揚州,以忠代爲左龍武軍大 充 准 南諸州兵馬鈴轄。 古官也。 八將軍。 大將 至道三年,以病求 軍三品, 忠泣請:「諸 汝終

矣。 尹憲、王賓、安忠六人者,咸備任使,又皆畀以兵食之重寄,而各振舉其職焉,有足稱者 然平不修舊怨,庶幾進於士夫之度。 論曰:太宗居潛,左右必求忠厚彊幹之士。及卽位,修舊邸之功,陳從信、張平、王繼 從信所進邪佞以術蠱惑上心,猶不免於近侍之常

校勘記

態歟

- (1) 王繼昇 原作「王繼升」。 按太宗實錄卷四四有王繼昇傳,本書卷三〇七董儼傳、長編卷一九、
- 宋會要食貨四二之一都作「王繼昇」,據改。下文同。
- Ξ 及留守西洛 例,「西路」當爲「西洛」之訛。據改。 於顯德六年遷河南尹,充西京留守, 「西洛」原作「西路」。 按舊五代史卷一二〇恭帝紀、 中正署河南府判官當在此時。 本書卷二五五向拱傳, 西京又稱西洛,下文即有其 向拱
- 3 郭贄 原作「鄭贄」,據本書卷二六六郭贄傳、長編卷二二改。
- 端拱三年 宜韶注,作「淳化元年四月丁未」。 按端拱無三年, 長編卷三一載此詔於淳化元年四月,宋大詔令集卷一六〇除少卿
- 至 郝守濬 原作「郭守濬」,據長編卷一五、宋會要兵七之三〇改。

(炎) 石牌口 原作「石碑口」,據長編卷一五、太平治蹟統類卷一改。

(1) 知古本名若水 謂 「知古舊名若冰,太祖以其聲近『弱兵』之厭,故改之」。清沈濤変翠軒筆記卷三,以唐右丞相乃 按隆平集卷一二,「若水」作「若冰」,未云係其本名;宋沙門文瑩还壺清話卷八

書皆作「若水」,未見「若冰」,其他有關史料亦多作「若水」,錄此備考。

倪若水,謂之「若冰」實謬,「知古本名是『冰』非『水』,宋史『冰』、『水』互易,恐是傳刻之誤」。然本

- 2 河北東西路都轉運使 「都」字原脫,據長編卷二九補。
- (元) 九寺 原作「九等」。據本卷孔承恭傳及宋大詔令集卷一六〇除少卿官詔改。

「力」字原脫,據太宗實錄卷三一陳從信傳補。

8

恭謹

強力

東西 的諸 班都虞侯 班,諸班有都虞侯。 「西」原作「四」。按本書卷一八七兵志,禁軍有「東西班」;「東西班」屬於殿前 因改。

司

 $\stackrel{\square}{=}$ 叔千 原作「叔于」,據舊五代史卷一二三、新五代史卷四八安叔千傳改。

列

宋史卷二百七十七

列傳第三十六

韓國華 劉 張 綜 鑑 姚 F 衮 何蒙 坦 索 愼知禮 腿 湘 装莊 宋 太初 子從吉 牛 冕 盧 之 翰 張適附 鄭文寶 王子輿 袁逢吉

朝, 州 霖落山肄業,凡十餘年。 爲太子右贊善大夫、知婺州,就遷著作郎。 張鑑字德明,瀛州團練使藏英之孫。 太平興國三年,擢進 父裔,以蔭補供奉官。 士第,釋褐大理評事、監泰州柴墟權務。 還拜監察御史。 奉韶決獄江左,頗雪寃滯。 鑑本將家,幼能嗜學,入衞 升

太宗置不問 會命曹彬等進討幽州,問羣臣以方略,鑑上疏極言不可。 與趙 延 進同掌左藏, 延進恃恩踰規, 鑑廷奏之。 論者以鑑燕人,沮議非 有旨罷延進,以鑑判三司度 忠也,

歷殿中侍御史。

列

傳

绵

三 十

六

張

鑑

奏其 中、 羈縻之, 供 召還,特被慰 南 轉 奉官以下 判 憑由催 非 運 三司 便。 使。 江 都催 左震 欠司 本部 不考校殿最,恐無沮勸,即詔鑑 未幾,果復舊 獎。 肅。 欠司 有 時三部各置憑由催欠,鑑請倂爲一,從之。 梓州符昭愿驕僭不法,即以鑑代之。 大姓爲民 ,改都 又 建議割瑞州清江江、吉州 勾院,擢拜樞密直學士、 患者,鑑以名聞。 兼磨勘職。 太宗 新淦、 知通 盡令部送魁首及妻子赴闕,以三班職名 進、 遷刑 袁州新喻三縣置臨江 改三司爲左右計,分天下爲十 銀臺 、部員 王明、 外郎、判 封 李惟淸薦其能, 駁 司, 大 又掌三 理寺, 一軍,時以爲便。 班 遷 用為 屯 道,鑑 上 田 郞 江

事平 即遣 善。 復,軍旅不和,若聞使命驟至,易其戎伍,慮或猜懼, 近 臣 一分屯. 歸朝、未至、拜左諫議大夫、戶部使。 部戍卒出境,繼恩麾下使臣亦多遣東還,督繼恩輩分路討捕殘寇, 淳化 鑑至蜀,繼恩猶偃蹇,不意朝廷聞其縱肆。 師族,即遣鑑與西京作坊使馮守規偕往。 中,盜起 西蜀,王繼 恩討平之,而御軍無政, 鑑之行,付以空名宣頭及廷臣數人,鑑與詠 召對後 變生不測。 其下恃功暴横。 苑門,面授 請假臣安撫之名。」太宗稱 方略 益州 而鑑等招輯反側 張詠密奏,請 鑑 日:「盆部新

路進兵討 關輔之民,數年以來,倂有科役,畜產蕩盡,室廬頓空。 西夏,令鑑乘傳往環州,與李繼隆議護送芻糧入靈州。 加以浦洛之行,曾經剽劫。 及還,上疏

暫息,糇糧乏絕,力用殫窮。 本戶稅租,互遣他州送納,往返千里,費耗十倍,愁苦怨歎,充塞路岐,自春徂冬,曾無 原州之役,又致遷延。 非獨令之弗從,實緣力所不逮。 顧此疲羸,尤堪軫恤。 今若復有差率, 況復先棄糧草,見今逐處追科, **益致流亡,縱令驅**

迫, 必恐撓潰。 願陛下特垂詔旨,無使重勞, 因茲首春,俾務東作。

援送, 况 蕭然空壘,祗益外虞。 靈州一方,辟居絕塞,雖西陲之舊地,實中夏之蠹區。竭物力以供須,困甲兵而 不若以賜繼遷,使懷恩奉籍,稍息飛輓之役。 事當深慮,

鄩 詔鑑專督 軍糧,以軍興法從事,饋運頗集。

理要預

防。

若待川決而後防,

火熾而方戢,則焚溺之患深矣,雖欲拯救,

其可得乎?

請 刻石。 眞宗 卽 位, 三年,移知朗州 遷給事 中,使如故。 溪洞羣蠻數寇擾,鑑召酋豪,諭以威信,皆俯伏聽命。 咸平初,改工部侍郎,出知廣州。 居二年,民條其政績

往來貿 以爲 權儉人貪 河朔弭 初 市,故徙小郡。 。鑑在南海 凶 之狀。 兵款附之兆。 上意稍釋。 李夷庚爲通 至是,鑑自陳 優韶答之。 召還, 判, 謝德權爲巡檢,皆與之不協。 有親故謫 以疾徙知相州。 景德初,卒,年五十八。 瓊州, 每以 有芝草 奉米附商 生於監牧之室, 子士康爲殿中丞, 士宗太子 二人密言鑑以貲付海賈, 舶寄贍之, 鑑 又言夷庚、德 表其祥異,

洗

馬,

土程屯田

員外郎。

姚坦字明白, 曹州濟陰人。 開寶中, 以尚書擢第, 調補將陵尉。 歷隰州推官、 將作監

丞、知潯州。 太平 興國 三年召還,爲著作佐郎,通 判唐州

趙令 益 **肸**所愼簡, 楊幼英、 戶 太宗召適等謂曰:「諸子 王府翊善。 ,部員外郎王適、監察御史趙齊爲衞王府諮議,左贊善大夫戴玄 圖 八年,諸王出閤,詔給、諫以上,於朝班中舉年五十以上通經有文行者,以備宮僚,乃以 爲廣平郡王府諮議, 左贊善大夫杜新及坦並爲皇子翊善, 各宜勉之。」 生長深宮, 坦歷殿中丞、 國子博士閻象爲本府翊善, 未 知世務, 倉部員外郎, 國子博士邢昺爲諸王府侍講, 必資 良土贊導, 賜金紫。 又以起居舍人楊可 遷本曹郎中, 為本府 使日聞忠孝之道。 游善; 法、 轉考功, 坦仍賜緋 水 部員 國子 汝等皆 ,博士 外 仍爲 魚 鄓

俛首, 租,捕人父子兄弟,送縣鞭笞, 坦性 王強使視之, 曰:「但見血山耳, 安得假山! 一木強固滯。 王 一嘗於邸中爲假 流血被體。 山,費數百 此假山皆民租稅所爲,非血 萬,旣成,召賓僚樂飲,置酒 」王驚問故, 坦 日:「在田 山而何?」是時太宗 「舍時, 共觀之。 見州 縣催 坦 獨

亦爲假山,聞而毁之。

卿但 不能以正 耳。 善。 之,左右乃敎王詐稱疾不朝。 舊人,召升殿與語。 「王本無疾,徒以姚坦檢束,居常不得自便,王不樂,故成疾。」上怒曰:「吾選端士,輔王爲 亦足爲賢王矣。 .如是,勿慮讒間,朕必不聽。」王薨,改衞尉少卿,判吏部南曹。 王不能用規諫,而又詐疾,欲使殷去正人以自便,何可得也。 因命摔致後苑,杖之數十。 王 少佚豫, 理誨諭,事有微失,即從而揚之,此賣直取名耳。」 坦卽醜詆,王頗鄙其爲人。 少不中節,亦須婉辭規諷, 坦言及故府, 太宗日使視疾,逾月不瘳,甚憂之。 召世慰諭曰:「卿居王宮,能以正爲羣小所疾,大爲不易。 意短諸王而稱己之敢言, 自是坦每暴揚其事,上嘗誠之曰:「元傑知書好 况無大故而詆訐之, 豈裨贊之道邪? 坦退,上謂近臣曰:「坦在宮邸, 且王年少,必爾輩爲之謀 召王乳母問狀,乳母曰: 他日因事得對, 上以其

景德 初,求補郡, 俾知鄧州,轉運使表其治狀,詔嘉獎之。 大中祥符初,復知光州。

年,卒,年七十五。

索湘 字巨川,滄州鹽山人。開寶六年進士,釋褐鄆州 司理參軍。

大獄,連逮者千五百人,有司不能決,湘受詔按鞫,事隨以白。

列傳第三十六 索湘

齊州

有

興國四年,

路 監 轉 察 轉 運 使 運 御 史。 和 事 峴 £ 又爲 渡 九 年, 其 河北 能 河 遷 決,壞民 轉 運 太僕寺丞,充度支巡官。 副 使。 田 命與戶 湘經 度 部推官元玘同按行 供饋,以能 改太子右贊善大夫, 幹聞 事 集, 會詔 加 屯 下 東 轉殿 田 員 封, 外 中丞, 與劉 郎 蟠 充推 同 知 拜

未定, 爲 鹽 夜二鼓,率兵 一鐵判官 河 北轉運使。 明 湘 年, 爲 改駕 田 契丹入 而 重 部 南 進 轉虞部郎 畫謀, 員外 ,徑入鎭陽, 寇 郎。 王 結 師 中,選 大 端 衄 陣 據唐 拱 於君子館, 東行, 爲將作 年, 泂 , 河北治 聲言會 乘其無備 少監。 敵兵 方 高 乘勝據中 破 陽關兵, 田 **影** 岩棚。 命 副 渡 樊知古爲 敵以爲然, 及敵 橋 寒 兵覺, 土 招置 門 悉 卽 將 營 遁 擁 趨鎭州 衆邀 田 走。 使。 我 雍 會 煕 于 諸將計 議 平 中, ·虜城 復 議

大鳅千 使。 人後 精 斷 澶 銳三百人,偵其入境,即 湘以 皆 州 居 河橋 枚 無 歷 清要。 忻州推官石宗道 至,令鑿井, 何,有訟其擅易庫縑以自用 入攻磁、相州, 援旗伐 明年 ٠, 衆賴以濟。 王超等率師趨烏白 、憲州錄事胡則 掩擊而盡擒之。 鼓,白晝 者,坐授膳 一鈔劫。 爲幹職 池、抵無定河 轉 運使王 部員外· 鄰郡 命以自 嗣宗以狀聞, 發兵千 郎、 隨 水源涸絕, 知 一,所至 人捕 相 州 詔 州 逐,無敢近 郡, 復舊官, 時有羣盜 軍 勾檢 士渴乏。 其簿 命 聚 爲 湘 西 擇州 時湘已輦 領 河 Ш 東 軍 轉 運 得

即位, 入爲右諫議大夫。 復充河北轉運使,屬郡民有斡釀,歲輸課甚微,而不逞輩 傳置歸鄉里。

遂止。 之。 僞,何由辨明?況邊民易動難安,蕃戎之情宜爲羈制。 今若許其交相販易,則沿邊商人深入戎界,竊爲非便。 懋遷,庶息邊患。 因之爲姦盜。 會內殿崇班閣 又言事者請許権場商旅以茶藥等物販易於北界,北界商旅許於雄、霸州市易,資其 湘奏廢之。 詔湘詳議以聞,乃上言曰:「北邊自興置権場, 日新建議,請於靜戎、威虜兩軍置場鬻茶,收其利以資軍用。 湘以其地迫窄,非屯兵之所,遂奏罷之。 德州舊賦民馬以給驛,又役民爲步遞,湘代以官馬兵卒,人皆便 望且仍舊爲便。」會有詔規度復修定 又北界商人若至雄、霸,其中或雜姦 商旅輻凑,制置深得其宜。 湘言非便,

州新樂、蒲陰兩縣, 議請許商賈緣江載茶詣邊郡入中,旣免道途之耗,復有征算之益。 邊州置權場,與蕃夷互市,而自京輦物貨以充之,其中茶茗最爲煩擾,復道遠多損敗。 邊草地以虞南牧,言事者又請於北砦山麓中興置銀冶,湘以爲召寇,亦奏罷之。 湘少文而長於東事、歷邊部,所至必廣儲蓄爲備豫計,出入軍旅間,頗著能名。 又威虜、靜戎軍歲燒緣 先是, 湘建

咸平二年,入爲戶部使。 受韶詳定三司編敕、坐與王扶交相請托,擅易板籍、責授將作 四年,卒,詔遣其子希顏護喪

少監。三年,出知許州,徙荆南,復爲右諫議大夫、知廣州。

九四二一

府, 善 御 通 史。 判 政 賜 聞 宋太初字永初, 緋 魚。 判度支勾院。 有 詔 會詔 [褒美, 「水直 遷將 澤州晉 言, 二年,爲京西 作監丞、 著守成筬以獻。 城人。 贊善大夫、通判晉州 太平 轉 運副使。 興國三年, 淳化 初, 未 幾, 舉進 遷 移 監察御史。 轉 河東。 太常丞。 解褐大理評事、 几 時北 年, 雍熙三年, 遷 面 正使。 用兵, 通 判 選爲 改殿 通判 戏州 成都 一件 雄州 以

太初 嘗自 商州 白守榮、馬紹忠護芻糧,分三番抵 及 司戶掾 用爲功, 至 道 副使秘書丞竇玭緊獄 初,遷兵部員外 恕甚德之。 明年,起太初爲 郎, 會 西 充鹽鐵副使, 祠部郎中, 鄙 太初責懷州 |靈||州。 有警, 轉 轉運 知梓州 飽艱急, 賜金紫。 團 練副使,之翰、玭悉除名,之翰貶許州 副使盧之翰達旨倂往,爲 俄復舊秩。 改刑 時陳恕爲使,太初有所規畫必咨恕, 部 郎中, 充陜 西 戎 轉運使。 人所剽。 上怒, 司 年, 馬 捕 未 命

使, 動, 要切之務, 真宗 太初以便宜制遏,詔獎之。 時分川 。 嗣位, 峽爲四路 俾同規畫。 召還, 復命經度 各置轉運使。 太初與鈴轄楊懷忠頗不協,時蜀土始安,上慮其臨事矛盾,亟召 三年, 陝西餽 再知梓州 運 上以事有緩急, 事 咸平初, 明年, 拜右 難 益州 於 諫議大夫、 均 雷 濟, 有終以母 命太初爲四路 知江 老求還, 陵府。 蠻寇 都 詔 太 轉 運 初

求近地,得廬州。 |初以爲失風憲體,獄成然後聞上,時論韙之。 太初還。 會御史中丞趙昌言等坐事被劾,命權御史中丞。 疾久頗昏忘,不能治大郡,連徙汝、光二州。 俄出知杭州。 先是,按劾有罪必豫請朝旨,太 太初有宿疾,以浙右卑濕不便, 景德四年,卒,年六十二。錄

博也, 學,嘗謂禮之中庸,伯陽之自然,釋氏之無爲,其歸一也。 太初性周愼,所至有幹職譽。 忽外物觸於耳目,內機發於性情,因筆而簡之,以備闕忘耳。」子傳慶,後爲太子中 嘗著簡譚三十八篇,自序略曰:「廣平生纂文史老釋之 喜以古聖道契當世之事,而 患患未

其弟繼讓,試校書郞。

判官。 平興國四年,舉進士,不得解,詣登聞自陳,詔聽附京兆府解試。 盧之翰字維周,祁州人。 之翰 少篤學,家貧,客遊單州,防禦使劉乙館於門下。 會祖玄暉,鴻臚卿。 祖知誨,天雄軍掌書記。 乙徙錢塘,之翰隨寓其郡。 明年登第,解褐大理評事、 父宏, 蔡州防禦

會契丹入寇,之翰募城中丁壯,決潭、御河以固城壁,虜不能攻。 列 傳 第 三 十 六 盧 之 翰 吏民詣闕求借留。 知臨安縣,三遷殿中丞,通判洺州

還, 達 許州 遷太常 ,以便漕 博士,爲 運。 河東 以勞 轉 加戶 運 副使, 、部員 外 徙京 郎。 西 又改 轉運副使,改工部員外郎。 陜 西 轉運 使, 遷吏部員外郞。 建議 導異河 至道 初, 合于准,

亂蜀 之翰嘗薦李憲爲大 命兼 西川 安撫 轉運使。賊平,還 、理丞, 憲坐贓抵死, 任 之翰當削三任。 時副使鄭文寶議城淸遠 軍, 又

運使。 授國 和 馬紹忠領 禁蕃商貨 乘 傳 子博士,領 咸 平元年,以疾命國子博士張志言代還。 眞宗卽位,復吏部員外郎,充轉運使。 逮捕,繫獄鞫問。 其事。 鹽, 之翰心知其非便,以文寶方任事,不敢異其議。 使如故。 之翰違旨擅併爲一,爲李繼遷邀擊于浦洛河,大失輜重。 之翰坐除名,貶許州司馬。 尋復舊職 會調發獨糧輸靈州,詔分三道護送,命洛苑使白守榮、 以久次,召拜禮 未幾, 明年,起爲工 復出爲京西轉運使。 部郎中,賜金紫。 及文寶得罪,之翰幷前 部員外 郎, 詔 先是, 同 國 子博 勾當 復遣之任 朝 泛護城城 士王用 陝 愆,左 西 轉

州 故 原州 ,便道之官,限五 以張守備, 之翰無廉稱,又與轉運使凌策不協,陰發其事。五年,徙知永州,未行,卒,年五十七。 之翰沮罷之,其後 日卽發。 三年, 授廣南 西鄙不寧,修葺爲鎭戎軍。 西路轉運使。 會廣州索湘卒,就改太常少卿, 之翰坐橫議非便, 黜 知歸

子淸源 鄭文寶字仲賢,右千牛衞大將軍彥華之子。 公仲寓行書籍,遷校書郎。入宋,煜以環衞奉朝請,文寶欲一見,慮衞者難之, 彥華初事李煜,文寶以蔭授奉禮郎,掌煜

被蓑荷笠以漁者見,陳聖主寬宥之意,宜謹節奉上,勿爲他慮。 煜忠之。 後補廣文館生,深

爲李昉所知

千口。 州 襲,獲其渠魁,餘黨殲焉 里,以計平之。 轉光祿寺丞。 事 太平 旣而 召拜殿中丞,使川、陝均稅。 ·興國八年,登進士第,除修武主簿。 李順亂西蜀,秦隴賊趙包聚徒數千,將趨劍閣以附之。 留一歲,代歸。 授陝西轉運副使,許便宜從事。 獻所著文,召試翰林,改著作佐郎,通判潁州。 次渝、涪,聞變州廣武卒謀亂,乃乘舸泛江, 遷大理評事、知梓州錄事參軍事。 會歲歉,誘豪民出粟三萬斛,活飢民八萬六 文寶移書蜀郡,分兵討 丁外艱,起知 州將表薦 一夕數百

不得代、思歸謀亂。 長 交遊,爲薦其弟堯佐。 帳 文寶前: 俄又召至闕下,文寶奏對辯捷, 中,其人或呼爲父。 後自環慶部糧越旱海入靈武者十二次。 文寶矯詔以庫金給將士,且自劾,請代償。 驛召令辨對,途中上書自明。 遷太常博士。 上深眷遇。 內侍方保吉出使陝右, 俄加工部員外郎。 太宗察其事,坐保吉罪,厚賜文寶 曉達蕃情,習其語, 頗恣橫,且言文寶與陳堯叟 詔蠲其所費 時龍猛卒戍環慶, 經由部落,每宿會 介遣

列

屬萬 民無鹽以食,境上騷擾。 者,皆抵死,募告者差定其罪。 兩池鹽於陝西以 寶 建議以爲「銀、 餘帳 先是,諸羌部落樹藝殊少,但用池鹽與邊民交易穀麥,會餽輓趨靈州,爲繼遷所鈔。 亦叛。 濟民食。 商 夏之北,千里不 人販 兩 上知其事,遣知制誥錢若水馳傳視之,悉除其禁, 池鹽 官獲其利,而戎益困,繼遷 少利,多取他徑出唐、鄧、襄、汝間邀善價,吏不能禁。 行之數月,犯者 毛, 但以販青白鹽爲命爾。 1益衆。 可不戰而屈」。乃韶自陝以西有敢私 戎人乏食, 請禁之,許商人販安邑、解縣 相率寇邊,屠小 召諸族撫諭之, 康 堡。 |關、|隴 內 市

朝廷議城古威州,遣內侍馮從順訪于文寶,文寶言:

乃定。

君緒收六關,即其地也。 壓明沙、蕭關兩戍,東控五原,北固峽口,足以襟帶西凉,咽喉靈武,城之便 威州在清遠軍西北八十里,樂山之西。 故壘未圮,水甘土沃,有良木薪秸之利。 唐大中時, 靈武朱叔明收長樂州, 約葫蘆、臨洮二河, **邠寧張**

然環州至伯魚,伯魚抵青岡,青岡拒清遠皆兩舍,而清遠當羣山之口,扼塞門之

威州隔城東隅,竪石盤互,不可浚池。

城中舊乏井脉,又飛

芻車野宿,行旅頓絕。

人守環州甜水谷、獨家原,傳箭野貍十族,脅從山中熟戶,党項孰敢不從。又分千騎守 去城尚千餘步,一旦緣邊警急,賊引平夏勝兵三千,據清遠之衝,乘高守險,

磧北清遠軍之口, 即自環至靈七百里之地, 非國家所有, 豈威州可禦哉? 請先建伯魚、

青岡、清遠三城,爲頓師歸重之地。

之策,修五原故城,專三池鹽利,以金帛啖党項酋豪子弟,使爲朝廷用。不唯安朔方。 古人有言:「金城陽池,非粟不能守。」俟二年間,秦民息肩,臣請建營田積粟實邊

韶從其議。

制竪子,至於經營安西,綏復河湟,此其漸也。

之不能守,卒爲山水所壞。又令寧、慶州爲水磑,亦爲山水漂去。 積石嶺,在旱海中,去靈、環皆三四百里,素無水泉。文寶發民負水數百里外,留屯數千人, 又募民以楡槐雜樹及貓狗鴉鳥至者,厚給其直。地舄鹵,樹皆立枯。西民甚苦其役,而城 文寶至賀蘭山下,見唐室營田舊制,建議興復,可得就稻萬餘斛,滅歲運之費。清遠據

事,以語中丞李昌齡,昌齡以聞。 猶含容之。 旣而文寶復請禁鹽,邊民冒法抵罪者甚衆。 又發民曳古碑石詣清遠軍,將圖紀功。而嵬囉等盡以事告繼遷,繼遷上表請罪。上怒文寶, 遷,卽遣去。謂之曰:「事成,朝廷授汝以刺史。」文寶又預漆木爲函,以備馳獻繼遷之首。 繼遷酋長有嵬囉嵬悉俄者,文寶以金帛誘之,與手書要約,留其養子爲質,令陰圖繼 文寶又奏減解州鹽價,未滿歲,虧課二十萬貫,復爲三司 太常博士席義叟決獄陝西,廉知其

傳

第三十六

鄭

江

所 鹽 鐵 副 使宋太初爲都轉運使,代文寶還。 下御史臺鞫問, 具伏,下詔切責,貶藍

山令。 州 文寶 真宗卽位,徙京 未幾,移 素 知 山川 枝 險易,上言必爲 Щ 咸平中, 繼遷所敗。 召還, 授殿中丞,掌京南権貨。 未幾,果如 其奏。 轉 運使陳緯沒於賊,繼 時慶州發兵護芻糧詣 淮 靈

陷清 使。 使。 落 相 奏班 利本末, 事 ,無所拘轄,勒其 李沆等以爲廣銳州兵,皆本州 遠軍 至環州 嘗 師 上言管內廣銳 上曰:「前 且言靈州不 就 除本 時文寶丁內 或言靈州 令團 路轉運使,上疏請 (市馬, 亦恐非 可棄至。 併 兵萬餘, 已陷,文寶乃易其服,引單騎冒大雪,間道抵淸遠故城,盡得其實,遂 所對,與沉等同,遂罷 艱,服未闋, 軍伍、改置 難得 時方遣大將王超援靈武,即復文寶 便。 守 l營壁,欲其互移本貫,行之已久。」而文寶確陳其利 城, 再葺 資糧,請徙置 即命相府召詢其策略。 上復令文寶條對, 置營必慮安土 清遠軍 之。 |近南諸州,又欲令強壯 都部署王漢忠言其好生事,遂徙 重遷, 文寶 固 徙之即致紛擾 文寶因 執前 I 議 一部員 | 獻河西隴右圖 戸市 且言 外郎 馬,備 上 又強壯 ,爲隨 人 久留 河東 征 一、敍其 散處村 役。 軍 轉運 恐或 轉 因命 地 運

則 獨栗增價。 先是,鱗、 府 上嘗訪使邊者,言河裁闊數十步,乃詔文寶於府州、定羌軍經度置浮橋,人以 屯 重兵,皆河 東輸 饋,雖 地 里甚 邇 而 限 河津之阻 <u>-l-</u> 人 利 於 河 東民 罕至 錢若

水

詳度以

聞

岩

水

爲便。 西事 可備驅策, 會繼遷圍麟州,令乘傳晨夜赴之,圍解。 因復任陝西轉運使。嘗出手箚,密戒令邊事與僚屬計議, 遷刑部員外郎,賜金紫。 頃之,寇準薦其熟 勿得過有須索,

重擾于下。 後有言其張皇者, 韶徙京西, 以朱台符代之。

請見。 寺丞、 燙, 赴河北, 未至遇疾, 景德元年冬, 上以其久疾,除忠武軍行軍司馬。文寶不就, 知襄城縣, 手詔褒諭。未幾, 表求藩郡散秩。 以便其養。 契丹犯邊, 復涖京西。 大中祥符初, 又徙河東。 詔聽不除其籍, 契丹請和, 文寶安輯所部, 改兵部員外郎。 續奉養疾, 文寶陳經久之策, 以前官歸襄城別墅。 募鄉兵, 以其子鄆州推官於陵爲大理 車駕祀汾陰還, 張邊備, 、上嘉之。三年, 六年, 文寶至鄭州 又領蕃漢兵

所延薦屬吏至多,而未嘗擇也。晚年病廢,從子爲邑,多撓縣政。能爲詩,善篆書,工鼓琴。 有集二十卷,又撰談苑二十卷,江表志三卷。 文寶好談方略,以功名爲已任。久在西邊,參預兵計,心有餘而識不足,又不護細行,

列 興字希孟,密州莒人。 傳 第 = -|-六 王 子 興 曾祖甲,以義勇爲鄉人所推。 唐末,淄、青、徐、竞皆南結吳 九四二九

九

都 以 指 拒 梁, 揮 使。 · 梁得三鎭,吳人北侵益急, 祖徽, 襲父職,晉末,賊帥趙 沂、密尤被其害。 重進掠高密,徽戰沒。 州民聚爲八砦以扞寇,遂署 父璉,復嗣其事。 周世宗 甲爲

淮南,始去兵即農,厚自封殖。

御 稽 南 判 祿 官 寺丞 滯 轉 史。 運 子 求 使 興 因 轉 兼 、少業· 太 入 使 省 子中 西蜀 對 職 文詞,太平 與三 允, 決獄還 乃命 改著作郎 司 爲 論 , 鹽鐵判官 知 ·興國 列 興 利 或 害, 八年舉進 江、淮、雨 軍。 一,仍領 以子興爲長。 淳 化中, 士, 制置 浙 制置 解褐北海主 5,增歲 雷 一茶鹽,就轉 有 轉度 終爲江、浙、 課 五. 支員 簿。 +太常博 - 餘萬貫 (外郎 歷大 荆 湖茶 八理評事 士。 子 興 咸平三年 鹽制 眞宗 以 句: 置使, 知臨海 即位,遷 事 ·, 就 上 計 奏子 命兼 縣, 殿 充准 中 移 改 興 報

京師。 其家 奏 衮、 請 者, 事 劉 便 子 師道 文牒 興精 殿, 景德中,官借船移柩,還葬其里,鬻京師居第,以錢寄楚州官庫,以備三女資送。 輿 俄疾 、粉委, 名聞, 於吏 止 作仆 子, 頃刻 事 卽 ٠, 命衮與師道 地, 久掌茶 而三女皆幼。 待報 命中使掖 · '; 子 鹽 漕 興 爲 皆 運, 之以 轉 卽 道宗尋卒,家寓 周 運使。 決遣 出 知 利 至第卒。 害, 曾 召 無 子 裁量經制, 凝 興, 滯 楚州 以子道宗方幼,命三司 拜 右 明 .諫議 年, 子 公私便之。 興妻劉還父母家, 表 大 求 (夫、)戶 代, 詔 部 所至 許 使。 剉 自 郡縣,以 擇。 官 五 朱台 子 年二 輿 子 符 興以 公事 旅 月, 櫬 檢校 從 在 方 申

將授三班之職。 劉綜字居正,河中虞鄉人。少依外兄通遠軍使董遵誨,遵誨嘗遣貢馬。 綜自陳素習詞業,願應科舉。 及還,上解眞 珠盤龍衣,令賜遵誨。 太祖嘉其敏辯, 綜辭

遵誨人臣,安敢當此賜!」上曰:「吾委遵誨以方面,不以此爲疑也。」

雍熙二年,舉進士第,解褐邛州軍事推官。

就改永康

軍判官,遷大理評事,通判眉州,

改太子中允。 轉太僕寺丞。 代還,對便殿,因言:「蜀地富庶,安寧已久,益州長吏,望愼澤其人。」上嘉之, 未幾,李順果爲亂,復召見,面賜緋魚。尋爲三門發運司水陸轉運使,通判大

名府。連丁家難,起知建安軍。

發運司,專幹其職。 安軍,自是民力均濟。 先是,天長軍及揚州六合縣民輸賦非便,綜奏請降天長軍爲縣,隸揚州,以六合縣隸建 至道 時淮南轉運使王嗣宗兼發運事,規畫多迂滯。 三年,遷太常丞,職事修舉,多稱薦者。 綜因上言請復置都大

以昏耄放罷者,其間有實廉謹之士,或幼累無託,或居止無定,全藉祿廩以濟朝夕, 咸 平初, 命代王欽若 判三司都理欠憑由司,出爲河北轉運 副使。 嘗言:「州縣幕職官,

列傳第

Ξ

+

六

劉

錝

約束,不得復然。」時河北承兵寇之後,民戶凋弊,吏部所銓幕職州縣官皆四方之人,不 俗,且有懷土之思,以是政事多因循不舉。綜議請自今並以河朔人充之,冀其安居,勤於職 馧 重之罪, 則 飢 及其奏 寒 無依, 御,復云 似 傷 和 「慮未 氣 得中, 望自今並除致仕官。」又言:「法官斷獄,皆引律令之文, 别 取 進 止,殊非一成 不變之道,且復煩於聖斷。 以定 望 習 降 風

官 自貨鬻,乃命綜與杜承睿制置青白鹽事。綜條上利害,力言非便,卒罷其事 夏 人擾西邊, 環慶大屯士馬,詔徙綜爲陝西轉運副使,轉太常博士。時梁鼎議禁解鹽

援,此暫勞永逸之勢也。 州民淳土沃,爲西陲巨屏,所宜固守, 者,誠以賞罰未行,而所任非其材故也。今或輕從羣議,欲棄靈州,是中賊之姦計 ---時 m 靈州孤危,獻言者或請棄之,綜上言曰:「國家財力雄富,士卒精銳,而未能剪除凶孽 多,則 利害之理昭然可驗矣。」俄充轉運使。 沉鎮戎軍與靈州相接,今若棄之,則原、渭等州益須設備,較其勞 以爲扞蔽。然後於浦洛河建軍城,屯兵積糧爲之應 矣。 且靈

何 俄詣 而授,未爲得人 四 年,又獻議 闕 奏事 稱旨 於鎮 戎軍 賜 自今西川、 金紫、 置屯田務, 緡錢 荆湖、江、浙、福建、廣南知州,或地居津要,或戶 五 十萬,復遣 又錄 唐安國鎭制置城壕鎭戎古記石本以進, 心

位職。 又嘗言:「天下州郡 長 東,審 口繁庶之 韶從 官 皆據 其

以 處,望親加選任。 父母 未葬爲辭,意求規免。 其執政舊臣及給、舍以上知州處,亦擇官通判。 請自今父母委未葬者,許請告營辦。 义京朝官當任遠官者,率 審官投狀,並明言父母

已葬,方許依例考課,違者並罷其官。」從之。

部郎中、充職、兼知通進、銀臺、封駁司 事。 病, 詔 士、勾當三班院。 輒資其奏處。 用 兩制以上各舉材堪御史者充,三院共置十員。 兵,邊事 刑獄枉濫,悉得察舉。」四年,西幸,道出河陽境上,時節度王顯被疾還京,以綜權知孟州 未幾召還,復出知幷州,以政績聞。 五年,拜工 煩急,轉漕之任,尤所倚辦。 契丹請和, 乃遣近臣諭以擢用 一部員 綜言:「御史員數至少, 、外郎兼侍御史知雜事。 綜繼領其職、號爲詳練。 州民乞留,優詔嘉獎。 每奉朝請,劾制獄, 六年, 遷起居舍人, 再爲河北轉運使。 之意。 若出使按獄,所經州郡,官吏能否,生民利 景德三年, 多以他官承之,甚紊彝制。 召拜戶部員外郎、樞密直學 歸朝,知審官院,改吏、禮二 至是眷矚甚厚,警急之際, 時兩河 望

約 紊公政, 俄 權 東,幷其交遊輩劾罪,從之。 知開封府。 大中祥符四年,館件契丹使,因作大雲歌以獻。 因建議請加抑止;又文武官居遠任,而家屬寓京師,其子孫弟姪無賴者, 綜以貴要交結富民,爲之請求,或託爲親屬,奏授試秩,緣此謁見官司,頗 七年,以末疾求典河中,真宗以太寧宮廟長吏奉祠,綜艱於 即命同知貢舉,以李宗諤代爲館件使。 望嚴行

列

傳

第三

+

六

劉綜

卞衮

拜 起, 慮不克恭 事 ,命知廬 州。 明年,罷學士,授左諫議大夫。 八年,卒,年六 十一

建中、正中,並 綜 強敏 有 | 吏材 ,所至抑挫豪右,振舉文法,時稱幹治。 弟綽,淳化三年進士,官刑部郎中。 然尙氣好勝,不爲物論所許。

平, 兵 震 不 省事! 能 、擊其黨類。 仍舊職 臨 其使。 城,削籍爲民。 衮字垂象, 軍 而 承褒之衆素不爲備,卽時 會賊杜承褒率 州 賊 有東章者,本州 兵 益州成都人。 重傷,卷 震以前 甲宵 衆圍 功得贖,以虢州錄事參軍卒。 遁, 兵校也。 城,援兵不至,慶躬率士卒,且戰且 父震,工爲詩。 刺 大潰,震與文襲分部餘卒夾攻之,賊衆遂平。 史 陳文襲不能遏賊, 因遣人述朝廷威 舉蜀進士,渝州 德, 遂 入據郡 諭以 刺史南光海 拒,爲流 禍 城, 福 以僞官 |章惺 矢所 辟爲 且 厚賄 中, 判官。 信, 文襲坐 誘震, 創 因伏 蜀

作佐 使、 傳 書 課 最 同荆湖發運事,以幹職聞,就加殿中侍御史。入判三司開拆司,再爲淮南轉運使兼發運 回、廣 太 平興國八年,衮登進 (南轉運司承受公事,俄通 仍賜實 〈奉以旌異之,衮預焉。 士第,累遷大理評事、知將樂縣, 判宣州 改太常丞。 淳化中, 咸平初, 上命采庶僚中廉幹者, 改光祿寺丞、 遷監察御史,爲准南 通 判 給 泗 御書 州。 轉 即 運 .紙, 副

陷

失州

使。 咸平六年, 倂三司使之職而分置副貳,以衮爲刑部員外郎,充鹽鐵副使。 景德初,疽

發於背卒,年四十五。 錄其弟 展爲臨潁主簿, 子咸爲將作監主簿。

酷,所至州縣,纖微之過,無所容貸。大凡督察部下,糺逖愆違,非有大故,所宜矜恕,官吏 自當畏威懷惠,不敢貳過,公家之事亦無不濟。乃知爲吏之方,適中爲善也。」 「大蟲」之號。 |夜明敏有吏幹,累掌財賦,清心治局,號爲稱職。然性慘毒,掊克嚴峻,專事捶楚,至有 眞宗嘗謂近臣曰:「衮公忠盡瘁,無所畏避,人罕能及,然頃在外任,頗傷殘

賈,卜居睢陽,娶李氏女,生驤,風骨秀異。 矣。」信以資產富殖,不樂他徙,唐遂潛齎百金而南。 其父曰:「今國政廢弛,狄人必乘釁而動,則朔、易之地,民罹其災。 苟不卽去,且爲所虜 歸路遂絕。 許驤字允升,世家薊州。 嘗擁商貲於

汴、

洛間,

見進士綴行而出,

竊嘆曰:「

生子當令如此!」

因不復行 祖信,父唐,世以財雄邊郡。 唐曰:「成吾志矣!」 未幾,晉祖革命,果以燕薊路契丹,唐 後唐之季,唐知契丹將擾邊,白

卽吾父矣。 郡人戚同文以經術聚徒,唐攜驤詣之,且曰:「唐頃者不辭父母,死有餘恨,今拜先生, 又自念不學,思教子以興宗緒,此子雖幼,願先生成之。」驤十三,能屬文,善詞

列傳

第三十六

許願

賦。唐不識字,而罄家產爲驤交當時秀彥。

作監必 年, 出 驤 為 陝府 太平 通 判益 興 西北路轉運副使。 州 國 初,詣貢部, 賜錢二十萬。 與呂蒙正齊名,太宗尹京,頗知之。 會罷副使,徙知鄜州 遷右贊善大 夫。 五年, 召 轉右拾遺、直史館, 還,爲比部員外郞。 及廷試, 擢 改右補 甲科, 歷 知宣、昇二 解褐將 闕

州。

咸平 欺 宜擇忠厚者撫之,爲備豫。」旣而李順叛,衆頗伏其先見。 |]]] 眞宗卽位,改工部侍郎。 讓,不許。 主 配流,遇赦得原,還本 一客郎 盜 轉運使, 二年,卒,年五十七。 雍 當流 中。 熙二年,改江南轉運副使。 占謝日, 死者數百 以久處外任爲辭,擢授右諫議大夫,就命知益 俄徙 知福 命坐勞問, 人。 鄉、讎 州 2 屢求 累表求還,不俟報, 驤 贈工 告捕 馳往訊問,得其情實以聞, 小郡養疾, 一部尙書。 出良藥賜之曰:「此朕所服得驗者。」後驤以久病 者, 洪、 多所 吉上供運船水損物,主吏懼罪, 殺害, 賜其子宗壽出身。 因入朝失儀,爲御 入朝,召對便殿, 自今請以隸軍。」 多獲 州 命知審官院,遷御史中丞,以疾 輕典,優韶 驤雖無他才略, 史所糾,特詔不問, 延問 召歸, 詔 良久。 可。 上言:「蜀民浮窳易搖, 褒之。 故覆舟, 遷正 改 兵 使。 而人以儒厚長 叉 部 上言:「劫 命 不能 鞫獄者按以 端拱 郞 知 中, 單 振 初, 領 州 盗 固 西 拜

者稱·

宗壽後爲殿中丞。

忻州 以威望自任,嘗巡按至境,官屬皆出迎候。 擢授絳州 令。 錄 事 莊字端己,閬州閬中人。會祖琛,後唐昭州刺史。 莊 · 多軍。 在 防禦推官,提點抖、嵐二州緡帛獨糧,改遼州判官,仍涖舊局 一蜀,以明經登第。 先是,幷州待積軍儲,條制甚峻,掌出納者常十餘人,及莊代之,獨任其事 歸宋,歷虹縣尉、高陵主簿,本府召權司 胜獨視事本局,徐謁道周,德驤稱其有守。 祖遠,河東觀察支使。 理缘 轉 運使雷 父全福 徙權 德 鄠 驤

踰年,咸信表其能,遷太子中允。 玩 **搠降戶於汝、洛,遣莊安輯之。** 無 寇 功 連 。又言:「緣邊砦栅, 雍 煕 上書以爲「周世宗誅樊愛能 三年,命將巡邊,以莊掌隨軍糧料。內客省使楊守一稱薦之,授大理寺丞。時遷雲、 戍兵旣寡, 俄通判忻州, 端拱 何徽 戎人易以 初,潘美鎭眞定,又辟爲通判。時製丹掠趙、深,邊將 二將,遂取淮南,克巴蜀。 未上道, 「襲取,咸請廢罷,以益州兵。」會詔建方田,莊 會魏咸信出鎭澶州,改命爲通判。 願陛下申明紀律,無使

轉 使。 淳化 三年,召訪以邊事,稱旨, 未行,改三司鹽鐵判官。 上疏請給兩省官諫紙, 面 一賜緋 魚 令授淸資官。 又引故事 翌日 拜監察御史、 禁屠月勿報 · 重刑 荆湖南路 會

冽

熚

第

三 十

六

装

莊

復

\上言:`「大役兵師,盧生事於邊鄙。

」上善之。

劉 有 終 式 並 建 議 兼 峽路 請 廢 緣 隨 軍 江 榷 轉 運 務, 同 莊 知 力言其非 兵 馬 事 便。 出為 或言莊本蜀 荆湖北路轉運使。 人,不宜 此 任, 五 年, 益 李順 倚信之, 亂蜀 許以! 命 興雷 便

宜。 事 平,轉殿 中侍 御 史,歷工部、 司 封二員外郎, 特召問 討賊方略

紹斌 使。 按 甲 嘗 塞 道 被疑,韓崇業本秦王壻,程德玄始事晉邸,初甚親近,後疎遠外遷,皆懷怨望,不宜委 ·言:「慶邠 二年,遣 俘 擒 未 將五 晚 延州 旣 路 而諸 出討李繼遷,莊陰料師出無功, 通 遠 將果敗 軍, 咸處邊 績 要, 俄遷 請 祠 武幹如姚 部 郞 中。 因請 內斌、 眞宗 加 恩 卽 董遵 位, 繼遷, 酶者任之。」又言:「 遷 度 俟其倔 支, 充河東 強 拒 命, 轉 田 則

緣 知州 公公坐, 咸平二年,命巡撫江南。 通判,率以資考而授,至有因循偷安,無政 則 黜 司冗務,眞僞莫辨,僥倖滋甚。 使還,言他州 、興國 自今望愼選其人,勿以資格補授, 、術而繼得親民者; 軍得良吏,餘無足稱者。 其素蘊公器有政績者 且 |言:「朝廷所 有政績者加 一,偶 命

以戎寄。」未幾,移知蘇州

脏因上言:「顯、潛皆非材, 或 失幾。 是年秋, 會王 契丹犯塞,命爲 顯掌樞密, 顯與潛俱起攀附,頗 致誤邊事, 河北轉運使。 請行嚴誅,以肅羣議。」未幾,徙知宣州 時傳潛統大軍駐定州北,莊屢條奏其無謀略,盧 庇 之,莊奏至 多不報。 徙 知 越州。俄傳潛得罪, 詔百辟上

以

思

其所宜行先後, 直言,莊條列四事:一日去暴征,二日省煩刑,三日擇吏職,四日敦稼政。 莊對甚悉。 改司 封 郎中。 景德中,命安撫兩浙, 奏能吏二十人, 疏*奏*, 慢官者五 詔令開陳

人,多所升點。又知潞、邢二州。

禮副使,撰北行記三卷以獻。 歸上都,以便醫藥。 太府卿,權判 大中祥符初,東封,改鴻臚少卿,入判登聞鼓院。 西京留司 卒,年八十一。錄其孫慶孫,試將 御史臺。 六年, 天禧二年,入判 出知襄州。 刑部,以疾分司 明年,車駕幸南京, 作監主簿 祀汾陰,遷太僕少卿,爲北嶽加號册 西京。 脏以 郊祀, 逮事太宗恩例, 改光祿卿, 授 求

奥,咸平三年進士,屯田郎中; 建議請置 脏 有吏幹,頗無淸操,慷慨敢言,太宗獎其忠讜, 廣聽院西垣學士,聞者嗤之。 稷,左班殿直,閤門祗侯。 晚年退居,製棺櫝以自隨,喜接賓客, 多所 聽 納。 好爲規畫, 然寡學術。 終日無倦。 嘗

左 一贊善大夫,遷太常丞、知滁州,以勤 件冕字君儀,徐州彭城人。 太平 ·興國 政開 三年進士,解褐將作監丞、通判郴州 召歸,轉監察御史。 ,徙和州。 加

端 供元年,召試文章,遷左正言、直史館。 出知潤州,徙泉州, 未至, 就命爲福建轉運

使, 加 左司 諫 建議 廢邵 武 軍歸化金坑,土人便之。 至道初, 進秩兵部 員 外 郎, 知

州。至郡裁數日,復召拜銀侍御史知雜事。

丞, 命爲儀 真宗 在東宮, 仗使。 時三司 冕嘗奉使賜生 各設官局, 辰 (禮幣,即位尙 多不均濟。 記其名, 晃請合為 一使, 改工 部 郎 分設其貳, H₁ 永熙 陵 則事務 復 會 不 煩 閼 而 1 1

兆 緩 於 劾 其後卒用冕議 矜恤,故 |咸 其罪, 平元年,選 並 戍 削 卒乘符昭壽之虐,嘯集爲 籍 知 益 冕流 州,仍拜右諫議大夫。 儋州,適爲 連州參軍 亂。 **冕與轉運使張適委城奔漢州** 兩川自李順不後, |晃遇赦,移欽、英二州,歷鄂、海二 民罹困苦, , 詔遣 未安其業, 赴闕, 州 別駕, 朝 廷

洞 部 員 大 外 41 郞 祥 符 卒,年 初 ,真宗語宰相 六十四。 日::[1 子 昭 儉 冕素純善,黜 至 一殿 中 棄久矣,量宜甄敍。」即起知漣水軍,俄復爲 准

南

節

度

副

使

之 太宗喜其 徙西川 張 適 者, 轉運使, 太平 詞 氣 俊 興 坐貶, 邁 國 五. 賜緋 年 後起為 進 魚 士。 彰信 旋改 任藩 軍節 京東 那,有治績,以 度 轉 副 運 使、 副 使, 知 淮陽軍 廉敏稱。 加 直 集賢院 爲 水 部 員 日 外郎 被寵渥,時 知 鄜 州 獲

卽 命崇古代之。 欒崇吉字世昌,開封封丘人。 復以書判優等, 改舒州 少爲 團練判官, 吏部令史,上書言事,調補臨淄主簿。 未行, 留爲中書刑房堂後官。 會令坐贓敗, 改太子右

贊善大夫,出掌揚州権務。 未幾,遷殿中丞,復爲堂後官兼提點五房公事

洪州 楊文質爲祕書丞,提點 洞 部 郎 崇吉明習文法,清白勤 有司歲斂民 中。 真宗時,累擢爲江南 財造舟, 五 立房事 事。 崇吉至,奏罷之。 , 轉運使。 至道初, 上召 見謂曰:「汝見擢用欒崇吉否? 擢度支員 代還,判刑部棄鼓司、登聞院。 以疾徙濠州、 外郎、 度支副使。 遷衞尉少卿,以將作監致仕,卒。 當自勖勵。」崇古俄 時以堂後官著作佐郎 後遷司 農少卿、

加

知

子二人:源,虞部員外郎; 沂,殿中丞。

蟾, 賜東帛以賞其精習。 大理評事。 袁逢吉字延之,開封鄢陵人。 會祖儀,仕唐,以軍功至 逢吉四歲,能誦 開 寶八年,擢三傳第,釋褐淸江尉 爾雅、孝經,七歲兼通論語、倘書。 黃州 知州王明薦 刺史。 周太祖 其能, 祖光甫,尉氏 召見, 發篇試之、 就除豐城合。 合。 父

九四四

列 傳

涕

+

六

崇

吉

芨

潍

rii

帥 國

ψi

使, 戶 旧 部 年, 轉 幻 又 水部 院、 與轉運使張 度支、 郞 中。 憑由 宰相呂蒙正 去 理 華條上治狀,以春秋 欠司 稱其有經術, 淳化 中, 改 戶部 博士 宜任學官 判官。 召。 端 拱 歷 會蜀叛, 初, 水 部 遷國 司 門 方籍其吏資, 子博 員 外郎 度 支 出 授 推 爲 西京 西 官 Ш 轉 膊 又 運 運 剉

職 知 時 夔州 賊 方 平 會遣 夔、 使川、陝 峽 獝 聚官軍, 採訪, 供饋· 因 條 Ŀ 出於荆楚, 一知州 八通 判有治 逢吉憚涉遠,不赴 迹者七人, 軍前計 逢吉與朱協、 度, 坐乏糧餉 李肅己、韓 船

使。

道

初

徙

荆

湖

北

)颜、 邵 咸 嘩、 平 查 道 復 爲 劉 京東 檢預 轉 焉, 運使。 밥 賜 連 詔 知 褒 渝 福 江 歷 陳、 司 門、 襄 四 庫 州 部 郞 大 中祥符中,權 中。

五遣使按視,

徙 知 汝州 以 逮 事 太祖 ,拜鴻 臚 少卿 七 年,卒, 年 六 + 九

逢

吉

性

修謹

練

達

一時務。

杒,

鄆

州

牧

馬草

地

侵民

田

數

百

頃,

牒

訴

連上,

凡

西京留

司

御史臺,

中。 不 決 逢 吉子成務,至 逢 吉 受 命 往 上比部 則 悉 員 還 外 所 郎、 侵 京東 田 民 《轉運副: 咸德之。 使 兄及甫, 從子楚材 歷 · 至 京 東 虞 部 峽 員 路 外 轉 郎 運 副 使 至駕部 郎

韓國 華 学光酮 ,相州安陽人。 太平 興國二年舉進士、 解褐大理評事、通判瀘州 就遷 右

贊善大夫。 代還,除彰德軍節度判官,遷著作佐 郎、監察御史。

改右拾 威德, 渝 之, 雍 遺 宜 熙 且令發兵 、直 中, 亟守臣節, 上史館, 假太常少卿使 、西會。 判鼓司、 否則天兵東下,無以逃責。 旣至, 高 登聞院, 麗 其俗頗獷驁, 時太宗 俄充三司開拆推官。 將 恃險遷 北 征 於是俯伏聽命,使還,賜緋 延, 以 高 未即 麗接遼境, 四年,判本司,遷左司諫,充鹽 奉詔。 國華移檄, 屢爲其所侵, 魚。 雍熙三年, 諭 以 命齎詔 朝廷

鐵

判官

得侍 歲後 資用多乏,國華奏增 赐金紫,改兵部員外郎、屯 始。 曲宴, |苑賞花,三館學士皆得預。 未幾,授刑部 淳化 知河陽、潞州,轉運使言其善綏輯,供億幹辦,詔獎之。 二年,契丹請和,朝議疑其非實,遣國華使河朔以祭之。 願兼館職,卽 員 外郎 其數。 日命並直昭文館。 (三)、歷判三司 田 加都官 郎中、 三年 京東轉運使,徙陝西 郎 ·春, 中, 勾院,復爲鹽鐵判官,又爲 國華與潘太初因對, 入判 後二日, 陪預苑宴。 大理寺, 路。 改職方郎 舊制 自言任兩省清官兼計司 = 中。 司屬 左計 既至,盡得其詐以聞。 JII 以詳定失中, 陝官 官兼直館,自國華等 判 官, 奉緡悉支鐵錢 尋都判三勾 命梁顥 職,不 每

扈從,命國華權州 事 俄改太常少卿, 出知泉州。 大中祥符初,遷右詠議 大夫。 刀 车

景德中,假秘書監使契丹,又爲江南巡撫,入權開

封府判官。

眞宗

朝陵,魏咸信

自

曹州

列

傳

43

Ξ

--

代 還,至建州,卒于傳舍。 年五 十五。 賜其子珫出身。

國華偉儀 觀,性純直,有時譽。 子踞、璩、琦,並進士及第。 琦相英宗、神宗, 自有傳。

何蒙字叔昭,洪州人。 少精春秋左氏傳。 李煜時,舉進士不第,因獻書言事,署錄事參

軍。入宋,授洺州推官。

京, 旣 未行,留提舉在京諸司庫務。 酒権便宜,特改庫部,復賜錢二十萬,因命至淮右提總其事,自是歲有羨利。 遷至水部員 而課增倍。 因面對, 太平與國 訪以江、淮茶法,蒙條奏利害稱旨,賜緋魚及錢十萬。後二日復對,又上淮南 戶部使上其狀, 詔賚緡錢獎之。 外郎,通判廬州。 五. 年,調遂寧令。 求外任,復命知温州。 時郡中: 時太宗親征契丹還,作詩以獻。 火燔廨舍,榷務俱盡。 稍遷司門。 坐舉人不當,削一官。 巡撫使潘慎修薦其材敏, 蒙假民器,貸鄰郡麴米爲酒 召見賞歎,授右贊善大夫。 使還,知温州, 驛召至

知鄂州。 之,出知梧州 **阿宗即位**, 大中祥符初,轉庫部。 頃之,改水部郎中。 復前資,因上言請開准南鹽禁。時下衮、楊允恭輩方以禁鹽爲便, 四年,加太府少卿。 上所著兵機要類十卷。時審官擬知漢陽軍,及引對,改 未幾,知太平州,又知袁州。 州民多采 共排 抑

金,蒙 光禄少卿致仕,命未下,卒,年七十七。 建議請以代租稅。 F 曰:「若此則農廢業矣。」不許。 俄徙濠州 六年, 上表謝事,

授

愼 知禮,衢州信安人。父温其,有詞學,仕錢俶,終元帥府判官。 知禮幼好學,年十八,

獻書干俶,署校書郞。未幾,命爲掌書記。

納祿。 州、興元府。 衣冠危坐,未嘗少解焉。 宋初,介俶子惟濟入覲,歸署營田 至道三年,以工部侍郎致仕。 知禮母 年八十餘,居宛丘,懇求歸養,退處十年,晉紳稱其孝。 咸平初,卒,年七十一。 知禮自幼至白首,歲讀五經,周而後止。 一副使。 太平興國三年,從俶歸朝。 子從吉。 授鴻臚卿,歷 及母服除, 每開卷,必正 知陳

朝, 列, 頗留意法律,條上便宜,天下所奏成案率多糾駁,取本司所積負犯人告身鬻之, 居散秩幾三十年,頗以文酒自娛,士 改太子右庶子。 從吉字慶之,錢俶之壻也。 真宗升儲, 換衞尉少卿。 爲元帥府長史。 大夫多與之遊。 眞宗卽位, 歸宋,歷將作少監。 景德初, 復爲 右庶子,遷詹 上言求領 會擇朝士有望者補少 〉事務, 事 以市什器。 從吉自歸 判 刑

列

傳第

Ξ

坐 rHi 從 祥 吉以 府 公錢 改 市 授 売 衞 席給之。 尉 卿 糾察在京 臨 事 敏速,勤心公家,所至務皦察,多請對 刑獄,拜右諫議 大夫, 判吏部銓。初,選人試 陳事 力,上謂 判多藉 其無隱。 地 加

素 楷 付 巡 萬 楷 爲 就 于 請 豪 御 鈞 惟 從 族 史 縣 于 須 縣宰 占 年 推 昭 質 酌 長 問 改 配 本 兄澄 中 卽 子 隸 斷復質 給 耳 養 詔 大 盧 衡 事 子,而 當以 之從 御 理 中 請 寺 野州, 史王奇、直 -, 權 劉 屬 手 叔 丞 證 姓, 號略尉 知開 書達錢 鈞, 左 無所受。」裁數月, 鋭、文質 第令 明 鈞 封 白 一史館 以其 惟 府。 昭 與盧 演 質 梁固 (皆削 事 路白 ,云寄語 賄 既受命,召戒之曰:「京府 同 白從吉,而隱其所 于 居。 门鞫之。 金三百兩於楷, 吏。 官, 質泪 有咸 從吉, 澄、 從吉子大理寺丞銳 獄 盧 昭 成 平縣民張斌 迭爲 事 並 從吉坐削 逮 鉤、 受。 訟, 決 楷 杖 銳, 縣聞 久不 盧 妻盧氏,訴 浩穰,凡事 配 給事 請 叉 時 決。 於府 計 緩 督 勒停, 府列訴、 之。 盧 運 從吉命 姪 兄文質 石 太 從吉 惟 塘 質 速則誤, 演罷 被被 河,往 卽 頗 叉 酒詬悖。 戶曹參軍 下 疑 翰 其 納 林 來咸平, 太緩則 錢 事 密請 右 軍

又 高 清 庫 部 郞 中士宏之子,景德 中舉 進 士 宰相 ||寇準以 以是欺蠢 弟 之 女妻之。 民。 寇 知太 氏 卒, 故 相

李沆

復壻之。

歷官以

所聞, 頗恃姻援

隔縱?

被

服

如

公侯家,

小

康

民

賂 有 府 將敗,求以爲助。 訴家 產 者 1,清納 其賄, 時方鞫盧氏獄,從吉請對,發其事,欲以自解。 睛 Ē 罷 任 卽 逃 居 他 所。 銳嘗就 清 貸 白 金 逮淸等繫獄, -1: 十兩 清以 命比部 多納 賄

從吉 員 外郎劉宗言、御史江仲甫劾之。清枉法當死、特杖脊黥面,配沙門島, 1坐首露在已發,當贖銅,特削諫議大夫。 天禧三年,起爲衞尉卿。 明年, 鋭又削衞尉寺丞。 判登聞鼓院。

坐與寇準親善,以光祿卿致仕。

未幾卒,年七十。

富於財,尤能治生,多作負販器僦賃,以至鬻棺櫝於市。 爾篤,以至于敗,物論鄙之。子鏞,金部度支員外郎、祕閣校理, 鍇,太常博士。 從吉喜爲詩,時有警語。 兼工器術。 子孫登仕者甚衆,第進士升朝 曳朱紱者數人。 又善爲饌具,分遺權要。 晚年進趨

乎其人焉爾。 勤於公務而疏於訓子,固未得爲盡善也。 茶,許驤謹守儒行,知禮篤信經學,國華不辱君命,皆有足稱者焉。 之棄其城守,坦之疎於輔導,則君子所不予也。 而卒流於釋、老之歸,文寶久任邊郡,而不免以生事蒙黜,劉綜著勞朔、易而 論曰:八政之首食貨,以國家之經費不可一日而無也。然生之有道而用之有節,則存 張鑑將命西蜀,處制得宜,庶乎可與行權者也。 自餘諸子,之翰虧潔白之操,下衮乏仁恕之道,冕 子興裁損經制,索湘議罷點 太初自謂達性命之寫, 短於經術,從吉

列

校勤記

二 瑞州清江 「瑞州」當作「筠州」。考異卷七六說:「南渡後避理宗嫌名, 改『筠』爲『瑞』, 此時無

瑞州之名也。」參考本書卷八八地理志。

 Ξ (三) 且言靈州不可棄 仲寓 原作「仲寓」,據本書卷四七八南唐李氏世家改。 「不」字原脫,長編卷五一、太平治蹟統類卷五都說:「文寶因獻河西隴右圖、

命與雷有終並兼峽路隨軍轉運同知兵馬事 「知」字原脫,據本書卷二七八本傳補。

且言靈州不可棄,於是遣王超西討。」據補。

(宝) 刑部員外郎 「郎」字原脫,按宋代沿用隋、唐官制, 六部郎中之下 設員外郎, 見本書卷一六三

職官志。

據補。

宋史卷二百七十八

列傳第三十七

馬全義子知節 雷德驤 子有終 孫孝先 曾孫簡夫(1) 王超 子德用

曰:「此 宗戰高平,以功遷散員指揮使。 鐵 守貞鎭河中,召置帳下。 征之,以城降,悉籍所部來上。 守貞貪而無謀,性多忌克,全義屢爲畫策,皆不能用。城陷,遂變姓名亡命。 騎 左第 周 馬全義,幽州薊人。十餘歲學擊劍,善騎射。十五,隸魏帥范延光帳下。]廣順初,世宗鎭澶淵,全義往事之。 從世宗入朝,周祖召見,補殿前指揮使,謂左右 人忠於所事,昔在河中, 二軍都校、領播州刺史。 及守貞叛,周祖討之,全義每率敢死士,夜出攻周祖壘,多所殺傷。 全義在籍中,因補禁軍。 屢挫吾軍,汝等宜效之。」世宗卽位,遷右番行首 三。 從征淮南,以功遷殿前指揮使、右番都虞候。 以不得志、遂遁去。 恭帝即位,授 漢乾祐中,李 延光叛,晉祖

列

滅 固,攻之未下。 乘城,攀堞而上,爲飛矢貫臂,流血被體。 儻 緩 之, 宋 初 歷內殿直 適足長其姦爾。」太祖曰:「此吾心也。」卽麾兵急擊之。 太祖患之,召全義賜食御楊前問計,對曰:「筠守孤城, 都知知 、控鶴左廂都校、 全義拔鏃臨敵, 領果州團練使。 士氣益奮, 從征李筠,筠 全義率敢死 遂克其城。 若倂 退保澤州,城小而 力急 攻, 士 遷 虎捷 數 立 十人 口 左

江 州 又從征 防禦使。 但叩頭謝。數日卒,年三十八。 李重進,領控鶴、虎捷兩軍爲後殿。 俄被疾,太祖遣太醫診視, 特贈檢校太保、大同軍節度使。 仍諭密旨曰:「俟疾間,當授以河陽節制。」全義疾 賊平班師,錄功居多, 子知節。 改龍捷左廂都校、 頟

廂都校、領睦州防禦使。

問 憚之如 護兵博州, 知節 老將。 字子元,幼孤。 又監潭州兵,時何承矩爲守,頗以文雅飾東治,知節慕之,因折節讀書。 契丹入邊,敗我師於君子館。 太宗時,以蔭補供奉官,賜今名。年十八,監彭州兵,以嚴涖衆, 先是,知節完城繕甲,儲積獨粟,吏民以爲生 雍熙

軍 少粜多,簸其紅腐,倘當得十之六七。」知古從之,果獲粟五十萬斛,分給諸屯,遂省河南 徙 知定 遠 軍。 **時議** 調 河南 十三州 之民輸 餉, 河北轉運使樊知古適至軍議事, 知節

事

既而

契丹果至,以有備,引去

時部民入保避寇,卒有盜婦女首飾者,護軍止笞遣之。 知節曰:「民避外患而來,反

罹 内 寇,此而可恕,何以肅下?」即命斬之。 知深、慶二州,遷西京作坊使。

至 蜀 之亦勞,不如 檢使,遷內園使。 自 付以羸兵三百, 彭之舊卒,悉召還成都。 入,賊遂潰去。 [晨抵晡,士多死,慨然嘆曰:「死賊手,非壯夫也。」卽橫槊潰圍出,遲明,援兵至,復鼓譟 州 旋 ,與戰,旺走邛州。 知梓州。李順之叛,詔與王繼恩同討賊。 乘其弊急擊之,破之必矣。」遂行。 太宗聞而歎曰:「賊衆我寡,知節不易當也。」授益州鈴轄,加益、漢九州都巡 會韓景祐帳下劉旰脅牙兵爲亂,連下州縣,衆踰二千, 知節曰:「賊破邛州,必乘勝渡江薄我,既息而後戰,官軍雖倍,制 知節累請益兵,不從。 次方井鎮,與旰遇,殺之無噍類 繼恩恃勢自任,惡知節不附已,遣守彭州, 賊衆十萬攻城,知節力戰 知節領兵三百,追

使。 除,主吏破產,償之不足。 人爾,豈不懷歸?」悉遣之。 自乾德後, 歲漕蜀物, 咸平初, 領登州刺史,知秦州。 動踰萬計。 知節請蠲之,章三上,乃允。 羌人感之, 州嘗質羌酋支屬餘二十人,踰二紀矣。 訖終, 時籍富民以部舟運, 更不犯塞。 遷西上閤門使, 時州有銀坑,歲久鑛竭,課額弗 坐沉覆破產者衆。 知益州 知節日:「羌亦 兼本路 知節請代督 轉運

徙 知 延州兼鄜延駐泊部署。 邊寇將至,方上元節,遽命張燈啓關,累夕宴樂,寇不測, 以省校

列

第

三 十

七

馬全

義

而程其漕事,

自是蜀

人賴以免患

51 去 州 程德玄政事 曠施,徙知節代之。 詔發澶、 魏等六州糧輸定武

知節 曰:「糧之來,是資盜也。」止 令於舟車所至收之,寇無所得 而 遁

1 1 渡 無 卓 橋 駕 爲辭。 在 澶淵,時王超擁兵數 知節 預命度材,一 + 夕而具。 萬 屯真定,逗留不 景德中,徙知定州, 進。 知節移書消 未幾, 讓之,超始出兵,循以 拜東上閤門使、 密

都

承

旨

擢

拜簽書樞

密院

事

其不 使, 部 忘 署 戦 加 名 直 去兵」以爲戒。 當是時, 兼 岌 輒 樞 良馬 密 面 契丹已 詆 副 數匹、 使。 之。 時欽若 時王 自 盟,中國 輕甲一 陳年齒未衰,五 欽若爲樞密 蘢 聯足矣。 無事,大臣方言符瑞, 顧方 隆, 使, 上 七 知 年間 以 節 知 爲 節 愈 尚可 不 薄 然, 其爲 爲 驅策,如 F 因 而知節每不然之,嘗言「天下雖安,不可 命製鋼 人, 遇 邊方有警, 事 鐵鎖子 敢言, 甲以賜焉。 未嘗少屈。 願 預 其行, 進宣 每廷 但得 徽 北 副 院 都

樞密 院 大 大名之民已爭 中祥 事 以 符 疾 七 年, 乞 罷, 來 出 除 爲 迎 謁。 彰 潁 德 州 未幾,卒, 防 軍 禦使、 留 後、 知貝州 知路 年六十 州 兼 五. 部 天 署。 禧 贈 初, 侍 將行 中, 移 知天雄 諡 真宗閔其 IF. 惠 軍, (癯瘁、 召 拜宣徽 止 一命歸 南院使、 鎭 知 時

事 謇謇未 知 節 嘗有所顧忌,故聞其風者,亦知其爲正直云 將 家子, 慷 慨以 武 力智 謀 自 許, 又 能 好 書, 賓 友儒者, 所與善厚,必一 時豪傑, 論

德驤字善行, 同州郃陽 人 周廣順三年,舉進士,解褐磁州軍 事判官。 召爲右拾遺,

判官,賜緋魚。 顯德中,入受韶均定隨州諸縣民田屋稅,稱爲 平 允。

曹。 取得 雜 1 | 1 驤 司 書 事 戶 不 因上言,欲求 改職 開寶 参 臣 之, 能 宋 不 法 堪, 軍 初 卽 値 事 -6 方員 拜殿中侍御史,改屯田員 栊緊德驤,具狀以 出怨言, 年,同 趙 刺 陛 下日 史 普 外郎, 充陝西、 見太祖 知 由 知 · 干未 嶼銜 德驤舊爲 是 貢 舉。 出鎭 之。 以白其事。 食,方震威 太祖 河陽。 省鄓 聞。 適有 河北 崩, 言德驤至 太祖貸其罪, 轉運使。 召德 以客禮之。 ·嚴爾。」帝怒,令左右曳出,詔置 (外郎、判 未引對, 以 徳驤 驤爲 郡 為 秘 直詣 大理寺。 歷禮部、 為文訓 及溪嶼知州,希宰相旨, 吳越國 書丞, 削籍 講武殿奏之,辭氣俱厲。 徙靈武。 戶 上者,嶼召德驤 告哀 俄分判 其官屬與堂吏附會宰相趙普,擅旨刑 部 鄓 使。 中 御 數年,其子 還, 史臺三院 入為度 極 遷 與語,潛遣吏給其家 典。 戸 支判 部 至則. 有鄰擊登 事 俄怒解 員 • 太祖詰之,德 官 外 乂 倨受庭參。 息 兼 、黜爲 兼 圳 聞 御 吏部 鼓, 商 史 訴 知 南 德 州 驤

ιţι 太 年,以公累降本 平 興 國 儿 年 車駕征· 曹員外郎, 太 原 爲太原 出知懷州,未幾,復舊官。 西路轉運使。 六年 同 又命為兩浙 知京朝官考課 轉運使, ·, 俄 其子殿中 遷 兵 部 郎

列

僔

第

Ξ

-|-

· L

雷德

驤

丞有終亦爲淮南轉運使,父子同日受詔,搢紳榮之。 俄遷右 諫議大夫。

運使 雍 所患不能周知羣臣履行。 熙二 一年,徵歸朝,同知京朝官考課。 自今令德驤錄京朝官履歷功過之狀引對, 初,帝謂宰相曰:「朕前 日 閲 班籍 既得漸識 ,擇官爲 河 北轉

守 擇才委任,且使有官政者樂於召對,負瑕累者恥於顧問,可以爲懲勸矣。」 叱 田 西洛 起 里。 居 端 員外 拱 帝 太宗召見安諭之,賜白金三千兩,罷知考課,止以本官奉朝請。 初,遷 終保 鄓鄭構爲盜,御史奏劾,下御史臺案問,具伏,帝止令罰月奉而釋之。 次全之。 戶 、部侍郎。 會趙普再入相,宣制之日,德驤方立班,不覺 會議事尚書省、乘酒 墜笏, 遽上疏乞歸 訖 趙 普 出

使,表乞追復舊官,從之。 少監有終責授 其 醜,不以孝先屬 淳 化二年, 衡州 爲其壻如京副使衞濯訟有鄰子祕書省校書郎孝先內亂,帝素憐德驤 画 吏,止除名配 練 副 使。 德驤無文采,頗以強直自任,性褊躁,多忤物,不爲七大夫所與。 德驤因慙憤成疾,三年,卒,年七 均州 德驤坐失教,責授感德軍行軍 十五。 司 有終爲三司 馬;
井其子 鹽鐵 少府 恐暴 副

職歲久, 有 鄰 開 或稱其請託受財,而秘書丞王洞與德驤同年登第,有鄰每造謁洞,洞多以家事 實中,舉進 士不第。其父既竄靈武,意宰相趙普濟抑之。時堂後吏胡贊、李可

在

密告人 名,贊、 雖嘗 應攝官三任解 三攝,而 八陰事 ,並下御史府按鞫。 日 可度 洞令有鄰市白金半鋌,因曰:「此令吾子知,要與胡將軍。」蓋謂贊也。 仍籍 一任失其解由, 由全者許投牒有司,即得召試錄用。 俄被病,白 其家。 有鄰授秘書省正字, 賜公服靴笏、銀鞍勒馬、 1.晝見偉入室,以杖箠其背。 有鄰出入贊家, 故其事多實。 惟造僞印,令其兄前進士

此書寫之,因是得試送銓。 有鄰素與前攝上蔡主簿劉偉交游, 有鄰號呼聞于外,數日而 獄具, 偉坐棄市, 洞等並 絹百 匹。 死。 自 時又有詔, 是累上 上決杖除 賜德 遂 知偉 疏

錢

1

萬

,以給

喪事

終彊 避 以有終代 沮 無 有終入奏鹽 免。 敢 遊者。 濟之狀, 亟詔 署萊蕪 有終字道成,幼聰敏,以蔭補漢州司戶 · 知 監 池 尉。 即位,聞其名,遣內侍伍守忠同掌監事,且察其治迹。 有終獨抗言,願爲大郡治獄 利害, 事 知監、左拾遺劉祺以 爲 先是,三司補吏爲冶官,率以貲進, 大理寺丞。 改贊善大夫,令還權知軍事,省通判。 會德驤任陝西 有終年 掾, 陟叱之曰: 「年未三 參軍。 少,頗易之, 轉運,奏爲解州 時侯陟 多恣橫。 有終發其姦)典選,木彊難犯,選人聽署於庭, 太平興國六年,遷殿中丞、知密 通 十,安可任此官? 至是,受署者憚有終, 判,特許德驤 守忠至裁周 贓, |祺 坐罪杖流海島, 月,卽還奏有 不 」有終不爲 巡察是州。 率 多

九四五

五

列

州 徙 淮南轉運副 使,賜緋 魚, 改 太常 博士。 時德驤主漕兩浙 ,往往省于 境 上,時 人榮之。

制。 坐親累, 賜 重 都 金紫, 官官 辟 使還, 員 雍 熙 外郎,歷度支、鹽鐵副 有終 出 責授 中,王師 知昇州 改 I 領 衡 部 江、淮、雨浙、 州 北 郎中、知大名府,不踰月,復爲少府少監,徙知江陵。 團 征, 淳化初,就遷少府少監 練副使,奪章服。 命爲蔚州 荆湖、 使,復 飛狐 金紫。 福 建、廣南 路隨 俄 時以江南、嶺外茶鹽 T 車 外艱,行及許 知廣州。 轉 路茶鹽制置使, 運使。 二年,女弟 入爲 田,召歸, 鹽鐵 價不一,細 就出鹽產茶之地, ·肾衛濯 剉 入對,賜錢 官, 訟 歷 其家法 民冒禁私 戶 部 八 ---度 不 以便宜裁 萬 謹 支 販 副 有終 多 旭 使 爲 陷

賊 夫、 櫛 進 事 至 重 髮 知益 皆有節 廣安軍 一守數 自若 順 州 之亂, 重, 制 賊圍 次簡 及 軍 師行 〈壞寺 王 壘 既合,有終引 州 師 瀕江,三 至 , 酉 寓 峽 征, 佛舍。 惟擊柝者 中,遇盜格 命與裴莊爲峽路隨軍轉運使、同知兵馬事。 面 度賊 奇兵出 樹 栅。 在 必 門,衆渴乏,會天雨, 焉 至, 其後擊之, 會夜陰晦,賊衆奄至,鼓譟舉火, 命左右 俄 兼 同 賊衆驚擾, 赴水死者無算。 招安使。 重閉,召 軍士以兜牟承水飲之, 上 賊平, 人嚴 更警備, 改 知許州。 士伍 調發 初 恐懼, 夕, 就 **以**兵食, 拜右諫議大 間 目. 有終安坐 行 道而出。 改給事 規 且戰, 畫戏

眞宗嗣位, 加工部侍郎。 咸平二年,代還,知審刑院,俄授戶部使。 三年,將巡師大名 知丼州

遣 兵馬 都 騎 峽 鈐 八 网 4 千 rit, 路 鈐 終乘馹先詣澶州督納糧草。 轄符 招 命往 崇儀副使高繼勳、 安捉 昭 招 壽,擁 賊 事 都虞候王均爲 又以洺州 御廚使李惠、 王阮並爲 團 練使上官正為 車駕還,次德清軍 亂 洛 益州駐泊都監,供奉官、 苑使石普、供備庫副 逐 知 州 牛冕。 東川 ,會益州奏至,神衞戍卒以正旦竊發,害 都鈴轄, 卽 日 使李守倫 拜有終瀘州 西京作坊使い三李繼昌爲 **閤門祗候孫正辭爲諸** 並爲招安巡檢使, 觀察使、 知益州 州 都巡 給 峽 兼 步 IJII

支員 衡度寇必至,城不能守,悉徙官帑保劍門, 糟,臻與戰,斬首數千 而 外郎,賜緋; 賊果至,士衡 JF. 月三 日,均率衆陷漢州,進攻綿州, 與劍門 臻崇儀使、領峯州刺 級。 都監、左藏 賊衆疲劇宵遁,還保益州。 庫副使裴臻逆擊之。 史,仍舊 旬日不能下,趣劍門。 焚其倉廩, 職 士衡卽馳騎入奏,上嘉之,拜士衡度 又署榜招軍卒之流 時風雪連日, 先是,知劍州 均衆無所掠,唯食敗 逸者,得數千人。 秘書丞李士

檢使。

瞬以 于 江瀆 聞 廟前,自晨 十七日,懷忠率衆入益州,焚城北門,至三井橋 至晡,戰數合,懷忠兵勢不敵,退還所部。 時均尙留劍門,與賊將魯 懷忠部下多李順舊黨,頗貪剽 麻 胡 陣

擇「淸壇」之魁七十餘人,悉補巡檢將,

遣判官高本馳

賊者相率抗禦,儕伍謂之「淸壇衆」。

知蜀州

、供奉官、閤門祗侯楊懷忠聞變,

卽

調

鄉丁會十一路巡檢兵,刻期進討。蜀民不從

列

傳

劫、故敗績焉。

庫籥。 師。 退軍 五. 金 蜀 百 馬 作橋 均亦閉 懷 餘 忠逆與之戰, 道來攻儲木砦,出官軍後,焚江原神祠,斷邛、蜀援路。 級, 忠移文嘉、眉 均衆皆銀槍繡 ,背水列陣,砦儲木橋 驅其餘衆入阜江,獲甲弩甚衆。 成都東門以自固 賊稍 七州,調 衣,為數隊分列子 退。 軍 懷忠與轉運使 士丁男來會。 南,以杆 城中。 邛、蜀之路。賊故不復能南略, 乘勝逐賊至益州南十五里,砦于雞鳴原以俟王 陳緯, 二月,再攻益州 賊兵出通遠門,與懷忠戰數合,會暮,懷忠復 麾兵由子城南門直 懷忠三路分兵以抗之, 時均方遣逆黨趙 軍 自淸水垻、 資 庫, 延順攻邛、 與緯署其 温江 斬首

退保 不肅 終署榜招 脋 有 <u>:</u> 終 民 澳 擊走之。 是 月, 僧 州 賊 之,至則署其衣袂釋之, 閉 道之少壯者爲兵,先刺手背,次髠首 有終 益州 ·關發伏,布床榻於路口,官軍不得出,因爲所殺。 一日,均開城僞爲遁狀, 等至,令石普先與綿、漢都巡檢張思鈞收復漢州,進壁升仙橋。 ,城中民皆奔进四出,復為賊黨分騎追殺,或囚縶之,支解族誅 日 」數百 有終與上官正、石普率兵徑入,官軍分剽民財,部伍 , 次黥面,給軍裝,令乘城,與舊賊黨相間。 有終等緣堞而墜, 李惠死之, 以恐衆。 賊出 攻砦, 有

三月,進攻彌牢砦,斬首千餘級,復爲賊所拒。 四月, 賊由升仙橋分路來寇, 併軍於東

志言 若 郎 偏 孝若 因言嘗習 ,有終率兵逆擊,大敗之,殺千餘人,奪其繖蓋、金槍等物,均單騎還城。 副 之, 馳奏,上召孝若問敗賊之由,笑謂左右曰:「均鼠竊爾,雖嬰城自守,計日 供備 武藝,願改秩以効,即補供奉官。 庫副使張煦(三)爲綿、 漢都巡檢使。 俄以刑部員外與馬亮爲轉運使,國子博士張 楊懷忠又分所部砦於合水尾、浣花等 有終遣其子奉禮 可擒矣。」孝

處,樹機石

、設

定

離

以

拒

之

。

城東, 衄。 會 盡 依壕爲土山,分設鹿角,又得舊草場,造梯衝洞車攻具,普專主之。 驅 雨 ,城滑不能上,官軍及丁夫爲洞屋以進,賊又鑿地道出掩之, 溺壕中死者千餘, 兇黨以拒。 時方暑濕,軍士多疾,有終市藥他州療之。 賊 上官正、李繼昌、王阮攻城西,楊懷忠與巡檢殿直、閤門祗候馬貴攻城 自升仙之敗,徹橋塞門,官軍進至淸遠江,爲梁而度。 既而 延順 中流矢死,又遣其黨丁重萬立城門上,官軍射之,殪。 有終與石普屯於城北門之西, 高繼勳、張煦、孫正辭攻 南, 賊將趙 每攻城,輒 軍勢小 延 順

對設 築 賊為 士. 是月, 藥矢,中者立死 敵樓以抗官軍,有終遣卒焚之,賊自是銷沮,築月城以自固 Ш 八月,克城北羊馬城,遂設鴈翅 詔洛苑使、入內副 有終令卒蒙氊秉燧以入,悉焚其望櫓機石,先遣東西南砦鼓譟攻城, 都知秦翰爲兩川捉賊招安使。 敵棚,覆洞屋以 進,逼羅城。 有終與翰叶議, 於城北 有終募敢死士間 九月,城北 洞 道以入, 屋成,城 魚橋 又

列傳

第

以

有 終 「厚賞,乃麾戈直衝之,賊鋒稍却,遂入城。 與石普分主洞屋以 進。 普穴城爲暗門,門成,賊攢戟於前,無敢進者。有二卒請

詰朝 者令辨之, 日某嘗受某職, 即命左右摔投火中。 敗 給 秆 與秦翰登門樓,牙吏有受僞署官職者,捕得,立樓下,傍積薪,厝火其上,索男子魁壯 是 油 終登城樓下瞰,賊之餘衆,猶砦天長觀前,於文翁坊密設儼架。 夕二鼓,均與其黨二萬餘南出萬里橋門, , 飛執長戟巨斧, 秉炬以進, 悉焚之。 監 自晨至晡,焚死者數百人,時謂寃酷。 楊懷忠焚其砦天長觀前, 突圍 而遁。 有終疑有伏, 遣人縱 去。 高繼勳白于馬亮,請 追至大安門,復 火城中。 均旣

具,而 中,其衆多醉,均窮蹙縊死。 將 走,度合水尾,由廣都略陵、榮,趣富 語 行。 走, 校以筏度江,趨戎、瀘 其左右 初 有 均黨適至 犪 有 拏 忠 終 舟 日 距 遣懷 將 :「縱賊度江,後悔 富順六十 度江 ,皆食焉 忠領虎翼軍 而 遁者, 蠻境。 里 (芸) 聞懷 虎翼軍校魯斌斬其首詣懷忠,獲僭僞法物、旌旗、甲馬甚衆,禽 懷忠合強弩 追之,後二日,石普繼往,以全軍爲後援。 於楊家市 忠 朝廷每歲孟 無及,聞石 追騎 順 將至,均心易之,謂其黨曰:「速降懷 少憩, 射之,溺死 ,所過斷橋塞路,焚倉庫而 侯將至,當以奇兵取之。」乃 多朔,詔富順監具酒肴,稿內屬 賊 衆在後者邀戰, 甚 衆 懷忠 張 旗 懷忠遣騎 鳴 鼙 臨 十月,均至富順,其 江 入城,均方 蠻 忠。」令其衆負擔 上 列 督。 一登高 陣 擊之,餘黨 是 原 在 日 視賊 1裁設 監 署

散

且

以

其黨六千餘人,逆徒殲焉。 懐 忠旋軍出北門,石普之衆始至,奪均首馳歸成都,梟于北市

禁旅 冕 漏 大 御 묑 衆 屿 本 於 牙隊、歲除、冕以酒肴犒部士、而昭壽旣驕恣,復肆侵虐、冕亦寬弛無政,故詰朝合起 有法,部下皆優足; 東郊, 隸開封散從直,後補 蜀 人趨觀之,二軍衣服鮮弊不等, 均縱 軍校。 其下飲博,軍裝亦以 初,神衛軍之戍成都者,以均及董福 均衆 給 因是慙憤。 費。 是歲,車駕幸河朔,符昭壽與牛 益州 知州與鈴轄二解並 分二指揮以領之。

爲

未 攝 出 爲 敢 主 弓 惟 駡 , 動。 神 紹樂 都巡檢使 衞 [::「我 監 卒既殺昭壽, 自 軍 經 主 燕人也, 死 劉紹榮冒刃格 澤 與均適 均僭 比 是日 棄鄉 號 至, 大蜀,改元 , 土來 成都官吏方相與賀正, 鬭 乃謂: 歸本朝,豈能 旣 均曰:「汝所部爲亂,盍 而 化順,署置官稱,設貢 宗寡不 敵,叛 與汝同 卒尚未 聞 逆, 變皆奔竄, 自往 汝亟殺我, 舉,以張鍇爲 有主,或欲奉紹榮爲 招安。」均既往,叛 牛冕與轉運張適縋 我肯負 謀主 朝 延哉! 帥者, 卒卽擁之 紹榮 城而

之知。 爲 弟署寄 亂 鍇 均 得箭 班 本名美,太原舊卒,後爲神衞 實戇 「, 以 書, 防 **愞無謀**, 守均, 令不 嘗言:「官軍若至,我當 與人接見。 自 [起至敗,所守止一城而已。 小 官軍 校。 狡獪,嘗 韋 城, 先路出迎 每 歷戦 射箭 , 陣,粗 自 招誘, 均初署親軍 陳被 習陰陽,以 及 脅之狀。」鍇 令均 爲天降虎翼, 子 熒 弟 聞 感 至 之, 城 同 惡, F 澤軍 ', |均 故 後果爲 皆 勸 中

列

傳

第

Ξ

+

七

雷

徳

顣

虎翼軍所殺。

狀 官。 辭 觀 察留後 爲 是役 內 賊 故懷 殿 旣 崇 也, 平 以 忠 班 秦翰 復 遣 懷 李 遷 忠 承 受供 之功 崇儀使,領 繼 爲 內 昌 居最, 奉官楊崇勳 爲 園 獎州 使、 爲 恩州 恩 刺 石 州 史,張 普 刺 刺 乘傳告捷, 所忌 史,石普爲冀州 史 煦為 朝 供 廷微聞之, 備 賜崇勳錦袍、 庫副 專 使,楊 練使,高繼 遣 客 懷 銀帶、器 班 忠 安守 爲 勳、王 供 忠 備 按視 庫 阮 有終 副 並 使,馬 戰 爲崇儀使, 加保信軍 所,盡 貴 得其 爲 節 孫 供 功 奉

奉官 疾 其 由 初 卒, 雄 士 徙 門 張 四 為井代 孝恭 年 年 抵 五 鎭 俄 爲 + 有 州 而 九 終代 侍 副 契丹修好 與大 禁, 都 贈 部 還 親族 侍 兵 署, 命爲 中。 會。 賜 命還 門客、 黄 錄其子孝若 涇 旣 原 金 屯 而 給 儀 几 所, 王 渭鎮 事 百 超、 輩 就 兩 桑貲 爲 戎 遷 判 內殿 路 井 J 補 內 州 都 逗 者 崇 撓 爽, , 部署,辭 八 召 無功, 人。 班 起復, **拜宣** 閣 門 唯 不 徽 契丹入寇, 有終 拜。 祗 北 候, 院 赴援, 改 使、 孝傑 知 檢校 永興 上幸 威 爲 聲 內殿 太保。 (軍府, 澶 一选振 淵, **淡崇班** ,徙秦州 詔 河 有 年 北 終率 孝 七 列 緒 月 城 所 爲 景 供 賴

馬 卒, 而已。 豐於宴犒 終 第在崇仁里者,德驤所創,有終在蜀嘗貸備用庫錢數百萬,奏納其第償之, 倜 爣 官 自 用 任 不不 不 足, 拘 則 小 節, 傾 私 有幹局 帑 及権 錢 沈 敏善 以 給 之。 斷 不 家無 ·畏強 餘 禦, 財 輕財 , 奉 身 好 甚 施 薄 , 歷 常 典藩 所 御 閫 者 優詔 能 銅 鞍 撫 蜀 勒

英在樞密,頗忌有終進用,屢言其在蜀及守邊厚費以收士卒心,眞宗不之信,卒保護焉。 爲宣徽使,特給廉鎭公用錢歲二千貫。 身沒之日,宿負猶不啻千萬,官爲償之。 王繼

配 均州 孝先字子思,有鄰子也。 後復知宛丘縣, 李繼隆判陳州,薦其能,加試大理評事。 舉進士,試秘書省校書郎,知天長縣。 契丹內寇,眞宗幸大名, 以衞濯訟其內亂,除籍

王 均反益州 ,隨季父有終進討,孝先率先鋒與賊戰升仙橋,斬首數百,得均金槍黃繖以

獻,政將作監丞。

孝先以部芻糧

河北,首至行在,擢太常寺奉禮郎

郎。 茶鹽。 嘗建置三司拘收司,以檢天下財利出入之數,詔 李繼遷陷靈州,朝廷調兵,軍費多出於民,關內大擾。 召對稱旨, 命馳驛陝西,與轉運使鄭文寶議立規畫,後多施行。 如其請 孝先請益募商人入粟塞下,償以 累遷尚書屯田員外

太靈 州 凶 此 民 爲 張 宮使,部送京師。 知 奇 熙 興元府,坐保任失實,降通判華州,徙知鄆州。宰相寇準舉,換內園使、知貝州。 功, 一載許稱黃河都總管,籍並河州郡芻糧數,至具州。 以 動朝廷, 樞密院按得孝先所教狀,謫澤州都監,利、號三州氏,改環慶路兵馬 迫司 理參軍紀瑛教熙載僞爲契丹諜者,號景州 孝先覺其姦,捕緊獄。 刺 史兼侍中、 孝先欲 司空、 會慈

列

傳

第

 \equiv

+

鈴轄、 兼 知消 知 州,復 州 知邠州,徙耀州,以右領軍衞 踰 年,領昭州刺史,爲益州鈴轄,再遷左藏庫使,擢 大將軍、昭州刺史,分司 西京卒。 西上閤門使、涇原路鈴轄 子簡夫。

察判官。 至 |大用三十日,梢木比舊三之一,而水有餘。 廢,京兆府遂薦簡夫治渠事。 三司 則 鹽鐵 督諸將進兵,築明溪上下二砦據其險要,拓取故省地石馬崖五百餘里。 旣 簡 天字太簡,隱居不仕。 m 辰 判官,以疾出 公事旣罷,居長安, 州蠻酋彭仕義內寇,三司副使李參、侍御史朱處約安撫不能定, .知虢、同二州,累遷尙書職方員 一自以處士起,不復肯隨衆調官,多爲岐路求辟薦。 先時,治渠歲役六縣民四十日,用稍木數百萬,而水不足。 康定中,樞密使杜衍薦之,召見,以秘書省校書郎簽書秦州 知坊州,徙閬州,用張方平薦, 外郎, 卒, 錄其子壽臣 知雅州 仕義內附。 為郊 繼 時三 命簡夫往。 祉 白渠久 齌 郎。 擢 簡 觀

奉稍 驕侈,騶御服飾,頓忘其舊,里閭指笑之曰:「牛及鐵冠安在? 簡 夫 、始起隱者,出入乘牛,冠鐵冠,自號「山長」。 關中用兵,以口舌捭闔公卿。 旣仕,自

王超,趙州人。 弱冠長七尺餘。 太宗尹京,召置麾下。 及卽位, 以隸御龍直。 淳化二

年,累遷至河西軍節度使、殿前都虞候。

都 郊, 大 點 超執五方旗以節進退,上御戎幄觀之,面賜褒獎。 眞宗嗣位,以翊戴功, 檢傅潛逗撓得罪, 契丹入邊,與戰于遂城西,俘馘二萬計,斬其裨王騎將十五人,手詔褒美。 以超爲侍衞馬步軍都虞候、鎭州行營都部署,又帥鎭、定、高陽關 加檢校太傅、領天平軍節度。 從幸大名,與都虞候張進並爲先鋒。 咸平二年秋,大閱禁兵二十萬于東

契丹出 會定州 帥定州 宜從 旋, 遣 劉 福 承 事 李 坐削 珪、 繼 .其背,遮絕糧道,人馬乏困,繼忠馳前 路行營,王繼忠副之。 加開府儀 瑩 遷陷淸遠軍,以超將 籍流 豆 李允 非 封州,昇決杖配隸 語旨 則馳往, 同三司、檢校太尉。咸平六年,遼師大入, 不至。 察退衄之狀, 遼兵圍望都, 尋加鎭、定、 西 面行營之師禦之,徙帥永興軍。宰相言超材堪將帥,遂以超 瓊州 且言鎭州 超、贊率兵赴之,陣于縣 高陽關三路都部署,密遣中使賜以御弓矢,許 與契丹戰,超、 副 部署李福 攢 超召鎭州 (遂旋) 拱 聖 師,繼忠孤 南 軍 六里。 桑贊、高陽關周瑩率兵 都指揮使王昇當戰先 繼忠在陣 軍沒焉。 東偏, 卽 便

罷 超三 景 路 德初,上親巡 帥 為崇信 澶淵, 軍節 度使,徙知河陽。 召|超 赴 行在 ,復緩師期,契丹遂深入。 又珍鎭建雄, 知青州。 會南: 卒,贈侍中,再赠尚書令, 北通 一好,故薄其責,止

追封魯國公、諡武康。

列

傳

第

==

+

占

£

超

命 鑑罰, 超爲 超 將善部分, 以爲非公行,不當加罪,人稱其恕。 御 下有恩。與高瓊同典禁族,嘗休假他適,過營壘,軍校不時將迎,瓊即 然臨軍寡謀,拙 於戰鬭 子德用。

行者斬 背曰:「王氏有子矣。」 戰三日 數萬計。 遷 ,超帥兵六萬出綏、夏,德用年十七、爲 德用字元輔。 敵勢却。 進師烏白池,他將多失道 軍 肅然,超亦爲之按轡。 德用 父超為懷州防禦使, 曰:「歸師迫險 不至,虜銳甚,超按兵不進,德用請乘之,得精兵五 必亂。」乃領 繼遷躡其後,左右望見隊伍甚嚴整,莫敢近。 先鋒, 補衙內都指揮使。 將萬 兵距 人戦鐵 夏州 門關 五 至道二年, 十 里, 斬首 絕其歸路, 十 三 分五路出兵擊李繼 級, 下令目 俘掠畜產以 超無其 千, _; 亂 轉

件旨, 責授 鄆州 徙督捕陝西東路, 盜 上,吏不能捕。 累遷 內殿崇班, 徳用 馬 步 以氈 賊 軍都指揮 以御前 相戒 車 載 曰:「此禽張洪霸者。」皆相率逃去。 忠佐爲 使。 勇士, 馬軍都 歷內殿直都虞侯、殿前左班都虞侯、柳州 軍 人飾, 頭, 出為邢、洛、磁、相 過批 鄲。 賊果來邀, 爲環慶路指揮使, 巡檢。 勇士 盜張 刺史,遷捧日左 奮出, 洪 霸相 尋 悉禽之。 以 聚界 奏事

天聖初, 以博州團練使知廣信軍。 城壞久不治, 德用率禁軍增築之,有詔褒諭。

廂

都

指揮使、

英州

團

練使

州 歷龍神衞、捧日、天武四廂都指揮使,康州防禦使、侍衞親軍步軍馬軍都虞候。 召還,又

爲井、代州 (馬步軍副都總管,遷殿前都虞侯、步軍副都指揮使 (+),歷|桂州、|福州觀察使。

不奉詔,乃止。 章獻太后 臨朝,有求內降補軍吏者,德用曰:「補吏,軍政也,不可與。」太后固欲與之,卒 太后崩,有司請衞士坐甲,德用曰:「非故事也。」不奉詔

德用 事。」帝遣使者趣入院,遂爲副使。 謝曰:「臣武人,幸得以馳驅自效,賴陛下威靈,待罪行間足矣。 仁宗閱太后閣中,得德用前奏軍吏事,奇之,以爲可大用,拜檢校太保、簽書樞密院事 久之,以奉國軍節度觀察留後同知院事,遷知院,歷安德 且臣不學,不足以當大

軍,加檢校太尉、定國軍節度使、宣徽南院使。 趙元昊反,德用請自將討之,不許。

德用狀貌雄毅,面黑,頸以下白皙,人皆異之。

言者論德用貌類藝祖,御史中丞孔道

輔

徳用 繼言 市馬於府州者,上其券,乃市 之,且謂 德用得士心,不宜久 於商 ,典機密,遂罷爲武寧軍節度使、徐州大都督府長 人者。言者猶 不已,降右千牛衞 上將軍 知隨州。 史。 州

中丞 害公, 今死矣。」德用 曰:「中丞言官, **豈害我者**? 朝廷亡一 忠臣,可惜也。」起爲保靜軍

節 度觀察留後、 知青州 買

判

自

,家人皆惶恐,德用舉

止言

色如

平

時、惟

不接賓客

Πij 己。

徙知

曹州、或問

徳用曰:「孔

改澶州 陝西用 兵 **人無功**, 契丹遣劉六符來求復關南地, 以兵壓境。 德用見帝流涕

列 傳

第

=

路 詔 言:「臣前 慰 都 勉 總管 拜保靜 被罪, 還 奏 、事,復以宣徽南院使判成德軍。未行,徙定州路都總管。 軍節度使。 陛下赦 而不誅,今不足辱命。」帝慰勞曰:「河北方警,藉卿 歲大熟, 六符見德用拜曰:「此公仁政所及也。」徙眞定府、 日 訓練士卒,久之, 鎭 撫之。」又賜手 定州

殊 契丹使諜者來覘,或請捕殺之。德用曰:「第舍之,彼得實以告,是服人之兵以不戰 可 用 也。

入 旗 明 奉 幟 日 朝 所 大閱,援桴鼓之士皆踊躍,進退 請 向。 出 規者歸告<mark>契丹</mark>,謂漢兵將大入。 判 相 州 ,拜同中書門下平章事, 坐作,終日不戮一人。 判澶州。 旣 而 復議 徙鄭州 和, 遂徙陳州, 乃下令,具糗 封祁國公,還爲 又徙河陽公。 (糧,聽吾鼓聲,視吾 會靈 觀 不行, 使。

謂 矢未發。 老 且 三年,上疏乞骸骨,以太子太師致仕, 衰 帝 乎 **,** 5 顧之,使必中,乃收弓矢謝,一 賜 襲 衣、 金帶,加檢校太師,復判鄭州,徙澶州 發中的,再發又 大朝會綴中書門下 入中。 帝笑曰:「德用欲中 班。 。 改 集慶軍節度使, 封 卽 冀 中 國 爾 孰

德

用

素善射,

雖老不

衰。侍射瑞

聖

園,辭曰:「臣老矣,

不能勝弓矢。」帝再三論之,

持二

德用將家子, Щ 名聞 四夷,雖閭 習 知軍中情傷, 閻婦女小 兒,皆呼 善以恩撫下, 德用 日「黑王 故多得 土心。 相 公。 雖 屢臨邊境,未嘗親矢石、督

帝嘗遣使問邊事,德用曰:「咸平、景德中,賜諸將陣圖,人皆死守戰法,緩急不相救,以

至于屢敗 減願不以陣圖賜諸將,使得應變出奇,自立異效。」帝以爲然。

武軍節度使、景靈宮使,又以爲同羣牧制置使。 拜。 公爲相,將相皆得人矣。」帝聞之喜,賜弓一,矢五十。後封魯國公,求去位至六七,乃以爲忠 之,起爲河陽三城節度使、同中書門下平章事、判鄭州。 十九、贈太尉、中書令、諡武恭。 明年,富弼相,契丹使耶律防至,德用與防射玉津園。 德用雖致仕,乾元節上壽,預班廷中。 加賜其家黃金。 契丹使語譯者曰:「黑王相公乃復起耶?」帝聞 有詔五日一會朝,聽子孫一人扶掖。卒,年 至和元年,遂以爲樞密使, 防曰:「天子以公典樞密而用富 命入謁

應用諸子中,<u>咸融最鍾愛,晚年頗縱之,多不法,後更折節自飭,官至左藏庫使、</u>眉州

防禦使。

進 子 上 削 動 於 國籍。 論曰: ,明幹知兵,平蜀鉅賊,振聲隣敵,可謂「肇敏戎公」矣。 全義、德驤,遇知太祖、太宗,超復翊戴眞宗,宜致崇顯,然堇堇無癥 若知節生將家,喜讀書,立朝爭事,以剛正 稱天下,其邦之司直歟。 至於精神折衝,名聞四夷,矯矯 人者,而各有 有 終起

列傳第三十七 王超 校勘記

虎臣,則應用其有焉。

校勘記

- 曾孫簡夫 「曾孫」二字原脫。按本卷雷德驤傳載簡夫是德驤的曾孫,今補
- オi 街行首 「首」原作「省」。通鑑卷二九一「殿前右番行首馬全义[義]」下注:「右番行首,居殿前

右番班行之首。」本書卷二六一派延訓傳有「東西班右蕃行首」。 據改。

- 西京作坊使 「京」字原脫,據本書卷二五七李繼昌傳、長編卷 四六補。
- 張 腴 原作「張 ·晌」,據本書卷三〇八張煦傳、長編卷四七改。 下文同。
- 恶 距 富 順六十里 長編卷四七、太平治蹟統類卷五都作「距富順六七里」,似是。
- 会 謫 澤州都監 利 虢 三州 此 語疑有脫誤。
- (中) 步 軍 副 都指 揮使 「都」字原脫,據歐陽修歐陽文忠公集卷二三王德用神道碑銘 、王安石臨川先

補。

S 河陽 生文集卷九〇王德用行狀 原作「河南」, 據同上王德用神道碑銘改。同上王德用行狀作「孟州」,孟州卽河陽,

容齋隨筆卷四府名軍額條。

宋史卷二百七十九

列傳第三十八

陳與 王繼忠 許 均 傅 潛 張進 張昭允附 李重貴 戴興 呼延贊 王漢忠 劉 王能 用 耿全斌 張 凝 魏能

周仁美

眞宗 觀察使,出爲深州副都部署,改鎭、定、高陽關三路鈴轄銀河北都轉運使,遷高陽關副都部 在藩邸,得給事左右,以謹厚被親信。 王繼忠, 開封人。父珫,爲武騎指揮使,戍瓦橋關,卒。 即位,補內殿崇班,累遷至殿前都虞候、 繼忠年六歲,補東西班殿侍 領雲州

村,與契丹戰,自日昳至乙夜,敵勢小却。 咸平六年, 契丹數萬騎南侵, 至望都, 列 傳 第 三十 八 王 繈 忠 遲明復戰,繼忠陣東偏,爲敵所乘,斷餉道,超、贊 繼忠與大將王超及桑贊等領兵援之。 九四七 繼忠至康

署,俄徙定州。

皆

創

",殊死 畏縮 退 戰, 師 且戰 竟不赴援。 且行,旁 西山 繼 忠獨 而 北,至 與麾下 白 躍馬馳赴,服飾稍異,契丹 城,遂 陷于契丹。 真宗聞 識之, 之震悼, 韋 數 初謂 十重。 死 士 皆 優 重

贈大同軍節度,賵赙加等,官其四子。

改名宗信,封楚王,後不知其所終。 上 歲遣使至 以誓書約各無所求,不欲渝之,賜詔諭 景 徳 一契丹, 初,契丹請和,令繼忠奏章, 必以襲 衣、金帶、器幣、茶藥賜之,繼忠對使者亦必泣下。 子懷節、 办 知其尙在。 意。 懷敏、 契丹主遇繼忠甚厚,更其姓名爲 懷 朝廷從之,自是南北 德、 懷政。 战兵, 嘗 附 耶 繼 表 律 懇 忠有力焉 顯忠, 請 召還

防禦使, 使、昭州 御 度,翟明至洺州 前忠佐馬步軍 真宗宮邸攀附者, 繼忠之次有王守俊至 郝榮至安 團 陳使, 團練使, 王遵度至磁州 都軍頭、永州 彭睿至侍衞馬軍副都指揮使、武 國 軍 節度觀察留後,陳玉至冀州刺史,崔美至濟州 團練使,張承易至禮賓使,吳延 團練 恢使,楊 濟 州 保用 刺 昌軍節度, 史, 至 蔚昭: 西 Ŀ 靳忠 敏 至 昭 閣門使、 至 至侍衞馬軍都虞候、 供 殿前都指揮使、 備 團 康 [練使,高漢美至鄭州 庫使,白文肇 州 刺 史, 保靜 鄭 至 懷 端 引 德 軍 進 節 至

團

練使,

楊謙至御前忠佐馬步軍副都軍頭、

河州刺史。

遷 東 西 傅 班 潛 翼州 指 揮使。 衡水人。 征太原,一 少事州將張廷翰。 日, 再中流矢。 太宗在藩邸,召置左右。 又從征范陽,先至涿州 與契丹 即位,隸殿前左班,三 戰 生 擒 £i. 百

餘 言:「潛從行有勞,賞薄。」復加馬步都軍 翌日 一,上過 其所,見積尸及所遺器仗,嘉歎之。 頭、領羅州刺 史,改捧日右廂都指揮使、領富州 師旋,擢爲內殿直都虞候。 上對 專 樞 密

使,遷日騎、天武左右廂都指揮使,領雲州防禦使。

都軍 昭 馬 化 河 軍 頭、領潘州防禦使,尋拜殿前都虞候、領容州觀察使。 ,責授右領軍衞大將軍,自檢校司徒降爲右僕射,仍削功臣 雍熙三年(三), 節 度, 出爲高陽關都部署。 命大將曹彬北征, 淳化二年四月,拜侍衞馬步軍都虞侯、 以潛爲幽州道行營前軍馬步軍都指揮使。 端拱 初, 加殿前 明年,起爲內外馬 副都指 領武成軍節度。 師敗於! 揮 使、 領 拒

上道中,出爲延州路都部署,改鎭州。

署。 契丹大入,緣邊城堡悉飛書告急,潛麾下步騎凡八萬餘,咸自置鐵檛、鐵棰,爭欲奮擊。 即位,領忠武軍節度,數月召還。 咸平二年, 復出爲鎭、定、高陽關三路行營都部

潛畏懦無方略,閉門自守,將校請戰者,則醜言駡之。

月。 朝廷屢間道遣使,督其出師, 無 何,契丹破狼山砦,悉銳攻威虜,略寧邊軍及祁、趙,游騎出邢、洺,鎮、定路不通者踰 會諸路兵合擊,范廷召、桑贊、秦翰亦屢促之,皆不聽。 狂

列

傳

第三

+

八

宋

召等怒, 擊之,仍許出兵爲援。 城勢如 此,吾與之角,適挫吾銳氣爾。」然不得已,分騎八千、步二千付廷召等,於高陽關逆 因 話潛 曰:「公恇怯乃不如一嫗爾。」潛不能答。 洎廷召等與契丹血戰而潛不至,康保裔遂戰死 都鈴轄張昭允又屢勸潛,潛笑曰:

敵 貸其死,下詔削奪潛在身官爵,并其家屬長流房州。 判左金吾街仗。 仍籍沒其貲產。 至,則下御史府,命錢若水同劾按,一夕獄具。 不之與; 司 西京。 騎犯德、棣,渡河湊淄、齊,劫人民,焚廬舍。 及車 ·駕將親征,又命石保吉、上官正自大名領前軍赴鎮、定與潛會。 有戰勝者,潛又抑而不聞。 大中祥符四年,車駕西巡至洛,因令從駕還京,遷左監門大將軍,還其宅。 五年,會赦,徙汝州。 天禧元年,卒。 上繇是大怒,乃遣高瓊單騎即軍 景德初,起爲本州 上駐大名而邊捷未至,且諸將 百官議法當斬, 潛子內殿崇班 團 練副使, 從駕羣臣多上封請誅之,上 從範,亦削籍隨父流所, 改左千 中代之,今潛詣 潛卒逗遛不發,致 牛衞· () 屢請 上將 益兵, 軍,分

選銳卒襲其帳,敗走之。 遷通事舍人。 張昭允者,字仲孚,衞州人。以父秉蔭,試大理評事。潘美妻以女,奏換右班殿直, 端 拱初,契丹內擾、命爲雄州監軍 進西上閤門副使,提總左右藏金銀錢帛 敵騎乘秋掠境上,昭允與知州田仁朗 以久

石州。 之不及程,出怨言,昭允坐觅官。 昭允以諸州絹常度外長數尺,請裂取付工官備他用,歲獲羨餘。 會討李繼遷,王超出夏、綏州路,領後陣,超深入數百里,踰白池,道阻糧絕,昭允以 俄起爲崇儀副使,累遷西上閤門使、河西馬步軍鈴轄,屯 旣而 士卒受多服, 度

所部绥之,戎人大敗。

昭允喜筆札,習射,曉音律。 奪官爵,長流通州行司。景德二年,起爲楚州團練副使,改右神武將軍。大中祥符元年,卒。 都鈴轄。 真宗即位,以昭允章懷皇后姊壻, 時傅潛爲都部署,畏懊城守,昭允屢勸其出兵,潛按兵不動。 子正中、居中。 頗被親信。咸平二年,命爲鎭、定、高陽關行營馬步 潛旣得罪,昭允亦削

使。 領嚴州刺 太宗在藩邸,興詣府求見,奇之,留帳下。 尊屬否? 從征太原,先登,中流矢,補御龍弓箭直指揮使,遷都虞候。 戴興,開封雍丘人。年十餘歲,以勇力聞里中。及長,身長七尺餘,美髭髯,眉目如畫。 史,改天武左廂都指揮使、領勝州團練使。 」對曰:「臣父延正、兄進皆力田。」卽召延正爲諸衞將軍,進爲天武軍使。 即位,補御馬左直,遷直長,再遷御龍直副指揮 日,帝問興日:「汝頗有 俄以興

列

傳第三十八

戴興

王漢

忠

雅熙 三年, 曹彬等北征失律,諸將多坐黜免,以興爲侍衞步軍都虞侯、領雲州防禦使。

契丹撓邊,命興 屯澶州以備非常,改本州觀察使,充天雄軍副都部署。

署, 萬兩,歲加給錢七百萬 陰勒所部潛出擊之,擒戮殆盡。 改殿前副都指揮 端拱 初,遷步軍都指揮使、領鎭武軍節度,賜襲衣、金帶、鞍勒馬。 使, 出帥鎭、定二州。 未幾,徙高陽關, 時盜賊羣起, 遷殿前都指揮使、 會五巡檢兵討之,踰月不能 領定國軍節度,賜白金 歷澶州、天雄軍都部 克。 興

府,卒,贈太尉,遣中使護其喪歸葬鄉里。 道。 淳化五. 及至京師, 時五路討李繼遷,興所部深入千餘里,不見賊。 年,出爲定武軍節度,歲加給錢千萬。 以擅離所部,左遷左領衞上將軍。 錄其子永和、永豐。 咸平初,兼判左金吾街仗,俄出知京兆 西北未平,徙夏州路行營都部署、 會太宗崩,三上表求赴國哀,不俟報 知州

帳下,漢忠不往。因毆殺里中少年,遂亡。 西至京師。 王漢忠字希傑,徐州彭城人。少豪蕩,有膂力,形質魁岸,善騎射。 太宗在藩邸,召見,奇其材力,置左右。 經宿復蘇,其父遣人追及於蕭縣,漢忠不肯還, 即位,補殿前指揮使,累遷內殿直都知。 節帥高繼沖欲召至

從 征太原,先登,流矢中眸,戰益急,上壯之,遷東西班指揮使。劉繼元降,以所部安撫城

還,改殿前 左班指揮使,三遷右班都虞候、領涿州刺史。 雍 熙中,改馬步軍都軍頭

颔 洮州 端 觀察使、高 洪 初,出爲賓州團練使,歷冀、貝二州部署,徙天雄 陽 關 副都部署。 契丹南侵,漢忠合諸軍擊敗之,斬馘甚衆。 軍。 二年,入爲侍衞馬軍都虞侯、 淳化初,徙定

真宗卽位,自中山 召歸。 俄復出爲高陽關都部署,進領威塞軍節度。 咸平三年, 又爲 |州

五年,遷殿前

都

陣使。 環慶兩路都部署兼安撫使, 契丹掠中山,漢忠率諸將陣于野,契丹遁,追斯甚衆,獲其貴將,加殿前副都指揮使, 遷侍衞馬軍都指揮使, 改鎭定高陽關都部署、三路都排

改 領 保靜 軍節 度

奉 萬 外 增歲給錢二百萬。 五. 五 年 千人,委漢忠分道控制。 ·, 罷 西 面 經略使,命漢忠爲邠寧環慶兩路都部署〔三〕,李允正、宋沆爲鈴轄,領戍兵 未上道,暴得疾卒。 數月召還, 坐違詔無 贈太尉,以其長子內殿崇班從吉爲問門祗侯, 功,責爲 左屯衛 上將軍,出 ... 知 襄州,常

從政 漢 忠 有識 、從益 略, 爲 左右 軍政 侍禁。 《甚肅, 每行 師,

列

傳 第

Ξ

+

八

王 漢 忠

王

能

貨。」 故所部 無 盜 性 剛 果,不務小節,輕財樂施。 詰旦,必行香祝曰:「願 好讀書, 頗能詩。 喜儒 待賓佐有禮, 毫不

軍民

無犯

吾令,

違者一

宋史卷二百七十九

名稱甚茂,以是自矜尙,羣帥不悅。

事。 士楊逢爲之辭。 真宗命樞密王繼英等問狀,從吉止誦狀中語,他無所對。 漢忠沒後,其子從吉詣闕上書訟父寃,因歷詆羣臣有行賂樹黨及蒙蔽邊防屯戍艱苦之 從吉坐除名,配隨州 ; 逢杖配春州。 上以從吉付御史,具伏,乃進

城口 殿前 來寇,能擊走之。 步軍都軍頭。 ,北注雄州塘水,爲戎馬限,方舟通漕,以實塞下。 左班指揮使,進散員都虞候。久之,領潘州刺史,再遷殿前右班都虞候兼御前忠佐馬 王能,廣濟定陶人。 咸平初,自捧日右廂都指揮使出爲濟州 初事州將遠彥,太宗在晉邸,召置左右。 團練使、知靜戎軍。建議決鮑河,斷 又開方田、盡靜戎、順安之境。 即位, 補內殿直, 六遷至 北邊

珪 出為邢洛路都部署, 旦暮不離役所,宴犒周洽。 亦有聲于時,才固難全,拔十得五,亦有助也。」景德初,擢本州防禦使,與魏能、張凝並命 初,眞宗詢軍校勤勇者,委以方面,因語宰相曰:「聞王能、魏能頗宣力公家,陳興、張禹 俄改鎭定高陽關三路行營都部署、押策先鋒。 會詔使自北至者言之,手詔褒飭,連徙天雄軍、高陽關二部署, 護城祁州, 躬率丁

改定州副都部署。

領曹州觀察使。 (中祥符二年,詔合鎭、定兩路部署爲一,命)能領之。 祀汾陰,留爲京城巡檢兼留司殿前司事。 明年召入,拜侍衞步軍副都指揮 禮成,加領振武軍節度,復

爲鎭定副都部署兼知定州。八年,表求入覲,許之。

赶坐,則殿前馬軍帥皆當侍立。」繇是特令諸帥預坐,自是掌兵者率以爲例。 先是,節帥陛見,必飲於長春殿,掌兵者則不預。 至是,特令用藩臣例。 有司言:「能旣 俄還屯所,

領靜江軍節度。

年七十八。 求 解,特與告醫療。 天禧元年,轉都指揮使、領保靜軍節度。 贈太尉,而錄其子守信等官。 二年,制授彰信軍節度,罷軍職赴鎮,以地近其鄉里,寵之也。明年,卒, 是多,代還,入見,以足疾冤舞蹈,賜宴。

壯之,召置帳下。 與角勝負。 張 凝, 約築土百步射之,凝一發洞過,矢激十許步,抵大樹而止,觀者敷服。 滄州無棣人。少有武勇,倜儻自任。 太宗在藩邸,聞其名,以隸親衞。 鄉人趙氏子以材稱,凝恥居其下,因挾弓 即位,補殿前指揮使,稍遷散祗候班都 節 即帥張美

虞候。

使,遷北作坊使。

必異等。 淳化 出為天雄軍駐泊 初,以其有材幹,與王斌、王憲並授洛苑使,凝領繡州 都監 移貝州 , 改高陽關行營鈴轄、 六宅使。 刺 史,賜襲衣、 眞宗踐作, 金帶, 每頒賚 加莊

至, 所掠生口、資畜。 車駕幸大名, 咸平 年十六,從行。 初, 契丹南侵,凝率所部兵設伏於瀛州西,出其不意,腹背奮擊,挺身陷敵。 凝與范廷召於莫州東分據要害,斷其歸路。 徙鎮、定、高陽關路前陣鈴轄,遷趙州 即單騎疾呼,突入陣中, 掖 凝出,左右披靡不 刺 史。 契丹宵遁,凝縱兵擊之,盡 ·敢動。 明 年, 契丹兵大 凝

派 嶺、柔遠鎮,降峇都等百七十餘族,合四千戶,邊境獲安。 胡家門等桀點難制,凝因襲破之。 擒賊將,燒蕩三百餘帳、獨糧八萬,斬首五千餘,獲牛馬、器甲二萬,降九百餘人。 輓不給,問計於凝。 四年,召還,代潘璘爲邠寧環慶靈州路副部署兼安撫使。 凝曰:「今當深入,因敵資糧,不足慮也。 又熟戶與生法錯居,頗爲誘脅,凝引兵至八州原、 就加寧州團練使。 。」乃自白豹鎭率兵入敵境,生 時斥堠數擾,轉運使劉綜 慶州蕃族 懼

莳 王超爲總帥,以大兵頓中山,朝議擇凝與魏能、田敏、楊延昭分握精騎,俟契丹至,則深入 景德初, 遷本州防禦使,代楊嗣爲定州路行營副部署,徙保州駐泊,又兼北 面安撫使。

以 日:「能麤材險愎, 乃令凝等不受超節度。 牽其勢。 超嘗請四人悉隸所部,上以本設奇兵撓敵之心腹,若復取裁大將,則無以責効, 既不爲諸君所容,吾復切言之,使其心不自安,非計也。」上聞而嘉其有 時魏能逗撓,退保城壁,衆皆憤悱,責讓能,凝獨默然。 或問之,凝

識。

居第。 安撫使,提兵躡其後,契丹乃不敢略奪。 凝 車駕觀兵澶淵,凝率衆抵易州。 忠勇好 眞宗悼惜之,贈彰德軍節度,遣中使護喪還京,官給葬事,厚邺其家。 功名,累任西北,善訓士卒,繕完器仗,前後賞賜多以犒 既而契丹受盟北歸,所過猶侵剽不已,遂以凝爲緣邊 改高陽關部署。 明年,議勞,就加殿前都虞候,卒。 師,家無餘貲,京師無 子昭遠。

舊制 未有舉者。 ,諸軍 魏能 -辭見,才器勇敢或迥異出羣者,許將校交舉以任,使毋枉其志。 | 軍人也。 太宗曰:「能材勇過人,朕可自保。」由是進用之。 少應募,隸雲騎軍,後選補日騎左射,又 人隸殿前班,七遷散員左 能時成外藩,咸 班 都 知。

端拱二年,加御前忠佐馬軍 副都 軍 ·頭,歷殿前左班都虞候、領溪州刺 史,加秩轉馬 步軍

頭。 列 傳 咸平三年,眞拜黃州刺史。 第 三 + 八 魏 能 明年,爲鎭、定、高陽關三路前陣鈴轄。 九四八一 五年, 知鄭州

都

来

團練使,復任威虜軍(四)。

南 相 萬。 褟 公(三)來薄陣, FF, 契丹入寇, 契丹嘗謀入鈔,能偵 遣其子 正與都監劉 能發矢殪之,丼其將十五 能當城西, 知 知訓間道 與諸將合戰, 即發兵逆擊,生擒 絕敵 人,奪甲馬、兵械益衆。 行勢,戰數十合,退薄西山下,破走之,獲器甲十 無憚色, **會帥,珍滅殆盡** 大敗其衆, 斬首二萬級。 契丹復入,能率州 契丹統軍鐵林 軍 遊 戦

徙莫州: 請沒其妻與子爲奴婢。 口 追越陽山,斬首級、獲兵器益衆,詔賜錦袍、 六年,改威虜軍部 路部 署。 石普屯兵順安之西境,詔能 署, 上慮嚴迫, 知軍 事。 聽緩期自 士民詣 與楊延昭、 闕下乞留能, 新, 金帶。 違以法坐。 復以所部禦寇于順安。 田敏掎角爲備。 詔嘉之。 會浚順安軍營田 能建言戍卒逸邊境者, 景德 初, 河道以扼寇, 破敵長城

丹之勢,能畏愞不 出 度 止 無功, 兵拒之,小衄,即 邊人百餘掠居民,樹蕃僧爲 六月,召拜防禦使,復出爲寧邊 ,心愧, 愧, ,多怨辭, 前,且不 卻 陣入 以 汕間。 城, 戢所部,多俘奪 張凝以兵擊卻之。 帥, 朝議謂能剛猾少檢,不可專任,乃命綦政敏爲鈴轄, 軍路部 能 興田 人馬。 署。 敏、楊勳合兵設伏擊之,擒其帥。 詔推 俄徙 會詔能 能 屯定州,及遣凝躡迹北行,能 果略,再任以威虜,使 與凝領 偏 師分道 入幽、 副精兵伺敵 賊 |易, 來逼 **麤**險, 牽制 城 俾同 動 契 自

緩失期,及 授 分道 右 先 羽林將軍 AZ ZZ 明 入,能 日,詣 年,師還大名。 師旋不整狀。 判府王欽若 師 , 繼 出爲鞏縣都監。 之。 能怒全照之後已,即疾驅競入, 時王能、曹璨各領兵歸闕,即城下, 上初聞能逗遛,微怒。 誣全照射傷押隊 閣門楊凝, 明年,以自陳, 錄其子正爲閤門祗侯,婦爲三班奉職 特改官右驍衛大將軍、號州都監,累遷加領 會全照奏,乃質實于張凝、白守素等,卽責 詞頗紛競。 全照射之, 鈴轄孫全照遺能、燦之師由 全照密疏能摧兵 能嚄惜不堪,奪全照弓以 退縮,師 北門

康州

團練使。

大中祥符八年,卒。

隆命權 隨軍,遣戍汾州。 特被賞賜, 滄 孙 御 陳 知夏州 龍弩直都虞候。咸平初,爲馬軍都軍頭、領蒙州刺史。三年,眞授憲州刺史、知霸州 興, 副 澶州衞南人。 累遷 天武指揮使。 尋還屯所,受詔提轄河東緣邊城池、器甲、芻糧。 明年,李繼隆行營河西,興隸麾下,部淸朔、龍衞 開寶中,應募爲卒,得隸御龍右直。 端拱中, 會城綏州,韶與錢若水往視利害,事具若水傳。 改御前忠佐步軍副都軍頭。 太宗征河東,幸幽陵, 諸軍,克綏、夏、銀州,繼 至道初,繼隆薦其材幹, 王超爲井代部 署,奏興 興常從,

徙 召補 都部署,移石、隰駐泊。 戎軍部署。 上言鎮戎軍去渭州瓦亭砦七十餘里,中有二堡,請留兵三

列 傳 第 Ξ + 八 陳 興 許 均 又

(徙涇

原儀渭鎭

老幼 援 百 欲 康 級,生擒 率 奴 人戍之。 勿須奏 次獲器 族, 諸蕃擊賊, 往 = 命 畜 歲 百 俄 鈔 餘 甚 與曹 劫靈州 會繼 衆, 人, 請 會兵 瑋、 虚 奪鎧甲、牛羊、駝馬三萬 遷 焚掘其窖藏。 接糧 秦翰 死, 靈州 事 領兵抵鎮戎軍 ,恃險與衆,尤桀點難 寢。 以 景德 道遠難 復詔褒之,仍加 三年, 西北武延鹹泊川, 刻師 計 遷本州 期 詔書嘉獎, 制。 に賜賚。 詔 團 興俟羅支 復與秦翰等合衆進討, 練 使、 其年,六谷大首領潘羅支命言, 知徐州 賜金帶、錦袍、器幣。 掩擊蕃寇章埋族 (報至, 卽 勒所部過天都山以 窮其巢穴, 繼遷所 斬二百 餘 部

靇 龍 軍 神 職,改敍 衞 興 起行 兀 厢 伍 都 州 指 有武 防禦使、 揮 使、 略,所 領登 知懷州 至 州 頗 防禦使, 著聲績。 六年 出 眞宗 爲 州寧環慶路副 言軍校之材, 都部 必以 興爲 署 兼 知別 能。 州 大中祥符初,召爲 坐 擅. 釋劫盜,

使。 易 錦 從 袍 許 征 均, 銀 河東 開封 攻 開 隆州 寶 父邈 中, 城,先登,陷之, 遷 武 太常 騎 博 副 兵 馬 中八 使。 |均, 建隆中應募為龍 創 從 曹 彬 遷 副指揮使, 征 金陵 率衆陷 捷 前後屢被賞賚。 卒,征遼州 水 砦, 流矢 以以 功 貫 出屯杭州 補 手。 武 騎 改 十將, 本 妖 軍

僧

紹倫結黨爲亂,

均從巡檢使周瑩悉擒殺之。

揮 使, 端 俄 拱 屯 初, 夏州 補指 贼來 揮使。 犯 境 從李繼隆、 日 十 二 秦翰赴 戰 走之。 夏州, 擒趙保忠,令均率兵衛守。 又從石普擊賊于原州 牛欄砦,深入, 改龍 篇第四 獲牛 指

羊、漢

生

口

甚

衆。

普表

上其功,

遷第三軍指

揮

使。

年,稍 寇奔突, 改 橋 駕將巡 門, 涇 州 咸平 遷散 又從秦翰 澶淵,韶均與知府向 駐泊 詔書戒敕。 初, 員 部署。 以御 都虞侯。 追殺賊黨於廣 前 數月, 俄以 忠佐馬 嘗召 其不 知鎭 見,訪 飯 軍 都, 中 明東治,用曹瑋代之,徙爲別州駐泊部署,改 都 皮 軍 以 降其衆七千 o 鳳 頭 北 翔梁鼎同提總諸州巡檢捕 嘗出 戍秦州。 面 邊事 巡警, 7,翌日 餘。 王 至隴· 均之亂,遣乘傳之蜀, 驛召授 ,眞拜磁 Ш 木 峽口,眞宗 東 州 西班 刺 盜事 史、深州 都 虞候 至 以其 隸雷有終麾下, 河陽 〈無故 兵馬鈴轄。 永興軍部 領 順州 召 離 赴 城, 刺 行 署 慮有 史。 六年 守魚

長壽 不獲, 明 均至 錄其子 追敍前勞, 斬獲惡黨皆盡 朝廷遣使益兵,逐之澶、 一胙城,長壽與其徒五千餘人入縣鈔掠, 懷忠爲奉禮 擢爲 本州團 上以方禦敵, 郎,懷信爲侍禁。 i練使, 濮間。 尋出 未欲 會契丹南侵,夾河民庶驚擾, 知代州。 幼子懷德,自有傳。 因捕賊獎均,但賞均部 均部下徒兵裼袒與鬥。 四年 秋, 均被疾,以米銳代還, 下卒,被傷 長 壽結黨愈衆, 均以方略誘之, 者賜 帛 未至而均 選級馬 人皆 生, 恵

時

有

王長壽者

,

本亡命卒,

有勇力,

多計

慮,聚徒百

餘。

是春,抵陳留剽劫,縣民捕

之

列

僔

九

頭。 才力,以補控鶴官, 太宗嘗幸內廐,進以親校執鉞前導,體質瑰岸,逈出儕輩 張進, 兗州由阜人, 積勞至御龍弩直 拳勇善射, 挽彊及石 都 虞候、 領恩州 餘。 應募曹州,隸鎭兵。 刺史。 至道 太宗熟視異之,擢爲天武 中, 棄御前忠佐步 太祖 親選勇士, 軍 都 奇進 軍

廂都指揮使、領賀州

團

l練使。

詔褒之。 州副部署,徙天雄軍部署。 肅。 武 四 從上北征,又與超管勾大陣及先鋒策應。 廂都指揮使。 威平初, 遷昭州防禦使, 二年秋,閱武近郊,進與殿前都指揮使王超親執金鼓,節其進 會河決鄲州王陵口,發數州丁男塞之,命進董其役, 充龍神衞四廂都指揮使、京城左右廂巡檢。 三年,權殿 前都虞候,遷侍 . 衞步軍 未幾, 退, 都 遷捧日、 凡月餘畢, **虞侯、**鎭 軍容甚 天

赴援 門祗候。 而敵退,復歸晉陽。 李繼遷寇麟州,州將遣單介間道乞師太原。 既至而圍解,手詔褒美。 天禧末,錄其次子元素爲三班借職 景德元年,卒,上遣中使護喪還京,官給葬事。 契丹侵中山,命進率廣銳二萬騎,由土門會兵鎭、定, 諸將以無詔旨,猶豫未决,進獨抗議, 子元晉,至內殿崇班 未 發兵 閣 至

列傳第三十八 李重貴 呼延贊

鎭 在藩邸,知其勇幹,召隸帳下。 李 將。 重貴,孟州河陽人。 鎭有羣盜,以其尙少,謀夜入劫鈔。 麥狀雄偉,善騎 即位,補殿前指揮使,累遷至龍衞左第四軍都指揮使、 射。 少事 重貴知之, 壽帥王審琦, 即樂栅課民習射, 頗見親信, 盜聞之潰去。 以甥妻之,補

頟 河 州刺史,改捧日右廂都指揮使、領蠻州團練使。

及還,命爲代抖副都部署。」眞宗卽位,加本州防禦使,徙高陽關行營副都部署 既未平,臣輩何顏以見陛下。」太宗善之,出御劍以賜,又累遣使撫勞。 今五路齊入,彼聞兵勢太盛,不來接戰,且謀遠遁。 都 部署。 至道二年,出爲衞州團練使。 得對便殿,因言:「賊居沙磧中,逐水草牧畜,無定居,便戰鬥,利則進,不利則走。 未行, 會命將五路討李繼遷,以重貴爲鱗府州濁輪砦路 欲追則人馬乏食,將守則地無堅壘。 旣而諸將果無大功。

范廷召自定州至,遇契丹兵交戰,康保裔 日:「大將陷沒而 寅,疾力戰,敵乃退。 <u>咸</u>平二年,契丹南侵,議屯兵楊疃,張凝領先鋒遇敵,重貴率策應兵酣戰, 吾曹 時諸將頗失部分,獨重貴與凝全軍 計功,何面 目也! 」上聞而嘉之。 大陣爲敵所覆,重貴與凝赴援,腹背受敵,自申至 一還屯。 凝議上將士功狀,重貴喟然 全軍而還。

禦使,改左 駕 署 幸 兼 澶 明 知 淵 年 州 春 事 初林軍 召還, 0 以勞進 以 疾求還京就醫藥,旣 爲 大將軍 大內都部署。 階及食邑, 一致仕。 徙知 大中祥符三年,卒。 明 (貝州, 年 愈, 春, 連爲 召至勞問,復遣入郡。 出 知 邢州、天雄軍二 グ鄭州 以疾甚, 部 授左武衞大將軍 署,又知冀州 是多,從滄州 駐泊副都 景德 、領潛州 初 防 部 車

平 東 面 賜 興 班 長 藝。 國 金 呼 雍 延贊, 帛 ,入承旨 熙 初 獎之。 贊 几 太宗 年, 具裝執鍵 幷州 遷 七 親 加 選軍 太原人。 馬 年,從崔翰 聽 步 馳 雄 軍副 校, 騎, 軍 以 使。 父踪, 都 揮 成定州 贊 鐵 軍 從 爲 鞭、 頭 王 周淄 鐵 全斌 褒槊, 騎 嘗獻 翰 州馬 軍 言 指 討 上其勇, 陣圖、 旋 步都指揮使。 揮 西 繞 使。 Ш 廷 擢 兵要及 身當 中 從征 爲 數 馬 前 四, 樹 太原, 軍 鋒, 管砦之策, 攢 副 叉 少為聽騎卒,太祖 都 中數創, 引其四 先登 軍 頭, 一乘城, 子必興、 求 稍 以 遷 領 功補 及 內 邊 堞 任 員 副 必 流 浆 以其材勇, 改、 指 召 鮗 直 揮使。 者 必求、必 都 見,令之 | 虞 恢 。 數

作武

顯以 入, **迭舞劍盤** 樂。 賜 白 金 數 百 网 及 几 子 衣 帶

部署。 端 拱 至 屯所, 年, 以無統御材,改遼州刺 領 富 州 刺 史。 俄 與輔 超 史。 並 加 又 都 以不能治民, 軍 頭 淳化 復爲都軍 年, 出爲 頭、 保 領 州 扶州 刺 史、 刺史, 、冀州 加 副 康

州團練使。

進曰:「臣月奉百千,所用 再拜而退,衆嘉其知分。三年,元德皇太后園陵,命掌護儀衞,及還而 咸 平二年,從幸大名,爲行宮內外都巡檢。 不及半,忝幸多矣。 自念無以報國, 眞宗嘗補軍校,皆敍己功, 不敢更求遷 卒。 或至灌 濯, 將恐福 譁, | 贊獨 過災

旁有 其長能寒而勁健。 諸子耳後別刺字曰:「出門忘家爲國,臨陣忘死爲主。」及作破陣刀、降魔杵;鐵折上巾,兩 · 刃,皆重十數斤;絳帕首,乘騅馬,服飾詭異。 贊 有膽勇,鷙悍輕率,常言願死於敵。 其子嘗病,贊刲股爲羹療之。贊卒後,擢必顯爲軍副都軍頭 偏文其體爲「赤心殺賊」字,至於妻孥僕使皆然, 性復 鄙誕 不近理,盛多以水沃孩幼,冀

州刺 頭、領凉州刺史、鎭定招安使, 善騎射,事太宗于晉邸。 史。 劉 至道初,爲河西、烏白池都鈴轄,斬首千餘級,奪馬五百疋,改高陽關副都部署。 相州人。祖萬進,河中府馬步軍都指揮使。父守忠,左驍衞大將軍致仕。 即位,補軍職、累遷散都頭都虞候。端拱初,爲馬步軍副都 轉捧日都指揮使。 李順亂蜀,爲西路行營鈴轄。 賊平,遷祁 用曉音 軍

傳第三十八 劉用 耿全斌

真宗卽位,加本州團練使、幷州

副都部署。

咸平中,徙貝州,俄知瀛州,復爲高陽關副

都 部 上召 署。 L 宰相閱 時烽候數警, 視,可其奏,且令轉運使於保州、威虜靜戎順安軍預備資 用 建議益邊兵, 俟其南牧, 即率驍銳出東路以牽制其勢, 糧 因圖

歷知齊、陳、潞三州。 角攻之。 六年,命將三路出師扞敵, 未幾,換鎭 州副部署。 大中祥符 韶用與劉漢凝、田思明領兵五千, 二年,卒。 景德初,爲邢州部署。 車駕北征,用以城守之勞,進爵邑, 由 東路會石普、 孫全照掎

戍西 後游京師,屬太宗在藩邸,全斌 蜀 耿 全斌,冀州信都人。 全斌 往省 乘舟泝江 父顥, 懷順 ,夜大風 候 拜于 失纜, 軍校。 中 衢 自 漂七 全斌少豐偉,顯攜謁陳傳,摶謂有落侯相。 薦材幹,得召試武藝,以善左射,隸帳下。 + 里, 至曙風未止, 舟 忽泊岸,人頗異之。 卽

位,補東班

承旨,稍遷聽猛

副兵馬使。

散 蕃部于宥州,敗之。 軍 直都處候、領順州刺史,改殿前左班都虞候、馬步軍都軍頭。 使, 從征太原, 屯瀛州。 與契丹戰,所乘馬 燙, 遇契丹于蒲陰, 歷雲騎指揮使、御前 兩 中流 追擊至徐河,因據水口 忠佐 (矢死,凡三易乘,戰不却, 馬軍 副都軍 頭, 「要害。 改馬 契丹 遷 軍都 補 爲 日騎 軍頭, 引去。 副 戍深州, 兵 端 馬 使、 拱 初, 雲騎 累轉

全斌 在軍 中有能名。 眞宗嘗召問邊事, 全斌口陳利害, 甚稱旨。 因謂輔臣曰:「元澄、

拜雄 鄭誠 州 、耿全斌,人多稱之。 刺史、知深州,徙石隰部署以備河西 觀其詞氣,若有志操,止在宿 繼遷死, :衞,無以見其才,宜以邊郡試之。」途 全斌率兵入伏落關,誘蕃部來歸者

敷千人。俄知安肅軍,嘗繪山川險易,爲圖以獻。

關針轄,擢從政爲侍禁、寄班祗侯。大中祥符初,封禪泰山,以爲濮州鈴轄。其年,還京師,卒。 契丹來侵,自山北抵河滸, 全斌遣子從政焚橋砦,分率精兵擊走之。改冀州刺史、高陽

物、奴婢、器械。 七八萬。」太祖曰:「可惜壓死。」止命負四萬五千,因賜之。稍遷右班都知、御前忠佐馬軍副 從漢超戰于西嘉山 周仁美,深州人。 命王繼恩引入縱觀,過祗候庫,太祖問其力能負錢幾許,仁美曰:「臣可勝 開寶中,應募隸貝州廳捷軍。 身中重創,補隊長。 漢超上其功,隸殿前班,賜衣帶、鞍勒馬、什 關南李漢超選備給使,屢捕獲契丹諜

戎族囷奢以餉師。 畤 ,牛耶泥族累歲爲寇,仁美與陳德玄、宋思恭往擊之,斬首三千級,獲牛羊三百餘,發 又與思恭討募窟泉岌拖族,格鬥斬八十餘級。 至道初,石昌牛耶泥族復

都軍頭, 戍環州。

叛,德玄令仁美提兵撫輯之。

仁美謂石昌鎭主和文顯曰:「此賊不除,邊患未弭。」因厚設殺

酒,召酋長二十八人縛送州獄,自是諸族慴畏。

走之。 浦洛,獨仁美所部不滿三千,身中八創,護獨糧、官吏直抵淸遠。 上其功。 二年,又與馬紹忠、白守榮、田紹斌部獨糧趣清遠軍,仁美爲先鋒,至岐子平,與虜角, 明日,又戰于浦洛河,自巳至戌,戰數十合,進壓乾河。 紹忠、守榮皆敗走、紹斌退止 紹斌繼至,深歎其勇幹,表

署李繼隆奏留麾下,選軍中伉健者千人,令仁美領之,屢入敵境,戰有功。 是,諸蕃每貢馬京師, 時運糧民道路被傷者相繼,仁美領徒援護,悉抵環州。 爲繼遷邀擊,仁美領騎士爲援,賊不敢犯。 又遇虜於橐駝路,擊走之。 補澶州龍 **衞軍都虞候,部**

千載之幸。 奏曰:「臣老於戎門,多戍外郡,罕曾入覲京闕。 俄還澶州。 儻或備員宿衞,立殿庭下一日足矣。」上顧傳潛而笑,潛亦稱其武幹,力留,補馬 召見,會令諸軍射,仁美自陳筋力未衰,願對殿廷發二矢,上許之。 前後征行,體被三十餘創, 今日得對萬乘, 旣而前

遷龍衞軍都指揮使、領順州刺史,復屯鎭、定。時州有亡命卒聚盜,剽村閭爲患,王超委仁 潛 屯北 面,常以自隨。 契丹攻蒲陰,仁美領萬騎解其圍。 又從王超屯鎭、定、儀、渭, 步軍副都

軍

頭

列傳第三十八 周仁美 校勘記

美招 仁美,求之甚急。 捕。 仁美選勇敢卒,詐亡命趣賊所,得其要領,即自往諭以禍 詰旦,仁美至,具道其事,乃出庫錢付仁美爲賞。 福,證賊中一 不數 日,賊悉降, 日。 凡得 超 忽失

百餘人,以隸軍籍

祭饌。 都巡 衞 四 檢。 厢 景德· 天禧三年,卒。 都指 明年 中, 先是,巡兵捕亡卒盜賊,不獲皆有罰,而獲者無賞。 ,出爲磁州 揮、領獎州 徙屯陳州,入掌軍頭引見司。 防禦使, 團練使、 知衞州, 遷捧日、天武 俄改滄州部署,移高 大中祥符元年,從駕泰山, ,四廂都指揮使, 陽關副部署。 改領端州 仁美因差立賞格以聞,詔從其 命檢視山下諸 防禦使,權京新 八年, 擢 壇性 爲 城 龍 內 神 牢

沒,此而不誅,宋於是乎失刑矣。 |酸,而大節固已虧矣。|潛爲三路帥,握兵八萬餘,大敵在前, 入則拱扈巖陛,求其如古名將,則未之見也。 論 繼忠臨陣赴敵, 以死自效, 興、均輩或由藩邸進,或自行伍起,一時際會,出 其生也亦幸而 死, 然在朔庭貴寵用事,議者方之李 逗撓畏縮,致康保裔以無援戰 則書勳

校勘記

雍熙三年 「三」原作「二」。按曹彬北上出兵事在確熙三年,見本書卷五太宗紀、卷二五八曹彬

傳和東都事略卷四二傅潛傳。據改。

通州 原作「道州」,據本書卷六眞宗紀、長編卷四六、宋會要職官六四之一三改。

邠寧環慶兩路都部署 本書卷六眞宗紀作「邪寧環慶路都部署」, 長編卷五一分別作「邪寧環

慶、儀渭州鎮戎軍兩路都部署」和「環慶、涇原都部署」。

復任威虜軍 按長編卷四九、魏能知威虜軍在咸平四年。

至 鐵林桕公 「相」字原脫,據長編卷五〇、宋會要蕃夷一之二五補。

い
会 六谷大首領潘羅支 「六谷」原作「六合」。據本書卷四九二吐蕃傳、宋會要方域二一之一六改。

宋史卷二百八十

列傳第三十九

白守素 田紹 斌 張思鈞 王 樂 楊 瓊 李琪 錢守俊 王延範 徐興 王杲

田 紹 斌,汾州人。 仕河東劉鈞爲佐聖軍使,戍遼州 周顯德四年,領五十騎來歸,鈞屠

其父母家屬。世宗召補驍武副指揮使。

紹斌殺晉軍益衆,奪其鎧甲。 筠退保澤州,紹斌鑿濠圍守,流矢中左目,前軍部署韓令坤以其事聞。 延讓(二)麾下。 袍帶、緡帛,尋補馬軍副都軍頭、龍衞指揮使。 宋初,隨崔彥進征李筠,攻大會砦,破之,以功遷龍捷指揮使。 會全師雄寇神泉,紹斌率所部敗其黨數千,時漢、劍道梗,因賴以寧,太祖遣 又從討李重進于揚州,壁城南,圍三日,城潰,斬首踰千級。賜 下荆湖,平嶺南,率皆從行。 又敗筠於澤州茶碾村 及太祖召見于潞州 討蜀,隸大將

列

傳第

Ξ

十九

田紹斌

使孫 晏齎 詔 賜 資有 加 凡在蜀三歲, 剽盜殄除。 還,改龍捷都虞候

欲 常者之, 嘗 執於門外, 遣內侍 馬,貿直 一盡償博進,事發, 私謂之日。 獄具,有司 「爾今死有餘責。」紹斌曰:「若恩貸臣死, 引見講 武殿、紹斌稱死罪。 太祖 知其廳 當盡節以 勇,

克 獲 居 會 多 征 江 太祖 南, 擇諸 親討 軍借事得五百人,爲步鬥軍,令紹斌領之,及率雲騎二千,抵昇州城下, 河東,命紹 斌從何繼筠扼契丹兵于 北百 井,奪賊鼓 織而

報

俄

復

引

見,釋之,且密賜白金。

至邵 餘五 太平 州 千 興 遺歸爺諸 聞 國 蠻 初, 擢 洞, 龍 衞 自是其黨帖服。 軍指揮 (三死,去其居十 使、 領 江 太宗賜以 州 里,大潰其衆, 刺 史。 金帛 二年, 緡 梅 擒 錢、 **愛二萬** 山 洞 金帶、 蠻 叛, 令軍 鞍馬 命 與翟 中 取 歷 守素分往 利 天 劍二 、武、日 自 騎 斬

溪州 團 曹 |練使, 彬 之攻 復遣 屯 也, 北 命爲 面 先鋒指 端拱 元 揮 年, 一數遇 拜冀州防 契丹兵門, 禦使, 奪 尋改 牛羊、 解 器 州 甲。 師還,召 見 便殿,加領

軍

指

揮

使,

改馬

步都

軍

頭

当出

戊鎭、定、高

陽關

剕 遠 解州 軍 淳化 俄充靈州馬步軍部署。 斌 IH, 與文寶 爲 河 中、 領 其役。 同、丹、坊、 城犀 ,= 領徒入蕃討賊,斬首二千級,獲羊、馬、橐駝二萬計,馬以給 脚、延、 以文寶之請, 横嶺 蕃 界都 命 爲 巡 知 軍 檢 便。 事。 會 至 道 鄭文 元 〈寶議 年,拜 城席雞 會州 觀察使, 城岩為

諸軍之闕者。 捷聞,手詔嘉諭之。 數部金粟帛詣靈武、清遠、遠人警服不擾。

陣。 且 未 一行且鬥,至耀德,凡殺千人。 幾 皇甫繼明、 白守榮等督 |轉前 寇復尾後,紹斌 於 紹斌率兵援接,抵鹹 爲方陣,使被傷者居中,自將騎三百、步 非。 賊踰三千餘,來薄

弩三百,與敵兵确于浦洛河,大敗之。

伏兵, 徐還 斌 解 蕃戎輕佻,勿棄輜 衣遺之, 因率所部 初, 以羸騎挑 無遺失。 守榮與紹斌 去鯔 遣內侍馬從順 重四 戦, 至淸遠,與張 重與戰,當按轡結陣徐行。」守榮等忿 爲期,旣而繼明卒, 已而 五. 里。 :伏發, 驛聞 繼遷 延州 太宗 守禁等戰敗, 初見紹斌 會食。 益嘉之,優韶 故後 旌 見濠中 旗, 日, 1 人裸而 大愕胎 不敢擊。 優美。 遂爲賊所圍。 曰:「若但率兵來迎,勿預 遁, 呼曰:「我白守榮 守榮等自欲邀 蹂賤 守榮等欲擊之, 至 死 者衆。 也。」 功, 與戰。 紹斌 繩引 吾事。 紹斌 率所部 流上, 賊 紹紹

背太原來投,今又首鼠兩端,眞賊臣也。」卽遣使捕繫詔獄鞫問,貶右監門衞率府副率, 敗 上聞 時命李繼隆、范廷召討 ,言紹斌 握兵不顧,自言「靈武非 繼遷、就命紹斌 我不能守」,欲圖方面,有異志。 爲本州都部署兼內外都巡檢使。 太宗怒曰:「此昔嘗 繼隆以浦洛之 虢

安置。

列

傳

第

Ξ

+

九

田

紹

斌

即位, 召還, 授右監門衞大將軍、 領敍州刺史, 尋改萊州防禦使, 韶還其所籍居

發其 第 帖 賜 私 服 良 餘 太初 馬 往 紹 州州 + 心 斌 匹 銜 素 之,及還 勇悍, 調 爲 環 其掠 慶 與同 靈州淸遠軍部署。 奪 朝,言紹斌 職 卽 頗 馳 不 告 叶 心之過。 紹 斌。 轉 運 尋赴 紹斌 慶州 使宋太初 沼,直 召其 有 野雞族數為寇掠 **會帥三人,斷臂、馘** 每 其 按部 事 靈州 /、清遠, 道路 患之。 劓放 多貿 還, 嘗有 寇 斌 感 驍 捷 而

察使。 遣 衞 爲 普 追。 將 使 陰 敗 潛 軍 械 师 與 咸 性 平 繋 知 致 潛 困 巽 州 二年, 屯 下 度 儒 楊 中 御 及嚴涼 嗣議出 , 聞 史臺鞫 Ш 北 之益 河, 面 紹 寇警,復 斌 問, 兵 頗 不 \equiv 喪師 擎計 **死**官 敢出 馳 書 之。 命爲鎭 衆。 於潛 | 黜爲左 賊衆 及紹斌 及夜, 、定、 益 且言: 一衞率府 熾, 普、 高 至 焚劫 「邊衆 陽關路 嗣 卽 副 未還 合兵疾戰, 城 率, 岩。 大至, 押 送往 先鋒 紹 車 斌 但列 駕 -,隸傅潛。 疑其敗衄 獲 駐大名 都 兵 禁其出 白 唐 几 河 召 十餘 潛遣 南, 卽 潛 領 屬 背城 人, 與石 兵援之。 吏, 五 以勞遷 與戰 普並 年 詞 ,授右 逮 戍保州 紹 曾 愼 邢 斌 無 嗣 州 牛 刨 觀 窮

失職 建 充 景德 庭 不宜 旗 初 在 旗 起 衝 倒, 要, 爲 左 壓 乃徙考城都 紹 龍 斌 武 仆地 軍 將 軍 監 遽 起 永城 無 大 中 傷 兵 祥 馬 時 符 都 紹斌已老,其壯健若 初,領 監。 三年, 長 州 刺 遷左 史。 監門 從 此。 東 衞 封 大 , 遷左領軍 將 朝 軍 覲 壇 帝 就 衞 以 班 大將軍 紹 軍 斌

頟

康

州

画

練使、鞏縣都監。

二年,卒,年七十七

班、閤門祗侯。

出爲濮州馬軍教練使。 州兵不能捕,榮往討擒之。 削籍流海 太宗 在藩邸、得隸左右。 王榮,定州人。父洪嗣,仕晉爲本州十縣遊奕使。 島。 未行, 卽位,補殿前指揮使, 加御前忠佐馬步軍都軍頭、領懿州 馬仁瑀子告榮與秦王親吏善,因狂言「我不久當得節帥」,坐 稍遷本班都知、員僚直都虞候。 榮少有膂力,事瀛州馬仁瑀爲厮役。 刺史。 坐受秦王廷美宴勞, 盗發棣州

公錢, 右聽衞大將軍。 事親若此,竄逐之餘,兇行弗悛,豈可復置左右,效晉帝養成張彥澤邪言」卽詔罷,督責,授 軍 遷 龍 都 虞候、峯州觀察使,出爲定州行營都部署。 **衛都指揮使、領羅州團練使。** 雍熙中,召還,爲副軍頭。 不以勞將士, 且母老不迎養, 端拱初,改員寮左右直都虞候兼都軍頭,復領懿州刺史。 率兵戍遂城,邊騎來寇,擊敗之,擒千餘人。 供給 甚薄。 |榮麤率,所爲不中理,侵取官地蒔蔬, 太宗聞而怒曰:「忠臣出於孝子之門, 召拜侍衞 吝惜

累

馬

列

傳 第

榮 將 블 斌 左 亦 黨 凌 以 右 監 轢 榮 軍是州 張 日 張 故 班 明 百 供 類 m 而棄王 奉官張明護定州兵, 明起賤微中,以蹴鞠事朕, 曲 素與榮善,意明構榮之罪,因摭明以報怨。 奏 事 《明罪, 榮哉,奈 君 與親鮮竭其力。 欲 何不求直於理之當也。」遂賜勞明緡錢、 致 刑 憲, **覩榮不法,間嘗規** 苟失其當, 國家賞罰之柄, 潔己小心,見於輩流。 適足以快榮之心, ĪĘ 非所敢私, 榮護短,每疾其攻己。 下樞密院問 夫刑 將帥之職, 罰之加,必當其罪。 東帛,榮遷右羽林軍 而誣罔得以肆行矣。 狀, 皆不 非裨校同。 實。 莊宅使王 上怒, 今王 股 語 斌 且

岸都 石 召爲 ,夜爲蕃寇所劫, 巡 、貝翼 景德 眞宗 檢 使, 行 卽 初 位,領 營副都 與鄭 權 判 獎州刺 懷 左 營部 部 德 金吾 署。 自 大亂,衆 史,尋授濱州防禦使,遷 行 街 師 仗 在 旋, 領 司 六亡殆盡。 復還 龍 事 0 衞 涇原。明年,援送 上 兵 觀 追 法當誅,恕死,除 兵 襲。 (澶淵, 肺 涇原儀渭駐泊部署。咸平二年,車駕北征, 已詔 契丹游 靈 滄州 武 騎涉 名配 部 署荆嗣 河 均州。 ,疏於智略, 冰 抵濮州 先 六年,起爲 率所部 境,命 不嚴 屯淄 左 斥候,至積 爲 衞 青 (黄河 將 軍 南

使。 榮等合兵 年,卒,年七十。 大中 祥 邀 撃之。 符 中, 遷左 二年, 官 其 一 衞 遷左 子。 大將 一神武 軍 榮善射,嘗引強注屋棟,矢入木數寸,時人目爲「王硬弓」。 軍 領 | | | | | | | | | 大將軍、 防禦使。 領 恩州 六年, 刺 史。 朝太清宮 郊 祀 改 命 左 爲 龍 武 河 南 軍 府 一、領達 駐 泊 州 都監 團 練

プL

勇指 揮使。 楊瓊之 汾州 從征太原,以勞補御龍直指揮使。 西河人。 幼事 馮繼業,以材勇稱。 雅熙初,改弩直都虞侯 銀御前忠佐馬步都軍 太宗 召置帳下。 即位,隸御龍直,三遷神

頭、領顯州刺史。

淳化 中,李順 叛蜀 瓊往變、峽擒賊招安,領兵自峽上,與賊遇,累戰抵渝、合,與尹元、 刺史。

裴莊 都 巡 檢使。 分路進討,克資普二州、雲安軍,斬首數千級。 至 道 一初,召還共職。 賊累寇疆, 瓊固桿有功。 明年,徙知霸州棄鈴轄。 導黃河,溉民田數千頃。 未幾,改防禦使, 詔書嘉獎,遣使即軍中眞拜單州 敗賊於合河鎭北,擒獲人畜 靈慶路副 都部署、河外

居多。 賊騎 五. 百掠城下,擊破之,追北三十里。 並賜詔嘉諭

鈐 州 卽 押 合兵 策 轄內園 觀 察 先鋒,屯定州之北。 咸 使 平二年, 與 使 戦。 充 靈、 馮 守規、 是秋, 環 命爲涇原儀渭邠寧環慶淸遠軍靈州路副 千州 都 果長 監崇儀使張繼能 軍 圍清遠,頓 明年,副 副 都 部署兼安撫 王超爲鎭州都 積石河。 曰:「敵近,重兵在前,繼無以進, 副 使。嘗遣使諭旨,賊若寇淸遠及靑岡、 清遠 部署,再遷環慶,徙定州 **屢走間使詣瓊請** 都 部 署。 尋徙鎭、定、高陽關三路 濟師 瓊將悉出 不可悉往。」乃止。 四年 ,召還,以鄜 兵爲援, 白 馬 砦,

列

僔

笰

=

+

九

楊

瓋

錢守

俊

命 副部署 海 州 團 練使潘璘(三)、 都監西京左藏庫劉文質率兵六千赴之, 且曰: 「伺我之繼

至。」瓊逗遛不進,頓慶州。

死。 瓊却師,退保洪德砦, 寇威浸熾, 刺 則 处王 城陷矣。 兵部尚書張齊賢等議請如律,詔特貸命, 寇 鼓兵 壞普謂瓊曰:「靑岡地遠水泉,非屯師計,願棄之。」瓊合謀焚獨糧兵仗,驅老幼以出。 攻 賊泊靑岡城下,瓊與守規、繼能方緩行出師,及聞淸遠之敗,益恇怯不前。 (南門, 其子阿移攻北門, 未嘗交一 堙壕斷橋以戰。 鋒。 削官, 事聞 長流崖州, 于上, 傳召瓊輩, 瓊遣鈴轄李讓督精卒六百往援,至 繼能、守規輩 悉繫御 史獄 同坐, 籍 治 順州 其家 罪當

米。 明年,移道州。

十七。 州 有州卒自言得神術,能飛行空中,州人頗惑,瓊捕至,折其足,奏戮之。 景德初, 錄其子舜臣爲奉職。 起爲右領軍衞將軍,分司西京。 長子舜賓,內殿崇班、閤門祗侯。 累遷左領軍衞大將軍、 領賀州 五年,卒, 團 「練使、 年六 知

症

太祖,從征淮南,戰紫金山,下壽春,獲戰艦千餘艘。 錢 守俊, 濮州雷澤人。 少勇鷙, 嘗爲盜跛澤中,稱「 轉陂鶻」。周顯德中,應募爲鐵騎卒。 繼從克關南。 宋初,補禁衛, 隸散

員直。 西班指揮使,遷馬步軍副都軍頭。 乾德中,轉殿前班都知。 尋征太原,方戰,矢中左足,拔而復進,格鬥不已。 還,改東

屯兵于趙、定。 將北征,田重進出飛狐道,守俊以偏師爲援,邊騎雲集,守俊按甲從容進戰,大敗之。連護 史,移屯趙州。 太平興國四年,命與張紹勍、李神祐、劉承珪率師屯定州,以備北邊。 代還,掌軍頭引見司。 又從征范陽,師還,道遇敵,戰于徐河,斬首千級,奪馬百疋。 **俄加秩領演州刺** 雅熙三年,命

其地。 大將軍、領潘州防禦使、權金吾街仗。 淳化三年,出爲單州團練使。 旣而徙屯石州, 數改官。 時有言守俊病且老,握重兵不堪其職。 又明年, 改遷齊州。 大中祥符三年, 卒, 年八十一 時河西蕃部內擾, 0 召還,授左領軍衞 命以副都部署鎮

守俊累從軍征討, 前後中三十六創。 景德中,錄其子允慶爲奉職。 弟守信,官崇儀副

使,守榮,內園使。

澤、潞,上其功,補控鶴軍使。 徐興,靑州人。 以拳勇得隸兵籍。 征晉陽,部卒壅汾水灌幷州城,益多其勞。還,遷本軍副指揮 周 顯德中,從太祖征淮右。 宋初, 隸御 龍直。 會平

列

傳第三

十九

徐興

王

杲

補天武都虞候,累遷秩,出爲洺州部署。 身被重創, 太平興國初,從潘美趣團柏谷, 無所回撓。 加指揮使。 奮與賊鬥,有果敢氣,人莫能勝。 太宗征太原,討幽薊, 初議建方田,命興董其事,尋復輟。 興從戰,屢中流矢,以著蹟聞。 生擒偽兵馬都監李 端拱中,修鎭

定城,逾月訖工。改莫州防禦使、知靜戎軍,歷祁、博二州。

恶, 戰不利,時王榮援兵不應,遂敗走。 咸平中,爲涇、原、環、慶十州部署。 景德二年,卒,年六十八。 詔督轉靈武芻糧,道積石,率掠於寇。 坐削籍,流郢州。 會赦,入爲右衞將軍,遷左監門 興以步兵畏

衞大將軍。

宗知之,詔賜白金百兩。 州, 右第二軍都虞候。會遣趙保忠還夏州,命杲引兵護送。及還,保忠以方物贐,杲拒不納,太 展應選從行,旣獲戰功,乃拔遷散指揮使,累轉馬軍副都軍頭,屯丼州。 齊州人。 周顯德中, 應募爲卒。 遷右第一軍,屯鎭州 從世宗收三關, 隸先鋒。 宋初,征澤、潞、平揚 雍熙中,爲龍 衞

契丹入寇,隸大將郭守文,扞城,杲守北關,寇退,命督餉藁趣威虜軍。 還抵徐河,時尹

補 繼 倫 都 軍 與寇戰小衄, 頭 (四)、 領動州刺 杲適遇賊河上,即按兵拒之,殺賊,奪所乘馬。 史。 命監河北, 有能聲,尋命閱教定州諸軍騎射, 守文上聞, 入掌軍頭引見 得召見問狀,

州 路 口 · (無)。 副 尙梗,餘黨或保山林以肆姦, 杲與石普等追捕於<u>彭州</u>,於是始平。 部署,道環州,留改丼州,徙知夏州。 李順亂, 與尹元並爲西川招安使, 敗賊,斬首萬級,以功眞拜唐州刺史。 會趙保吉歸款, 召還,次伏落津,移知石州 至道初,乃還。 時賊雖不,道 復遷 ;徙石

|||濕

副

部署。

未幾,以轉餉

河西

失期,降右千牛衞大將軍。

咸平五年,出爲亳州永城縣都監。

被

召

,將入見,以疾亟弗果,卒,年六十四。

李迎戰 重 海 嘗爲 李 重 于代州北嶺, 其 海 應州 應州 馬 金城人。 步 大敗。 軍 都指 祖|高, 美斬咄李, 揮使。 後唐莊宅使、獎州刺史。 太平 擒重誨以獻。 興國 五 年, 潘美出. 太宗召見, 師禦寇, 父彦榮,仕契丹,署環州 補鄧州馬 重海從其節度使蕭咄 步軍都指揮使。 刺 史,

會趙普出鎭,奏監州軍。

雍 熙三年,召還,爲武州 列 傳 第 Ξ + 九 李 重 刺 誨 史,出爲忻州都巡檢、緣邊十八砦招安制置 白 守 素 九五 <u>〇</u>五. 一使,賜服帶、鞍馬

北 兵寇邊, 重誨以所 部邀戰,敗之,獲羊馬、鎧甲甚衆,賜詔嘉美。 會嶺蠻叛, 改廣、桂、融、

宜、柳州招安捉賊使、聽便宜從事。

遂徙重誨爲鈴轄。 崇儀使。 至 積石爲廣騎掠於道,營部大亂,除名,流光州。 至道 景德中, 初,累遷涇原儀將鎭戎軍鈴轄。咸平三年,徙邠寧環慶路。坐轉餉靈武不嚴斥候, 趙德明旣納款, 復遷益州,改皇城使。 或言以鱗、府謀有他志。 大中祥符六年,卒,年六十八。 五年,起爲內殿崇班、鄜延駐泊 上以涇原地要兵衆,盧有緩急, 都監,俄遷

錄爲將作監主簿。 重 誨 純慤寡過。 弟重睿,歷官澄州團練使。 眞宗悼其沒於遠土,命其子乘傳往護柩 子禹偁, 閤門祗候。 歸,聽止驛舍之別次。 子禹謨,

刺 史。 白守素,開封人。 守素以蔭補東班承旨。 祖延遇,仕周 太平興國五年, 至鎭國 軍節度。 遷補右班殿直,以善射,授供奉官、 父廷訓,宋初爲龍捷都指揮使、 帶御器 領 博州

與荆嗣督河北、京東捕賊。 咸平三年春,契丹犯邊,命與王能戍邢州, 四年,命爲鎭州行營鈴轄,領騎兵攝大陣西偏,屢當格鬥。 俄又與麥守恩、石贊領先鋒禦之。 敵 俄改

械,三遷至供備庫使。

定州鈴轄,復徙鎭州。 王繼忠之陷也,宋師還度河,敵人乘之,守素據橋,有失數百,每發必

中,敵不敢近,遂引去。

部署。」上曰:「能頗強愎,尤難共事,聞守素久練邊計,張銳性頗和善, 眞宗與輔臣議三路禦賊,咸曰:「威虜扼北道,要害尤甚,請分騎兵六千屯之,命魏能爲 參知戎務, 庶克相

濟。」乃命守素、銳爲鈴轄,戍順安以貳之。 景德元年,契丹侵長城口,守素與能發兵破之,追北過陽山,斬首級、獲器械甚衆,賜錦

境,俘擒甚衆。及請和,省邊戍之職,與曹璨留任鎭、定。追敍前勞,加合州團練使。 軍,兼涖營田之役,俄爲鎭、定鈴轄。 金帶。 俄徙屯冀州,轉運使劉綜舉其智勇,材任將帥,加領康州刺史。 是多,契丹復內侵,守素敗其前鋒,獲車重,又入敵 又提騎卒戍靜戎

卒,上甚惜之,常賻外別賚錢五十萬,令護喪還京師,錄其一子官。 行,密遣內侍詢於守素,守素頓首感咽,即以崔可道代焉。 大中祥符三年,命副李迪使契丹。 守素居邊歲久,名聞北庭,頗畏伏之。 再遷南作坊使。 大中祥符五年, 上慮其不欲

張思鈞,邢州沙河人。 祖中正,漢澤州刺史。 思鈞少善擊劍、挽強,善博奕。 初應募爲

剜

第三

捉生將 卒, 晉開 **擒小校張萬于江猪嶺。** 運 間 遷廣銳 軍 使。 周廣順 又從符彥卿與丼人鬥代州,留爲南 初,從聶知遇攻河東,破其衆三千餘。 北兩關 巡 從向 檢。 訓 東征 「爲

鎧 思鈞鼓勁騎突入,奪還。何繼筠入晉境,思鈞隸麾下,拔南橋徑度。大將之出,必辟爲先鋒。 郭進、田欽祚戍三交,嘗從戰於石嶺關,斬首萬五千餘級。 太平興國初,屯定州,領兵援磁密,戰敗其衆,身中五十創,奮不顧,乃逐賊,薄軍城,奪馬及 111 甲居多。 鮑淑,掠人騎二百餘。 宋 初, 未幾,邊人復攻,逆戰城下,斬首萬餘級。上嘉之,命賜服帶,領河州 補 龍衛指揮使。 俄屯潞州, 李繼勳下遼州 合戰三十餘。 戰帶甲祠,斬首萬餘級,追奔至長城,擒其將莫 乾德中,以勞秩遷都虞候。 閤門祗候齊延琛、苗泉陷軍中, 刺史。 開寶三年,

會葺 州 不 至,於是敗績, 右堡砦、行、擊寇走之。未幾,寇逼保安軍,與曹璨往援,追躡五十餘里,至木場,寇乃 思鈞 娾 熙三年,邊人寇河間,劉廷讓會戰君子館,命思鈞翼從。 以 武進、素不知民政、僅踰月、即徙濮、軍、濱、棣州巡檢。 陷留軍中數年,役役不得還。端拱初,自契丹始逃歸,授澄州刺史、知齊 時天大寒,弓不得彀,援兵 至道中,改鄜 延巡檢使。

贼 陷漢州, 眞宗 即位,徙益州鈴轄兼綿、漢九州都巡檢使。 思鈞進攻,克之,斬僞刺史苗進,又與石普敗賊彌牟砦。巴西尉傅翺有善馬,思鈞 咸平中,以王均之亂(も),出兵保 綿州。

求之,翺不與。 思鈞平賊,心恃功居多,召翺至,責以轉餉後期,斬之。 上聞其事,傳召付御

史臺輷治,罪當斬,特貸之,削籍流封州。

授唐州防禦副使, 兵事,賜服御有 六年,起爲 加。 左司禦率府率、考城監軍。 徙鄭州。 景德二年,爲西京水北都巡檢使, 大中祥符二年,再遷左千牛衞將軍。 車駕幸澶淵,召詣行在,命李繼隆、石保吉同議 俄分司西京。 四年七月,卒,年八十九。 召對行在,上憫其老,

子承恩,爲三班奉職。

思鈞起行伍,征討稍有功。 質狀小而精悍,太宗嘗稱其「樓羅」,自是人目爲「小樓羅

焉。

禪, 領富州刺史。 命補鎭職。 李琪,河南伊闕人。幼生長兵家,得給事宣祖,左右太祖,以材力稱,進備執御。 嘗請對,自言經事太祖,而京師無居宅,太宗以官第假之。 太宗在京府,復令事之。由是累遷効忠都虞候、開封府馬步軍副都指揮使、 及受

輕。 太宗知之,遂改授屯衞大將軍,領郡如故,乃顧曰:「吾欲置踑於無過之地爾。」加左武 每分遣士卒守護關梁,必覬其贈遺,視所厚薄爲重

列傳

第三

十九

李琪

王

延範

舊,特賜給月奉以養。

九五

衞 大將 軍 景德· 中,以老 且病,表求五日一赴 起居, 俄爲臺諫所糾, 令赴常參。 眞宗念其

大中祥符元年,卒,年八十四。

泰軍留後。 王延範,江陵人。 高從海奏署延範太子舍人。後隨從海孫繼沖入覲,薦爲大理寺丞,知泰州。 形貌奇偉,喜任俠,家富於財。 父保義,爲荆南高氏行軍司馬兼領武

刺殺 日當 謂 法,得八少一,肇驚起曰:「君侯大貴不可言,當如江南李國主。」前戎城主簿田辨自言善相, 有劉昴賣 道惑衆,謂延範曰:「汝意有所之,我常陰爲之助。」延範心喜,敢爲恣橫。後爲江南轉運使, 遷司門員外郎。 大星曰:「此所謂『火星入南斗,天子下殿走』者也。」雷說出星經證之,乃太白行度經南 延範曰:「君是坐天王形、頻伽眼、仙人鼻、雌龍耳、虎望,有大威德,猛烈富貴之相也。 之,益以此自負。 乘四門輂。」 太平興國九年,爲廣南轉運使。 下於吉州市,其言多驗,謂延範曰:「公當偏霸一方。」又有徐肇爲延範推九宮算 至是,有豹入其公宇, 噬傷數吏,從者皆恐慄, 不敢進, 延範獨拔戟前逐, 與廣州掌務殿直趙延貴、將作監丞雷說會宿,觀天象, 性豪率尚氣,尤好術數。嘗通判梓州,有杜先生以左 延貴指 卽

範與知廣州徐休復不協, 閻承翰乘傳,會轉運副使李琯暨休復雜治延範,具伏。 廷機事。 家,務昇除名配商州,延貴等皆抵罪,賜霸錢十萬。 延範日夕與掌市舶陸坦議欲發兵, 延範奴視僚屬,峻刑多怨。 詣休復告延範將謀不軌及諸不法事。 會懷勇小將張壩給使轉運司,延範因事杖之,霸 會坦代歸, 延範寓書左拾遺韋務昇爲隱語, 與昴、辨、坦俱斬廣州市,籍沒延範 休復馳奏之。 太宗遣高品 知延 偵朝

辭 虚 于 夏。 其過而用其長,皆足以集事。 計,人頗畏伏。 引見賜予,屈法使過,用能致其力也。 生,大節虧矣,屢以罪黜,宜哉。 論 紹斌從征討,凡踰百戰,未嘗以爲憚; 思鈞拔身自歸, 重海雖將略不足,亦有可稱。 當斬而貸。 至於一勝一負,兵家常勢,顧其大節何如耳。 榮薄事親, 大抵武夫悍卒,不能無過,而亦各有所長; 下詔督 守俊、興輩以勇得備給使。 屢被廢斥,未嘗以爲慊。 過。 瓊折州卒足以釋妖惑。 若榮也,薄其所 太祖宥盜馬罪, 守素久練邊 王杲 略

列傳

第

三 十

九

Ξ

延

飽

校勘

記

校勘記

(一)劉延讓 按當時討蜀大將, 有以侍衞馬軍都指揮使爲歸州路副都部署的劉光義, 後來改名廷

讓,本書卷二五九有傳。 此「劉延讓」當係「劉廷讓」之誤。

原作「符漢陽」,據本書卷四九四梅山峒蠻傳、宋會要蕃夷五之七三改。

3 潘璘 原作「藩璘」,據本書卷二七九張凝傳、長編卷四九改。

都軍頭

 \exists

苞漢陽

- <u>(</u>돌) 軍頭引見司

原作「部軍頭」,據本書卷一八七兵志、職官分紀卷三五御前忠佐軍頭司條改。

- 「頭」下原衍「目」字,據本書卷一六六職官志、宋會要職官三六之七七
- 右堡砦 卷三八至道元年,宋將孫贊曾在石堡護戍兵,時間和地點都同此處所載相合。疑「右堡砦」爲「石 按本書卷八七地理志,延安府有石堡砦,「國初嘗置城,至道後廢,地在延州北」。長編

堡砦」之誤。

(七) 王均之亂 「均」原作「鈞」,據本書卷六與宗紀、卷二七八雷有終傳改。

九正一二

宋史卷二百八十

列 傳第四十

呂端 畢士安 曾孫 (三仲衍 仲游

呂端字易直,幽州安次人。父琦,晉兵部侍郎。 寇準 端少敏悟好學, 以蔭補千牛備身。

歷

假太常少卿爲副。 太祖即位,遷太常丞、知浚儀縣,同判定州。 八年,知洪州,未上,改司門員外郎、知成都府,賜金紫。 開寶中,西上閤門使郝崇信使契丹,以端 爲政淸簡,遠人

國

子主簿、太僕寺丞、祕書郎、直弘文館,換著作佐郎、直史館。

便之。 端白廷美曰:「主上櫛風沐雨,以申弔伐,王地處親賢,當表率扈從。今主留務,非所宜也。」 廷美由是懇請從行。 會秦王廷美尹京,召拜考功員外郎,充開封府判官。太宗征河東,廷美將有居留之命, **尋坐王府親吏請託執事者違詔市竹木,貶商州司戶參軍。**

列

傳 第 四

+

呂

端

移汝州,復

員 爲 太常丞 外郎兼侍 判寺事 御史知雜 出知蔡州, 事。 使高 麗, 以善政, 暴風 折檣, 吏民列奏借留。 舟人怖恐, 改 端讀書若在齋閣時。 祠部員外郎、知開封 縣,遷考功 遷戶部郎

中、

判太常寺兼禮院,選爲大理少卿,俄拜右諫議大夫。

潁 請 隨 帽 王 州 來。」二使日:「何遽至 繼 問 恩就鞫 至端 副 臣 Mi 許王元僖 輔 答。 使, 佐 卽 一無狀, 于府 臣 左 一之願 奏日:「臣 湿滴 尹開封,又爲 也。」 尉 端方決事 陛下又不 少卿。 前佐 此? 太宗曰:「朕自知卿。」 判官。 秦邸, 重譴 會置 , 」端日:「天子 徐起候之,二使曰:「有詔 「考課院, 以不檢府吏, 王薨, 俾亞 少 有發其陰事者,坐裨贊無狀,遺御史武元穎、 有制問,卽罪人矣,安可在堂上對制使?」卽下堂, 羣官· 列, 有負譴置散 臣 無何,復舊官,爲 謪 罪 掾商 大而 州 推君。」端 幸深矣 、秩者, 陛 下 樞密直學士,逾 復擢官籍 引對, 神色自若,顧從者曰:「取 今有 皆泣 司 辱用。 進 退善否, 涕, 月,拜參 今許王 以饑寒爲 內侍 荷 得 知

夫,立準上。 台 輔 之器也。」歲餘 時 趙普 在 每獨召 中 書 一, 左 一,嘗 便殿,語 諫 日:「吾觀 議 大夫寇準 必 一移唇。 呂公 亦 奏事,得嘉賞未 擢 拜 拜 参知 戶 , 部 政事 侍 郞 平 嘗喜, 端請 章 事 居準下, 遇抑 挫未嘗懼, 太宗卽以端爲 亦不形 左諫議 、于言,

時呂蒙正爲相, 太宗欲相端,或曰:「端爲人糊塗。」太宗曰: 「端小事糊塗,大事不糊

意以 印, 塗。」 決意相之。 相位,時論榮之。 同升政事堂,太宗從之。時同列奏對多有異議,惟端罕所建明。 以淸簡爲務。 圆 端。 後數 會曲宴後苑,太宗作釣魚詩,有云:「欲餌金鈎深未達,磻溪須問釣魚人。」 日,罷蒙正而 端歷官僅四十年,至是驟被獎擢,太宗猶恨任用之晚。 慮與寇準同列,先居相位,恐準不平,乃請參知政事與宰相分日押班知 相端焉。 初,端兄餘慶,建隆中以藩府舊僚參預大政,端復居 一日, 內出手札戒諭: 端爲相持重,識大

[今中書事必經呂端詳酌,乃得聞奏。]端愈謙讓不自當

常事,端不必與知,若軍國大計,端備位宰相,不可不知也。」準遂告其故,端曰:「何以處 謀。 況繼遷悖逆之人乎?陛下今日殺之,明日繼遷可擒乎?若其不然,徒結怨讎,愈堅其叛心 將覆奏。」入曰:「昔項羽得太公,欲烹之,高祖曰:『願分我一杯羹。』夫舉大事不顧其親, 能 爾。」太宗曰:「然則何如?」端曰:「以臣之愚,宜置於延州,使善養視之,以招來繼遷,雖不 之?」準日:「欲斬於保安軍北門外,以戒凶逆。」端曰:「必若此,非計之得也,願少緩之,端 卽 降,終可以繫其心,而母死生之命在我矣。」太宗撫髀稱善曰:「微卿,幾誤我事。」即用 初,李繼遷擾西鄙,保安軍奏獲其母。 其母 後 病死 |延州,||繼遷尋亦死,||繼遷子竟納款請命,||端之力也。 進門下侍郎兼兵部 至是,太宗欲誅之,以寇準居樞密副使,獨召與

列

尚書。

與參 後降階,率羣臣拜呼萬歲。 乃奉太子至福寧庭中。 長,順也,今將如 后 軍,均州安置;旦除名流潯州,籍其家貲。 命繼思 知政 太宗 召端 事李昌齡、殿前都指揮使李繼勳(三、知制誥胡旦謀立故楚王元佐。 不豫,眞宗爲皇太子,端日與太子問起居。 ,端知有變, 何?」端曰:「先帝立太子正爲今日,今始棄天下,豈可遽違命有異議邪?」 眞宗旣立,垂簾引見羣臣,端平立殿下不拜,請卷簾, 鎖繼恩於閤內, 使人守之而入。皇后曰:「宮車已晏駕, 立嗣 以繼勳爲使相,赴陳州 及疾大漸,內侍王繼恩忌太子英明, 貶昌齡忠武軍司馬; 繼 恩右監門衛將 升殿審 太宗崩, 視,然 李皇

右僕 備身,萬殿中省進馬 太保罷。 令梓人爲納陛。嘗召對便殿,訪軍國大事經久之制,端陳當世急務,皆有條理,眞宗嘉納。 六十六,贈司空,諡正惠,追封妻李氏涇國夫人,以其子藩爲太子中舍,尚大理評事,蔚千牛 射,監修國史。 **真宗每見輔臣入對,惟於端肅然拱揖,不以名呼,又以端軀體洪大,宮庭階戺稍峻,特** 在告三百日,有司言當罷奉,詔賜如故。 明年夏,被疾,詔免常參,就中書視事 車駕臨問,端不能興,撫慰甚至。 ,。上疏求解,不許。 十月,以太子 卒,年 加

|端姿儀壞秀,有器量,寬厚多恕,善談謔,意豁如也。 雖屢經擯退,未嘗以得喪介懷。善

彈奏常參官疾告逾年受奉者,又構人訟堂吏過失,欲以中端。端曰:「吾直道而行,無所愧 與人交,輕財好施,未嘗問家事。 李惟清自知樞密改御史中丞,意端抑己,及端觅朝謁,乃

畏,風波之言不足慮也。」

歲,端視如己子,表薦賜出身。故相馮道,鄉里世舊,道子正之病廢,端分奉給之。 域,其國歎重之,後有使往者,每問端爲宰相否,其名顯如此。 玉冒鋒刃給監者曰:「此予之弟,非呂氏子也。」遂得免。 玉子文度爲耀帥,文度孫紹宗 端祖克,嘗事滄州節度劉守文爲判官。守文之亂,兗舉族被害。 時父琦方幼,同郡趙 端兩使絕

事。 婚嫁,因質其居第。」眞宗時,出內府錢五百萬贖還之;又別賜金帛,俾償宿負,遣使檢校家 司奏罷其奉,眞宗特令復舊官,分司西京,給奉家居養病。 藩、尚皆至國子博士,蔚至太子中舍。 景德二年,眞宗聞端後嗣不振,又錄廚爲奉禮郎。 藩後病足,不任朝謁,請告累年,有 端不蓄貲產,藩兄弟貧匱,又迫

府,終觀城令,因家焉。一士安少好學,事繼母祝氏以孝聞。祝氏曰:「學必求良師友。」乃與 舉士安字仁叟,代州雲中人。曾祖宗昱,本縣令。祖球,本州別駕。父以林,累辟使 傳 第 ľŪ + 呂 端 12. 1: 娱

如宋,又如鄭,得楊璞、韓丕、劉錫爲友,因爲鄭人。

榷 乾州,以母老願降任就養,改監汝州稻田務。 土,選知台州,言:「錢氏上圖籍,有司皆張侈賦數,今湖海新民始得天子命吏,宜有安輯,願 用舊籍 歲課增羨。 乾德四年,舉進士。邠帥楊廷璋辟幕府,掌書奏。 。」詔從之。明年,遷左贊善大夫,徙饒州,改殿中丞。 改兗州觀察推官。 太平興國初,爲大理寺丞,領三門發運事。 開寶四年,歷濟州團練推官, 召還,為監察御史。 吳越錢俶 復出. 專掌筦 . 知 納

王素 卿等勉之。」賜襲衣、銀帶、鞍勒馬 軍。 太宗召謂曰:「諸子生長宮庭,未閑外事, **兼韓王府記室參軍,祕書丞張茂直** 雅熙二年, 諸王出閤,愼擇僚屬。 [兼益王府記室參軍,士安遷左拾遺兼冀王府記室參 以虞部郎中王龜從兼陳王府記室參軍,水部員外郎 年漸成人,必資良士贊導,使日聞忠孝之道,

宗曰:「洎視畢士安詞藝踐歷固不減,但履行遠在下爾。」士安以父名又林抗章引避,朝議謂 俄以本官知 文,太宗閱 士 一安本名士元,以「元」犯王諱遂改焉。 視累日 制誥,王請對願留府邸,不許。 ,問近臣曰:「其才已見矣,其行 淳化二年,召入翰林爲學士。 遷考功員外郎。 敦優。」或以士安對。 端拱中,詔王府僚屬各獻所著 上曰:「正協股意 大臣 以張消薦、太

二名不偏諱,不聽。

部侍 尹開封府,召爲判官,及爲皇太子,以兼右庶子遷給事中,登位,命權知開封府事,拜工 .郎、樞密直學士。 時近臣有怙勢強取民間定婚女,其家訴於府,士安因對奏,還之。 三年,與蘇易簡同知貢舉,加主客郞中,以疾請外,改右諫議大夫、知潁州。 真宗以壽 宮

府常從爲廷職者,每授任於外,必令士安戒勗。

入爲翰林侍讀學士。 備載。」眞宗然之,遂命刊刻。 晉事多鄙惡不可流行者。 眞宗以語宰相, 理財之策,眞宗嘉納。 咸平初,辭府職,拜禮部侍郎,復爲翰林學士。 景德初,兼祕書監。 士安以目疾求解,改兵部侍郎,出知路州, 士安日:「惡以戒世,善以勸後。 契丹謀入境,士安首疏五事應詔,陳選將、餉兵、 韶選官校勘三國志、晉唐書。 特加月給之數。 善惡之事,春秋 或有言兩

積,朝臣罕出其右者, 第不爲流俗所喜。今天下之民雖蒙休德, 涵養安佚, 而西北跳梁爲 |宗曰:「聞其好剛使氣。」又對曰:「準方正,慷慨有大節,忘身徇國,秉道疾邪,此其素所蓄 宗曰:「朕倚卿以輔相,豈特今日。然時方多事,求與卿同進者,其誰可?」對曰:「宰相者, 邊境患,若輝者正所宜用也。」」眞宗曰:「然,當藉卿宿德鎭之。」未閱月,以本官與準同拜平 必有其器,乃可居其位,臣鸄朽,實不足以勝任。寇準兼資忠義,善斷大事,此宰相才也。」眞 李沆卒,進士安東部侍郎、參知政事,入謝,眞宗曰:「未也,行且相卿。」士安頓首。

列傳第四十

畢

士安

章事。」士安兼監修國史,居準上。

知 所自明。 **準爲相,守正嫉惡,小人日思所以傾之。 有布衣申宗古告準交通安王元傑,準皇恐,莫** 士安力辯其誣,下宗古吏,具得姦罔,斬之,準乃安。

安出。 謂當亟往,不可緩。卒用士安議。 卻 益東駐陽城淀,遂攻高陽,不得逞,轉窺貝、冀、天雄,兵號二十萬。 眞宗坐便殿,問策 景德元年九月,契丹統軍撻覽引兵分掠威虜、順安、北平,侵保州,攻定武,數爲諸軍所 士安與寇準條所以禦備狀,又合議請眞宗幸澶淵。 士安言澶淵之行,當在仲多,準

獨士安以爲可信,力贊眞宗當羈縻不絕,漸許其成。眞宗謂敵悍如此,恐不可保。 其巢穴,此請殆不妄。 「臣嘗得契丹降人,言其雖深入,屢挫不甚得志,陰欲引去而恥無名,且彼寧不畏人乘虛覆 初,咸平六年,雲州觀察使王繼忠戰陷契丹。 繼忠之奏,臣請任之。」眞宗喜,手詔繼忠,許其請和 至是,爲契丹奏請議和,大臣莫敢如何。 士安日:

言大臣應之。 其不可,惟堅定前計。 士安得以身當星變而就國事,心所願也。」已而少間,追至<u>澶淵</u>,見于行在。時已聚兵數十 時已詔巡幸, 士安適臥疾,移書準曰:「屢請舁疾從行,手詔不許,今大計已定,唯君勉之。 而議者循鬨鬨,二三大臣有進金陵及成都圖者。一士安亟同準請對,力陳 真宗嚴兵將行,太白晝見,流星出上台北貫斗魁。 或言兵未宜北,或

萬,契丹大震,猶乘衆掠德淸。 至澶北鄙,爲伏弩發射,撻覽死,衆潰遁去。

擇用各得其任。 還,乃按邊要選良守將易置之:雄州以李允則,定州馬知節,鎭州孫全照,保州楊延昭,它所 極諫等科,以廣取士。 夏州趙德明亦款塞內附。 銀絹三十萬,朝論皆以爲過。」士安曰:「不如此,契丹所顧不重,和事恐不能久。」及罷兵,從 會曹利用自契丹使還,具得要領,又與其使者姚東之俱來,講和之議遂定。 令塞上得境外牛馬類者悉還之,通互市,除鐵禁,招流亡,廣儲蓄。 二方旣定,中外略安。 量時制法,次第施行。 復置賢良方正直言 歲遺契丹 未幾,

崇政殿廬,疾暴作,眞宗步出臨視,已不能言。 子世長爲太子中舍,慶長爲大理寺丞,孫從古爲將作監主簿。 車駕臨哭,廢朝五日,贈太傅、中書令,諡文簡。以皇城使衞紹欽治葬,有司給鹵簿。 二年,章七八上,以病求免,優詔不允。 遣使敦諭,不得已,復起視事。 詔內侍竇神寶以肩輿送歸第,卒,年六十八。 十月晨朝,至 錄其

偁、陳彭年皆門人也。 自規檢,庶幾寡過爾。」凡交游無黨援,唯王祐、呂端見引重,王旦、寇準、楊億相友善,王禹 |讎校,或親繕寫。又精意詞翰,有文集三十卷。嘗謂人曰:「僕仕宦無赫赫之譽,但力 士安端方沉雅,有淸識,醞藉,美風采,善談吐,所至以嚴正稱。 禹偁,濟州人。 幼時以事至士安官舍,士安識其非常童,留之,敎以 年耆目眊,讀書不輟,

傳第四

+

畢

士安

學, 譽業日 顯。 後遂登科進用,更在土安前。及土安知制誥,其命乃禹偁詞也。

家假貸爲生,宜有以周之者,竊謂當出上恩,非臣敢爲私惠。」眞宗感歎,賜白金五千兩 聞之感歎。 有 古人之風,遽此淪沒,深可悼惜。」及王旦爲相,面奏:「陛下前稱畢士安淸愼如古人,在位 士安沒後,眞宗謂寇準等曰:「畢士安善人也,事殷南府、東宮,以至輔相。 仕至輔相,而四方無田園居第,沒未終喪,家用已屈,眞不負陛下所知。 飭躬愼行, 然使其

郎、知洋州 部員外郎,從簡博羅令,從道殿中丞,從範山南 子 世長至衞尉卿,慶長至太府卿。 曾孫仲達、仲偃仕至郡守,仲衍、仲游、仲愈。 孫從善光祿少卿,從古駕部郎中,從厚、從誨檢校水 西道節度推官,從益太常寺太祝,從周朝散

金。 道。 計工,又聽民自以其力輸助。邑子馬宏以口 以 五 日得其姦,言于昪,流宏鄧州,一縣相賀。 取諸民,由十百而至千萬未已也,君將不堪。 令欲 宏卽詣府宣言:「縣吏盡私爲學之費,又將賦於民。」昇果疑焉, 敕縣且止, 仲衍字夷仲,以蔭爲陽翟主簿。 上疏辯,仲衍曰:「亡益也,不如取宏治之,不辯 張昪(三),縣人也,方鎭許,請於朝,欲興鄉校,旣具材 . 舌横閭 給事中張問居里中,謂仲衍曰:「諺云『鋤一惡, 誠捐百金予我,我能 三、謾謂諸豪曰:「張公興 自 ·直矣。」會攝縣事 止役。」豪信其能,予 學,而縣令乃因 卽 又揭其事於 逮 捕 驗治, 百

長十善』,君之謂也。」

IĘ, 預其元會,盡能記其朝儀節奏,圖畫歸獻。後錢勰出使,契丹主猶問:「畢少卿何官?今安 舉進士中第,調沈丘令。 奉使契丹,宴射連破的,衆驚異之。且偉其姿容,密使人取其衣爲度,製服以賜。時 歐陽修、呂公著薦之,入司農爲主簿,升丞。吳充引爲中書檢

曲盡其當。 年,乃以祕閣校理同知太常禮院,爲官制局檢討官,制文字千萬計,區別分類,損益删補,皆 <u>王珪與</u>充不相能,以<u>仲衍爲</u>充所用,數求罪過欲傷之,卒無可乘,但留滯不遷。 凡從中問其事,必須仲衍然後報,他人不知也。撰中書備對三十卷,士大夫家 經四

爲寵 幾,暴得疾,一夕卒,年四十三。帝遣中使唁其家,賻錢五十萬。 高麗使入貢,詔館之。上元夕,與使者宴東闕下,作詩誦聖德,神宗次韻賜焉,當時以 官制行,帝自擢起居郎,王珪留除命,謂爲太峻,爭於前。 帝連稱曰:「是當得爾。」未

爭傳其書。

裕 西征,運期迫遽,陝西八十縣餽輓之夫三十萬,一旦悉集,轉運使范純粹、李察度受其賦 仲游字公叔,與仲衍同登第,調壽丘柘城主簿、羅山令、環慶轉運司幹辦公事。 從高遵

錢之最,戒勿啓扃鐍,共簿其名數以爲質,預飭具斛量數千, 所,人自 而給之食,必曠日乃可。 「非君幾敗吾 **鄭槩,輸其半而以半自給,不終朝霍然而散。** 事。」 會僚屬議,皆不知所爲,以諉仲游。 翌日,大軍遂行。純粹、察歎且謝曰: 洞撤倉庾牆壁,使贏糧者至其 仲游集諸縣吏、令先効金帛緡

爲矯也,且行,買二茶七而去。 按 | 載異其文,擢爲第一。 敢 掠 視 之於帥牙, 如 元站 列 和,縝 初, 爲軍器衞尉丞。 奴告有卒剽其衣於公堂之側,縝怒,將置卒於理。 非人情也。」取 加集賢校理、開封府推官,出提點河東路刑獄。 以付獄治,卒得免。 召試學士院,同策問者九人,乃黃庭堅、張耒、晁補之輩。 **緘日:「如公叔** 可謂眞清矣。」 太原銅器名天下,獨不市一物; 仲游曰:「奴衣服尠薄而 韓縝以故相在太原, 懼 人以

內曰:「郡振施與平糴若干萬碩。」實虛張其數。富室知有備,亦相勸發廩。 召 拜職方、司勳二員外郎,改祕閣校理、知耀州。 是歲大旱,仲游先民之未飢, 凡民就食者十七 揭 **%**境

降,皆爵命於朝,冠冕居正 徽宗時,歷知鄭、鄆二州,京東、淮南 ; 而子鯉、孫伋乃野服幅巾以祭,爲不稱。詔皆追侯之。 轉運副使四。 入爲吏部郎中,言孔子廟自顏回以 萬

九千

口,無一人去其鄉。

|仲游早受知於司馬光、呂公著,不及用; 范純仁尤知之,當國時, 又適居母喪, 故未嘗

得尺寸進。然亦墮黨籍,坎壈散秩而終,年七十五。

文章規切時政。 仲游憂其及禍, 貽書戒之曰: 仲游爲文切於事理而有根柢,不爲浮誇詭誕、戲弄不莊之語。 蘇軾在館閣,頗以言語

危身觸諱以游其間,殆猶抱石而救溺也。 無是非之言,猶有是非之疑,又况其有耶?官非諫臣,職非御史,而非是人所未是(邑), 者或已敗君之事矣。天下論君之文,如孫臏之用兵,扁鵲之醫疾,固所指名者矣。雖 而未畏於文,是其所是則見是者喜,非其所非則蒙非者怨;喜者未能濟君之謀,而怨 出口者爲言,其形于詩歌、贊于賦頌、託于碑銘、著于序記者,亦語言也。今知畏於口 出乎此。君自立朝以來,禍福利害繫身者未嘗言,顧直惜其言爾。夫言語之累,不特 孟軻不得已而後辯,孔子欲無言,古人所以精謀極慮,固功業而養壽命者,未嘗不

司馬光爲政,反王安石所爲,仲游予之書曰:

錢,去鹽法,凡號爲利而傷民者,一掃而更之,則向來用事於新法者必不喜矣。不喜之 作之情,而徒欲禁其散斂變置之事,是以百說而百不行。今遂廢青苗,罷市易,蠲役 散青苗、置市易、斂役錢、變鹽法者,事也; 而欲興作、患不足者,情也。 昔安石以興作之說動先帝,而息財之不足也,故凡政之可以得民財者無不用。蓋 。 苟未能 杜其興

列傳

第四十

畢士安

置,蠲者可復斂,去者可復存矣。 言不足之事,以動上意,雖致石人而使聽之,猶將動也。如是,則廢者可復散,罷者可復 人,必不但曰『青苗不可廢,市易不可罷,役錢不可蠲,鹽法不可去』;必操不足之情, 則不足之情,可不預治哉?

足之論不得陳於前,然後所論新法者,始可永罷而不可行矣。 可支二十年之用。數年之間,又將十倍於今日。 爲今之策,當大舉天下之計,深明出入之數,以諸路所積之錢栗一歸地官,使經費 使天子曉然知天下之餘於財也,則不

職司、使者,十有七八皆安石之徒,雖起二三舊臣,用六七君子,然累百之中存其十數, 弟喜見顏色而未敢賀者,以其病之猶在也。 復置,况未罷乎?役錢、鹽法亦莫不然。 烏在其勢之可爲也。 昔安石之居位也,中外莫非其人,故其法能行。今欲救前日之敞,而左右侍從(云)、 勢未可爲而欲爲之,則青苗雖廢將復散,况未廢乎?市易雖罷且 以此救前日之敞,如人久病而少間,其父子兄

光、賦得書聳然,竟如其慮。

被遇先帝,可除罪籍。」以仲愈爲都官郎中,擢秘書少監,卒。 仲愈歷國子監丞、諸王府侍講、知鳳翔府,坐兄仲游陷黨籍,例廢黜,徽宗曰:「畢仲衍 列傳第四十 寇

準

準輒引帝衣,令帝復坐,事決乃退。上由是嘉之,曰:「朕得寇準,猶文皇之得魏徵也。 **益器重之。擢尚書虞部郎中、樞密院直學士,判吏部東銓。嘗奏事殿中,語不合,帝怒起,** 院,授右正言、直史館,爲三司度支推官,轉鹽鐵判官。 未嘗輒出符移,唯具鄉里姓名揭縣門,百姓莫敢後期。累遷殿中丞、通判鄆州。召試學士 <u>森</u>秋三傳,年十九,舉進士。 <u>太宗</u>取人,多臨軒顧問,年少者往往罷去。 或教準增年,答曰: 「準方進取,可欺君邪?」後中第,授大理評事,知歸州巴東、大名府成安縣。 寇準字平仲,華州下邽人也。父相,晉開運中,應辟爲魏王府記室參軍。 會詔百官言事,而準極陳利害,帝 每期會賦役, 準少英邁,通

若 問 贓少乃伏誅;)准以參政河之弟,盜主守財至千萬,止杖,仍復其官,非不平而何?」|太宗以 曰:「願召二府至,臣卽言之。」有詔召二府入,準乃言曰:「頃者祖吉、王淮皆侮法受財,吉 沔, [影響;大旱之證,蓋刑有所不平也。]太宗怒,起入禁中。 頃之,召準問所以不平狀,準 淳化二年春,大旱,太宗延近臣問時政得失,衆以天數對。 |沔頓首謝,於是切責||沔,而知||準爲可用矣。 即拜準左諫議大夫、樞密副使,改同知院 準對日:「洪範天人之際,應

濱與遜雅相善,遜嗾上其事。 **|準與知院張遜數爭事上前。** 準引仲舒爲證,遜令賓獨奏,其辭頗厲,且互斥其短。帝怒, 他日,與温仲舒偕行,道逢狂人迎馬呼萬歲,判左金吾王

謫遜,準亦罷知<u>青州</u>。

不苦也。」數日,輒復問。 帝 顧準厚,旣行,念之,常不樂。 左右揣帝意且復召用準,因對曰:「陛下思準不少忘,聞準日縱酒, 語左右曰:「寇準在靑州樂乎?」對曰:「準得善藩,當

未知亦念陛下乎?」帝默然。明年,召拜參知政事。

璟不賞邊功,卒致開元太平。 懌,日:「古羌戎尙雜處伊、洛,彼蕃夷易動難安,一有調發,將重困吾關中矣。」準言:「唐宋 自唐末,蕃戶有居渭南者,温仲舒知秦州,驅之渭北,立堡栅以限其往來。 疆場之臣邀功以稔禍,深可戒也。」帝因命準使渭北,安撫族 太宗覽奏不

帳,而徙仲舒鳳翔。

婦人、中官,不可也;謀及近臣,不可也;唯陛下擇所以副天下望者。」帝觅首久之,屛左右 敢言者。準初自靑州召還,入見,帝足創甚,自褰衣以示準,且曰:「卿來何緩耶?」準對 曰:「襄王可乎。」準曰:「知子莫若父,聖慮旣以爲可,願卽決定。」帝遂以襄王爲開封尹,改 曰:「臣非召不得至京師。」帝曰:「朕諸子孰可以付神器者?」準曰:「陛下爲天下擇君,謀及 至道元年,加給事中。時太宗在位久,馮拯等上疏乞立儲貳,帝怒,斥之嶺南,中外無

準謂 封壽王,於是立爲皇太子。 曰:「人心遽屬太子,欲置我何地? 廟見還,京師之人擁道喜躍,曰:「少年天子也。」帝聞之不懌,召 」準再拜賀曰:「此社稷之福也。」帝入語后嬪, 宮 中

皆前

貿。

復出,延準飲,極醉而

罷

與準抗,故得以任胸臆,亂經制。 康轉運使康戩亦言:呂端、張洎、李昌齡皆準所引,端德之,泊能曲奉準,而昌齡畏慄,不敢 彭惟節位素居馮拯 準怒, 祠南郊,中外官皆進秩。 堂帖戒拯毋亂朝制。 下, 拯轉處部員外郎, 太宗怒,準適祀太廟攝事, 拯憤極,陳準擅權, 準素所喜者多得臺省清要官, 惟節轉屯田員外郎, 又條上嶺南官吏除拜不平數事。 召責端等。 章奏列銜, 所惡不及知者退序進 端曰:「準性剛自 惟節 猶

辯,失執政體。」準猶力爭不已,又持中書簿論曲直於帝前,帝益不悅,因歎曰:「鼠雀尙知人 任,臣等不欲數爭,慮傷國體。」因再拜請罪。及準入對,帝語及馮拯事,自辯。 帝曰:「若廷

意,況人乎?」遂罷準知鄧州

眞宗即位,遷尚書工部侍郎。

鐵、度支、戶部爲一使,眞宗命雕裁定,遂以六判官分掌之,繁簡始適中。 鳳翔府。 帝幸大名,詔赴行在所,遷刑部,權知開封府。六年,遷兵部,爲三司使。時合鹽 三年,朝京師,行次閿鄉,又徙

咸平初,徙河陽,改同州。

帝久欲相準,患其剛直難獨任。 景德元年,以畢士安參知政事,踰月,並命同中書門下

列

傳

第

四 +

平章 不過 書一夕凡五至,準不發,飲笑自如。 明日,同列以聞,帝大駭,以問準。 準日:「陛下欲了此, 徜 「陛下入則臣不得見,大事去矣,請毋還而行。」帝乃議親征,召羣臣問方略。 洋 五 無 鬭意 ,準以集賢殿大學士位士安下。 日 爾。」因請帝幸澶州。 準曰:「是狃我也。請練師命將,簡驍銳據要害以備之。」是多,契丹果大入。急 同列懼,欲退,準止之,令候駕起。帝難之,欲還內。 是時,契丹內寇,縱游騎掠深、祁間,小不利輒引去,

罪可誅 堯叟, 以老其師,勞佚之勢,我得勝算矣。 旣 蜀人也,請幸成都。 也。 而 契丹圍瀛州,直犯貝、魏,中外震駭。 今陛下神武, 將臣協和, 若大駕親征, 賊自當遁去。 不然, 出奇以撓其謀, 堅守 帝問準,準心知二人謀,乃陽若不知,曰:「誰爲陛下畫此策者, 奈何棄廟社欲幸楚、蜀遠地,所在人心崩潰,賊乘勢深 。參知政事王欽若,江南人也,請幸金陵,陳

屏間, 下,準厲聲曰:「陛下不以臣言爲然,盍試問瓊等。」瓊卽仰奏曰:「寇準言是。」準曰:「機不可 其左右肘 氣未歸,非所以取威決勝也。 入,天下可復保邪?」遂請帝幸澶州 及至南城,契丹兵方盛,衆請駐蹕以覘軍勢。 謂曰:「太尉受國恩,今日有以報乎?」對曰:「瓊武人,願効死。」準復入對,瓊 四方征鎮赴援者日至,何疑而不進?」衆議皆懼,準力爭之,不決。 且王超領勁兵屯中山以扼其亢,李繼隆、石保吉分大陣以 準固請曰:「陛下不過河,則人心益危,敵 出 遇 高瓊於 隨立 庭 扼

失,宜趣駕。」瓊卽壓衞士進輦,帝遂渡河,御北城門樓,遠近望見御蓋,踴躍歡呼,聲聞數十

里。契丹相視驚愕,不能成列。

呼。 擊,斬獲太半,乃引去。上還行宮,留準居城上,徐使人視準何爲,準方與楊億飲博,歌謔歡 罷兵,準之力也。 「雖有敕,汝所許毋過三十萬,過三十萬,吾斬汝矣。」利用至軍,果以三十萬成約而還。河北 不得已許之。 子弩,弩撼機發,矢中撻覽額,撻覽死,乃密奉書請盟。 準欲邀使稱臣,且獻幽州地。帝厭兵,欲羈縻不絕而已。有譖]準幸兵以自取重者,準 帝喜曰:「準如此,吾復何憂。」相持十餘日,其統軍撻覽出督戰。時威虎軍頭張慶守床 帝盡以軍事委準,準承制專決,號令明肅,士卒喜悅。敵數千騎乘勝薄城下,詔士卒迎 '帝遣曹利用如軍中議歲幣,曰:「百萬以下皆可許也。」準召|利用至幄, 準不從, 而使者來請益堅, 帝將許 語曰:

有社稷功,何也?」帝愕然曰:「何故?」」欽若曰:「城下之盟,春秋恥之;澶淵之舉,是城下 之功,雖帝亦以此待準甚厚。王欽若深嫉之。一日會朝, 準先退,帝目送之, 欽若因進日: 相所以進賢退不肖也,若用例,一吏職爾。」二年,加中書侍郎兼工部尚書。 「陛下敬寇準,爲其有社稷功邪?」帝曰:「然。」欽若曰:「澶淵之役,陛下不以爲恥,而謂準 準在相位,用人不以次,同列頗不悅。它日,又除官,同列因吏持例簿以進。 準曰:「字 準頗自矜澶淵

列傳

之盟 博者 也。以萬乘之貴而爲城下之盟,其何恥如之!」帝愀然爲之不悅。欽若曰:「陛下聞博 1輸錢欲 盡,乃罄所有出之,謂之孤注。 陛下,寇準之孤注也,斯亦危矣。」

具、德、博、洛、濱、棣巡檢捉賊公事,遷兵部尙書,入判都省。 許人官,以爲己恩。 院使、同平章事。 由 是帝顧準寖衰。 俟行,當深戒之。」從封泰山 明年, 罷爲刑部尙書、知陝州,遂用王旦爲相。 ,遷戶部尙書、知天雄軍。 幸亳州,權東京留守,爲樞密 帝謂旦日:「寇準多 祀汾陰, 命提舉

|準所 臣所避;而準乃爲已任,此其短也。」未幾,罷爲武勝軍節度使、同平章事、判河南府。 且言在魏時嘗進河北絹五萬而三司不納,以至闞供,請劾主吏以下。然京師歲費絹 助纔五萬。 林特爲三司使,以河北歲輸絹闕,督之甚急。 帝不悅,謂王旦曰:「準剛忿如昔。」旦曰:「準好人懷惠,又欲人畏威, 而準素惡特,頗助轉運使李士衡而 百萬, 沮特, 皆大 徙永

日日 :「始不信天書者準也。今天書降,須令準上之。」準從上其書,中外皆以爲非。 天禧元年,改山南東道節度使,時巡檢朱能挾內侍都知周懷政詐爲天書,上以問王旦。 **遂拜中**

書侍郎兼吏部尚書、同平章事、景靈宮使。

三年,祀南郊,進尙書右僕射、集賢殿大學士。時眞宗得風疾,劉太后預政於內,準請

帝初不知也,他日,問左右曰:「吾目中久不見寇準,何也?」左右莫敢對。帝崩時亦言惟 間曰:「皇太子人所屬望,願陛下思宗廟之重,傳以神器,擇方正大臣爲邪翼。 **|準與||李迪可託,其見重如此。 犢車詣曹利用計事,明日以聞。** 罷皇后預政,奉帝爲太上皇,而傳位太子,復相準。 演,佞人也,不可以輔少主。」帝然之。準密令翰林學士楊億草表,請太子監國,且欲援億輔 已而謀洩,罷爲太子太傅,封萊國公。 乃誅懷政,降準爲太常卿、知相州,徙安州,貶道州司馬。 時懷政反側不自安,且憂得罪,乃謀殺大臣,請 客省使楊崇勳等以告丁謂,謂微服夜乘 丁謂、錢惟

僮謀欲報仇者,乃杜門使縱博,毋得出,伺謂行遠,乃罷。 深。及準貶未幾,謂亦南竄,道雷州,準遣人以一蒸羊逆境上。謂欲見準,準拒絕之。聞家 準鬚,謂起,徐拂之。 準笑曰:「參政國之大臣,乃爲官長拂鬚邪?」謂甚愧之,由是傾構日 乾興元年,再貶雷州司戶參軍。 初,丁謂出準門至參政,事準甚謹。 **嘗會食中書,羹汚**

取自洛中,既至數日,沐浴,具朝服束帶,北面再拜,呼左右趣設臥具,就榻而卒。 天 聖元年,徙衡州司馬。初,太宗嘗得通天犀,命工爲二帶,一以賜準。及是,準遣人

自成 都罷還,準嚴供帳,大爲具待。 初,張詠 在成都,聞準入相,謂其僚屬曰:「寇公奇材,惜學術不足爾。」及準出陝,詠適 詠將去, 輝送之郊, 問日:「何以教準?」詠徐日:「霍光

列傳第

四十

寇準

九五三四

{傳 不可不讀也。」準莫諭其意,歸取其傳讀之,至「不學無術」,笑曰:「此張公謂 我矣。」

準少年富貴,性豪侈,喜劇飲,每宴賓客,多闔扉脫驂。 家未嘗爇油燈,雖庖匽所在,必

然炬燭。

學士孫抃撰神道碑,帝爲篆其首曰「旌忠」。 嗣。 路,折竹植地,挂紙錢,逾月視之,枯竹盡生筍。 準歿後十一年,復太子太傅,贈中書令、萊國公,後又賜諡曰忠愍。 「雷州踰年。 既卒,衡州之命乃至,遂歸葬西京。道出荆南公安〔七〕,縣人皆設祭哭於 衆因爲立廟,歲時享之。 皇祐四年,韶翰林 無子,以從子隨爲

宗謂之「大事不糊塗」者,知臣莫過君矣。宰相不和,不足以定大計。畢士安薦寇準,又爲 宗之立,閉王繼恩於室,以折李后異謀,而定大計,旣立,猶請去簾,升殿審視,然後下拜,太 <u>準於太宗朝論建太子,謂神器不可謀及婦人、謀及中官、謀及近臣,此三言者,可爲萬世龜</u> 久盟;由是<u>西夏失牽制之謀,隨亦內附。景德、咸平以來,天下乂安,二相協</u>和之所致也。 之辨誣。 論曰:呂端諫秦王居留,表表已見大器,與寇準同相而常讓之,留李繼遷之母不誅。眞 契丹大舉而入,合辭以勸眞宗,遂幸澶淵,終却鉅敵。及議歲幣,因請重賄,要其

鑑。 有直言之風,而少包荒之量。 澶淵之幸,力沮衆議,竟成雋功,古所謂大臣者,於斯見之。 定策禁中,不慎所與,致啓懷政邪謀,坐竄南裔。 然挽衣留諫,面詆 勳業如是而 同 .列,雖

不令厥終,所謂「臣不密則失身」,豈不信哉

校勘記

一曾孫 原作「子」。按本卷畢士安傳載,仲衍、仲游都是士安的曾孫,據改。

 \exists 殿前都指揮使李繼勳 此九字當行。 查本書卷二五四李繼勳傳,繼勳卒於太平興國初,不可能

參與王繼恩這次密謀。

六六王繼恩傳,也只提到李昌齡、胡旦,無李繼勳。 下文「以繼勳爲使相,赴陳州」九字亦當衍。

長編卷四一、編年綱目卷五記載此事,都沒有說李繼勳參與;本書卷四

張昇 原作「張昇」,參看本書卷三一八張異傳校勘記。 下文「昪」字各條同

京東淮南轉運副使 「京東」原作「京南」。宋無「京南路」之名,畢仲游西臺集卷二有京東運副謝

到任表,列於鄭州謝到任表之後,說:「分符京右,方謹頒條,改使山東,猥當外計。」 「京南」 係

「京東」之誤。

列

傳

第

四十

校

勘記

(E 有 非是人所未是 脫 漏。 按西臺集卷八上蘇子瞻書,本句作「而非人所未非,是人所未是」。 疑此處史文

(+) 道出荆南公安

「荆南」原作「京南」,據長編卷一〇一、編年綱目卷九改。

宋史卷二百八十二

列傳第四十一

李沆 弟維 王旦 向敏中

讓辟,爲觀察支使。懷讓徙同州,又爲掌書記,歷邠州、鳳翔判官,拜殿中侍御史、知舒州。 太祖征金陵,緣准供億,惟舒尤甚,以勞加侍御史,卒。 李沆字太初,洛州肥鄉人。曾祖豐,泰陵令。 祖滔,洛州團練判官。 父炳,從邢帥薛懷

又以沉素貧,多負人錢,別賜三十萬償之。 嘉士也。」即命中書幷化基召試,並除右補闕、知制誥。 科,爲將作監丞、通判潭州,遷右贊善大夫,轉著作郞。 太宗甚悅,命直史館。 沈少好學,器度宏遠,炳嘗語人曰:「此兒異日必至公輔。」太平興國五年,舉進士甲 雍熙三年,右拾遺王化基上書自薦,太宗謂宰相曰:「李沆、宋湜,皆 四年,與翰林學士宋白同知貢舉。 相府召試約束邊將詔書,旣奏御, 謗議雖衆,而

列

傳 第 四 十

李沆

不歸咎于沆。遷職方員外郎,召入翰林爲學士。

知河南 給 郎、參知政事。 事 中、參知政事。 淳化二年,判吏部銓。 府。 眞宗升儲,遷禮部侍郎兼太子賓客,詔東宮待以師傅禮。 威平初,以本官平章事,監修國史,改中書侍郎。 四年,以本官罷,奉朝請。未幾,丁內艱,起復,遂出知昇州。 **嘗侍曲宴,太宗目送之曰:「李**流風度端凝,眞貴人也。」三年,拜 眞宗卽位, 遷戶部侍 未行,改

最爲 宗,李勉以爲眞姦邪,是也。」眞宗曰:「姦邪之迹,雖曰難辨,然久之自敗。」 樹黨難制,遂使王室微弱,蓋姦邪難辨爾。流對曰:「佞言似忠,姦言似信,至如盧杞蒙蔽德 舒不足與共事。 (先。」問其人,曰:「如梅詢、曾致堯等是矣。」後致堯副温仲舒安撫陝西,於閤門疏言仲 累加門下侍郎、尚書右僕射。」眞宗問治道所宜先,沈曰:「不用浮薄新進喜事之人,此 會契丹犯邊,眞宗北幸,命沆留守,京師肅然。 輕銳之黨無不稱快,流不喜也,因用他人副仲舒,罷致堯。 眞宗還, 沉迎于郊, 命坐置酒, 慰勞久 帝嘗語及唐人

謂之曰:「人皆有密啓,卿獨無,何也?」對曰:「臣待罪宰相,公事則公言之,何用密啓。夫 戚里,無攻戰之勞,台席之拜,恐騰物議。」他日再三問之,執議如初,遂止。帝以沈無密奏, 夕, 遣使持手詔欲以劉氏爲貴妃, 沉對使者引燭焚詔, 駙馬都尉石保吉求為使相,復問沈,沈曰:「賞典之行,須有所自。保吉因緣 附奏曰:「但道臣沈以爲不

人臣有密啓者,非讒卽佞,臣常惡之,豈可効尤。」

有也。 之地,苟失之,則緣邊諸郡皆不可保。帝頗惑之,因訪於沆。沆曰:「繼遷不死,靈州非朝廷 時李繼遷久叛,兵衆日盛,有圖取朔方之意。 莫若遣使密召州將,使部分軍民空壘而歸,如此,則關右之民息肩矣。」方衆議各異, 朝廷困於飛輓,中外咸以爲靈州乃必爭

未即從流言,未幾而靈州陷,帝由是益重之。

眞聖人也。」當時遂謂之「聖相」。 王欽若、丁謂等所爲,欲諫則業已同之,欲去則上遇之厚,乃以沈先識之遠,嘆曰:「李文靖 沒後,眞宗以契丹旣和,西夏納款,遂封岱、祠汾,大營宮觀,蒐講墜典,靡有暇日。 不留意聲色犬馬,則土木、甲兵、禱祠之事作矣。吾老,不及見此,此參政他日之憂也。」流 盗賊奏之,旦以爲細事不足煩上聽。 沈曰:「人主少年,當使知四方艱難。 如,流曰:「善則善矣,然邊患既息,恐人主漸生侈心耳。」旦未以爲然。流又日取四方水旱 事 耶?」沈曰:「少有憂勤,足爲警戒。 沈爲相,王旦參政事,以西北用兵,或至旰食。 他日四方寧謐,朝廷未必無事。」後契丹和親,旦問何 旦嘆曰:「我輩安能坐致太平,得優游無 不然,血氣方剛, 旦親見

」準日:「如謂者,相公終能抑之使在人下乎?」沈笑曰:「他日後悔,當思吾言也。」準後 寇準與丁謂善,屢以謂才薦於流,不用。準問之,流曰:「顧其爲人,可使之在人上

列傳第

四十一

李沆

爲謂所傾,始伏流言。

究。 也。 先日『庸人擾之』是已。 報罷之,此少以報國爾。 世所謂籠罩。 多下有司,皆見之矣。若邦國大事,北有契丹,西有夏人,日旰條議所以備禦之策,非不詳 日:「沉爲宰相, 拜揖,尙周章失次,卽席必自論功最,以希寵獎,此有何策而與之接語哉?苟屈意妄言,卽 口 匏。」維乘間達<u>停語,</u>流日:「吾非不知也。 薦紳如李宗諤、趙安仁,皆時之英秀,與之談,猶不能啓發吾意;自餘通籍之子,坐起 **沈爲相,接賓客,常寡言。** 籠罩之事,僕病未能也。」
」
「居重位實無補,惟中外所陳利害, 如論語中『節用而愛人, **愉人苟一時之進,豈念厲民耶?」 沈爲相,** 朝廷防制,纖悉備具,或徇所陳請,施行一 馬亮與沈同年生,又與其弟維善,語維曰:「外議以大兄爲無 使民以時』, 。然今之朝士得升殿言事,上封論奏,了無壅蔽, 尚未能行。 常讀論語, 事, 聖人之言, 即所傷 多矣, 終身誦之可 或問之, 陸象 一切

中書令,盜文靖。 右目 臨 問 :「沆爲大臣,忠良純厚,始終如一,豈意不享遐壽!」言終又泣下。 ,賜白金五千 景德元年七月,沈待漏將朝,疾作而歸,詔太醫診視,撫問之使相望於道。 兩。 錄其弟國子博士費爲虞部員外郎,光禄寺丞源爲太子中舍、屯田員外郎, 方還宮而沈薨,年五十八。 上聞之驚歎,趣駕再往, 廢朝 臨哭之慟, 五. 日,贈 明 日, 太尉、 謂左 駕往

直集賢院維爲戶部員外郎。 子宗簡爲大理評事。 甥蘇昂、妻兄之子朱濤,並同進士出身。

乾興元年,仁宗卽位,詔配享眞宗廟庭。

私。 堂前樂闌壞,妻戒守舍者勿葺以試沆,沈朝夕見之,經月終不言。 此 「居第當傳子孫,此爲宰相廳事誠隘,爲太祝、奉禮廳事已寬矣。」至於垣頹壁損,不以屑慮。 年繕完,人生朝暮不可保,又豈能久居?巢林一枝,聊自足耳,安事豐屋哉? 囊裝亦可以治第, 動吾一念哉!」家人勸治居第,未嘗答。 公退,終日危坐,未嘗跛倚。 斻與諸弟友愛,尤器重維,暇日相對宴飲清言,未嘗及朝政,亦未嘗問家事。 沈性直諒,內行修謹,言無枝葉,識大體。 但念內典以此世界爲缺陷,安得圓滿如意,自求稱足。今市新宅,須 治第封丘門內,廳事前僅容旋馬。或言其太隘,流笑曰: 弟維因語次及之, 流曰:「身食厚祿, 時有橫賜, 居位愼密,不求聲譽,動邍條制,人莫能干以 妻以語沆, 流日 「豈可以 **流沒後**

或 《薦梅詢可用,眞宗曰:「李沆嘗言其非君子。」其爲信倚如此。

沈相,避知歙州。 維字仲方,第進士,爲保信軍節度推官。 至郡,興學含,歲時行鄉射之禮。 眞宗初,獻聖德詩,召試中書,擢直集賢院,以 **流沒,入爲戶部員外郎**

契丹請和,以爲賀正旦使。 真宗方幸西京,維還詣行在, 具言其待遇禮厚, 必保盟好。

傳

29

+

李 斻

Ŧ

日

辭 擢 禮,使賦兩朝悠久詩。 遷刑部尚書,辭不拜,引李士衡故事求換官,除相州觀察使,為諫官劉隨所詆,知亳州。 預修眞宗實錄,遷工部尙書。 一, 出 兵部員外郎、知制誥。 知許州。 復入翰林爲學士承旨,加史館修撰。 詩成,大喜。 自是每北使至,多命維主之。擢爲翰林學士,累遷中書舍人,以疾 會塞下傳契丹將絕盟,復遣維往使。其主隆緒重維名,館勞加 既還,帝欲用爲樞密副使,或斥継賦詩自稱小臣,乃寢。 仁宗初,再遷爲尚書左丞兼侍讀學士,

師錫,虞部員外郎,公謹,太子中舍。 爲詩。 嘗 預定七經正義,修續通典、删府元龜。 維博學,少以文章知名,至老手不廢書。景德以後,巡幸四方,典章名物,多維所參定。 常曰:「人生觴詠自適,餘何營哉?」既沒,家無餘貲。 性寬易,喜愠不見於色,獎借後進,嗜酒善謔,而好 景祐元年,贈尚書右僕射。

赴本鎮,改河陽。

。久之還朝,復出知陳州,卒。

以百 顯於漢、周之際,事太祖、太宗爲名臣。嘗諭杜重處使無反漢,拒盧多遜害趙普之謀, 口 明符彥卿無罪,世多稱其陰德。 旦字子明,大名莘人。曾祖言,黎陽令。祖徹,左拾遺。父祐二,尚書兵部侍郎,以 祐手植三槐于庭,曰:「吾之後世,必有爲三公者,此

其所以志也。」

英華詩類。 境,稱其善政,以女妻之。代還,命監潭州銀場。 矣,當避去。」自是遂絕。 事、 王禹偁薦其才,任轉運使。 知制誥。 知平江縣。 日 一切沈默,好學有文, 耐器之曰:「此兒當至公相。」太平興國五年,進士及第,爲大理評 遷殿中丞、通判鄭州。 其廨舊傳有物怪憑戾,居多不寧,且將至前夕,守吏聞羣鬼嘯呼云:「相君至 就改將作監丞。 驛召至京,且不樂吏職,獻文召試,命直史館。二年,拜右正言、 表請天下建常平倉, 以塞兼幷之路。 趙昌言為轉運使,以威望自任,屬吏屛畏,入旦 何承矩典郡,薦入爲著作佐郎,預編文苑 徙濠州。 淳化初,

課院。 中、集賢殿修撰。 寵之,又令冠西閣 生,亦推重爲遠大之器。明年,與蘇易簡同 相 器也。」與之同列,每日:「王君凌霄聳壑,棟梁之材,貴不可涯,非吾所及。」李沆以同年 趙昌言參機務,旦避嫌,引唐獨孤郁、權德 昌言出知鳳翔,即日以旦知制誥,仍兼修撰、判院事,面賜金紫,擇牯犀帶 至道 元年,知理 一檢院。 二年,進兵部 知貢舉,加虞部員外郎、同判吏部流內銓、知考 興故事辭職。 郎 मं 錢若水有人倫鑒,見旦日:「眞宰 太宗嘉其識體, 改禮部郎

真宗即位, 拜中 書舍人, 數月,爲翰林學士兼知審官院、通進銀臺封駁司。 帝素賢旦,

列傳

第四

+

Ŧ

日

用者 嘗 奏事退, 了若水言:「

「

有德望,

堪任大事。」

帝曰:「

此固股心所屬也。」

咸平三年,

又知貢舉,鎖宿 目送之曰:「爲殷致太平者,必斯人也。」錢若水罷樞務,得對苑中,訪近臣之可

旬日,

拜給

事中、同知樞密院事。

。 踰年,以工部侍鄓參知政事

章事、集賢殿大學士、監修兩朝國史。 寇準,臣有所陳。」準至,旦奏曰:「十日之間未有捷報時, 太子。」旦旣至京,直入禁中,下令甚嚴,使人不得傳播。 忽聞後有騶訶聲,驚視之,乃旦也。 契丹犯邊,從幸澶州。 雅王元份留守東京,遇暴疾,命旦馳還,權留守事。 二年, 加尚書左丞。 當如何? 三年,拜工部尚書、同中書門下平 及駕還,旦子弟及家人皆迎于郊, 」帝默然良久,曰:「立皇 旦曰:「願宣

天瑞 爲此。可思其次。」欽若曰:「唯有封禪泰山,可以鎭服四海, 欽若度帝厭兵,即謬曰:「陛下以兵取幽燕, 曰:「此春秋城下之盟也,諸侯循恥之,而陛下以爲功,臣竊不取。」帝愀然曰:「爲之奈何?」 可乎?」欽若曰:「臣得以聖意喩之、宜無不可。」乘間爲旦言,旦黽勉而從。 帝獨尤豫,莫 深信而崇之、以明示天下,則與天瑞無異也。」帝思久之,乃可,而心憚旦,曰:「王旦得無 ·希世絕倫之事,然後可爾。」既而又曰:「天瑞安可必得,前代蓋有以人力爲之者,惟人 契丹旣受盟,寇準以爲功,有自得之色,眞宗亦自得也。 乃可滌恥。」帝曰:「河朔生靈始冤兵革, 股安能 誇示外國。然自古封禪,當得 王欽若恭準,欲傾之,從容言

旨, 與籌之者。 極佳,歸與妻拏共之。」旣歸發之,皆珠也。 漫應之曰:「此聖人以神道設教爾。」帝繇此意决,遂召旦飲,歡甚,賜以 會幸祕閣,驟問杜鎬曰:「古所謂河出圖、洛出書,果何事耶?」鎬老儒,不测其 由是凡天書、封禪等事,且不復異議 尊酒,日:「此酒

祀壇頭 將復進秩,懇辭得免,止加功臣。俄兼門下侍郎、玉清昭應宮使。 每有大禮,輒奉天書以行,恆邑邑不樂。凡柄用十八年,爲相僅一紀。 拜司空。 景靈宮建,又爲朝修使。七年,刻天書,兼刻玉使,選御廐三馬賜之。 大中祥符初,爲天書儀仗使,從封泰山,爲大禮使,進中書侍郎兼刑部尚書。 ,加兵部尚書。 京師賜酺,旦以慘恤不赴會,帝賜詩導意焉。 四年,祀汾陰,又爲大禮使,遷右僕射、昭文館大學士。 國史成,遷司空口。 五年,爲玉清奉聖像大禮 玉清昭應宮成, 旦爲天書使, 仍撰祠壇頭 受韶撰封

何? 入靜室 務行故事, 會契丹修和, 一獨坐, 旦與人寡言笑,默坐終日,及奏事, 家人莫敢見之。 **愼所變改。帝久益信之,** 西夏誓守故地,二邊兵罷不用,眞宗以無事治天下。 旦弟以問趙安仁,安仁曰:「方議事,公不欲行而未决,此必 言無不聽, 羣臣異同, 凡大臣有所請, 旦徐一言以定。 必日三王旦以爲如 歸家或不去冠帶, 旦謂祖宗之法具

帝嘗示二府喜雨詩,旦袖歸曰:「上詩有一字誤寫,莫進入改却否?」 4 傳 钨 几; + Ŧ 旦 九五四 王欽若曰:「此亦 Ξī.

憂朝

器也。」帝顧旦而笑焉。天下大蝗,使人於野得死蝗,帝以示大臣。 上陳。」惶懼再拜謝,諸臣皆拜,獨樞密馬知節不拜,具以實奏,且曰:「王旦略不辨,眞宰相 百官方賀,而蝗如此,豈不爲天下笑耶? 曰:「蝗實死矣,請示于朝,率百官賀。」旦獨不可。後數日方奏事,飛蝗蔽天,帝顧旦曰:「使 無害。」而密奏之。帝愠,謂旦曰:「昨日詩有誤字,何不來奏?」旦曰:「臣得詩未暇再閱,有失 明日,執政遂袖死蝗進

富 坐死者百餘人。 表待罪,帝乃降詔罪己,許中外封事言得失。後有言榮王宮火所延,非天災, 「有天下,財帛不足憂,所慮者政令賞罰之不當。 何以示信?且火雖有迹、寧知非天譴耶?」當坐者皆免。 宮禁火災,旦馳入。帝曰:「兩朝所積,股不妄費,一朝殆盡,誠可惜也。」旦對曰:「陛下 且獨請曰:「始火時,陛下已罪已詔天下, 臣備位宰府,天災如此,臣當罷免。」繼上 臣等皆上章待罪。 請置獄劾,當 今反歸咎於

問狀。 既而復悔,馳取之,而已焚之矣。繇是皆免。仁宗爲皇太子,太子諭德見旦,稱太子學書有 曰:「臣爲宰相執國法,豈可自爲之,幸於不發而以罪人。」帝意解。 進日:「臣少賤時,不覓爲此。 日 者上書言宮禁事,坐誅。 旦曰:「此人之常情,且語不及朝廷,不足罪。」眞宗怒不解,旦因自取嘗所占問 必以爲罪,願幷臣付獄。」眞宗曰:「此事已發,何可免?」旦 籍其家,得朝士所與往還占問吉凶之說。 旦至中書,悉焚所得書。 帝怒,欲付御史

旦曰:「諭德之職,止於是耶?」張士遜又稱太子書,旦曰:「太子不在應舉,選學士不在

學書。

之,後不爲比。」西夏趙德明言民饑,求糧百萬斛。 責之。」帝以問旦,旦請敕有司具粟百萬于京師,而詔德明來取之。 德明得詔,慚且拜曰: 內除之。契丹得之,大慚。次年,復下有司:「契丹所借金幣六萬,事屬微末,今仍依常數與 曰:「何以答之。」旦曰:「止當以微物而輕之。」乃以歲給三十萬物內各借三萬,仍論次年額 「朝廷有人。」 契丹奏請歲給外別假錢幣。 旦曰:「東封甚近,車駕將出,彼以此探朝廷之意耳。」帝 大臣皆曰:「德明新納誓而敢違,請以詔

在相 月,密院有事送中書,亦違詔格,堂吏欣然呈旦,旦令送還密院。 日。 中書有事送密院,違詔格,準在密院,以事 位久, 政事闞失必多。 準對陛下無所隱, 益見其忠直, 此臣所以重準也。」帝以是愈賢 寇準數短旦,旦專稱準。 帝謂旦曰:「卿雖稱其美,彼專談卿惡。」旦曰:「理固當然。 臣 上聞。 旦被責,第拜謝,堂吏皆見罰。不踰 準大慚,見旦日:「同年,甚

陛下知臣,安能至此?」帝具道旦所以薦者。準媿歎,以爲不可及。 吾不 ·受私 語。」準深憾之。 已而除準武勝軍節度使、同中書門下平章 事。 **準在藩鎭,生辰,造山** 準入見,謝曰:「非

寇準罷樞密使,託人私求爲使相,且驚曰:「將相之任,豈

可求耶!

得

·許大度量?」旦不答。

列

第四十一

王

旦

誠 棚 賢能, 大宴, 無 又 如 服 験 用僭侈,爲人所奏。 何。 」眞宗意遂解,曰:「然,此正是騃爾。」遂不問 帝怒,謂旦曰:「寇準每事欲效朕,可乎?」」旦徐對曰:「準

耶? 略 私。 留 間 覽,旦曰:「不過 有不 自 帝驚 ·介意 」彭年皇恐而退。 翰 東 經 林學士陳彭年呈政府科場條目,旦投之地曰:「內翰得官幾日,乃欲隔截天下進士 封 曰:「有何事不與王旦來?」皆以前事對。 上覽者,公批旨奉行,恐人言之以爲不可。」旦遜謝 後,朕諭以小 興建符瑞圖 時向敏中同在中書, 事一 進 面奉行,卿等謹奉之。」曾等退而愧謝,旦曰:「正 爾。」後彭年與王曾、張 出彭年所留文字,旦瞑目取紙封之。 帝曰:「旦在股左右多年, 股察之無毫髮 知白參預政事,同謂旦日:「每奏事 而已。 日奏對, 賴諸公規益 旦退,曾等稍 敏中請 工,其

當行朝典。 叟、馬 朝 下御史府。」旦 議 也。 未 嘗 帝 知節同在樞 有 欲 眞宗遂止。 南 相 願且還內,來日取旨。」明日,召旦前問之,旦曰:「欽若等當黜, 人當國者, 王欽若,旦曰:「欽若遭逢陛下,恩禮已隆,且乞留之樞 叱欽若使退。 府, 旦沒後, 因奏事 雖古 欽若始 稱立賢無方, 帝 忿爭。 大怒, 大用, 眞宗召旦 命付獄。 然須賢士乃可。 語 人曰「爲王公遲我 至,欽若循譁不已,知節 旦從容日一欽若等恃陛下 臣爲宰相, 十年 密,兩府亦均, 流 作 不 涕 宰相。」欽若 敢沮 厚顧, 日三願與欽若同 抑 未知坐以何 上煩譴 臣 與陳堯 此 見祖宗 亦公

以威 少間,罷之未晚也。」帝曰:「非卿之言,朕固難忍。」後月餘,欽若等皆罷。 」帝曰:「坐忿爭無禮。」旦曰:「陛下奄有天下,使大臣坐忿爭無禮之罪,或聞外國,恐無 遠。」帝曰:「卿意如何?」旦曰:「願至中書,召欽若等宣示陛下含容之意,且戒約之。俟

在上位,使有德者助之,庶得終吉;若獨當權,必爲身累爾。」後謂果如言。 旦嘗與楊億評品人物,億日:「丁謂久遠當何如?」旦曰:「才則才矣,語道則未。 他 日

堂皇,白事而退。後懷政以事敗,方知旦遠慮。 自是內臣官不過留後。 帝語旦曰:「承規待此以瞑目。」旦執不可,曰:「他日將有求爲樞密使者,奈何?」遂止。 旦爲兗州景靈宮朝修使,內臣周懷政偕行,或乘間請見,旦必俟從者盡至,冠帶出見于 內臣劉承規以忠謹得幸,病且死,求爲節度

是數毀旦,帝益厚之。故參政李穆子行簡,以將作監丞家居,有賢行,遷太子中允。 修眞宗實錄,得內出奏章,始知朝士多旦所薦云。 病,或使疏其言而獻之。觀才之所長,密籍其名,其人復來,不見也。 知其宅,眞宗命就中書問旦,人始知行簡爲旦所薦。 三人姓名以請,所用者帝以筆點之。同列不知,爭有所用,惟旦所用,奏入無不可。 旦爲相,賓客滿堂,無敢以私請。察可與言及素知名者,數月後,召與語,詢訪四方利 旦凡所薦,皆人未嘗知。旦沒後,史官 每有差除, 先密疏四 丁謂以 使者不

列傳

公弗遺。」旦曰:「第緩之,使師德知,聊以戒貪進、激薄俗也。」 門。狀元及第,榮進素定,但當靜以待之爾。 師德之意,旦曰:「旦處安得有人敢輕毀人,但師德後進,待我薄爾。」敏中固稱:「適有闕,望 旦曰:「可惜張師德。」敏中問之,旦曰:「累於上前言師德名家子, 諫議 大夫張師德兩詣旦門,不得見,意爲人所毀,以告向敏中,爲從容明之。 若復奔競,使無階而入者當如何也。」一敏中啓以 有士行, 不意兩 及議知制 及吾

日:「迪 體也。 迪以 帝問旦,對曰:「非中正不能守」詠之規。他人往,妄有變更矣。」李迪、賈邊有時名,舉進士, 未嘗求利, 識者曰:「此運使識大體。」張詠知成都, 召還, 以任中正代之, 言者以爲不可。 須重行,乞召歸置獄。」乃下御史按之,一日而獄具。 言也。」張士遜爲江西轉運使,辭旦求教,旦曰:「朝廷権利至矣。」士遜迭更是職,思旦之言, 迪而 賦落韻,邊以當仁不讓於師論以「師」爲「衆」,與注疏異,皆不預。主文奏乞收試,旦 石普知許州,不法,朝議欲就劾。 黜 雖犯不考,然出於不意,其過可略。 薛奎爲江、淮發運使,辭旦,旦無他語,但云:「東南民力竭矣。」奎退而曰:「眞宰相之 旦曰:「普武人,不明典憲,恐恃薄效,妄有生事。 邊特立異說,將令後生務爲穿鑿,漸不可長。」遂 議者以爲不屈國法而保全武臣,眞國 必

旦任事久,人有謗之者,輒引咎不辨;至人有過失,雖人主盛怒,可辨者辨之,必得而後

四十一 王旦

列傳第

保,爲兗州太極觀奉上寶册使,復加太尉兼侍中,五日一赴起居,入中書,遇軍國 滋福殿,帝曰:「朕方以大事託卿,而卿疾如此。」因命皇太子出拜,旦皇恐走避,太子隨而拜 時日入預參决。 之。旦言:「太子盛德,必任陛下事。」因薦可爲大臣者十餘人,其後不至宰相惟李及、凌策 二人,亦爲名臣。旦復求避位,帝覩其形瘁,憫然許之。以太尉領玉淸昭應宮使,給宰相半 素羸多疾,自東魯復命,連歲求解,優詔褒答,繼以面 旦愈畏避,上疏懇辭,又託同列奏白。 。帝重違其意,止加封邑。一日,獨對 ·論,委任無貳。 天禧初,進位太 重事,不限

對。 相。 與直省更挾扶,見于延和殿。帝曰:「卿今疾亟,萬一有不諱,使朕以天下事付之誰乎?」旦 思其次。」旦曰:「他人,臣所不知也。 曰:「知臣莫若君,惟明主擇之。」再三問,不對。 時張詠、馬亮皆爲尙書,帝歷問二人,亦不 因曰:「試以卿意言之。」旦強起舉笏曰:「以臣之愚,莫如寇準。」帝曰:「準性剛褊,卿更 初,旦以宰相兼使,今罷相,使猶領之,其專置使自旦始焉。尋又命肩輿入禁,使子雍 臣病困,不能久侍。」遂辭退。 後旦沒歲餘,竟用準爲

內,請撰遺表。 旦 一疾甚, 遣內侍問者日 且言:「忝爲宰輔,不可以將盡之言,爲宗親求官, :或三四,帝手自和藥, 丼薯蕷粥賜之。 止敍生平遭遇,願 旦與楊億素厚,延至臥 日親庶

還至門,旦已薨,年六十一。帝臨其喪慟,廢朝三日,贈太師、尚書令、魏國公,諡文正,又 藁末自益四句云:「益懼多藏, 政,進用賢士,少減焦勞之意。」仍戒子弟:「我家盛名清德,當務儉素,保守門風,不得事於 碑。 之。 泰侈,勿爲厚葬以金寶置柩中。」表上,眞宗歎之,遂幸其第,賜白金五千兩。旦作奏辭之, 客、常從,授官者十數人。 別次發哀。 旦有文集二十卷。 後數日,張旻赴鎭河陽,例宜飲餞,以旦故,不舉樂。 乾興初,詔配享眞宗廟廷。 諸子服除,又各進一官。 況無所用, 見欲散施, 已而聞旦奏藁自益四句,取視,泣下久 及建碑, 以息咎殃。」即舁至內闥,詔不許。 仁宗篆其首曰:「全德元老之 錄其子、弟、姪、外孫、門

主者徹新之,暫于廡下啓側門出入。且至側門,據鞍俯過,門成復由之,皆不問焉。 必 飲食不精潔,但不 肉。」後又墨其飯,則曰:「吾今日不喜飯,可別具粥。」旦不置田宅,曰:「子孫當各念自立,何 旦曰:「自負 田 宅,徒使爭財爲 日 事寡嫂有禮,與弟旭友愛甚篤。婚姻不求門閥。 有貨玉帶者,弟以爲佳,呈旦,旦命繫之,曰:「還見佳否? 重而 使觀者稱好, 食而已。 不義爾。」眞宗以其所居陋,欲治之,旦辭以先人舊廬,乃止。 嘗試以少埃墨投羹中,且惟啖飯,問何不啜羹,則曰:「我偶不喜 無乃勞乎!」亟還之。 故所服止於賜帶。 被服質素,家人欲以繒錦飾氈席, `」弟曰::「繫之安得自見?」 家人未嘗見其怒, 宅門壞,

色。 自立,有大志,不屑貧窶。 曰:「此兒風骨秀異,貴且壽。」鄰母入告其家,比出,已不見矣。及冠,繼丁內外憂,能刻厲 嘗謂其母曰:「大吾門者,此兒也。」敏中隨瑀赴調京師,有書生過門,見敏中, 向 敏中字常之,開封人。父瑀,仕漢符離令。 性嚴毅,惟敏中一子,躬自教督, 不假顏 謂鄰母

時領外計者,皆以權寵自尊,所至畏憚,敏中不尙威察,待僚屬有禮,勤於勸勗,職務修舉。 籍恩,超左司諫,入爲戶部判官、知制誥。 或薦其有武幹者,召入,將授諸司副使。 材,代還,爲著作郎。召見便殿,占對明暢,太宗善之,命爲戶部推官,出爲淮南轉運副使。 太平興國五年進士,解褐將作監丞、通判吉州,就改右贊善大夫。轉運使張齊賢薦其 敏中懇辭,仍獻所著文,加直史館,遣還任。以耕 未幾,權判大理寺。

判官張去華,敏中妻父也,以故得請不預决讞。 入辭,面敍其事,太宗爲之感動,許以不三歲召還。 時沒入祖吉臟錢,分賜法吏,敏中引鍾離意委珠事,獨不受。妖尼道安搆獄,事連開封 既而 翌日,遷職方員外郎,遣之。 法官皆貶,獨以親累落職,出知廣州。 是州兼掌

列傳第四十

向敏中

之。」左右因稱其材,並命爲樞密直學士。 市舶,前守多涉譏議 轉運使,召爲工部郞中。 敏中至荆南,預市藥物以往,在任無所須,以淸廉聞 太宗飛白書敏中洎張詠二名付中書,曰:「此二人,名臣也,朕將用 就擢廣南 東路

方有 决於登用。 之,云其書尋納筩中,瘞臨江傳舍。 敏中亦受之。 周 用兵,樞機之任,專主謀議,敏中明辨有才略,遇事敏速,凡二邊道路、斥堠、走集之所,莫不 塗者忌之。 知。 失事機,請別置局,命官專蒞,校其簿籍,詔命敏中與詠領其局。 時通進、銀臺司主出納書奏,領於樞密院, 至道 未幾,拜右諫議大夫、同知樞密院事。 會有言敏中在法寺時,皇甫侃監無爲軍権務,以賄敗,發書歷詣朝貴求爲末減, 初, 事下御史,按實,嘗有書及門,敏中覩其名,不啓封遣去。俄捕得侃私僮詰 遷給事中。 馳驛掘得,封題如故。 頗多壅遏,或至漏失。 自 郎中至是百餘日, 太宗大驚異,召見,慰論賞激,遂 太宗欲大任敏中,當 敏中具奏其事,恐遠 超擢 如此。 時西北

時 使, 大兵之後,議 改爲副使。 眞宗 所至訪民疾苦,宴犒官吏,莫不感悅。 卽 位, 遺重臣慰撫邊郡,命爲 咸平 敏中 初, 適在疾告, 拜 兵部侍郎、 力起, 參知 河北 見于 政事。 、河東安撫大使,以陳堯叟、馮拯 東序, 四年,以本官同平章事,充集賢殿大學士。 卽遣視事。 從幸大名,屬宋湜 進戶 部侍郎。 以病,代 爲 兼 會曹彬爲樞密 副,發 知 樞 密院 禁兵萬 事

故 相薛居正孫安上不肖,其居第有詔無得貿易,敏中違詔質之。 會居正子惟吉嫠婦柴 眞宗以問

中,敏中言近喪妻不復議婚,未嘗求婚於柴,眞宗因不復問。 臺,幷得敏中質宅之狀。 將攜貲產適張齊賢,安上訴其事,柴遂言敏中嘗求娶己,不許,以是陰庇安上。 時王嗣宗爲鹽鐵使,素忌敏中,因對言, 柴又伐鼓, 敏中議娶王承衍女弟 訟益急,遂下御史 敏

歸宋,日二一表不聽則再請,雖累百表,不得請勿止也。」繼遷卒,德明納款,就命敏中爲鄜 景德 初,復兵部侍郎。 夏州李繼遷兵敗,爲潘羅支射傷,自度孤危且死,屬其子德明 必

延路緣邊安撫使,俄還京兆。

約已定而

未納采。

眞宗詢于王氏得其實,以敏中前言爲妄,罷爲戶

,部侍郎,出

知永

興

得。 於民 舊相 之,果各懷短刃,卽席斬焉。 酒 會大攤,有告禁卒欲倚儺爲亂者,敏中密使塵兵被甲伏廡下幕中。 縱閱,無一人預知者。 事爾。」於是有復用之意。二年,又以德明誓約未定,徙敏中爲鄜延路都部署兼知延州, 張齊賢倜儻任情,獲劫盜或至縱遣。 出鎭,不以軍事爲意。 是多,眞宗幸澶淵,賜敏中密詔,盡付西鄙,許便宜從事。 命儺入,先馳騁于中門外,後召至階,敏中振袂一揮,伏出,盡擒 寇準雖有重名,所至終日游宴,則以所愛伶人或付富室,輒厚有 既屏其尸,以灰沙掃庭,張樂宴飲,坐客皆股慄,邊藩遂安。 帝聞之,稱敏中曰:「大臣出臨四方,惟敏中盡心 敏中得詔藏之,視政如常日。 明日,盡召賓僚兵官,置

列

傳

第 [4 +

向

敏

以 經略, 改 知河 南 府銀西京留守

刑 學士,賜御詩褒寵。 畤 部 吏部選人多稽滯者, 尚書。 大 中 祥符初, 五年,復拜同平章事,充集賢殿大學士,加中書侍郎。 議封 祀汾陰,復爲留守。敏中以厚 命敏中與温 泰 Ц, 以敏中舊 一仲舒領其事 一德有人望, 重 俄兼 召入, 鎭靜,人情帖然,帝作詩遣使馳賜之。 祕 書監, 權東 京留守。 又領工部尚書, 尋充景靈宮使, 禮成 拜尙書右丞。 充資政殿大 宮成,進 拜

僕 優 自自 寂 中 兵部 表 國 無 、懇譲 射 詔 應 史。 尚書,爲兗州景靈宮慶成使。 人。 者勳 天禧 不許。 卽 宗諤與其親徑入,徐賀曰:「今日聞降麻,士大夫莫不歡慰相慶。」敏中但 是 位, 明 又表求解, 百, 德 。」又曰:「敏中今日賀客必多,卿往觀之,勿言朕意 初, 日 未 禮 翰林學士李宗諤當對,帝曰:「朕自卽位,未嘗除僕射,今命敏中,此殊命也,敏 嘗 年 加吏部 具 命之重,敏中亦 除端 以 重 所 陽, 皆不許。 · 尙書,又爲應天院奉安太祖聖容禮儀使。 揆,非勳 見對。帝 宴苑 中, 德 明年三月卒,年七十二。 日「向敏 唯唯,卒無 暮 隆 歸 重,眷倚殊 中風 中 一言。 眩, 大耐 郊 越, 官職 祀 旣退, 使人問 不 何以至 。」徙玉 任陪從。 帝親臨,哭之慟、廢朝三日,贈太尉、 一此。」敏 清昭應宮使。 也。」宗諤旣至,敏中 庖中, 進左 進右僕射兼門下侍郎,監修 中 僕射、 復唯 今日 唯。 有 以 昭文館 年 :親賓: 叉歷 老 唯 大 累 謝客,門闌 飲宴否,亦 陳前 唯。又曰: 學 請 上 致 世

中書令,盜文簡。 五子、諸壻並遷官,親校又官數人自己。

年,時以重德目之,爲人主所優禮,故雖衰疾,終不得謝。 敏中姿表瓌碩,有儀矩,性端厚豈弟,多智,曉民政,善處繁劇,愼於采拔。 及追命制入,帝特批曰:「敏中淳 居大任三十

謹温良,宜益此意。」其恩顧如此。有文集十五卷。

子傳正,國子博士;傳式,龍圖閣直學士; 傳亮,駕部員外郎;傳師,殿中丞;傳範,

娶南陽郡王惟吉女安福縣主,爲密州觀察使,諡惠節。

傳亮子經,定國軍留後,諡康懿。 敏中餘孫繹、絳,並官太子中書。 經女即欽聖憲肅皇后也,以后族贈敏中燕王、傳亮周

沉爲「聖相」,其言雖過,誠有先知者乎!

王旦當國最久,事至不膠,有謗不校,薦賢而不市 侈心必生, 而聲色、土木、神仙祠禱之事將作, 後王欽若、丁謂之徒果售其佞。 又告真宗不 格人主之私,請遷靈州之民以奪西夏之謀,無愧宰相之任矣。 沆嘗謂王旦,邊患旣息,人主 可用新進喜事之人,中外所陳利害皆報罷之,後神宗信用安石變更之言,馴至棼擾。世稱 論曰:宋至眞宗之世,號爲盛治,而得人亦多。|李沆爲相,正大光明,其焚封妃之詔以

列傳

第四十一

向敏小

校

勘

10

太子。」契丹踰歲給而借幣,西夏告民饑而假糧,皆一語定之,偉哉宰相才也。惟受王欽若 之說,以遂天書之妄,斯則不及李沆爾。 恩,救罪輒宥而不費辭。澶淵之役,請于眞宗曰:「十日不捷,何以處之?」眞宗答之曰:「立 全其廉,堅拒皇甫侃之書以冤其累,拜罷之際,喜愠不形,亦可謂有宰相之風焉。 向敏中恥受贓物之賜以遠其汙,預避市舶之嫌以

校勘記

(二) 父祐 九王祐傳校勘記。 「祐」原作「祜」, 下文「祐」字各條同。 據章定名賢氏族言行類稿卷二四王祐傳、王旦傳改。 參考本書卷二六

 \exists 遷司空 大中祥符九年正月,王旦「以兩朝國史成,加司徒」。長編卷八六也說「加旦守司徒」,「司空」當爲 按上文已說「玉清昭應宮成、拜司空。」此處不應又說「遷司空」。 本書卷二一〇字輔表

「司徒」之訛。

3 親校又官數人 長編卷九五作「親族受官者又數人」。 「校」字疑誤。

宋史卷二百八十三

列傳第四十二

王欽若 林特附 丁謂 夏竦 子安期

矣,後必有興者,其在吾孫乎!」 作平晉賦論獻行在。 陽人望見樓上若有光景,是夕,欽若生。 王欽若字定國,臨江軍新喩人。父仲華,侍祖郁官鄂州,會江水暴至,徙家黃鶴樓,漢 郁爲濠州判官,將死,告家人曰:「吾歷官逾五十年,愼於用刑,活人多 欽若早孤,郁愛之。太宗伐太原時,欽若纔十八,

欽若徐曰: 「先帝固知之,殆留與陛下收人心爾。」即日放逋負一千餘萬,釋繫囚三千餘人。 欠憑由司。 欽若擢進士甲科,爲亳州防禦推官,遷秘書省秘書郎,監廬州稅。 僕將啓蠲之。」欽若一夕命吏勾校成數,翌日上之。眞宗大鷲曰:「先帝顧不知邪?」 時母賓古爲度支判官,嘗言曰:「天下逋負,自五代迄今,理督未已,民病幾不能 改太常丞、判三司理

列

九

帝 撫 使。 益 器 所 重 至 欽 問 繫 囚 召 試 自 學 死 + 罪 院 以 拜右正言、 下第降之, 知制誥,召爲翰林學士。 凡列便宜,多所施 還,授左諫議大夫、 蜀 寇 王 均 始 平,爲 參 西 |||政 安

事

以

郊

祀

恩,

加

給

事

中

欽若 睿 書 貢 復持湯 舉 銀 , 河 百 書其數 懿舉諸科 陰民常 兩 飲 欲 至 於紙, 自 一貢院, 徳方 寓 取 史 之。 僧仁雅 令惠秦持去。 訟 中丞趙昌言,昌言 欽若 臨 李氏 津 密令奴索取 舍。 縣尉任懿賂欽若得中第,事下御 令奴 仁雅 **祁睿書懿名於臂**, 會欽若已入 識 銀, 以 僧 惠秦 聞 懿 未 、院,屬 旣捕 者與欽若厚, 卽 奥 祁 欽若 幷以 而 睿 登 ·等, 客納 科 所 亦請 去。 約 懿 史臺劾治 所書于 銀 與惠秦約,以 逮欽若 告欽 仁 雅 欽若 馳 若 書 初, 屬 河陰, 吏。 懿 妻李氏 銀三 欽若咸 再 入試第五 始歸之。 百 惠秦減 平 五 中嘗 十 兩 所 德 賂 知

及官收湛贓,家無有也,乃以湛假梁顥白金器輸官,湛遂死貶所。人知其冤,而欽若恃勢,人 獄 嘗俱造 方得其書,以告御 一帝方 祁 故皆無證 湛 睿 時駕 本亳 顧 門 欽若 始 小 且 驗 但以 死,睿又 厚, 吏, 湛坐削籍,流 命邢昺、 銀屬二僧,不 雖從 悉遁去,欽若 欽若久, 閻承翰等於太常寺別鞫之。 儋州 知達主司爲誰 而 名猶隸 ,而欽若遂免。 因得固 亳州 執祁睿休役後始 **昺等**遂 方湛代王旦 欽若 乃言: 誣湛 懿 更云妻兄張駕識 傭 受懿銀, 「嚮未有 於家, 入 知 ij 它奴 舉, 湛 那 容, 適 使 懿 使 已試 多新募,不 知 惠秦 陝 舉官 西還, 第三場, 亦不及 洪 Mi

莫敢言者

下 問,戒書吏但云楊億以下,其所爲多此類也。 政殿學士。 舉 ·封駁· 河北轉運司,眞宗親宴以遣之。 景德初, 事。 尋判尙書都省,修册府元龜, 初,欽若罷,爲置資政殿學士以寵之,準定其班在翰林學士下。 契丹入寇,帝將幸澶淵。 素與寇準不協,及還,累表願解政 欽若自請北行,以工部侍郎、參知政事判天雄軍,提 或褒贊所及, 歲中, 改兵部, 升大學士、知通進銀臺司兼門 欽若自名表首以謝,卽繆誤有所譴 事, 罷爲刑部侍郎、資 欽若訴於帝,復

加「大」字,班承旨上。

以尙書左丞知樞密院事,修國史。

尙書。 兩夢神人,願增建廟庭;及至威雄將軍廟,其神像如夢中所見,因請構亭廟中。 授中使, 馳奉以進。 「賜 年,爲樞密使、檢校太傅、同中書門下平章事。初,學士晁逈草制,誤削去官,有詔仍帶吏部 遷禮部尚書,命作社首頌,遷戶部尚書。 上,有字不能識,皇城吏王居正見其上有御名,以告。 天書於泰山」, 大中祥符初, 聖祖降,加檢校太尉。欽若居第在太廟後壖,自言出入訶導不自安,因易賜官第於 爲封禪經度制置使兼判兗州,爲天書儀衞副使。 即密諭欽若。 眞宗至含芳園奉迎,出所上天書再降祥瑞圖示百僚。 **欽若因言,六月甲午,** 從祀汾陰,復爲天書儀衞副使,遷吏部尙書。明 欽若旣得之,具威儀奉導至社首,跪 木工董祚於醴泉亭北見黃素曳草 先是,眞宗嘗夢神人言 欽若又言至嶽下 封禪禮成,

列傳

第

四

+ =

王欽若

定安坊。七年,爲同天書刻玉使。

射 朝請。 所遺詩。 又明年,商州捕得道士譙文易,畜禁書,能以術使六丁六甲神, 射、判禮 不 决, 兼中書侍郎、同平 知節 改刻玉 知 儀院,爲會靈 帝以問欽若,謝不省,遂以太子太保出判杭州。 節 因 同 面 副 在 「詆其短,爭於帝前 使、 樞 密, 章 觀使。 知通 事 素惡欽若,議論 0 進銀臺 明年, 有 龜 司。 蛇見拱聖營, 爲景靈使,閱道藏, 及趣 復拜 不相下。 論 賞, 樞密使、 欽若 因其地建祥源觀,命欽若總領之。 會瀘州都巡檢王懷信等上平 遂擅除懷信 同平 得趙氏 ·章事。 神仙事迹四十人, 自言嘗出入欽若家,得欽若 等官, 上玉皇尊號, 坐是, ·蠻功, 靇 遷尙書右 樞 繪 尋拜左 密 于廊 欽若 使, 廡 僕 僕 奉 久

宰相 會輔 擅去官守,命御 丁謂 臣兼領三少,欽若以品高求換秩,拜司空,尋除山南道節度使、同平章事、判河南府。與 仁宗爲皇太子,自以東宮師保請歸朝,復爲資政大學士。 不相悅,以疾請就醫京師,不報。 史中丞薛映就第按問。 欽若惶恐伏罪,降司農卿,分司南京,奪從益一官。 令其子從益移文河南府, 興疾而歸。 詔日赴資善堂侍講皇太子。 謂言欽若

合,遣中人齎以賜,且口宣召之。 滴 欽 若 仁宗卽位, 改秘 因 大書「王欽若」字。 書監, 起爲太常卿、知濠州,以刑部尚書知江寧府。 至國門而人未有知者。 是時,馮拯 病,太后有再相欽若意, 既朝, 復拜司空、門下侍郎、同平 仁宗嘗爲飛白書, 即取字緘置湯藥

章事、玉清昭應宮使、昭文館大學士,監修國史。

宰相 問,賜白 尉 復 郊 遣 祀 嘗薦舉之。 牙吏至欽若第問之 恩,封冀國公〔〕。 卹 初 恩,未有欽若 金五千兩。 臨政,欽若謂平時百官敍進,皆有常法,爲遷敍圖以獻。 至是,亦當 旣卒, 比 者 知邵武軍吳植 贈太師、中書令,諡文穆,錄親屬及所親信二十餘人。 以失舉坐罪,詔勿問。 欽若執以送官, 植、 諤皆坐貶。 病,求外徙,因殿中丞余諤以黃金遺欽若,未至,而 兼譯經使,始赴傳法院,感疾 初,欽若安撫西川, 真宗實錄成, **公巫歸**。 植爲新繁縣 進司徒, 國朝以來 帝臨

告以 建 壇場以 他日 欽若 眞 宗 禮 位至宰相。 封 嘗言:「少時過圃 泰 神、朱書「紫微 山,祀汾陰, 旣去,視其刺字, 」二字陳於壇上。表修裴 田,夜起視天中,赤文成 而天下 爭言符瑞,皆欽若 則唐相裴度 改度祠 也。」及貴、遂好神仙之事,常用道家科儀 「紫微」字。後使圖,至褒城道中,遇異人, 與丁謂倡之。 於圃田,官其裔孫,自撰文以紀其事。 嘗建議 躬謁元德皇太后

官、婚 宿萬靈朝眞圖 洞 葬。 升天皇北 所著書有鹵簿記、彤管懿範、天書儀制、 、羅天大醮儀。 極帝 坐 一於郊 八 壇 第 欽若自以深達道教,多所建明,領校道書,凡增六百餘卷。 一龕, 增執法、 孫 聖祖 星 位,別制王公以下 事跡、翊聖眞君傳、 車輅、鼓吹,以備 五嶽廣聞記 [列] 拜 別

廟

爲莊穆皇后行

期

服。

議者以謂「天子當絕傍春,欽若所言

不合禮」。

又請置先蠶井

列

九

就, 「欽若久在政府, 以中帝意。 時謂之『五 欽若 狀 貌 鬼。 短 叉性 小, 傾 姦邪 觀 項 其 巧, 敢為 有 附疣, 所 爲, 矯誕。 眞 時人目爲「癭相」。 誠 姦 聖諭 邪 馬 也。 知節嘗斥其姦狀,帝亦不之罪。 王曾對 然智數過人, 曰:「欽若與丁謂、林特 每: 朝 延有所 其後. 仁宗嘗謂 興造, 陳彭 年、 委 劉 輔 曲 承 選 臣

欽若 子從益,終贊善大夫,追賜進士及第。 後無子,以叔之子爲後。

險傷,

如

1珪,

判三司 所為 田 太宗以爲長葛尉, 五. 路 重 計李繼 文,景奇之, 進鎭永興,太宗以重進武人,選特與楊覃並爲通判,人賜白金二百兩,給實 林特字士奇。 戶 部勾院 遷,督所部轉芻粟,先期以辦。 命作 祖揆,仕閩爲南劍州順昌令, 改遂州錄事參軍。 賦, 有頃而成, 代還, 授蘭臺校書郎。 呂蒙正辟通判西京留守事。 命中書引對,授大理寺丞、通判隴州, 因家順 昌。 冮 南平, 特少穎悟, 偽官皆入見, 十歲,謁江南 蒙正入相,薦之,入 特袖 奉。 文以 有治 李景,獻 會出兵 狀。

累遷 一份書 梁鼎 真宗北征, 制置陝西青白鹽,前後上議異同,眞宗選特與知永興軍張詠同商 洞 部 員 命同知留司三司公事,遷司封員外郎。 ,外郎,爲戶部副使,詔赴內朝。 三司副 使預 車駕謁陵,爲行在三司副使,詔與 內朝,自特始。 利害,所奏合旨 徙鹽 鐵 副 使。

皆爲 如故。 成,遷尙書工部侍郎,眞拜三司使。 劉 承 爲行在三司使。 行在三司副使。 珪、李溥比較江淮茶法。因裁定新制,歲增課百餘萬,特遷祠部郎中。 後罷三司,以戶部侍郎同玉清昭應宮副使。 禮成,進給事中,爲修景靈宮副使兼修兗州景靈宮、太極觀。 以右諫議大夫權三司使、修玉清昭應宮副使。 樞密使寇準言特姦邪, 又數與爭事, 兗州宮觀成, 遷吏部侍郎。 將祀太淸宮,遣特儲供 帝爲出準,特在職 封泰山, 祀汾陰, 天禧元年, 昭應宮

險, 善附會,故謂始終善特,當時與陳彭年等號「五鬼」, 時天下完富,丁謂以符瑞、土木迎帝意,而以特有心計,使幹財利佐之。 語在王欽若傳 然特亦天性邪

爲修上聖祖寶册副使,轉尙書右丞。

銀臺 仁宗即位,進刑部尚書、翰林侍讀學士。 仁宗在東宮,以工部尚書兼太子賓客,改詹事。 司 、判尙書都省、勾當三班院。 |特體素羸,然未嘗一日謁告,及得疾,纔五日而卒。 謂貶,特亦落職知許州。 丁謂欲引爲樞密副使,而李迪執不可。 還朝,以戶部尙書知通 進 鱛

特 精 敏 喜吏職, 据案終日 又爲東封西祀朝謁太清宮慶賜總例三十六卷。 1不倦。 [真宗數訪以朝廷大事, 特因有所中傷, 人以此憚焉。 尚書左僕射。

太后遣中使祀奠。

奉

撰會計錄三十卷。

列

傳 第

四

+

王 欽 若

T

訓

子維、洙。 維亦有 東能,歷官至三司鹽鐵副使,以秘書監致仕,卒。 洙, 官至司農卿、知

壽州, 臨事苛急,鼓角將夜入州廨,拔堂檻鐵鈎擊殺之。

轉 爲大理評事、通判饒州。 之,以爲自唐韓愈、柳宗元後,二百年始有此作。 :運使,除三司戶部判官。 丁謂字謂之,後更字公言,蘇州長洲人。少與孫何友善,同袖文謁王 踰年,直史館,以太子中允爲福建路採訪。 峽路蠻擾邊,命往體量。還奏稱旨,領峽路轉運使,累遷尙書工 世謂之「孫、丁」。 淳化三年,登進士 燙, 上茶鹽利害, 禹偁,禹偁大驚重 一甲科, 遂爲

請 舉自代者,於是入權三司鹽鐵副使。 其徒討擊,出兵援之,擒生蠻六百六十,得所掠漢口四百餘人。復上言:黔南蠻族多善馬, 砦,積聚皆可給。 聽以聚易鹽,蠻人大悅。 之,且言有詔赦不殺。 酋感泣,願世奉貢。 乃作誓刻石柱,立境上。 部員外郎, 致館,犒給緡帛,歲收市之。 初,王均叛,朝廷調施、黔、高、溪州蠻子弟以捍賊, 會分川峽爲四路,改夔州路。 特遷刑部員外郎,賜白金三百兩。時溪蠻別種有入寇者,謂遣高、溪酋帥 先時,屯兵施州而饋以變、萬州粟。至是,民無轉餉之勞,施之諸 其後徙置夔州城砦,皆謂所經畫也。 未幾,擢知制誥,判吏部流內銓。 既而反爲寇。 居五年,不得代,乃詔 蠻地饒栗而常乏鹽,謂 謂至,召其種

質別

論

年,召爲右諫議大夫、權三司使。 上,舟人懼,民得悉渡。遂立部分,使並河執旗幟,擊刁斗,呼聲聞百餘里,契丹遂引去。明 巡檢事。 德 四年, 契丹深入,民驚擾,爭趣楊劉渡,而舟人邀利,不時濟。 契丹犯河北,眞宗幸澶淵,以謂知鄆州兼齊、濮等州安撫使,提舉轉運兵馬 上會計錄,以景德四年民賦戶口之籍,較咸平六年之數, 謂取死罪給爲舟人,斬河

具上

一史館,請自今以咸平籍爲額,歲較其數以聞,詔獎之。

尋加樞密直學士

景 詩以寵 政事 下之富,建一宮奉上帝,且所以祈皇嗣也。 山 再爲天書儀衞副使,拜平江軍節度使、 如謂所對告之,且不復敢言。 司 路 靈宮使,摹寫天書刻玉笈,玉清昭應宮副 使。 糧草使。 大中 其行,命權管勾駕前兵馬事。 建安軍鑄玉皇像, ·祥符初,議封禪,未决,帝問以經費,謂對「大計有餘」, 祀汾陰,爲行在三司使。 初,議即宮城乾地營玉淸昭應宮,左右有諫者。 爲迎奉使。 迺以謂爲修玉清昭應宮使,復爲天書扶侍使,遷給 建會靈觀,謂復總領之。遷尚書禮部侍郎, 謂獻白鹿丼靈芝九萬 朝謁太淸宮, 知昇州 羣臣有沮陛下者,願以此論之。」王旦密疏諫,帝 使。 大內火,爲修葺使。 爲奉祀經度制置使、判亳州。 五. 千 帝召問,謂對曰:「陛下有天 本。 議乃决。 湿, 歷工、刑、兵三部尙書, **判禮儀院**, 因韶謂爲計度泰 進戶部, 事 帝賜宴賦 中,眞拜 叉爲修 知

天禧初,徙保信軍節度使。 三年,以吏部尚書復參知政事。 是歲, 祀南郊, 輔臣俱進

列

傳

第

四十二

丁

列不 爲 官 或 史、 相 · 致言 故事 玉 清 惡 獨 , 昭 謂 嘗 王曾以帝語質之, 應宮使。 爲 謂媒櫱 宰相 而 《其過, 周懷 除 樞 政 密使, **遂**罷 事 謂顧曰:「居停主人勿復言。」蓋指曾以第舍假 敗, 準 始得遷僕射,乃以謂檢校太尉 議再 相。 貶準,帝意欲謫準江、准間,謂 旣 而 拜謂 同中 書門下平 ·章事、昭文館大學 兼本官爲樞 退,除道州 密使。 準 也 司 時寇 馬 監修 準 同

進, 蚁 書,迪爲戶部侍郎; 對,斥謂姦邪不法 迪 李 迪 爭,乃迪忿詈臣 也。 卽 先 乾興元 其後詔皇太子聽政,皇后裁制於內,以二府兼東宮官, 入中書視 愈 謂 少傅, 所善林特, 年,封晉 事 乃 加· 如故。 爾, 事 國公。 尋以謂知 自賓客改詹事,謂 中書侍 ,願與俱付御史雜治, 願 復留。」遂賜坐。 仍進尙書左僕射、門下侍郎、平章事兼太子少師。 郎
余
尚
書
左
丞
。 河南府, 欲引 迪知耶州。 左右 爲 語在 故事 樞密副使兼賓客, 欲設墩, 謂顧曰:「有旨復平章事。」乃更以 [迪傳。 ',左右丞 明日,入謝, 帝因格 非兩省侍郎所 **遂加謂門下侍郎棄太子** 前制不下,乃罷謂爲戶部尙 迪執不 帝詰所爭狀,謂 可,因 兼 ,而謂意特以 天章閣成,拜司 大詬之。 對日:「非臣 少傅, 旣入 杌 而

與帝 五日一 仁宗卽位,進 屬 先王違豫 御便殿聽政。 司徒 之初,罹 兼侍中(三),爲山陵使。寇準、李迪 此 旣得旨,而謂潛結內侍雷允恭, 一震驚,遂至沈劇。」 凡與準善者, 再貶,謂取制草改曰:「當 令密請太后降手書, 盡逐 之。 是時二府定議, 軍國事 醜徒干紀

印 畫。 學士草制辭,允恭先持示謂,閱訖乃進。 蓋謂欲獨任允恭傳達中旨,而不欲同列與

聞機 政: 也。 允恭倚謂勢,益橫無所憚。

半, 第議,遣王曾覆視,遂誅允恭。 下還,以其事奏,詔問謂,謂始請遣使按視。 衆議日喧,懼不能成功,中作而罷,奏請待命。 允恭方爲山陵都監,與判司天監邢中和擅易皇堂地。 既而咸謂復用舊地,乃詔馮拯、曹利用等就謂 謂庇允恭,依違不决。 夏守恩領工徒數萬穿地,土石相 內侍毛昌達 自 陵

嘗託 令拯等卽殿廬召舍人草詞,仍榜朝堂,布諭天下。 察其姦,此宗社之福也。」乃降謂太子少保,分司西京。 事。」拯等奏曰:「自先帝登遐,政事皆謂與允恭同議, 「謂前附允恭奏事,皆言已與卿等議定,故皆可其奏 , 且營奉先帝陵寢,而擅有遷易,幾誤大 允恭令後苑匠所造金酒器示之,又出允恭嘗干謂求管勾皇城司及三司衙司狀, 後數日,太后與帝坐承明殿,召拯、利用等諭曰:「丁謂爲宰輔,乃與宦官交通。」因出謂 追其子珙、珝、珉、赋一官,落跌館職 稱得旨禁中。 故事 黜宰相皆降制, 臣等莫辨虚實, 時欲 亟行, 止 賴聖神 因日

于園中,允恭數至請禱。 謂 嘗教言:「若所爲不過巫事,不若託言老君 及帝崩,引入禁中。 入謂家。 言禍 又因穿地得龜蛇,令德妙持入內,給言出其家 福, 足以 動 人。」於是卽謂家設 神像, 夜醮

先

是,女道士劉德妙者,

嘗以巫師出

謂敗,

逮繫德妙,內侍鞫之。

德妙通款,

列

除 政 題 Ш 名, 事任中正 日 洞 中。 「混元皇帝賜德妙」,語涉妖誕。 配 仍 隸復州 復教云 而下十數人。 $\ddot{-}$ 籍其家,得四方路遺,不可勝紀。其弟誦、說、諫悉降黜。 上卽問若,所事 在崖州踰三年, 何知爲老君,第云『相公非凡人,當知之』。」謂又作頭, 遂貶崖州司戶參軍 徙雷州,又五年,徙道州。 o 諸子並勒停。 明道中, 授秘 坐謂罷 者自參知 書監致

賓客,盡陳之,聽人人自便,而謂從容應接於其間,莫能出其意者。 者,一言判之,衆皆釋然。善談笑,尤喜爲詩,至於圖畫、博奕、音律, 謂機敏有智謀,儉狡過人,文字累數千百言,一覽輒誦。 在三司, 無不洞曉。 案牘繁委, 吏久難解 每休沐會

仕,居光州,卒。

詔賜錢十萬,絹百

匹。

年, 分,謂乃增以「權」字;及太后稱制,又議月進錢充宮掖之用,由是太后深惡之,因雷允恭 遂倂錄謂前後欺罔事竄之。 謂令以夜繼書,每繪一壁給二燭,七年乃成。眞宗崩,議草遺制, 眞宗朝營造宮觀,奏祥異之事,多謂與王欽若發之。 初,議營昭應宮,料功須二十五 軍國事 兼取皇太后處

不敢私, 厚 恩,戒家人毋輒怨望,遣人致于洛守劉燁,祈付其家。戒使者伺燁會衆僚時達之,燁得書 在 · 貶所,專事浮屠因果之說,其所著詩丼文亦數萬言。 家寓洛陽,嘗爲書自克責,敍國 即以聞。 帝見感惻,遂徙雷州,亦出於揣摩也。 謂初通判饒州, 遇異人曰:「君貌

夏竦字子喬,江州德安人。父承皓,太平興國初,上平晉策,補右侍禁〔三〕,隸大名府。契

丹內寇,承皓繇間道發兵,夜與契丹遇,力戰死之,贈崇儀使,錄竦爲潤州丹陽縣主簿。 |嫉賌性明敏,好學,自經史、百家、陰陽、律曆,外至佛老之書,無不通曉。 爲文章,典雅

藻麗。 司,累遷右正言。帝幸亳州,爲東京留守推官。仁宗初封慶國公,王旦數言陝材,命敎書 舉賢良方正,擢光祿寺丞,通判台州。召直集賢院,爲國史編修官、判三司都磨勘 未幾,同修起居注,爲玉清昭應宮判官兼領景靈宮、會眞觀事,遷尙書禮部員外

鄓、知制誥。 史成,遷戶部。 景靈宮成、遷禮部郎中。

尚鬼,多巫覡惑民,<u>陳</u>索部中得千餘家,敕還農業,毁其淫祠以聞。 使出粟,得二萬斛,用全活者四十餘萬人。 員外郎、知黃州。後二年,徙鄧州,又徙襄州。屬歲饑,大發公廩,不足,竦又勸率州大姓, 陰事,竊出訟之; 又煉母與楊母相詬詈,偕訴開封府,府以事聞, 下御史臺置劾, 左遷職方 | 竦娶楊氏,楊亦工筆札,有鈎距。及| 竦顯,多內寵,寖與楊不諧,楊悍妬,即與弟娟疏| 竦 仁宗卽位,遷戶部郞中,徙壽、安、洪三州。洪俗 韶江、浙以南悉禁絕之。

列

事、 中。 能,復爲樞密副使,遷刑部侍郎。 院兼侍讀學士、龍圖閣學士,又兼譯經潤文官。 陳,因左右之,遂起復知制誥, 乞與修眞宗實錄,不報 祥源觀使。 初,武臣賞罰無法,吏得高下爲姦,竦爲集前比,著爲定例,事皆按比而行。 竦 材 術過人, 增設賢良等六科,復百官轉對,置理檢使,皆媒所發。 急於進取,喜交結,任數術,傾側反覆,世以爲姦邪。 旣而丁母憂,潛至京師, 爲景靈判官、判集賢院,以左司郎中爲翰林學士、勾當三班 史成,進兵部,尋進尙書左丞。 遷諫議大夫,爲樞密副使、修國 依中人張懷德 爲內 助, 當太后 與宰相呂夷簡不相 宰相王 臨朝,嘗 史, 一欽若 改參知 遷給 上疏 雅 政

永 遷 興軍,聽便 刑 部尙書,徙應天府。 太后崩,罷爲禮部尙書、知襄州,改潁州。 宜 行事。 徙忠武軍節度使、知涇州。 寶元初,以戶部尚書入爲三司使。趙元昊反,拜奉寧軍節度使、知 京東薦饑,徙靑州兼安撫使。 還,判永興軍兼陝西經略、安撫、招討,進 踰年,罷安撫,

初,竦在涇州,朝廷遣龐籍就計事。 陝上奏曰:

與陳執中論兵事不合,詔徙屯鄜州

宣

徽

南院使。

巢穴,太宗難之。 河,糧卒 頃者 繼遷逃背,壓寇朔方。 ·並沒, 守榮僅以身発。 後命李繼隆、丁罕、范廷召、王超、張守恩五路入討。 至道初, 呂端始欲發兵,繇 洛苑使白守榮等率重兵護糧四十萬, 麟府、鄜延、環慶三路趣平夏,襲其 繼隆與罕合兵, 遇寇浦

引還。 行旬日,不見賊,守恩見賊不擊,超及廷召至烏白池, 時繼遷當繼捧入朝之後,曹光實掩襲之餘,遁逃窮蹙,而猶累歲不能剿滅。 以諸將失期,士卒困敝,相繼

皇帝鑒追討之敞,戒疆吏謹烽侯、嚴卒乘,來卽驅逐之,去無追捕也。

利於速戰。 也;繼遷竄伏平夏,元昊窟穴河外,地勢可知也。 之士,較當今關東之兵,勇怯可知也;以興國習戰之師,方沿邊未試之將,工拙可知 外 大河,長舟巨艦,非倉卒可具也。 小羌爾。况德明、元昊相繼猖獗,以繼遷窮蹙,比元昊富實,勢可知也,以先朝累勝 然拓跋之境,自靈武陷沒之後,銀、綏割棄已來,假朝廷威靈,其所役屬者不過河 儻進則賊避其鋒,退則敵躡其後,老師費糧,深可虞也。 若浮囊挽梗,聯絡而進,我師半渡,賊乘勢掩擊,未知 若分兵深入,糗糧不支,師行賊境, 。若窮其巢穴,須涉

因條 上十事。 何謀 可以捍禦?臣以爲不較主客之利,不計攻守之便,而議追討者,非良策也。 時邊臣多議征討,朝廷鄉之,而陳言出師非便。 旣而韶以涇原、鄜延兩路兵

進討,會元昊稍求納款,范仲淹請留鄜延兵,繇是涇原兵亦不行。 中國之師,卒不出

賊;四、度地形險易遠近、砦栅多少、軍士勇怯,而 土人爲兵,州各一二千人,以代東兵;七、增置弓手、壯丁、獵戶以備城守;八、並邊小砦, 陳上十事:一、敎習噩弩以爲奇兵; 二、羈縻屬羌以爲藩籬; 增減屯兵;五、詔諸路互相應援;六、募 三、詔唃廝囉父子

罪,銅一斤爲栗五斗,以贍邊計;十、損並邊冗兵、冗官及減騎軍,以舒饋運。 **毋積 獨**糧, 賊 攻急, 則棄小砦入保大砦,以完兵力;九、關中民坐累若過誤者,許人入粟贖 當時頗採用

乎?」朝廷下竦議,竦奏:「陝西防秋之敝,無甚東兵,不慣登陟,不耐寒暑,驕懦相習, 當百矣。媡云『土兵訓練可代東兵』,此虛言也。 盜,代兵東歸,以衞京師,萬世利也。

偕欲以寡擊衆,殆虚言也。」 至厚。土兵便習,各護鄉土,山川道路,彼皆素知,歲省獨糧鉅萬。 一二千人,則歲費不貲;若訓習士卒,使之精銳,選任將帥,求之方略,自然以寡擊衆,以一 其募土人爲兵,令下而楊偕奏言:「西兵比繼遷時十增七八,縣官困於供億,今州復益 自德明納款以來,東兵猶不可代,况 且收聚小民,免饑餓爲 廩給 今日

偕復奏云.

以來,用少擊衆,不可勝數。 騎三千破突厥,又以精騎一萬至陰山,斬首千餘級,俘男女十餘萬,擒頡利以 蘭王、盧侯王(目),執昆邪王子,收休屠祭天金人。 又將萬騎踰烏盤,討遫僕,涉狐奴,歷五王國,過焉支山千有餘里,合兵鏖皋蘭下,殺折 自古將帥深入殊庭, 霍去病止將輕騎八百, 直棄大將軍數百里赴利, 斬捕過當, 陳在涇原守城壘,據險阻,來則禦之,去則釋之,不聞出師 趙充國亦以萬騎破先零。李靖以驍 獻。 自漢

也。陳懼戰或敗刻,託以兵少爲辭爾。

兵,人月受米七斗五升,土兵二石五斗,而|竦乃言東兵廩給至厚,又不知之甚也。|竦又 衆。以此知兵之強弱,不繫東西,在將有謀與無謀爾。今邊郡參用東兵、土兵,若盡罷 北,豈有驟加訓練而能取勝哉? 東兵,亦非計也。古人有言:「非隴西之民有勇怯,迺將吏之制巧拙異也。」今防邊東 以近事言之,閤門祗候王文恩出師敗北,而土兵皆竄走,惟東兵僅二百人,殺敵兵甚 言募土兵訓練以代東兵,且土兵數萬,須募足訓練,雖三二歲未得成效,兵精猶恐奔 陳言士兵各護鄉土,自古兵有九地(fi),士卒近家,謂之散地,言其易離散也。

竦議遂屈。

能。 之臣,何以求治?」會陝已至國門,言者論不已,請不令入見。諫官余靖又言:「竦累表引 至遣敕使臨督,始陳十策。嘗出巡邊,置侍婢中軍帳下,幾致軍變。 中,召爲樞密使。 三千,爲賊輕侮 夷簡畏其爲 <u>竦雅意在朝廷,及任以西事,頗依違顧避,又數請解兵柄。改判河中府,徙蔡州。</u> 如此。 人,不肯引爲同列,既退,乃薦之以釋宿憾。 諫官、御史交章論:「陝在陝西畏懦不肯盡力,每論邊事,但列衆人之言, 今復用之,邊將體解矣。且竦挾詐任數,姦邪傾險,與呂夷簡不相 陛下孜孜政事,首用懷詐不忠 元昊嘗募得竦首者與錢

列傳

第

疾,及 惑矣。」章累上,即日詔媡歸鎮,竦亦自請還節。徙知亳州, 聞召用,即兼 驛而馳 若不早决,竦必堅求面對,敍恩感泣,復有左右爲之地,則聖聽 改授吏部尙書。 歲中, 加資 () 政殿

學士。 合,不可使共事。」遂改樞密使,封英國公。 節度使、判丼州。 年,召入爲宰相。 | 竦之及國門也,帝封彈疏示之,旣至亳州,上書萬言自辨。 請復置宦者爲走馬承受。 制下而諫官、御史復言:「大臣和則政事修,竦前在關中,與執中論議不 明年,拜同中書門下平章事、判大名府 復拜宣徽南院使、 河陽三城 又明

翰林學 內 自 加 竦 都 兼 始 侍 知 請 中。 如 析 士張方平至,謂曰:「夏竦姦邪,以致天變如此,宜出之。」罷 故。 尋以病 河北爲四路。 **饗明堂,徙武寧軍節度使,進鄭國公,錫賚與輔臣等。** 言者以爲竦結懷敏而曲庇之。會京師同日無雲而震者五,帝方坐便殿,趣召 扇,卒。 親事官夜入禁中,欲爲亂,領皇城司者皆坐逐,獨楊懷敏降官,領入 贈太師、中書令。賜諡文正,劉敞言:「世謂竦姦邪,而 知河南府,未幾,赴本鎮, 將相居外, 遇大禮有賜, 諡為正,不

文集一百卷。 文學起家,有名一時,朝廷大典策屢以屬之。 其爲郡有治績,喜作條敎,於閭里立保伍之法,至盜賊不敢發,然人苦煩擾。 多識古文, 學奇字,至 夜以指畫膚。 可

改諡

文莊

興軍 戰 運使。 安撫 部中。 湖南道刑獄 竦。 郎中,徙江、淮發運使,入爲三司戶部副使。 縣,而光化軍戍卒相繼叛,勢且相合,安期督將吏捕斬殆盡。 所在陰間僚屬,使相猜阻,以鈎致其事,遇家人亦然。 治 陣法,繇是土兵勝他路。又籍塞下閉田,募 軍尤嚴,敢誅殺,卽疾病死喪,拊循甚至。 遷 時 司議損邊費、頗奏省吏員及汰邊兵之不任役者五萬人。擢天章閣待制,遂爲陝西都轉 時 子安期,字清卿,以父任爲將作監主 右 進龍 徙河北,進兵部郎中。 | 竦爲樞密使,爲請還所遷官,丐准、浙一 竦 在丼州,使其僕貿易,爲所侵盜,至杖殺之。 諫議 在 圖閣直學士、東部郞中、知渭州。簡弓箭手,得驍勇萬人爲步兵,騎又半之,敎以 《。除開封府推官,徙判官,判三司鹽鐵勾院,出爲<u>京西轉運使。盜起部中,</u>剽劫州 關中,俟其至,召詰之,誅斬殆盡,軍中大震。 大夫,進樞密直 學士,徙延州。 簿, 、人耕種,歲得穀數萬斛,以備振發,名曰貸倉。 會元昊納款,西邊罷兵, 嘗有 召試,賜進士出身。 未至,丁父憂。 那。 龍騎卒戍邊、羣剽,州郡莫能止,或密以告 積家財累鉅萬,自奉尤侈,畜聲伎甚衆。 復以爲工部郎中、江淮發運使,徙知永 其威略多類此。 服除, 徙河東轉運使,累遷尚書工部 累遷太常博士,擢提點荆 辭所進職,復爲龍圖閣 命往陝西與諸路經略 然性貪, 數商販

例

傳

第

ptj

+

夏娕

校勘記

九五七七

督役,不踰月而就。 直學士兼侍讀,提舉集禧觀。 校可辦也。」議遂决。 至, 即大築城。 時方暑,士卒有怨言,安期益令廣袤計數百步,令其下曰:「敢言者斬。」躬自 元昊請畫疆界,朝廷欲遣使,以問安期。 暴得疾,卒,詔遣中使護其喪以歸。 以學士復知延州,州東北阻山,無城郭,虜騎嘗乘之。 安期對曰:「此不足煩王人,衙 安期

奉養聲伎,不減其父云。 安期雖乘世資,頗以才自厲,朝廷數器使之,然無學術,而求入侍經筵,爲世所譏。

其

鈎致成 暇,而封禪之議成於謂,天書之誣造端於欽若,所謂以道事君者,固如是耶? 而黨惡醜正,幾敗國家,謂其尤者哉 論日: 事,一 王欽若、丁謂、 居政府,排斥相踵,何其患得患失也! 夏竦,世皆指爲姦邪。 眞宗時,海內乂安,文治洽和,羣臣將順不 欽若以贓賄干吏議,其得免者幸矣。 **竦陰謀猜阻**, 然

校勘記

(二) 封冀國公 「公」字原脫,據長編卷一〇二、東都專略卷四九本傳補。 勘

53

「中」原作「郎」,據本書卷九仁宗紀、隆平集卷四、東都事略卷四九本傳改。

 \exists

 余侍中

- 右侍禁 四本傳補。
- \subseteq 殺折蘭王盧侯王 斬爐侯王。」長編卷一二五載楊偕此奏也作「殺折蘭王、盧侯王」,據改。 「禁」字原脫,據隆平集卷一一、東都事略卷五 「折」原作「樓」、「盧侯」原作「虜侯」。 按漢書卷五五霍去病傳作:「殺折蘭王、
- 散地」,與本文正合。 據補。

E

自古兵有九地 「兵」字原脫。 按長編卷一二五作「自古兵有九地」。

又孫子有九地篇,

其一爲

宋史卷二百八十四

列傳第四十三

陳堯 佐 兄堯叟 弟堯咨 從子漸 宋庠 弟祁

爲京東轉運使,超拜祠部員外郎、知蘇州,賜金紫。 爲太子中允,俄判三司都憑由司,改鹽鐵判官,遷殿中丞。 **壓之,詔書褒美。** 伯子堯叟登甲科,占謝,辭氣明辨,太宗顧左右曰:「此誰子?」王沔以省華對。 邑強族所據,省華盡去壅遏,水利均及,民皆賴之,徙樓煩令。 父省華字善則,事孟 昶爲西水尉。 陳堯佐字希元,其先河朔人。 歷戶部、吏部二員外郎,改知潭州。 高祖翔,爲蜀新井令,因家焉,遂爲閬州閬中人。 蜀平,授隴城主簿,累遷榛陽令。 時遇水災,省華復流民數千戶,殍者悉 河決鄆州, 端拱三年,太宗親試進士, 命省華領州事 縣之鄭白渠爲鄰 即召省華 俄

省華智辨有吏幹,入掌左藏庫,判吏部南曹,擢鴻臚少卿。 景德初,判吏部銓,權知開

列

傳第四十

=

陳堯

佐

省華以府事繁劇,請禁賓友相過,從之。 封 府,轉光祿卿。 舊制,卿監坐朵殿,太宗以省華權涖京府,別設其位,升於兩省五品之南。 未幾,因疾求解任,拜左諫議大夫,再表乞骸骨,不

許,手詔存問,親閱方藥賜之。三年,卒,年六十八,特贈太子少師。

之,人皆驚異。 廟,作韓 遷 而傷之,命二吏拏小舟操網往捕。 秘書郎、 會其兄堯叟使陝西,發中人方保吉罪,保吉怨之,誣堯佐以事,降本縣主簿。徙下邽, 東部祠,以風示潮人。 知眞源縣,開封府司錄參軍事,遷府推官。 民張氏子與其母濯于江,鱷魚尾而食之,母弗能救。 鱷至暴,非可網得, 坐言事忤旨, 降通判潮州。 至是,鱷弭受網,作文示諸市而烹 修孔子 堯佐 聞

|廬州 察在京刑獄,爲御試編排官,坐置等誤降官,監鄂州 寒民貧,仰石炭以生,奏除 堯佐請下 ,以父疾請歸,提點開封府界事,後爲兩浙轉運副使。 召還,直 薪實土乃堅久, 史館,知壽州。 丁謂 其稅。 歲大饑,出奉米爲糜粥食餓者,吏人悉獻米至,振數萬 不以爲是, 又減澤州大廣冶鐵課數十萬。 徙京西轉運使, 茶場。 後卒 錢塘江籌石爲隄,隄再歲 如堯佐議。 徙河北,母老祈就養,召糾 徙 河東路,以地 「輒壞。 徙

天禧中, 河決,起知滑州,造木龍以殺水怒,又築長堤,人呼爲「陳公堤」。初營永定陵,

館修撰,知通進、銀臺司。進樞密直學士、知河南府,徙抖州。 復徙京西轉運使,入爲三司戶部副使,徙度支,同修眞宗實錄。 每汾水暴漲,州民輒憂擾,堯 不試中書,特擢 知制誥兼 史

佐爲築堤,植柳數萬本,作柳溪,民賴其利。

祥符 辨。 知縣陳詁治嚴急,更欲罪詁,乃空縣逃去,太后果怒;而詁連呂夷簡親,執政以嫌不敢 事下樞密院, 召同修三朝史,代弟堯咨同知開封府,累遷右諫議大夫,爲翰林學士,遂拜樞密副使。 堯佐獨曰:「罪詁則姦吏得計,後誰敢復繩吏者?」詁由是得免。 以給事

中參知政事,遷尙書吏部侍郞。

惠太后 范諷 欲傳之千載,乃一旦與瓦礫等, 數見,罷爲准康軍節度使、同中書門下平章事、判鄭州。 前守姜遵盡毁古碑碣充磚甓用, 劾治, 太后崩,執政多罷,以戶部侍郎知永興軍。 園 「陵,州供張 而事乃辨。 、甚嚴, 改知廬州,徙同州, 賜書褒論。 誠可惜也。 堯佐奏日 既而拜同中書門下平章事、集賢殿 復徙永興軍。 「唐賢臣墓石,今十亡七八矣。 其未毁者,願敕州縣完護之。」徙鄭州 過鄭,爲郡人王文吉以變事告,下御史中丞 以太子太師致仕,卒,贈司空兼侍 初,太后遣宦者起浮圖京兆城中, 大學士。 子孫深刻大書, 會作章 以災異

堯佐少好學,父授諸子經,其兄未卒業,堯佐竊聽已成誦。 41 傳 第 几 + Ξ 陳 堯 佐 初肄業錦屏山,後從种放於 九五八三

中,

諡文惠。

博嘗謂其父曰:「君三子皆當將相,惟中子貴且壽。」後如摶言。有集三十卷,又有潮陽編、野 動物必戒左右勿殺,器服壞,隨輒補之,曰:「無使不全見棄也。」號「知餘子」。自誌其墓曰: 終南 「壽八十二不爲夭,官一品不爲賤,使相納祿不爲辱,三者粗可歸息於父母棲神之域矣。」陳 山 ,,及貴,讀書不輟。善古隸八分,爲方丈字,筆力端勁,老猶不衰。尤工詩。 性儉約,見

廬編、愚丘集、遣興集。

却其私 運使。 東道 感 獲贈遺數千緡,桓責賦斂於民,往往斷其手及足趾。薨叟知之,遂奏召桓子,授以朝命,而 樹鑿井,每三二十里置亭舍,具飲器,人冤暍死。會加恩黎桓,爲交州國信使。初,將命者必 恩,倂捕 判官。時宋、亳、陳、潁民饑,命堯叟及趙况等分振之。再遷工部員外郎、廣南西路 堯叟字唐夫,解褐光祿寺丞、直史館,與省華同日賜緋,遷祕書丞。 久之,充三司河南 覿。 嶺南 海賊爲謝 又桓 風俗,病者禱神不服藥,堯叟有集驗方,刻石桂州〔〕驛。又以地氣蒸暑,爲植 界先有亡命來奔者,多匿不遣,因是海賊頻年入寇。」堯叟悉捕亡命歸恒,桓

多沉溺, 先是, 咸苦之。 歳調雷、化、 海北岸有遞角場, 高、藤、容、 白諸州兵,使輦軍糧汎海給瓊州。 正與瓊對, 伺風便一日可達, 與雷、化、 其兵不習水利, 率

四州 地水路接近。 堯叟因規度移四州民租米輸于場, 第令瓊州遣瓥兵具舟自取, 人以為

便。

官。 以所種麻苧頃畝,折桑棗之數,諸縣令佐依例書曆爲課,民以布赴官賣者,免其算稅。 惟 蠶。 麻苧,以錢鹽折變收市之,未及二年,已得三十七萬餘匹。 織者衆、市者少,故地有遺利,民艱資金。 此 三收其苧。 止及萬,較今所得,何止十倍。今樹藝之民,相率競勸; 則布帛上供,泉貨下流,公私交濟,其利甚博。」詔從之。代還,加刑部員外郎,充度支判 麻 苧爾。 昔云入蠶之綿,諒非五嶺之俗,度其所產,恐在安南。 咸平初,詔諸路課民種桑棗,堯叟上言曰:「臣所部諸州,土風本異, 田多山石, 地少桑 復一固其本, 麻苧所種,與桑柘不殊,旣成宿根,旋擢新幹,俟枝葉裁茂則刈穫之,周歲之間 十年不衰。 始離田疇,卽可紡績。 臣以國家軍須所急,布帛爲先,因勸論部民廣植 **杼軸之功,日以滋廣。欲望自今許** 今其民除耕水田 自朝廷克平交、廣,布帛之供,歲 然布之出,每端止售百錢,蓋 外,地利之博者 如

产,遷兵部,拜主客郎中、樞密直學士、知三班兼銀臺通進封駁司、制置羣牧使。 未幾,會無水蠻會蒙令國殺使臣擾動,命堯叟爲廣南東、西兩路安撫使,賜金紫遣之。

河決澶州 王 陵 口, 詔往護塞之,遂與馮拯同爲河北、河東安撫副使。時中外上封奏者

傳第

四

+

 \equiv

陳

堯佐

判官 甚衆, 煩冗文帳 言三司官吏積習依違,文牒有經五七歲不決者,吏民抑塞,水旱災沴,多由 官幹敏者, 檢覆判決, 命與拯詳定利害,及與三司議滅冗事。 二 十 一 同三司使議減煩冗,參決滯務。 如復稽滯,許本路轉運使聞奏,命官推鞫,以警弛慢。 萬五 千餘道,又減河北冗官七十五員 **善曳請以秘書丞直史館孫冕同領其事,凡省去** 俄與拯並拜右諫議大夫、同知樞密院事。 乃詔堯叟與拯舉常參 [此致。 請委逐部

決遣之,以故獄無繫囚。 郎,與王 部 侍郎。 五 年, 欽 若 郊祀,進 眞宗幸澶淵,命乘傳先赴北砦按視戎事,許以便宜。 並知樞密院 給 事中。 事。 眞宗曰:「堯叟素有裁斷,然重事宜付有司按鞫而詳察之。」因密加 會王繼英爲樞密使,以堯叟簽署院事,奉秩恩例悉同副使, 真宗朝陵,權東京留守。 每裁剸刑禁,雖大辟亦止 景德中,遷刑 部、兵部二侍 面 取狀, 亟

之本,宜得大臣總領,故又委堯叟焉。 俄 兼羣牧制置使。 始置使, 即以堯叟爲之,及掌樞密, 自是多立條約。 又著監牧議,述馬政之重。 卽罷其任; 至是, 以 國馬戎事 預修國

大中祥符初,東封,加尚書左丞。 祀汾陰,爲經度制置使、判河中府。 詔撰朝覲壇碑, 進工部尚書, 獻封禪聖製頌, 帝作歌 禮成,進戶部尚書。 時詔王欽若爲朝覲壇頌,表

護堯叟,不許。 別命堯叟撰親謁太寧廟頌,加特進,賜功臣。 又以堯叟善草隸,詔寫途中御

製歌詩刻石。

坐,許三子扶掖升殿,賜詩爲餞,又賜仲子希古緋服。 閣門使楊崇勳至第撫慰,以詢其意。 章事,充樞密使。 開 府儀同三司。 五年,與欽若並以本官檢校太傅、同平章事,充樞密使,加檢校太尉。 未幾,與欽若罷守本官,仍領羣牧。 堯叟素有足疾,屢請告。 堯叟詞志頗確,優拜右僕射、知河陽。 九年夏,帝臨問,勞賜加等。 明年,復與欽若以本官檢校太尉、同平 疾甚,表求避位,造 從幸太淸宮,加 肩輿入辭,至便

爲都官員外郞。 廢朝二日,贈侍中,諡曰文忠,錄其孫知言、知章爲將作監主簿。長子師古賜進士出身,後 天禧初,病亟,召其子執筆,口占奏章,求還輦下,詔許之。 希古至太子中舍,坐事除籍。 肩輿至京師,卒,年五十七。

堯叟偉姿貌,強力,奏對明辨,多任知數。 久典機密, 軍馬之籍, 悉能周記。 所著請盟

錄三集二十卷。

官者 諸 事華侈。 十數人,宗親登科者又數人,榮盛無比。賓客至,堯叟兄弟侍立省華側,客不自安,多 母馮氏,性嚴。堯叟事親孝謹,怡聲侍側,不敢以貴自處。家本富,祿賜且厚,馮氏不許 景德中,堯叟掌樞機,弟堯佐直史館,堯咨知制誥,與省華同在北省,諸孫任

列傳第

無嫌 朝 引 廷 去。 也。」乃封上黨郡太夫人,進封滕國,年八十餘無恙,後堯叟數年卒。 援 制 舊制 不許。 登 樞 父既. 近 者,母妻卽封郡夫人。 卒, 帝欲褒封其母, 以問王旦。 堯叟以父在朝母止從父封, E 曰:「雖私 門 禮 遂以 制 未 シ妻封 関,公朝降命亦 表讓 于母,

劉 度 」支句院,始合三部句院兼總之。 師 道屬弟幾道以試卷爲藏驗,坐貶單州團練副使。 堯咨字嘉謨,舉進士第一,授將作監丞、通判濟州,召爲祕書省著作郞、 擢右正言、知制誥。 復著作郎、知光州。 崇政殿試進士,堯咨爲考官,三司使 直 一史館、 、判三司

者。 官, 長安不法者,帝不欲窮治,止削職徙鄧州,才數月,復知 學士、尙書工部郞中知永興軍。 侈不循法度, 做武 而寒士無以進,堯咨進其可擢者,帝特遷之。改右諫議大夫、集賢院學士,以龍圖閣直 嘗以氣凌轉運使樂黃目,黃目不能堪,求解去,遂徙堯咨知 尋 復右正言、知制誥,知荆南。 「庫,建視草堂,開三門,築甬道,出入列禁兵自衞。 長安地斥鹵,無甘泉,堯咨疏龍首渠注城中,民利之。 改起居舍人,同判吏部流內銓。 制語 河南府。 舊格,選人用舉者數遷 用刑慘急,數有杖死 旣而有發堯容守 然豪

者,自謂遭讒以至此爾! 堯咨性剛戾,數被挫,忽忽不自樂。 」帝賜詔條其事切責,乃皇恐稱謝。還,判登聞檢院,復龍圖閣直學 **堯叟進見,帝問之,對日**三一義容豈知上恩所以保佑

尚書 中, 列軍士持大梃侍前, 吏民語不中意, 立至困仆。 **唃厮囉立** 漸獨好之,著書十五篇,號演弦,奏之。召試學士院,授儀州軍事推官。 第,輒辭不就,願擢其父,許之。至咸平初,漸始仕,爲天水縣尉。時學者罕通揚雄太玄經, 弟同時貴顯,時推爲盛族。子述古,太子賓客致仕,博古,篤學能文,爲館閣校勘,早卒。 大星實于庭,散爲白氣。已而卒,贈太尉,諡曰康肅。 河,自魚山至下杷以導積水。 敦諭之,不得已,拜命。自契丹修好,城壁器械久不治,堯咨葺完之。然須索煩擾,多暴怒, 復調隴西防禦推官,坐法免歸,不復有仕進意,圖中學者多從之遊。 坐失舉,降兵部員外郎。 工部侍郎權知開封府。 從子漸字鴻漸,少以文學知名於蜀。淳化中,與其父堯封皆以進士試廷中,太宗擢漸 堯容於兄弟中最爲少文,然以氣節自任。工隸書。善射,嘗以錢爲的,一發貫其中。 換宿州觀察使,知天雄軍,位丞郞上。堯咨內不平,上章固辭,皇太后特以隻日召見, 一文法召蕃部欲侵邊,以爲陝西緣邊安撫使。 入爲翰林學士,以先朝初牓甲科,特詔班舊學士蔡齊之上。 拜武信軍節度使、知河陽,徙澶州,又徙天雄軍。 喪母,起復工部郞中、龍圖閣直學士、會靈觀副使。 以安國軍節度觀察留後知鄆州。 再遷右諫議大夫、知秦州,徙同州,以 堯容不學,漸心薄 舉賢良方正科,不 所居棟摧, 邊臣飛奏 建請浚新

列

傳第四十三

陳堯

佐

宋庠

九五八九

師, 之。 授潁 自號金龜子。 堯容 州 後 長 貴 史。 顯 興漸 謂 **[等知其無他,得改鳳州團練推官,遷耀州節度推官。** 益 不 同, 因言漸罪戾之人, 聚徒太盛, 不宜久留遠方。 卒,有文集 卽 召 漸 千五 至京

中見者 阜。 鍾夢道士授以書曰:「以遺爾子。」視之,小戴禮也, 宋庠字公序, 安州安陸人,後徙開封之雍丘。父田三,嘗爲九江掾,與其妻鍾禱于廬 已而庠生。他日見許眞君像,即夢

宜 直 如本朝故事,命有司設 一史館,歷三司戶部判官,同修起居注,再遷左正言。 庠,<u>天聖初,舉進士,開封、</u>試禮部皆第一,擢大理評事、同判襄州。 久之,知制 誥。 時親策賢良、茂才等科,而命與武 ·次具飮膳,斥武舉人令別試。」詔 、舉人雜視。 郭皇后廢,庠與御 從之。 庠言:「非所以待天下 召試,遷太子中允、 史伏 、
閣争論 ,坐罰

流 其父子四 內銓, 兼 史館修撰、知審 遷尙書刑部員外郎。 州論奴以 刑院。 法, 解獨不 密州豪王解私釀酒,鄰 仁宗欲以爲右諫議大夫、同知樞密院事 死。 宰相 陳堯佐右澥,庠力爭 人往 」捕之, 解給 卒抵 奴曰:「盜也。」盡: 中書言故事無自知 澥 死 改 權 剉 吏部 使殺

制誥除執政者,乃詔爲翰林學士。 帝遇庠厚,行且大用矣。

祥。」帝弗爲意,他日以諭之,因改名庠。寶元中,以右諫議大夫參知政事。 庠 · 初名郊,李淑恐其先己,以奇中之,言曰:「宋,受命之號 , 郊, 交也。 合姓名言之爲不 庠爲相儒雅,練

習故事,自執政,遇事輒分別是非。 嘗從容論及唐入閣儀, 庠退而上奏曰:

紫宸殿,謂之上閤,亦曰內衙,隻日常朝則御之。天子坐朝,須立仗於正衙殿,或乘輿 含元殿,大朝會則御之;第二殿日宣政殿,謂之正衙,朔望大册拜則御之;第三殿日 東北,世謂之東內,高宗以後,天子多在。大明宮之正南門日丹鳳門,門內第一殿日 止御紫宸,即喚仗自宣政殿兩門入,是謂東、西上閤門也。 入閣,乃有唐隻日於紫宸殿受常朝之儀也。 唐有大內,又有大明宮,宮在大內之

是也。 紫宸,即喚仗自東、西閤門入,如此則差與舊儀合。但今之諸殿,比於唐制南北不相對 也; 爾。 紫宸殿,唐紫宸殿也。今欲求入閤本意,施於儀典,須先立仗文德庭,如天子止御 又按唐自中葉以還,雙日及非時大臣奏事,別開延英殿,若今假日御崇政、 以本朝宮殿視之:宣德門,唐丹鳳門也;大慶殿,唐含元殿也;文德殿,唐宣政殿 乃知唐制每遇坐朝日,即爲入閣,其後正衙立仗因而遂廢,甚非禮也。

論數不同,凡庠與善者,夷簡皆指爲朋黨,如鄭戩、葉清臣等悉出之,

岸與宰相

呂

1夷簡

列

傳

第

四

+ =

宋庠

章得 乃以庠 災異策冤三公故事,罷宰相賈昌朝,輔臣皆削一官,以庠爲右諫議大夫。 也 以 政殿,出手詔策以時事,庠曰:「兩漢對策,本延巖穴草萊之士, 尊 論 象,誰 朝 者以 知場州 廷,請至中書合議條奏。」時陳執中爲相,不學少文,故夏竦爲帝 岸為 可代仲淹者,得象薦宋祁。 知體 未幾,以資政殿學士徙鄆州, 帝雅意在岸,復召爲參知 進給 事中。 參知政事范仲淹去位, 今備位 政事。 政府而比諸 畫此謀,意欲困執中 慶曆七年春旱,用漢 帝嘗召二府對資 帝問宰相 生,非所

甚 有 大 學 司 印 嗟 終 士 明 也 不 享明 能 除 推 請 尚書工 堂 述 下 一,遷工 先 有 九典,因 司 部 論定施行。」而 部尙書。 品侍郎?· 循顧望 充樞密使。 嘗 ,使王公薦享,下 請 議者不一 復羣臣家 皇祐 ,卒不果復。 廟,日:「慶 中,拜兵部侍郎、同中 同委巷,衣 層元 冠 昭穆, 年 赦書,許文武官立 書門下平 雜用家人, 章事、集賢殿 緣偷襲弊, 家廟,而

校太 則 南 拯 出 奏 府,後徙許州 庠 、尉、同平 補更成,祖宗初謀也,不苟輕贞。」旣而與副使程戡不協,戡罷,而御史言庠昏惰,乃以 年 , 那子 ·戢子 章 弟,又言庠 了、又徙 事 與越國 充 樞密使,封莒國 河陽,再遷兵部 夫人曹氏客張彥方遊。 在政府無所建明 公。 尙 書。 數言: | 國 庠 觐, 亦 而彥方僞 清去。 家當 詔綴 愼 中書門下 乃以 造 固 一敕牒, 根 刑 本 部 ·,畿輔宿 爲 班, 尙 人補 書、 出 觀 官, 兵常盈 文殿 視 論 其儀物。 大學士知 死。 几 + 諫官包 -萬,羨 以 檢 河

三城節度、同平章事、判鄭州,徙相州。 以疾 召還。

愛信 以 德範之碑」。 子從之。」至亳,請老益堅,以司空致仕。卒,贈太尉兼侍中,謚元獻。 大臣故,未忍遽從,乃出判亳州。 英宗 幼子,多與小人遊,不謹。 即位,移鎭武寧軍(三),改封鄭國公。 御史呂晦請敕庠不得以二子隨,帝曰:「庠老矣,奈何不使其 库前後所至,以愼靜爲治,及再登用,遂沉浮自安。 庠在 相州 即上章請老,至是請猶未已。 帝爲篆其墓碑曰「忠規 晚

屬 數以事侵庠。 集四十卷。 定 所惡,欲痛治之以法,庠獨不肯,曰:「是安足罪也!」人以此益稱其長者。 國語,撰補音三卷。又輯紀年通譜,區別正閨,爲十二卷。 庠 自應舉時,與祁俱以文學名擅天下,儉約不好聲色,讀書至老不倦。 天資忠厚,嘗曰:「逆詐恃明,殘人矜才,吾終身弗爲也。」沈邈嘗爲京東轉運使, 及庠在洛,邈子監麴院,因出借縣人負物,杖之,道死實以他疾。而邈子爲府 掖垣叢志三卷,尊號錄一卷,別 弟|祁。 善正訛謬,嘗校

| 庠第 一寺丞、國子監直講。 一,而置祁第十。 |邴字子京,與兄||库同時舉進士,禮部奏||祁第一,||庠第三。| 章獻太后不欲以弟先兄,乃擢 召試,授直史館,再遷太常博士、同知禮儀院。 人呼曰「二宋」,以大小別之。 釋褐復州軍事推官。 有司言太常舊樂數增 孫奭薦之,改大

列

傳

九五九四

損, 遷尙書工部員外郎、 韶||和同按試。 同修起居注、 李照定新樂, 權三司度支判官。方陝西用兵,調費日蹙,上 胡瑗鑄鍾磬,祁皆典之,事見樂志。 預修廣

大有三冗,小有三費,以困天下之財。財窮用編,而欲興師遠事,誠無謀矣。能去三 之粟,南方冶銅匱而不發至,承平如此,已自彫困,良由取之旣殫、用之無度也。 兵以食爲本,食以貨爲資,聖人一天下之具也。今左藏無積年之鏹,太倉無三歲 朝廷

官何得不濫除。 取之而有。今一官未闕,羣起而逐之,州縣不廣於前,而官五倍於舊, 吏何得不苟進, 萬,二冗去矣。 爲盜賊,雖廣募之,無益也。其已在籍者請勿論,其他悉驅之南畝,又得力耕者數十 悉刺之,纔圖供役,本不知兵,又且月支廩粮,歲費庫帛,數口之家,不能自庇,多去而 其他悉罷還爲民,可得耕夫織婦五十餘萬人,一冗去矣。天下廂軍不擇孱小尫弱而 道日益多而無定數,三冗也。三冗不去,不可爲國。請斷自今,僧道已受戒具者姑如舊, 冗、節三費,專備西北之屯,可曠然高枕矣。 何謂三冗。天下有定官無限員,一冗也;天下廂軍不任戰而耗衣食,二冗也;僧 國家郡縣,素有定官,譬以十人爲額,常以十二加之,卽遷代、罪讁,隨 請詔三班審官院內諸司、流內銓明立限員,以爲定法。 其門麼、流外、

頁舉等科,實置選限,稍務擇人,俟有闕官,計員補吏,三冗去矣。

犧牲玉帛,使有司端委奉之、歲時薦之,足以竦明德、介多福矣,何必希屑屑之報哉? 藩及京師,則三費節矣。 則一費節矣。二曰京師寺觀,或多設徒卒,添置官府,衣糧率三倍他處。居大屋高廡, 際邦用,莫此爲甚。請自今地非邊要、州無師屯者,不得建節度,已帶節度,不得留近 相之建,或當邊鎮,或臨師屯,公用之設,勞衆而饗賓也。今大臣罷黜,率叨恩除,坐 不徭不役,坐蠹齊民,其尤者也。而又自募民財,營建祠廟,雖曰不費官帑,然國與民 奉先烈、祈民福爲名,臣愚以爲此主者爲欺盜之計爾。 一也,捨國取民,其傷一焉,請罷去之,則二費節矣。三曰使相節度,不隸藩要。夫節 何謂三發?一曰道場齋醮,無有虛日,且百司供億,至不可貲計。 。陛下事天地、宗廟、社稷、百神, 彼皆以祝帝壽、

無踰舊規,後宮錦綉珠玉,不得妄費,則天下響應,民業日豐,人心不搖,師役可 臣义聞之,人不率則不從,身不先則不信。陛下能躬服至儉,風示四方,衣服起

舉,風行電照,飲馬西河。 蠢爾 戎首,在吾掌中矣!

禮院、國子監,改判太常寺。 徙 判鹽鐵 句院,同修禮書。 庠罷, 祁亦出知壽州, 徙陳州。 次當知制誥,而庠方參知政事,乃以爲天章閣待制,判太常 還知制誥、權同判流內銓,以龍

列

傳

第

四十三

宋庠

事 利害者,皆使先稟度可否,而後議於三司,遂著爲令。 圖 ,,罷郦翰林學士,改龍圖學士、史館修撰, 閣直學士知杭州,留爲翰林學士。 提舉諸司庫務,數釐正弊事,增置勾當公事 修唐書。 累遷右諫議大夫,充羣牧使。 徙知審官院兼侍讀學士。 官 庠復 ,其屬言 岸 為 樞 2知政

密使,祁復爲翰林學士。

殺 事不圖而 小草、猶人主不斷,不能制臣下。」又謂:「與賢人謀而與不肖者斷, 景祐中,詔求直言,祁奏:「人主不斷是名亂。 小事急,是謂三患。」其意主於彊君威,別邪正,急先務,皆切中時病 春秋書:『殞霜,不殺菽。』天威暫廢,不能 重選大臣而輕任之,

1 1 進。 1加3 適當制,不俟旨,寫告不送中書,徑取官告院印用之,亟封以進。 狼 大怒, 擲于地。 龍 又 會 進温 凡 圖 制詞,旣授閻門宣讀,學士院受而書之,送中書,結三省銜,官告院用印,乃進內。 閣學士。 成 (皇后爲貴妃。故事,命妃皆發册,妃辭則罷册禮。 祁坐是出知許州。 坐其子從張彥方游,出 甫 數月,復召爲侍讀學士、史館修撰。 知亳州 兼集賢殿修撰。 然告在有司,必俟旨而後 后方愛幸,覬行 祀明堂,遷給事 册禮,得

歲 餘 徙 知成 德 軍, 遷尙書禮部侍郎。 請弛河東、陝西馬禁,又請復唐馱幕之制。

月至,徙定州,又上言:

天下根本在河北,河北根本在鎮、定,以其扼賊衝,爲國門戶也。 且契丹搖尾五十

欲 딒 血 年,狼態猘心,不能無動。今垂涎定、鎭,二軍不戰,則薄深、趙、邢、洛(云),直擣其虛, 人樂門,莫如賞重罰嚴;欲賊顧望不敢前,莫如使鎭 吻婪進,無所顧藉。臣竊慮欲兵之強,莫如多穀與財;欲士訓練,莫如善擇將帥 甘得而 忘死:河北之人,殆天性然。陛下少勵之,不憂不戰。 重而定彊。 以欲戰之上,不得善 大耻怯尚勇,好論

將,雖鬥猶負。

無穀與財,雖金城湯池,其勢必輕。

平,馬 定既充, 長,雖契丹多馬,無所用之。 則 什伍相聯,大呼薄戰,步之長也。 士寡,不能深入,河東天險,彼憚爲寇。 如行莞衽。 止,此不待馬而 今朝廷擇將練卒,制財積糧,乃以陝西、河東爲先,河北爲後,非策也。 益少,臣請多用步兵。 可入穀餘州。 故謀契丹者當先河北, 步 可用矣。 列將在陝西、河東有功狀者, 夫雲奔騰馳,抄後掠前,馬之長也; 疆弩互梃,長槍利刀, 臣請損馬益步,故馬少則騎精,步多則鬥健,我能用步所 臣料朝廷與敵相攻,必不深入窮追, 謀河北省捨鎮、定無議矣。 若河北不然,自薊直視, 得遷鎭、定,則鎭、定重。 臣願先入穀鎭、定,鎭、 勢同建瓴,賊鼓而前, 殿而去之,及境 西賊兵銳 天下久

自然耳。 大鎮、 定 一 今判而爲二,其顯顯有害者,屯砦山川要險之地裂而有之,平時號令文移不 體也,自先帝以來爲一 道,帥專而兵不分,故定揕其胸,則鎭擣其脅,勢

列

傳

第

四

十 三

末

能 居安思危,熟計所長,必待事至而後圖之,殆矣。 無事 賊脫 時以與爲治所,有事則遷治定,指授諸將, 叩營 壘, 則彼 此不相謀,尚肯任此 責邪 ! 請合鎭、定爲一路, 權一而責有歸,策之上也。 以將相 陛下當 大臣 領

封,乞下樞密院、三司裁制之。 可以文陳,臣所論件目繁碎,要待刀筆吏委曲可曉,臣已便俗言之,輒別上擇將畜財 入,以河東健馬佐鎭、定兵,掩其惰若歸者,萬出萬全,此一奇也。 河東馬疆,士習善馳突,與鎭、定若表裏,然東下井陘,不百里入鎭、定矣。 臣聞事切於用者,不 賊岩深

湯藥。 子 祉 益 及嘗言亦在定州不治,縱家人貸公使錢數千緡,在圖奢侈過度。 T 降封 稷深 部 部 多游 尙 又 復爲 書。 郡 計 上禦戎論七篇。加端明殿學士,特遷東部侍郎、 王,以 ,莫若 燕,且其兄方執政,不可任三司。乃加 《羣牧使,尋卒。 遺奏曰:「陛下享國 以羸疾請便醫藥,入判尙書都省。 避 擇宗室賢材,進饀親王,爲匕鬯之主。 正 嫡,此定 人心 、防禍 患之 大計 踰月, 拜翰林學 四十年,東宮虚位,天下係望,人心未安。 龍圖 也 閣學士、知 若六宮有就館之慶, 知益州。 上 鄭州。 既而 一承旨, 尋除三司使。 御史中丞包拯亦言祁 唐書成, 遷左 韶遇入直許一子主 望嗣蕃衍 右司諫吳 泛,進 則宗

又 自為誌銘及治戒以授其子:「三日斂,三月葬,愼無為流俗陰陽拘忌也。 棺用雜木,

記

柏,墳高三尺,石翁仲他獸不得用。若等不可違命。若等兄弟十四人,惟二孺兒未仕,以此 不名家,文章僅及中人,不足垂後。 .其四會,三塗卽止,使數十年足以腊吾骸、朽衣巾而已。 爲吏在良二千石下, 勿請諡,勿受贈典。 毋以金銅雜物置冢中。 冢上植 且吾學 Тi. 株

漆

諉莒公。 莒公在,若等不孤矣。」後贈尚書。

集韻 以此云。 久之,學士承旨張方平言祁法應得諡,諡曰景文。 |祁兄弟皆以文學顯,而||祁尤能文,善議論,然淸約莊重不及||庠,論者以||祁不至公輔,亦 又撰大樂圖二卷,文集百卷。 修唐書十餘年,自守亳州,出入內外嘗以稿自隨,爲列傳百五 祁所至, 治事明峻, 好作條教。 一十卷。 其子瓊治滅不請諡, 預修籍田記、

諸子而 陳之家法,宋之友愛,有宋以來不多見也,嗚呼賢哉 修馬政,滅冗官,有足稱者。 論曰:咸平、天聖間,父子兄弟以功名著聞于時者,於陳堯佐、宋庠見之。 益著。 堯佐相業雖不多見,世以寬厚長者稱之。 庠明練故實, 文藻雖不 速派,孤 堯叟出典方州,入爲侍從,課布帛, 風雅操,過祁遠矣。 省華 君子以爲 聲聞,由

校勘記

- 桂州 原作「柱州」,據隆平集卷五、東都事略卷四四本傳改。
- (三) 父玘 「玘」原作「杞」,據宋祁景文集卷六二宋玘行狀、王珪華陽集卷三六宋庠神道碑改。
- 3 移鎮武寧軍 「寧」字原脫,據華陽集卷三六宋庠神道碑、長編卷二〇〇、東都事略卷六五本

傳改。

- 南方冶 年綱目卷一〇改。 銅匱而不發 「南方」原作「尙方」。 據景文集卷二六上三冗三費疏、 長編卷一二五、編
- 至 居三月 「三」原作「正」,據琬琰集上編卷七宋祁神道碑、編年綱目卷一四改。
- (2) 則薄深趙邢洛 「薄」原作「博」。景文集卷二九上便宜额子作:「則進薄深、趙、邢、洛」,「博」

當是「薄」之訛。

據改。

宋史卷二百八十五

列傳第四十四

陳執中 劉沆 馮拯 子行已 伸己 買昌朝 弟昌衡 從子炎

伯祖父琰 梁適 孫子美

也。 記。 宗異而召之。帝屬疾,春秋高,大臣莫敢言建儲者,執中進演要三篇,以蚤定天下根本爲 因召對便殿,勞問久之,擢右正言。逾月,遂立皇太子。 翌日,帝以他疏示輔臣,皆贊曰「善」。帝指其袖中曰:「又有善於此者。」出之,乃演要 陳執中字昭譽,以父恕任,爲秘書省正字,累遷衞尉寺丞、知梧州。上復古要道三篇,眞

明年,坐考御試進士卷差謬,貶衞尉寺丞、監岳州酒務。 稍復殿中丞、通判撫州,復右

正言。

曹利 用壻盧士倫除福建運使,憚遠不行,利用爲請,乃改京東。 執中嘗劾奏之,利用挾

傳第四十四 陳執中

列

私 忿,出 執中知漢 陽 軍。 及利用得罪,乃召爲羣牧判官、權三司鹽鐵判官、知諫院 提舉諸

司 庫務,以尙 書工部員外郎兼 御 史知 雜 、同判流 使還, 知應天府,徙江寧府、揚州,再遷工部郎中, 內銓,遷三司 戸部 副 使。

改龍 圖 閣直 學士、知永興軍 ,拜右諫議大夫、同 知 樞密院 事

明

道

中,

安撫京東,進天章閣待制。

險, 勢方張,宜靜守以驕其志,蓄銳以挫其鋒,增土兵以備守禦,省騎卒以減轉饟。 愁 保,小至則 落皆大壞。 說,失於戒 池 如 千屬之,使爲三砦之援。熟羌居漢地久者,委邊臣 兵,竊發西 以其次 嘆,復欲偏修城池如河北之制,及夏須成, 涇原康奴、滅臧、大蟲族,久居內地,常有叛心,不肆剪除,恐終爲患。 非如 元昊寇延州, 河北,惟涇州、鎮戎軍勢稍平易,若不責外守而勞內營,非策之上 如延州之廊、同,環慶之邠、寧,不過五 出門。 嚴; 垂,以游兵困勁卒、甘言悅守臣, 塞門、金明相距二百里,宜 劉平輕躁,喪其所部。 選閤門祗候以上爲寨主口、都監, 手詔咨訪輔臣攻守方略, 上下紛攘,遠近震駭 列修三城, 執中旣上對,退復奏疏曰:「元昊乘中國久不用 一旦連犯亭障, 使神運之猶恐不能,民力其堪 一七處,量爲營葺,則科率減、民 拊存之; 城屯兵千人, 以諸 司 反覆者,破逐之。至於新 延安幾至不保。 使爲盧關 自 金明李士彬族破,而 益募弓箭手。 今軍 路都巡檢, 也。 力蘇 此蓋范 此 ·須之出, 寇大 乎? 然後徐議盪 宜 蓚 拊 陝西 並 至 雍 以兵二 並 ï 點 羌, 一邊城 邊籬 約 則 今賊 地 退

平,改張節度,更須主張,將臣橫議不入,則忠臣盡節而捐軀矣。」

諸州,朝廷重興役,有詔不許。 稟命,非所以制勝,宜屬四路各保疆圉。 部曰:「寇籍吾水草,鈔邊圖利,不除,且復至。」命悉焚之。 同經略安撫招討使。 旣 而 議刺土兵,久不决,罷知青州。 與夏竦同知永興軍,議邊事多異同, 執中不奉詔,卒城之。 又以資政殿學士知河南府,改尚書工部侍郎、陝西 朝議善之。 就知陝州,復徙青州。 表解兵柄,以爲兵尚神密, 詔令互出巡邊, 乃屯涇州, 於是請城傅海 千里

昭文館大學士、監修國史,踰月復官。 諫 樞密使。 官孫甫、蔡襄極論不可,帝遣使馳賜敕告。 明年,沂卒王倫叛,趣淮南,執中遣巡檢傅永吉追至采石磯,捕殺之。 西夏納款,與宰相賈昌朝請解樞密。七年春,旱,昌朝罷,執中降給事中。 踰年,拜同中書門下平章事、集賢殿大學士兼 召拜參知政事。 已而加

宰相 東便門,以防漏泄。 丁夫增築二百里,以障橫潰。 度使、同平章 皇站 文彥博、宋庠以爲禮薄,帖麻改兵部尚書。 初,以足疾辭位,自陳不願爲使相、大學士,學士孫抃當制,遂以尚書左丞知陳州。 事、判大名府。 三司勾當公事及監場務官,權勢所引者,皆奏罷之,內外爲之肅然。 河決商胡,走大名,程琳欲爲堤,不果成而去。 以吏部尚書復拜同平章事、昭文館大學士。 遷吏部、觀文殿大學士。久之,拜集慶軍節 每朝退, 閉中書 執中乘年豐調

列

傳

第

宋

道、 陛下 列八 至以 賜告,就第拜司徒、岐國公致仕,卒,贈太師兼侍 辭節,改尙書左僕射、觀文殿大學士, 趙 洙爲 ·欲弭災變,宜速退執中以快中外之望。」旣而 事. 會張 抃 奏 請合班論 貴 **刻執中,歐陽脩** 員 外 妃 薨, 翰林學 奏, 治 喪皇儀殿, 主 詔令: 全彬領 亦言之。 輪日入 追册爲后。 觀察使,給留後奉。 對,卒罷執中爲鎭海軍節 至和三年春, 旱, 封英國公,徙 王洙、石全彬務以非禮導帝意 中。 御史中丞孫抃,與其屬 河南府, 諫官范鎭言:「執中 久之, 嬖妾笞小婢出 又徙曹州,皆不赴。 度使、同平 章 爲 郭申錫、毋湜、范師 事、判 外舍死 相,不 執中 過都 病 隨 御 而 輒 史趙抃 家居。 奉行, 踰

其治 率羣 第,寵祿光大矣; 我 白 遭 爲 世承 御 而 :史所言,遂詔中書、樞密自今非聚廳無見賓客。 家無足言者。 司考正儀典,知治喪皇儀非嬪御之禮,追册位號於宮闈有嫌,建廟用樂踰 行之,此不忠之大者。 闊門之內,禮分不明,夫人正室疎薄自絀,庶妾賤 執中在中書八年,人莫敢干以私,四方問遺不及門,惟殿前都指揮使郭承祐數至其家, 平,因緣一言,遂至貴顯。 也。』豈不 陋哉?諡 得位行政,賢士大夫無述焉,不勤成名矣:請諡曰榮靈。」後改諡恭襄,詔謚 宰相 不能秉道率禮,正身齊家,方杜門深居, 法:『龍祿 天子以後宮之喪, 問所以葬祭之禮, 光 (大日榮』,『不勤成名日 及議 一諡,禮官韓維曰:「執中以公卿子, 靈」。執中出 謝絕賓客, 曰:『我無私 執中位上相,不能總 入將相,以一品就 人悍逸不 祖宗舊制,皆 也,

日恭。帝篆其墓碑曰「褒忠之碑」。

子世儒,官至國子博士,妻李與羣婢殺世儒所生母,世儒與謀,皆棄市。

不起, 臺曰聰明臺。流母夢衣冠丈夫日牛相公來,已而有娠,乃生流。 彭玕,幾活萬人,後世當有隆者。」因名所居北山日後隆山。 洪以兵,欲脅衆附湖南,景洪僞許之。復以州歸行密,退居不仕。 劉沆字沖之,吉州永新人。祖景洪。始,楊行密得江西,衙將彭玕據州自稱太守,屬景 官其子煦爲殿直都虞侯。父素,不仕,以財雄里中,喜賓客。景洪嘗告人曰:「我不從 山有牛僧孺讀書堂,即故基築 及徐温建國,以禮聘之,

耶 ? 州 州縣,二十年不得直,沉至,復訴之。 懷信挾詔命,督役嚴峻,州將至移疾不敢出,沈奏罷懷信。 二,爲大理評事、通判舒州。 爾始爲券時,嘗如敕問鄰乎?其人固多在,可訊也。」尹氏遂伏罪。 大姓尹氏欺鄰翁老子幼,欲竊取 及長,倜儻任氣。舉進士不中,自稱「退士」,不復出,父力勉之。 有大獄歷歲不决,沆數日决之。章獻太后建資聖浮圖,內侍張 、其田,乃僞作賣券,及鄰翁死,遂奪而有之。 尹氏持積歲稅鈔爲驗,沈曰:「若田 再遷太常丞、直集賢院,出 天聖八年,始擢進士第 千頃,歲輸豈特此 遷太常博士,歷三 其子訴于 知衡

列

傳第四十四

劉沈

沈 司 以酒 度支、 ,沉霑醉拂袖起,因駡之,坐是出 部 判官、同修 起 居注,擢 右 E 知潭州 言、 知制 誥、 又降知和州 判 東部流 內銓 改右 諫議 奉使契丹 大夫、 知江 館 件杜防 州 強

中, 堂 沈 遷 徙 破 時 尙 洪州 桃 兵 湖南蠻猺數出寇,至殺官吏。 書 油 全柱 J. 平、能家源,斬馘 還, 部 陽,招降二千餘人,使散居所部, 知審 侍 郞 刑 院,除 踰 年,拜 甚衆。 知永 一參知 興軍。 已而 政 以沈 賊復出,殺裨將胡元, 頃之,以龍 為龍 圖 而蠻鳕降者皆奏命以官。 閣直學士、知潭州兼安撫使,許 圖閣學士權知開封府,數發隱伏。 坐降知鄂州,徙京南, 又募土兵分捕餘 便宜 遷給 蓯 祀 明

賜 大 進,爭論 方 學士, 后 閣 初 辭 中 之,帝 沈 改 不 金器 在府, 遠 及曹氏 「陵使。 i 數百 不 聽 有 兩, 張 御 曹氏, 貴妃 彦方者,客越 力辭 史中丞孫抃、 薨, 張 而 貴 追 請 妃 册 其 **皇后**, 國 母 子 御 也。 夫人曹氏家,受富民金,爲僞告敕。 史 瑾 沈爲監 (范師 試 流 學 既用, 士院 道 蓝護使。 毋湜言, 渗 諫官、御 帖 數月, 宰相 職 史皆 拜 不 當 謂 同 中書 爲 沈 贈后典葬,不報 於彥方獨 門下 既敗緊獄,流抵 平章 不 一,疑以 集賢殿

監 踰 數 司邊防寄任,授非公選, 十, 時 口 皆浮 可 薄權 否 [多用 豪 之流 例 交相 人 多出 或 援 薦 私門。 舉。 例 以 訟 有 又職掌吏人遷補有常, 司 而 以 法 之貿易, 有 不 行 而 *۳*,0 遂 沈 使 進 省、 冒 而或減選出官、 三弊 府、 臺、 日: 閣 近近 華 臣 **資要職**, 保 超資換職、堂 薦 辟 路

當入近地,又求在京,及堂除升陟省府、館職、檢討之類。此近臣陳匄親屬之弊二也。其 F. 持法,多以例與之。此敍勞干進之弊三也。 敍錢穀管庫之勞、捕賊昭雪之賞,常格雖存,僥倖循甚。 除便家、先次差遣之類。 滿二歲者與知州。御史范師道、趙抃歲滿求補郡, 流引格出之,中丞張昪等言 流挾私出 疾言事官,因言:「自慶曆後,臺諫官用事,朝廷命令之出,事無當否悉論之,必勝而後已,專 旣施行,而衆頗不悅,尋如舊。 所謀,臣莫測也。」昇等益論辨不已,罷沉爲觀文殿大學士、工部尙書、知應天府。遷刑部尙 御 務抉人陰私莫辨之事,以中傷士大夫。執政畏其言,進擢尤速。」沆遂舉行御史遷次之格, 害,徙陳州 論者以爲非故事,由學士楊察之誤,乃帖麻改沆監修國史,弼爲集賢殿大學士。 沈旣 沉長於吏事,性豪率,少儀矩。 文彥博、富弼復入爲相。 時樞密使狄青亦因御史言,罷知陳州,沈奏曰:「御史去陛下將相,削陛下爪牙,此曹 此近臣保薦之弊一也。 **彦博爲昭文館大學士,弼監修國史,沈遷兵部侍郎,位在弼** 然任數,善刺探權近過失,陰持之以軒輊取事,論者以 願詔中書、樞密,凡三事毋用例,餘聽如舊。」事 審官、吏部銓、三班當入川、廣,乃求近地, 以法則輕,以例則厚,執政者不能 帝爲篆墓碑曰「思

此 少之。卒,贈左僕射兼侍中。 列 傳 第 79 + 뗏 劉 沆 馮 知制誥張瓌草詞詆沆,其家不敢請謚。 拯 九六〇七

賢之碑」。子瑾 , 嘗爲天章閣待制, 坐法免, 後以功復職。

馮拯字道濟。父俊,事漢湘陰公劉贇。 **贇死,俊與從行千餘人繫侍衞獄,周太祖赦出**

授檢校太子賓客,戍安遠軍馭馬鎮,辭不行,因徙居河陽。

峽州 知 石州,擢右正言,歲餘代歸。 ,權知澤州,徙坊州,遷太常丞。 |拯以書生謁||趙普,|普奇其狀,日:「子富貴壽考,宜不下我。」 舉進士,補大理評事、通判 出使河北, 江南旱,命馳傳振貸貧乏,察官吏能否,還奏稱旨。 與轉運使樊知古計邊儲。 還判三司戶部 理 欠憑 權

由司,爲度支判官。

舊在惟節上,及奏事如故,準切責之。脈上書言準阿意不平,準坐此 彭惟節皆遷尙書員外郎,惟節以太常博士爲屯田員外,而拯以左正言爲虞部員外。 太宗欲召還參知政事,寇準素不悅拯,乃徙知鼎州。 悉貶嶺外。 淳化中,有上封請立皇太子者,拯與尹黃裳、王世 極知端州,既至,上言請遣使括諸路隱丁、更制版籍及議鹽法通商,凡十餘事。 改通 則、洪湛伏閣請立許王元僖,太宗怒, 判廣州 郊祀 畢,覃恩,拯與通 拯書名 判

|拯以母喪請內徙,命知江州。 | 眞宗即位, 進比部員外郎。 御史中丞李惟清表為推直官,

判 司度支勾院,遷駕部。 咸平初,坐試開封進士賦涉譏訕,下拯御史臺,未幾釋之。

判吏部流內銓。 明年, 同勾當三班院。 超等果逗撓覆軍。 兼侍御史知雜 以審官及銓法未備,建請凡蔭補京官,試讀一經,書家狀通習爲中格,始得 向敏中宣撫河北、河東,拯及陳堯叟爲副,宴餞長春殿。 事 0 命拯按傳獄,抵潛罪, 竄流之。 時 西 北用兵, 王超、傅潛將兵出定、瀛間, 擢祠部: 郎 中、樞密直學士,權 觀望玩寇,拯極論

牘二十一萬五千本,倂廢冗官十五員。 歲,水旱或由於此。」詔拯選幹強吏同三司使裁冗事、督舉稽留,遂與判度支勾院孫冕省帳 便。 卒修完之。時上封者言:「三司多滯務,州郡稟疑事, 吏民訴理寬獄, 依違不决者輒數 宰相呂蒙正、參知政事王旦王欽若皆曰宜棄勿修。 明年,以右諫議大夫同知樞密院事。 帝欲修綏州,謀諸輔臣,拯與宰相向敏中等皆日 帝遣洪湛馳驛往視,還,上七利二

奏敵 要地 衝, 於唐河增屯兵至 未易勝也。 方來,旣聚 遷 契丹初壓境,王師未行,而 尚書工部侍郎、簽書樞密院事。 軍中山 若於保州、威虜間,依徐、鮑河爲陣,其形勢可取勝矣。前歲王顯違詔 一六萬, 以救望都,而兵困糧匱,將臣陷 控定武之北為大陣, 契丹騎已入鈔,賴霖雨乃遁去。 賜手札訪邊事,拯謂:「備邊之要,不扼險以制敵之 邢州置都總管爲中陣 一<u></u> 歿幾盡,超等僅以 比王超奏敵已去,而 天 雄 身冤。 軍置鈴轄爲後陣, 今防秋,宜 東路 不趨

冽 傳

第 四

-ĮЩ

馮

扬

罷 莫州 狼 山兩路兵。」從之。

景德中,爲參 知 政 事,再遷兵部侍郎。 攝事 享太廟, 有司 供 帳 幔, 守奉人宿廟室前, 喧

囂 不 ·肅,拯以聞。 詔專爲廟享製帟幕什器,藏宗正寺,禁吏卒登廟 階

敕, 臣下 刑獄 莫敢言其失也。」王旦進曰:「詔敕宜簡,近亦傷於煩。」拯對曰:「開寶間,除諸州通判 朝 廷 线錢 上 以信爲守,然戒備不可廢也,此外,當靜治以安吾民爾。 〈穀悉條列約束,今則略矣。」時契丹始盟,拯言邊方騷動, 編敕,帝以其煩簡不一,語輔臣曰:「顯德敕尤煩,蓋世宗嚴急,出于一時之意 爾其奉承之。」 武臣幸之以爲利

尙 退。 書左 帝 中 丞 日 祥符 可 以疾 以觀 初,嚴貢 在告,數請 才識者,文論也。」「拯論事多合帝意 舉糊名法。 罷,帝以 拯與王旦論選舉帝前, 手詔諭旨,又命宰相 如此。 王旦就第勸拯起 拯請棄攷策論,不專以詩賦爲進 封泰 山,爲儀仗使。 視 事 進

郡, 藩, 官 下平章事充樞密使。 屬 殆 何 從 爲 郭? 七 祀 此 年, 汾 也。」 陰, 日 除 再 對 御 爲儀 日 知 史 一二馬 河南府, 遷兵部尚書, 中丞, 仗使, 其多,拜右僕射兼中書侍郎、 知 節 遷工 又以 嘗譏拯 疾 一部尚書。 辭, 好富 除 貴,所以 戶部尙 復以 入判 疾 尚 欲 書、 書 求罷,拜刑 太子少傅、同平章事 節度 都 知 省,以 陳州 使爾 部尚書、知 吏部尚書、 眞宗嘗謂 拯恐爲知節所量,不 檢校 河 王旦日:「拯固 集賢殿大學士,進 南府,聽以府事委 太傅、 同 敦 中 請 水 閑

左僕射。

謝。 哉?第失奏山陵事耳。」太后怒少解。謂旣貶,拯代謂爲司徒、玉清昭應宮使、昭文館大學 后怒甚,語欲誅謂。」拯進曰:「謂固有罪,然帝新卽位,亟誅大臣,駭天下耳目。 得罪,頗哀請。 中不知也。 內司賓撫問。還奏其家儉陋,被服甚質。太后賜以衾禂錦綺屏,然拯平居自奉侈靡,顧然 士、監修國史,又爲山陵使,奉安眞宗御容于西京。 五上表願罷相,拜武勝軍節度使、檢校太尉兼侍中、判河南府。 乾興元年,進封魏國公,遷司空兼侍中。 既卒,贈太師、中書令,諡文懿。 錢惟演遽曰:「當致力,無大憂也。」拯熟視惟演,惟演踧踖。及對承明殿,太 輔臣會食資善堂,召議事,丁謂獨不預。 尋在病告,帝賜白金五千兩,拯叩頭稱 即臥內賜告及旌纛,造 謂豈有逆謀 謂知

演營入相,拯以太后姻家力言之,遂出惟演河陽。子行已、伸己。 事,使詣中書;旣至,又遣堂吏謂之曰:「公事何不自達朝廷?」卒不見,特大愧而去。 錢惟 拯氣貌嚴重, 宦者傳詔至中書, 不延坐。工部尚書林特嘗詣第, 累日不得通, 白以容

行己字肅之,以父任爲右侍禁、涇原路駐泊都監、知憲州,因治狀增秩。 歷石、保、霸、

冀、莫五州,所至有能稱。

列傳

第

四十四四

馮拯

夏 人旣納款,疆候播言契丹治兵幽燕,大爲戰具。 議者欲解西備北,行己言:「遼

與國,元昊入貢,容懷詭計,幽燕治兵,或爲虚聲,邊鄙之虞,恐不在河朔也。

部 且 一盜耕屈野 皇祐中,知定州,韓琦薦爲路鈴轄。 河西田 ,遇官軍逴邏者, 輒聚射。 徙知代州,管幹河東緣邊安撫事。 韶行己計之。行已言:「此姦民無忌憚,非 夏人掠鱗州

君長過,不宜以細故啓大釁,但加戒戢足矣。」

仕,預洛陽耆英之集。 進 西 上閤門使, 五 臺 山 寺調廂兵義勇繕葺,爲除和糴穀三萬,行已謂不可捐歲入之儲,以事不急之務。 四遷客省使,更高陽關、秦鳳、定州、 元祐中,終金州 .觀察使,年八十四 大名府路馬步總管,以衞州防禦使致

俞 獻 可 伸己字齊賢, 辟 知 廉州 以蔭補右侍禁。 久之,安化蠻擾邊,獻 累遷西頭供奉官,授閤門祗侯、桂州兵馬都監。 印 文 薦 知宜州 轉運使

道改 道恭謝, 數 《里,有 供備 天 聖 中, 金花木,土俗言花開即 改東染院使、領榮州刺史、梓變路兵馬鈴轄,遷洛苑使、知桂州兼廣西鈴轄。 庫使、 改桂、宜、融、柳、象沿 知邕州 治舍有井,相傳不 瘴起, 邊兵馬 人不敢近。 都監, 敦 飮 了,飲 遂 伸己故以 專溪 輒 死。 峒 花盛 伸己 事。 以禮· 時 日 甜燕其下,亦 汲 自 賓使復知宜州 供,終更 無恙 復 無 害。 代還, 道江 旁城 明

陵,會安化蠻犯邊,官軍不利,仁宗遣中人趣伸己討之。伸己日夜疾馳至宜州,繕器甲,募 亡耶! 今我奉天子命來,汝聽吾言則生,不則無噍類矣。」衆仰泣羅拜曰:「不圖今日再見 丁壯,轉糧餉,由三路以進。 伸己臨軍,單騎出陣,語酋豪曰:「朝廷撫汝甚厚,汝乃自取滅

馮公也。」明日,蠻渠棄兵械率衆降軍門。

勞遷西上閤門使、知宜州。樂善蠻寇武陽,伸己遣諭禍福,蠻大悅,悉還所掠。又莫世堪 桂州,改右武衞大將軍,守本官分司西京,卒。 貪險強點,抄劫邊戶,爲疆場患。<u>伸已設伏擒捕,皆置于法。遷果州</u>團練使。在宜二年,徙 初,部卒以覆將畏匿,伸己曰:「紀律不明,主將也,戰士何罪?」請於朝,貸其死。

範無功妄要賞,遂編管全州。其後希範遁歸,謀爲亂,欲殺伸己,嶺外騷然,議者皆罪伸己 始,安化蠻叛,區希範應募擊賊。賊平,希範詣闕,自言其功。朝廷下宜州,伸己謂希

賈昌朝字子明,真定獲應人。晉史官緯之曾孫也(三)。

天禧初,眞宗嘗祈穀南郊,昌朝獻頌道左,召試,賜同進士出身,主晉陵簿。 賜對便殿,

九

帝多所質問,昌朝請記錄以進,賜名邇英延義記注,加直集賢院。 易月制除,猶諱父名,非尊宗廟也。」詔從之。 以 除 老辭,薦昌朝自代,召試中書,尋復國子監說書。 經 國 子監說 術 進,如二公。」爲潁川郡王院 書 孫 颠 判監,獨稱昌朝講說有師法。 伴 讀。 再遷殿 景祐中,置崇政殿說書,以授昌朝。誦說明白, 上言:「禮,母之諱不出於宮。 中丞,歷知宜興、東明縣。 他 日 書路隨、韋處厚傳示昌朝日:「君當 奭 (侍讀: 今章獻太后 禁中,以

骨、銅像,昌朝請加賜遺還,毋以所獻示中外。 以 遷尙書禮部郎中、史館修撰。 恐懼修省。』近年寺觀屢災,此殆天示警告,可勿繕治,以示畏天愛人之意。」西域僧獻佛 太平興國寺災,是夕,大雨震雷。朝廷議修復,昌朝上言:「易震之象曰:『洊雷震,君子 悉行其言。 天章閣置侍講,亦首命昌朝。

不收。 日:「法 先帝] 劉 平爲元昊所執,邊吏誣平降賊,議收其家。 如 擢 此 厚撫王繼忠家,終得繼忠用。 知 制 ,則小縣終不得善令。 諮、 權判吏部流內銓兼侍講。 請概舉令,而與之奉如大縣。」 平事未可知,使收其族,雖平在,亦不得還矣。」乃得 初, 銓法,縣令奉錢滿萬二千,乃舉令。 昌朝曰:「漢族殺李陵,陵不得歸,而漢悔 昌朝

繒 昭契丹使攻元昊,昌朝曰:「契丹許我有功,則責報無窮矣。」力止之。 乃上言曰: 「太祖初 進龍 圖 閣 直 學士、權 |知||開 封府, 遷右諫議大夫、權 御 史中丞兼判國子監。 議者欲以金

之弊也。今楊崇勳、李昭亮尙任邊鄙,望速選士代之。方鎭守臣無數更易,刺史以上,宜愼 况親舊、恩倖,出卽爲將,素不知兵,一旦付以千萬人之命,是驅之死地矣。 此用親舊、恩倖 叛,

上不練習,將不得人,以屢易之將馭不練之士,故戰則必敗。 名譽,多非勳勞,坐取武爵,折衝攻守,彼何自而知哉?然邊鄙無事,尚得自容。 時,將帥率多舊人,猶能仗威靈,稟成算,出師禦寇,所向有功。 有 天下,監唐末五代方鎮武臣、土兵牙校之盛,盡收其威權,當時以爲萬世之利。 近歲恩倖子弟,飾廚 。此削方鎭太過之弊也。 自西羌之 及太宗 演,釣

所授,以待有功。此救弊之一端也。」又上備邊六事: 得專戮之。」漢瓊等股栗而退,此馭之以威也。太祖雖削武臣之權,然一時賞罰及用財 曹彬、李漢瓊討江南,太祖召彬至前,立漢瓊等於後,授以劍曰:「副將以下,不用命者 可乙否,上行下戾,主將不專號令,故動則必敗。 集事,皆聽其專,有功則賞,有敗則誅。今每命將帥,必先疑貳,非近倖不信,非姻舊不 大效,得一切便宜從事。 太祖脱裘帽賜王全斌曰:「今日居此幄,尙寒不可禦,况伐濁將士乎?」此馭之以恩也。 今陜西四路,總管而下,鈴轄、都監、巡檢之屬,悉參軍政,謀之未成,事已先漏,甲 其一曰馭將帥。自古帝王,以恩威馭將帥,賞罰馭士卒,用命則軍政行而戰功集。 偏裨有不聽令者,以軍法論,此馭將之道也。 請自今命將,去疑貳,推恩惠,務責以

九六一五

每鄉爲軍。 內地州縣,增置弓手,如鄉軍之法而閱試之。 糧奉,多就黥涅爲營兵。

宜優復田疇,使力耕死戰,世爲邊用,可以減屯戍、省供饋矣。 廢已久,陝西土兵,數爲賊破,存者無幾。臣以謂河北、河東強壯,已召近臣詳定法制, 其二曰復土兵。今河北河東強壯、陝西弓箭手之類,土兵遺法也。 其材能絕類者,籍其姓名遞補之。陝西蕃落弓箭手,貪召募錢物,利月入 河北鄉軍,其

衆不爲用乎? 啓殿有次序、左右有形勢,前却相附,上下相援,令之曰:「失一隊長,則斬一隊。」何慮 舊例三年轉員,謂之落權正授,雖未能易此制,卽不必一例使爲總管、鈴轄,擇有才勇 可任將帥者授之。况今之兵仗製造,殊不適用。宜按八陣、五兵之法,以時敎習。使 繒綵者笞責之。異時被鎧甲、冒霜露,戰勝攻取,皆此曹也。今營卒驕惰,臨敵無勇。 其三曰訓營卒。太祖朝,令諸軍毋得食肉衣帛,營舍有粥酒肴則逐去,士卒有服

又不下數千萬, 則雲中、鴈門。今自滄之秦,綿亙數千里,無山河之阻,獨恃州縣鎭戍爾。歲所供贍, 掎 角中國之勢。借使以歲幣羈縻之,臣恐不可勝算。古之備邊,西有金城、上郡,北 其四日制遠人。今四夷蕩然與中國通,在北則臣契丹,其西則臣元昊,二國合從 一穀不熟,或至狼狽。契丹近歲兼用燕人治國,建官一同中夏。元昊

北如黑水女真、高麗、新羅之屬,舊通中國,募人往使,誘之使歸我,則勢分而釁生,體 據 河南列郡而行賞罰,此中國忠也。 宜度西方諸國如沙州、唃厮、明珠、滅臧之族,近

解而 瓦裂矣。

期也。 東折氏之比,庶可爲吾藩籬之固也。 朝廷恩威不立,彊敵迫之,塞上諸州,藐焉孤壘,蕃部旣壞,土兵亦衰,破敵之日,未可 其五日綏蕃部。 臣請陝西緣邊諸路,守臣皆帶「安撫蕃部」之名,擇其族大有勞者爲酋帥, 屬戶者,邊垂之屛翰也。 延有金明,府有豐州,皆戎人內附之地。 如河

謹 如此。 其六曰謹覘候。古者守封疆,出師旅,居則有行人之覘國,戰則有前茅之慮無,共 太祖命李漢超鎭關南,馬仁瑀守瀛州,韓令坤鎭常山,賀惟忠守易州,何繼筠

州,馮繼業鎭靈武。 臨陣自衞,無殺將之辱;募死力爲覘候,而望敵知來,無陷兵之恥。 藉,何以破敵制勝耶?願監藝祖任將帥之制,邊城財用悉以委之。募敢勇之士爲爪牙, 狀與山川、道路險易之勢,絕不通曉。使蹈不測之淵,入萬死之地,肝腦塗地,狼狽相 以爲間諜,羌夷情狀,無不預知。二十年間,無外顧之憂。今日西鄙任邊事者,敵之情 領棣州,郭進控山西,武守琪戍晉陽,李謙溥守隰州(三,董遵誨屯環州,王彦昇守原 筦権之利,悉輸之軍中,聽其貿易,而免其征稅。 邊臣富於財,得

列 傳

第

+ 四

買

昌

朝

書奏,多施行之。

參知 折者,悉聽奏裁。 宜依典故致仕,有功狀可留者勿拘。」 因疏耄昏不任事者八人,令致仕。 政事。 昌朝請度經費,罷不急。 上言:「用兵以來,天下民力頗困。 雖奉旨及三司文移,於民不便者,亦以上聞。」 詔與三司合議,歲所省緡錢百萬。 。請詔諸路轉運使,毋得承例折變科率,須科 又言:「朝臣 七十, 慶曆三年,拜 筋力衰

拜昭 遷二府官,益固辭。 死。」元孫 乃奉二后神主,升祔眞宗廟。 懿 誕 育聖躬,宜如祥符升祔元德皇后故事。 文館大學士,監修國史。元昊歸石元孫,議賜死。昌朝獨曰:「自古將帥被執,歸者多不 以工部侍郎充樞密使,尋拜同中書門下平章事、集賢殿大學士,仍兼樞密使。 由是得免。 元昊既款附,請宰相罷兼樞密使。 韶有司議升附奉慈廟三后,有司論不一。昌朝曰:「章獻母儀天下,章 密韶遷中外官一等,優賜諸軍,昌朝與同列力疏,乃止。又詔 章惠於陛下有慈保之恩,當別享奉慈廟如故。」 居兩月,

之。」昌朝對曰:「陛下此言,足以弭天變, 而修德,猶 六年, 人臣畏法而 日食。 帝謂昌朝等日:「謫見于天, 自新也。」昌朝因頓首謝。 臣敢不夙夜孜孜以奉陛下。」帝又曰:「人主懼 願歸罪肸躬。 明年春,旱,帝避正寢,減膳。 卿宜究民疾苦,思所以利安 昌朝引漢災

異册免三公故事,上表乞罷

誣 參知 以事 政事吳育數與昌朝爭議上前,論者多不直昌朝。 ,迫令自殺。 高若 訥 知審刑院,附昌朝議,欲從輕坐。吳育力爭,綬卒減死一等。 有向綬者知永靜軍, 疑通判譖

校太傅、同中書門下平章事、判大名府兼北京留守司、河北安撫使。 未幾,若 訥 爲御史中丞,言大臣廷爭不肅,故雨不時若,遂罷育,而除昌朝武勝軍節度使、檢 帝賜銀飾肩輿。尋以

討貝州賊有功,移山南東道節度使。 契丹聚亡卒勇伉者,號「投來南軍」。 楊偕言賊發昌朝部中,不當賞。弗從。 邊法,卒亡自歸者死。 昌朝除其法,歸者輒遷補,

邊 於是來者稍衆,因廉知契丹事。 界。 昌朝爲立法,質地而主不時贖,人得贖而有之,歲餘,地悉復。 契丹遂拒亡卒,黜南軍不用。

邊人以地外質,契丹故稍侵

鄭州 辭僕射、侍中,改同中書門下平章事,賜中謝,自昌朝始也。 門下,視其儀物。 過闕 司使葉清臣移用河北庫錢,昌朝格詔不與,清臣論列不已,遂出清臣 入覲,留爲祥源觀使,拜尚書右僕射、觀文殿大學士、判尙書都省, 歲中求外,復除山南東道節度使、右僕射、檢校太師兼侍中、判鄭州 河陽,徙昌朝判 朝會班中書 固

悔。』悔者,凶災之萌,爻在亢極,必有凶災。 則 、冤悔而獲吉矣。『用九,見羣龍無首,吉』。聖人用剛健之德,乃可决萬機。 天下久盛,柔不 母 喪去位,服除,判許州。 召對邇英閣,帝問乾卦,昌朝上奏曰:「乾之上九稱:『亢龍有 不言凶而言悔者,以悔有可凶可吉之義,修德

列

僔

第

BLI +

四

買 昌 朝

劉 故 乃吉 帝 制 印 封 道 許 恢 納之。 废 以 不稱 濟 往 也 國 公, 視 然亢而 。還言 將 手 王 又兼侍中,尋以同 畿。 詔 行 語 優答。又言:「漢、唐都瘫,置三輔內翼京師, 過剛 河決趙征村,與帝名嫌 在 命講 請析京東之曹州,京西之陳、許、滑、鄭,皆隸開封府,以四十二縣爲京畿。」 河渠志。 讀官餞于資善堂。 又不能久。 六塔 中書門下 ·功敗, 獨聖人外以剛健决事,內以謙恭應物,不敢自矜為天下首, · 卒 爲不祥,時 濱、棣、德、博 復判大名府銀河北 事 爲樞密使 皆謂昌朝使之以搖當國 (四)民多水死, 朝廷都汴,而 安撫使。 昌朝振救之甚 時河決商胡,昌朝請 近京諸郡皆屬他道, [者。 嘉祐元年,進 內 侍 復

待宦 碑 景靈 徙 年,以疾 鳳 日「大儒 翔 宮使? 官, 節 留京師 宦 度使, 元老之碑」。 出 宰相 官 判 有 許 ,乃以左僕 加左僕射、 文彦 矯 州 制 」博請罷,諫官、御 者, 又 所著羣經音辨,通紀、時令、奏議、文集百二十二卷。 以保平 樞密院 鳳翔 射、 觀文殿大學士判尙 尹 軍節度、陝州大都督府長 釋不治。 , 進封 ·史恐昌朝代<u>彥博,乃相與言昌朝建大第,別</u> 魏 遂以鎭安軍節度使、右 國 公。 書都省,卒,年六十 治平 元 史移 年,以侍中守許州 大名府 (僕 射、檢校太師、侍 八,諡 兼 安撫 使。 力辭 英宗卽 別創客位 弗 御書墓 許 中 兼 位, 以 明 充

昌朝 侍講時, 昌 朝 在侍從, 同王宗道編修資善堂書籍,其實教授內侍, 多得名譽。 及執 政, 乃不 · 爲 正 人所與, 而數有攻其結宦官、宮人者 諫官吳育奏罷之。 及張方平留唐 初,

詢,而詢譖育,世以爲昌朝指 也。 然言者謂昌朝釋宦官矯制,後驗問無事實云。

子章,館閣校勘,蚤世。 青,朝請大夫。弟昌衡。

衡 良駑爲二等,上者送秦州,下者輒輕估直而抑買,昌衡請嚴禁之。 隨月日給之。 昌衡字子平。 瀘州邊夷蠻,故時守以武吏,昌衡請由東銓調選。 舉進士,爲梓州路轉運判官。 賈人請富順井鹽, 吏視賄多寡爲先後, 昌 徙提點淮南刑獄、廣東轉 蠻驅馬來市,官第其

致仕,卒。從子淡。 司,課羨,增秩右諫議大夫,加集賢殿修撰、知河南府,歷陳、鄆、應天府、鄧州。 熙寧更法度,核吏治,昌衡數以利害聞,神宗獎其論奏忠益。 召爲戶部副使、提舉市易 以正議大夫

運使,徙兩浙路。

徙 民不聊生。 相,轉運使李譓、陳敦復見所斂已多,遽請罷鑄。 鐵錢既復行,其輕加初,自關以西皆罷市 郸州、永興。 炎字長卿,以昌朝蔭,更歷筦庫,積遷至工部侍郎。 |炎 初,陝西行鐵錢久,幣益輕。一蔡京設法盡斂之,更鑄夾錫錢,幣稍重。京去 一切弛禁,聽從其便。 其後,宣徽使童貫又以兩者重輕相形,遂盡廢夾錫 政和中,以顯謨閣待制知應天府,

列傳

第四

+

四

買昌

朝

直學士、知永興。入對,留爲工部侍郎。 郡 耳。 其害;以爲是者,臣見其非。 曰:「故事無簽書兩房者,彼非執政,何賀爲?」會以疾卒,年五十八。 贈銀青光祿大夫。 不得用, 以養母。」乃命爲潁州,未行,復留。又與貫制疆事不合,貫沮之,改河陽,又改鄧州 邊甿 民益以爲苦。 生理蕭條,官又一再變法,鄜延去敵迫近,民殊不安。 炎徙知延安,因表言:「錢法屢變,人心愈惑。 中產之家,不過畜夾錫錢一二萬,旣棄不用,則惟有守錢 賈簽書樞密院河西、北兩房,侍從邀炎俱往賀 民不安則邊不可守,願 今人以爲利者,臣見 得內 而 死 加

簿,歷通 樞 密直 昌朝伯祖父琰。琰字季華,晉中書舍人、給事中緯之子也至。以蔭授臨淄、 學士。 判澧州。太宗尹京,奏以爲開封府推官,加左贊善大夫。及卽位,超拜左正議人人、 未幾,擢三司副使。太平興國二年,卒。 雍丘主

而 諸 兄相 琰 風 繼 神峻整,有吏幹,佐太宗居幕府凡五年,勤於所職。 死。 琰拊循孤 ,'幼,聚族凡百口,分給衣食,庭無間言,士大夫以此稱之。

僎 同掌 |琰子湜、汾。 軍 事,黎桓 汾子昌齡,第進士,爲屯田員外郎。 l偽降,全興信之,軍遂北,湜、僎並坐失律誅。 提至軍器庫使。 交阯黎桓之篡丁璿也,朝廷以孫全興將兵討焉。 汾至殿中丞。 **湜子昌符**,賜

同學究出身。

梁適字仲賢,東平人,翰林學士顥之子也。 。爲開封工曹,知崑山縣。 少孤, 嘗輯父遺文及所自著以進, 眞宗曰: 徙梧州, 奏罷南漢時民間折稅。

更舉進士, 「梁顥有子矣。」授秘書省正字。 知淮陽軍,又奏減京東預買紬百三十萬。 論景祐赦書不當錄朱梁後,仁宗記其

名,尋召爲審刑詳議官。

可拒乎?是甚於刃也。」卒論死。 梓州妖人白彥歡依鬼神以詛殺人,獄具,以無傷讞。 有鳥似鶴集端門,稍下及庭中,大臣或倡以爲瑞,適曰: 適駿日:「殺人以刃或可拒,而詛

「此野鳥入宮庭耳,何瑞之云?」

俟諫官有闕,可用也。」遂拜右正言。 饒、黃霸皆字次公。」帝悅,因詢適家世,益器之。他日宰相擬適提點刑獄,帝曰:「姑留之, 嘗與同院燕肅奏何次公案,帝顧曰:「次公似是漢時人字。」 肅不能對, 適進日「蓋寬

發遣 任 中師執政,以嫌改直史館,修起居注。 開封府。 林瑀由中旨侍講天章閣,適疏其過。 歲餘,出知兗州。 萊蕪冶鐵爲民病,當役者率破產以償,適募人爲之,自是民 奉使陝西,與范仲淹條邊機十餘事。 又言:「夏守贇爲將無功,不宜復典宥密。」會婦黨 進知制誥、權

黨擠逐, 不 憂冶戶 / 而 留爲翰林學士, :鐵歲溢。 再遷 御史交劾之,以侍讀學士知澶州,徙秦州 樞密直學士、知延州。 告歸治葬,過京 師, 入 知 得入見, 審刑院,擢 自言前爲朋 樞

使。

不可; 與陳執中不合。 契丹欲易國書稱 無名之國哉。」遂止。 非朝廷有矣。」乃遣狄青討之。 所以全之。」遂奪二使。 張 (堯佐一 張貴妃治喪皇儀殿,又以爲不可。將以適爲園陵使,適言國朝以來無此制,由是寖 日除四使,言者爭之力,帝頗怒。 南北朝,適日:「宋之爲宋,受之於天,不可改也。 進同中書門下平章事、集賢殿大學士。 **儂智高入寇,移嫚書求邕、桂節度,帝將受其降。** 賊平,帝曰:「向非適言,南方安危,未可知 適日:「臺諫論事,職 大璫王守忠求爲節度使,適 契丹亦其國名,自古豈有 耳。 也。」 適日:「若爾 堯佐恩實過,恐非 遷參知政事 ,嶺外

怙權 兵,羌不爲患。 州。 交於適子弟, 古渭 ,罷知鄭州。 適曉暢法令,臨事有膽力,而多挾智數,不爲淸議所許。 初建砦,間爲屬羌所鈔,益兵拒守,羌復驚疑。 適出虞卿提點陝西刑獄。及罷,帝卽還虞卿三司。復加觀文殿大學士、知秦 徙永興軍。 京師茶賈負公錢四十萬緡,鹽鐵判官李虞卿案之急,賈懼, 夏人盜耕屈野河西田累年,朝廷欲正封,以適爲定國軍節度使、 適具牛酒,召諭其種人,且罷所益 御史馬遵、吳中復極論其貪 與吏爲市,

知 士,以太子太保致仕,進太傅。 并州 ,至則悉復侵地六百里。 熙寧三年,卒,年七十,贈司空兼侍中,諡曰莊肅 還,知河陽,領忠武、昭德二鎭、檢校太師,復爲觀文殿大學

崇寧間,諸路漕臣進羨餘,自子美始。 中靖國初,除尚書郎中,中書舍人鄒浩封還之,改京西轉運副使。諫議大夫陳次升又言 海東青以求珠。 及徙成都路,累遷直龍圖閣、河北都轉運使,傾漕計以奉上,至捐緡錢三百萬市北珠以進。 「子美綠章惇姻家,連使湖外,承迎其旨意,一時逐臣在封部者,多被其虐,不宜使在近畿。」 孫子美,紹聖中,提舉湖南常平。 兩國之禍蓋基於此,子美用是致位光顯 時新復役法,子美先諸路成役書,就遷提點刑獄。 北珠出女真,子美市於契丹,契丹嗜其利,虐女真揃 建

虐,然有幹才,所至辦治云。 宣 和四年,以疾罷爲開府儀同三司、提舉嵩山崇福宮。 卒,贈少保。 子美爲郡,縱侈殘

然與劉沆皆寡學少文,希世用事。馮拯議論多迎合主意,昌朝明經術而尙阿私,梁適曉法令 論 日:此五 人者,皆以文吏爲宰相。 執中建儲 一言, 適契上意,不然,何超遷之驟也。

列傳第四

十四四

梁適

校

勘記

挾智術,斯君子所不與也。 若執中不受私謁,沉臨事強果,拯從容一言免謂於誅死, 此

九六二六

又足稱者焉。

而

校勘記

(二) 寨主 原作「塞主」,據長編卷一二六改。

(三) 晉史官緯之曾孫也 「曾」上原衍「從」字。 按王珪華陽集卷三七賈昌朝墓誌銘 隆平集卷五

東都事略卷六五本傳,都說昌朝是賈緯的會孫,據删。

李謙溥守隰州 「隰」原作「慶」,據本書卷二七三李進卿傳論、長編卷一三八改。

濱棣德博 引歐陽脩疏、長編卷一八二引周流疏,說到六塔河水患,都作「濱、棣、德、博」,據改。 濱 原作「賓」,宋代賓州在廣南西路,於地理上不合。 本書卷九一 河渠志、長編卷

二三 晉中書舍人給事中緯之子也 「緯」原作「偉」。 按上文質昌朝傳說賈緯是昌朝曾祖父, 本傳說

|改是|| | 朝伯祖父,此「賈偉」與前「賈緯」應是一人。舊五代史卷一三一有賈緯傳,「開運中累遷中

書舍人」,「太祖即位,改給事中」,與此處所敍正合。 據改。

